

رواية ملك فقيد الحب كاملة



بقلم الكاتبة نور زيزو

لتحميل المزيد من الروايات زوروا موقعنا

ايحي فور تريندس

او يمكنكم زيارة الموقع مباشرة من خلال

الروابط التالية

www.egy4trends.blogspot.com

www.egy4trends.com

#ملك_فقيد_الحب

___ الفصل الأول (1) ___

... بعنوان " زواج بالأكره " ...

___ قصر الحناوى ___

دلفت سيارة بيضاء BMW من بوابة القصر
بعد أن فتحتها البواب "ناجى" ، أبطىء
السائق من سرعة السيارة وهو يسير فى ممر
بين الحدائق الخضراء حتى وصل أمام نافورة
دائرية وداخل مياهها أسماك ملونة جميلة ،
ألقت السيارة حول النافورة ووقفت أمام
باب القصر فتحدث "يوسف" بنبرة جدية
للسائق الأربعين قائلاً :-

- ممكن تروح يا عثمان ، أنا مش هخرج تانى
النهاردة وكمان تلحق تقعد مع بنتك قبل ما
تجوز وتسيبك

- تسلم يا سعادة البيه

(يوسف جلال الحناوى :-

- رجل أعمال يملك شركة من أكبر شركات
الشرق الأوسط فى الأزياء والموضة ، ورث
رئاستها من والده منذ أربعة سنوات بعد
تقاعد والده بسبب مرض القلب ، يملك من
العمر 31 عام ومُثقف لحد كبير جدًا)

ترجل من السيارة بوقاره مُرتدي بدلة رمادية
وقميص أسود ثم صعد خمس درجات من
الدرج أعلاهم باب القصر ، دلف للقصر وكان
هادئًا فجاءت له رئيسة الخدم "تهانى" وسألها

:-

- بابا فين؟؟

- في الجنينة مع الهانم الكبيرة

أوما لها بنعم وهو يسير للداخل وكان على
الجانب الأيمن صالون وشاشة عرض والدرج
للطابق الأعلى وأسفل الدرج كان هناك
جناح نوم للخدم ، على اليسار كان هناك
أنترية وشازلونج وبجوارهم سفرة كبيرة
تكفى لـ ٢٠ شخص وغرفة المكتب وفي الأمام
كان يسير للمقدمة حيث الباب الزجاجي
المُطل على الحديقة الخلفية وخرج ليرى
والده جالسًا على مقعد أمام الطاولة صاحبة
الأربع مقاعد وبجواره والدته أما هناك فكان
يوجد جزء مخصص لزراعة الورود حيث
هواية والدته المفضلة جمع الزهور الناردة
والجميلة وزراعتها في حديقة القصر وبجوارها
على بعد أسطبل الخيال الذي يقضى والده

معظم وقته به بعد تقاعده من العمل
وأمامه مباشرة حمام سباحة بيباوي
الشكل ، سار نحوهما ثم جلس وهو يقول :-

- خير يا بابا قولتلى أرجع بدرى من الشركة
؟؟

- أنا اللي عاوزاك يا يوسف

قالتها "صباح" بنبرة جادة فنظر لها بدلاً من
والده وقال :-

- أتمنى ميكونش حضرتك سيبتيني شغلى
وخليتنى ألغى مواعيدى وأجل الأتماع
عشان موضوع الجواز اللي مورناش غيره
(صباح :-)

- والدة يوسف سيدة أعمال وتعمل معه
بالشركة تملك من العمر ٥٣ عام لكن
مظهرها الخارجى يوحى بأنها فى منتصف

الثلاثين ، امرأة ذات شخصية قوية وتملك
زوج من العيون البنية وشعر أسود يصل
لمنتصف ظهرها لم تظهر به خصلة بيضاء
توحى ببداية شخويتها وبشرة بيضاء)

وضعت فنجان قهوتها على الطاولة بصرامة
وقالت بلهجة أمرية :-

- لو أنت مش عاوز تتجوز أنا عاوزاك تتجوز
يا يوسف ومضيعش شبابك على الشغل
بس

- تانى يا أمى ؟!

رمقته بنظرة جادة وقالت :-

- عمومًا المرة دى مش بناقشك أنا أخترت
العروسة خلاص وعمومًا متقلقش فيها كل
حاجة أنت حاببها متعلمة كويسة جدًّا

ومثقفة ومحترمة وكمان هى مش غريبة

عنك ...

قطع حديثها بجدية وحزم :-

- يا أمى أنا سمعت كلامك مرة ووصلت لأية

.. أدينى مطلق عاوزه تجوزينى تانى ليه؟؟

- عشان تخلف ذنبى أيه أن بنت عمك

مطلعتش بتخلف ...

زفر بأختناق وهو يقول :-

- مش ذنبك بس يبقى متقوليش أتجوز تانى

وقف كى يرحل وينهى الحديث معها

بغضب فأستوقفته بحديثها قائلاً :-

- عمومًا أنا خطبك نبض بنت فؤاد المدير

العام للشركة ، أعتقد أنك تعرف أبوها

كويس

زفر بانفعال وهو يقول :-

- لا دا كدة كتير وربنا

قالها وهو يرحل من أمامها ليقابل اخته
الصغرى "سارة" أمام حمام السباحة وهى
تقول :-

- مالك يا يوسف؟؟

- مفيش هطق

قالها وهو يرحل دون أن يتوقف لها ...

(سارة جلال الحناوى :-

فتاة تملك من العمر ٢٧ عام وتعمل

مصممة أزياء بالشركة)

- قولتلك أنه مش هيوافق بسهولة

وخصوصًا بعد فشل تجربته الأولى

قالها " جلال " بجدية فاجابته وهى ترتشف
القهوة :-

- مش مهم ، ابنك عنيد ودماغه ناشفة لو
سيبته هو يختار ويقرر يبقى مش هشوف
عيال لحد ما أموت

- بعد الشر عنك يا حبيبتي

قالها وهو يأخذ يدها بين كفيه فتبسمت له
بخفة

_____ شقة الزمالك _____

كانت شقة من طابقين بألوان مبهجة
كالوردى والأبيض والسماوى ، فى الصالة
أنترية وردى وشاشة العرض وفى الركن
بجوار التراس كرسي عش العصفور وبجواره
مكتبة مليئة بالكتب وبجوارهما مكتب

وردى وعليه بعض كُتب الطب وخصيصًا في
مجال القلب ..

خرجت " جهاد " من المطبخ وهى تحمل
أطباق الغداء وتُحدث الخادمة :-

- بسرعة شوية يا بنتى ، نبض زمانها على
وصول وجعانة نوم كعادتها

وضعت الأطباق وذهبت للتراس وهى تتابع
حديثها مع زوجها :-

- أنت متأكد أنه يوسف رئيس الشركة
بنفسه اللي عاوز يتجوز نبض

- أنتِ مالك فرحانة كدة يا جهاد ، بقولك دا
مطلق ووالدته اللي عاوزة نبض أنما لو عليه
هو مش عاوز يتجوز أساس تانى

قالها " فؤاد " بزمجرة فأجابته بحماس قائلة :-

- فرحانة عشان بنتى وبعدين أنت مش
طول عمرك بتشكرلى فيه ، لو على مطلق
فعادى يعنى مادام معهوش عيال يعنى
مفيش حاجة هتربطه بيها نهائى خلاص
وبعدين دا رئيس شركة دا يبقى غباء لو
رفضته

أستدار لها بغضب وهو يقول :-

- وأنا بنتى مش أى حد يا جهاد ، دا بنت
مدير عام ومحاضر ودكتورة فى الجامعة
ومحاضرة وغير دا كله أنا بنتى دكتورة
وجراحة ومش أى قسم دا قسم القلب يا
جهاد ... ومش هرمىها عشان الفلوس
أنهى جملته ودلف للدخل غضبًا ، ولجت
خلفه باختناق من حديثه فقالت :-

- وحد جاب سيرة الفلوس دلوقت يا فؤاد ،
أنا باصة لشكرك فيه وأنه راجل محترم مش
هيتعوض ، أنا مبصتتش للفلوس إحنا مش
محتاجين

دلفت "نبض" من باب الشقة وهى تقول :-

- بتتخانقوا ليه ؟؟

(نبض فؤاد :-

طبيبة جراحة فى تخصص أمراض القلب
والصدر تملك من العمر ٢٨ عام)

جلس "فؤاد" على السفرة صامتًا يكتم
غضبه فتبسمت "جهاد" وهى تقول بحب :-

- مفيش يا حبيبتى ، أتاخرتى ليه ؟؟

- كان عندى عملية الصبح ، خلصت وجت
على طول

قالتها وهى تلقى حقيبتها وأغراضها على
أقرب مقعد وذهبت نحو والدها تحتضنه من
الخلف وهو جالس على المقعد وقالت :-

- مالك يا بابا ؟؟

- مفيش يا نبض ، أقعدى عشان تأكلى

- لا فيه بقى ، فيه أنا جيلك عريس وسيادة
المدير العام مش موافق عليه

قالتها "جهاد" بانفعال ، جلست "نبض"
بتعابير وجه هادئة وقالت وهى تبدأ فى تناول
الطعام :-

- ومين صاحب الشرف اللى بابا مش موافق
عليه وباين أن حضرتك مُصرة عليه
جلست "جهاد" فى المقعد المقابل وتبسمت
لأبنتها وهى تقول بسعادة :-

- يوسف الحناوى

رفعت "نبض" رأسها لوالدتها ثم والدها وهى

تقول بذهول :-

- يوسف الحناوى رجل الاعمال ، صاحب

شركة ال Sh فاشون .. اللى حضرتك مدير

عام فيها

تبسمت "جهاد" بأرتياح وقالت ببسمة :-

- اه يا حبيبتي ، أيه رأيك؟؟

- بس دا عمره ما شافنى تقريبًا عاوز

يتجوزنى ليه؟؟

أجابتها بسؤالها وهى تتناول طعامها ، نظرت

"جهاد" إلى "فؤاد" وقالت بهدوء :-

- ما هو أصل ...

قطعتها "نبض" بجدية ومبالاة وهي تقف

من مكانها هاتفية :-

- بليل أرد عليكى يا ماما ، دلوقت أنا

مبفكرش فى حاجة غير النوم .. تصبحى على

خير

دلفت إلى غرفتها ووقف "فؤاد" غاضبًا

وصعد للأعلى

____ قصر الحناوى ____

دق باب غرفة "يوسف" ثم دلفت "سارة" إلى

الغرفة بعد أن أذن لها ورأته يقف أمام المرأة

يربط رابطة عنقها فقالت :-

- يوسف يلا عشان نتعشي .. وقبل ما ترد

ماما كانت واثقة أنك هترفض عشان كدة

بعتنى أنا فمممكن متكسفينيش

تنهد بزمجرة وقال :-

- سارة !!

قطعت حديثه وهى تقول :-

- ممكن متكسفنيش بقى

جذبتة من ذراعه ونزل للاسفل أجبارًا فوجد الجميع على السفرة وعمته "ميادة" جالسة بجوار والدته وبجوارها "ميرا" ابنتها وطليلته ، جلس بجوار والده على الجهة الأخرى بوجه عابس وبدأ فى تناول الطعام صامتًا ليقطع صمت الجميع صوت "ميادة" وهى تقول
ببرود :-

- سمعت أنك بتخطب يا يوسف !!

رفع نظره لها وقبل أن يجيب تحدثت

"صباح" بنبرة باردة :-

- اه يا ميادة ولا أنتِ فاكرة أن ابني هيووقف

حياته على كدة

نظرت "ميرا" له بنظرة وجع وعتاب ثم
وقفت من مكانها ورحلت دون أن تكمل
طعامها ، وقف "يوسف" من مكانه وغادر
القصر بأكمله غاضبًا من تصرفات والدته ...

مستشفى الجلال الخاص ----

وصلت "نبض" إلى الكافيتيريا وطلبت قهوتها
الأسبريسو حتى تستطيع البقاء مُستيقظة
طوال الليل تعالج مرضها دومًا وقالت وهى
تضع يديها فى جيب البلطو الابيض :-

- معرفش لسه بفكر يا نادين

(نادين :- طبيبة مقيمة وصديقة نبض

المقربة)

أردفت "نادين" بجديّة :-

- مش يمكن طنط باصة لأنك وصلت لـ ٢٨
ومن غير جواز وإحنا في مجتمع مصري
والبنت اللي بتتأخر في الجواز بيقله عليها
عانس وبايرة وغيره

- معتقدش أن دكتورة الجامعة بتفكر كدة يا
نادين ، أنا دخلت على النت ولاقيت أنه رجل
أعمال ناجح جدّا وأن شركته زادت نجاح بعد
ما هو مسكها مكان والده

أخذت "نبض" قهوتها وهكذا "نادين" وهى
تقول :-

- بس دا مطلق يا نبض ... بس أن جيتى
للحق هو زى القمر ومعتقدش أن اللى فى
مكانته هيهتم خالص لفكرة أنه مطلق

ومفیش واحدة عاقلة خالص ممكن تفوت

فرصة زى دى يا نبض أساسًا ..

وقفت "نبض" أمام المصعد وهى تقول :-

- أنا مش ببص للموضوع من جهة المال يا

نادين فى حاجات كتير مهمة زى الثقافة

والعلم وطباعه ..

- أنتِ مش بتقولى أن باباكى بيشكر فيه جدًا

وأنه نادرًا لما بيتعصب فى شغله

قالتها وهم يدخلوا المصعد ، صمتت "نبض"

بتفكير شارد ..

___ شركة الSH ___

وضع "فؤاد" الملف أمام مكتب "يوسف"
في صمت فتحدث "يوسف" بنبرة جادة دون
أن يرفع نظره :-

- سمعت أن مدام صباح كلمتك في موضوع
شخصي يا فؤاد ... ولا المفروض أقول يا
عمى

قال جملته الأخيرة وهو يرفع نظره بجدية إلى
"فؤاد" ، تنحنح "فؤاد" بحرج وقال :-

- اه حصل فعلاً ... الملف اللي قدم حضرتك
في كل ما يخص المشروع الجديد

تبسم "يوسف" بسخرية وهو ينهي حديثه
في هذا الموضوع ، وقال :-

- اممم .. فعلاً شكرًا

تركه "فؤاد" وخرج وهو يقول بتمتمة :-

- أنا مستحيل أوافق على الجواز دي

دلفت "نبض" من باب الشقة ووضعت
أغراضها على المقعد ثم دلفت تبحث عن
والدها لتسمع حديث "جهاد" في الهاتف
وهي تقول :-

- الراجل كويس فعلاً وأنا قابلته في حفلة
قبل كدة ومحترم ومثقف جداً مكرس حياته
كلها للعلم والعمل بس ، وبصراحة نبض
بتكبر وكل عريس يجى تطلع فيه الققط
الطسانية وتقولى مينفعش وكمان مفيش
عريس بيقبل بشغلها خصوصاً أنها مُتمسكة
بنباطشية بليل بعناد ودايمًا بتحدد مواعيد
العمليات للمرضي بليل ومفيش راجل
بيقبل بدا ، وأنا نفسي أفرح بنبض وأشوف

عيالها هى بنتى الوحيدة وأنا أم ونفسي
أطمئن عليها مع راجل كويس

تنهدت "نبض" بتعب ثم خرجت إلى التراس
وقالت :-

- ماما أنا جيت

أنهت "جهاد" حديثها وقالت بسعادة :-

- حمدالله على سلامتک يا حبيبتى ، قوليلى
يا نبض فكرتى فى اللى قولتلك عليه

نظرت لعينين والدتها البنيتين وفرحة الأم
بهم وقالت بنبرة هادئة :-

- أنا موافقة يا ماما

أحتضنتها "جهاد" بسعادة وقالت بفرح وهى
تداعب ذقن "نبض" :-

- مبروك يا حبيبتى ، لما ألحق أفرح باباكى

ويوصلهم موافقتك

أسرعت " جهاد " للخارج بفرح فدمعت عين

"نبض" بهدوء وقالت :-

- أول مرة أعمل حاجة بدماغ غيرى ويا رب

ما ألبس فى حيط يا ماما

مر شهر تقريبتًا دون أن يراها أو تراه رغم
أستعداد الجميع لحفل زفاف على عكس
العروسين كانت "نبض" تستغرق وقتها فى
الجراحات وعلاج المرضى طوال الليل حتى
تعود للمنزل صباحًا مُنهكة لتنام قبل
الذهاب إلى الجيم للتمرين اليومي قبل
الذهاب المستشفى ويبدأ يومها ، أم
"يوسف" كان مُنشغلًا فى مشروعه الجديد

حتى لم يهتم بأخذ رقم خطيبته او رؤية
صورة لها حتى

اليوم المُنتظر ، وصلت "نبض" مع والدتها
ووالدها إلى القصر صباحًا فأستقبلتهم
"صباح" و"سارة" وعانقوا "نبض" برحب
شديد ثم أخذتهم "سارة" إلى غرفتها فوجدت
بعض الفتيات المسؤولين عن مساعدتها في
التجهيزات ، دلفت "صباح" إلى غرفة
"يوسف" ووجدته جالسًا على مكتبه يقرأ
كتاب عن الإدارة فقالت بصرامة :-

- مفيش عريس في الدنيا يوم فرحه يقعد
يقرأ كتاب

- ساعتين أو ثلاثة وهتلاقيني معاكم

أجابها ببرود تام فزفرت بأختناق وقالت :-

- عموماً بدلتك هتلاقيها فى الدولاب ويلا
تجهز بسرعة مش عاوزه عمتهك تقول أنك
زعلان على المحروسة بنتها ولا مجبرة على
الجوازة

رمقها بنظرة وحادة وقال :-

- وأنا مش مجبرة يا أمى ، دا أنا معرفش
شكل عروستى لحد الساعة دى

عقدت ذراعها أمام صدرها بغرور وقالت
ببرود متبادل لبروده :-

- أديك هتشوفها كمان كام ساعة يا يوسف
فتح باب الغرفة ودلف "مراد" يقول :-

- مبروك يا عريس .. أزيك يا طنط

قالها وهو يقبل رأسها بحب فقالت :-

- كويسة بس ابن خالتك دا هينقطنى

قالتها وخرجت من الغرفة غاضبة ، أنهت
"نبض" تجهيزات ووقفت تستدير لوالدتها
بفستانها الأبيض وقالت :-

- فرحانة يا ماما ؟؟

- أكيد يا حبيبتى فى أم متفرحش بنتها فى
يوم زى دا ، شكلك زى القمر يا نبض

قالتها "جهاد" وهى تدمع بسعادة وتقبل
جبين طفلتها التى كبرت ، تبسمت "نبض"
بأصطناع لها ...

أخذها والدها من يدها وهو يقبل جبينها
ويقول :-

- مبروك يا نبض ، ألف مبروك يا حبيبتى
ربنا يسعدك

- بابا متزعلش من ماما وبطلوا خناق بسببى
أنا أتجوزت خلاص وأنا أهو عروسة جميلة
ولا أنا مش جميلة

تبسم لها وهو يقول :-

- أجمل عروسة فى الكون يا حبيبتي

اخذها من يدها ونزل بها للأسفل لتراه واقفًا
هناك بانتظارها ، رجل فى الثلاثين من عمره
بعيون عسلي فاتح كلون الذهب واشعة
الشمس ، شعر بنى مرفوع للأعلى كثيف
وخفيف من الجانبين ولحية بنية خفيفة
تزيده وسامة ومُرتدية بدلة سوداء ، رفع
نظره حين رآها أمامه فتاة ببشرة بيضاء
وعيون خضراء وملامح صغيرة ، تضع
مساحيق التجميل وشعرها الأسود كلون
الفحم مُرفوع للأعلى ومسدول على ظهرها
وتضع تاج على رأسها وكأنها توجت على

عرش حياته منذ الآن ، أخذ خطوتين نحوها
ثم أخذها من يد والدها وهو يقول :-

- خلى بالك منها يا يوسف دى أغلى حاجة
عندى

- فى عينى يا عمى

قالها بجدية حاد ثم ذهب أمام المأذون
ليعقد قرانهما وكانت "ميرا" جالسة على
المقعد تملك كأس من العصير فى يدها
ببرود تراقب حديث المأذون حتى أعلن
زواجهما فوقفت بغضب وهى ترحل بينما
الجميع يبارك لهم ، أستدار لها ووضع خاتم
زواجهما فى نبصر ثم قبل يدها وقال :-

- مبروك

تبسمت بخفة وهى ترد عليه :-

- الله يبارك فيك

أنهت زفافهما وصعد بها إلى غرفته فدلقت
إلى الداخل ليوقفها بصوته قائلاً :-

- نبض

أستدارت له وهى تمسك فستانها بيديها
وخجل وأردفت بصوت هادى :-

- نعم

- ممكن نتكلم شوية ، أعتقد أننا محتاجين
دا

أردفت بجدية وهى تترك فستانها قائلة :-
- ممكن بس أغير هدومى على الأقل لأن
الفستان خنقة جدًا

أوما لها بنعم ، دلقت للمرحاض وبدلت
فستانها إلى بيجامة حرير كحلى بكم
وبنطلون ثم خرجت فوجدته يرتدى بنطلون

أبيض قطنى وتيشرت أحمر ، جلست أمامه
على الأريكة فقال :-

- أنا أسمى يوسف واتجوزت قبل كدة مي
بنت عمى وعايشة معانا فى القصر هنا
وهتشوفها اعتقد كتير أووى ، أنا مش عاوز
مشاكل وكيد النسا دا مهم عندى

- استاذ يوسف أعتقد أنك متعرفش كتير
عن مراتك اللى وافقت تتجوزها ، أنا
محبش المشاكل وبالى طويل جدًا وبفوت
أكثر لأنى زى ما بيقولوا عاقلة

أخذ يدها بين يديه وقال بهدوء :-

- استاذ ايه .. أنا جوزك وأسمى يوسف
أومأت له بنعم وهى تتحاشي النظر له
بخجل شديد بعد أن شعرت بالقشعريرة
تسير فى جسدها حين لمس يدها ، أقترب

نحوها ليضع قبلة على جبينها بلطف ،
قشعر جسدها وهى تدفعه برفق وتغمغم :-

- أستن بس .. ممكن نأجل الموضوع دا

شوية

نظر لها بهدوء مُنتظر أن تعطيه سبب فقالت

بخجل وهى تتحاشي النظر له :-

- بصراحة حاساك غريب .. لا مش حاساك

دا حقيقي حتى لو أنت جوزى أنا أول مرة

أشوفك ومعرفكش .. نتعود على بعض

شوية على الأقل

أوما لها بنعم وقال :-

- ماشي ولو تحبى أناام على الكنبه كمان

مفيش مانع

تبسمت برفق على احترامه لرغبتها وقالت :-

- لا مش لدرجتى كمان عشان متتعيش من

نوم الكنبه

أوما لها بنعم ثم سعد للفراش مَعًا وكلا

منهما يعطى للأخر ظهره ، أستيقظ

"يوسف" على صوت دقات الباب صباحًا

ففتح عيناه ببطيء ولم يجدها بجواره ، وقف

وهو يبحث عنها فى الغرفة ولم يجدها ثم

فتح الباب ووجد اخته تقول :-

- الفطار يا عريس ، هات عروستك ويلا

عشان نفطر

- هى مش تحت؟؟

قالها وهو يفرك عيناه فسألته بدهشة :-

- نعم؟؟.....

_____ تاااابع _____

#ملك_فقيد_الحب

#نور_زيزو

#نورا_عبدالعزيز

#ملك_فقيد_الحب

___ الفصل الثانى (2) ___

... بعنوان " بداية العداوة " ...

- نعم ؟؟

- خلاص روحى

أغلق باب الغرفة وذهب نحو الكمبيوتر
يلتقط هاتفه ليرى ورقة فوق الهاتف قرأها ()
صباح الخير.. أنا نزلت المستشفى فى حالة
حرجة محتاجة جراحة هخلص وأرجع ، دا
رقم تليفونى ... نبض (

زفر بأختناق وكور الورقة بغضب وأجرى
اتصال بهاتفه إلى مساعده الشخصي :-
- أيوة يا كريم .. أعرف المستشفى اللي
المدام شغالة فيها حالاً ... هي أخذت عربية
معاها ... طب أبعث عثمان يجيها من هناك

..

أغلق هاتفه غاضبًا ودلف للمرحاض كي
يأخذ حمامه ويبدل ملابسه ...

خرجت "نبض" من باب المستشفى مع
صديقتها بملل فقالت "نادين" :-
- والله أنك مجنونة في عروسة تسبب بيتها
وعريسها يوم صباحيتها وتنزل الشغل يا
نبض

- دي حياة إنسان يا نادين

تذمرت "نادين" عليها وقالت :-

- والله أنك تستاهلى خناقة محترمة مع
جوزك ومحدث هيغلطه

- مدام نبض ...

أناهما صوت من الأمام فنظرت له بتعجب
وهو يفتح لها الباب الخلفى ويقول :-

- أستاذ يوسف فى أنتظار حضرتك

رمقته بتعجب ثم ودعت صديقتها وصعدت
معه للسيارة فأنطلق بها حتى وصل للقصر
ودلفت السيارة من بوابة القصر ...

دلف "يوسف" من التراس حين رأى السيارة
وصلت ليجد "ميرا" بغرفته فسألها ببرود تام
وهو يضع يديه فى جيبه بغرور :-

- أنتِ أيه اللي دخلك هنا؟؟

لم تجيب عليه وأقتربت نحوه وهى تتأمله
بعيناها وقالت بعتاب :-

- عارف يا يوسف أيه مشكلتك ؟

أشاح نظره بعيدًا عنها دون أن يكثرث
لحديثها وقال :-

- لا ومش عاوز أعرف ..

وضعت يدها على صدره بقلب متألم وهى
تنظر فى عيناه مباشرة وقالت :-

- مشكلتك أنك مبتعرفش تحب واخذ
حياتك كلها عملي وبس ، معرفتش تحبى
زى ما أنا حبيبتك ..

قطع حديثها دخول "نبض" من باب الغرفة ،
تأملتهم فى صمت تام فتاة بجسد ممشوق ..

شعرها البنى مموج على الجانبين وعينيها
بنيتين وملامحها صغيرة ترتدى فستان
أسود بكم يصل لركبتيها ، نظرت بحدة على
يدها الموضوع على صدر زوجها ثم له ،
أقتربت "نبض" منهما وهى تقول بكبرياء :-

- أنتِ مين ؟

- ميرا بنت عمه يوسف

تبسمت "نبض" بسخرية وهى تشير على
يدها وتقول :-

- معتقدش أن دا سبب كافى أن أيدك تتحط
على جوزى ولا آيه

أنزل "يوسف" يدها ببرود وهو ينظر إلى هذه
الزوجة وخرجت "ميرا" صامته فسألها بجدية

:-

- أنتِ أزاى تخرجى من غير أذن

- أعتقد أنى وضحتك فى الورقة سبب
خروجى وأن دى حياة بنى آدم ومحبتهش
أصحى وأزعجك

قالتها وهى تفتح الدولار لتخرج ملابسها ثم
أستدارت له بغضب وقالت بجدية :-

- أعتقد كمان أنى قولتلك أن عقلى كبير لكن
مش لدرجة أنى ألقى واحدة طليقتك وكانت
مراتك فى أوضة نومى ولا أيه

- متغيريش الموضوع مفيش عروسة
بتخرج يوم صباحتها تروح الشغل

اجابته بنبرة باردة مُتجاهلة حديثه قائلة :-

- يوسف بيه أتمنى أننا منجرحش فى بعض
بأفعال غبية ، مفيش سبب واضح يخليها
تجى هنا وتحط أيدها عليك

- محصلش حاجة من اللى فى دماغك دى

قالها بوجه عابس فأجابته بحدة قائلة :-

- والمفروض أصدق كلامك وأثق فيه صح

؟؟

- المفروض أنى جوزك ولازم يكون فى ثقة

بيننا .. وياريت تغير هدومك بسرعة لأن ورانا

سفر

أجابته وهى تقف أمام باب المرحاض قائلة

:-

- أنة متعودتش أثق فى حد غريب وأنت

جوزى قانونًا وشرعًا لكنك غريب جدًا عنى

ومفيش سبب واحد يخلينى أثق فى كلامك

دلفت للمرحاض بوجه غاضب ، زفر بأختناق

وخرج من الغرفة يتحدث فى هاتفه قائلاً :-

- خلى عثمان يجهز العربية ، وتعالالى على

المكتب يا كريم

هبط للأسفل فوجد والدته ترتشف قهوتها
الصباحية كالعادة قبل الذهاب للعمل فقال

-:

- صباح الخير

- صباح النور يا يوسف ، مراتك فين؟؟

أجابها بجدية قائلاً :-

- بتجهز

دلف للمكتب ووجد "كريم" بانتظاره فسأله

وهو يجلس على المكتب :-

- عملت ايه فى اللى طلبته منك ؟

- هنا كل البيانات عنها

أخذ منه الملف فتابع "كريم" :-

- تقريبًا يومها مفيهوش غير المستشفى

والجيم والعيادة فى السيدة زينب ، صباحها

محدودين جدًا بسبب قلة ثقتها بالناس ،
محبوبة جدًا وسط المرضى وتقريبًا
مبتعلمش مشاكل نهائي وحسب أيملها
بتحب تساعد الناس جدًا بالخير وعاملة يوم
الثلاثاء دايمًا للكشف المجاني في عيادتها ،
تقدم لها خالد دكتور معاها في المستشفى
قبل كدة ورفضته لسبب معرفتش أعرفه
لكن من يومها وهو حاططها في دماغه ...

قطع حديثه "يوسف" بجدية قائلاً :-

- خلاص يا كريم .. كفاية أنا هبقى أقرأ

الملف بنفسى

فتحت "تهانى" باب المكتب وقالت برسمية

:-

- العربية جاهزة والشنط فيها

أوما لها بنعم وخرج من المكتب ليرى
زوجته تنزل الدرج بخطوات ثابتة مُرتدية
فستان أزرق اللون بكم واحد وذراعها الأخر
عارى ويصل لركبتها وقالت :-

- صباح الخير

تبسمت "صباح" عليها وهى تقف من
مكانها :-

- صباح النور ، جهزنى يا عروسة ؟؟

- اه يا طنط

أناها صوته وهو يقف على باب المكتب
ويقول :-

- طب يلا بينا عشان متأخرش ، أمى أنا مش
هتأخرزى ما أنفقنا أسبوع بالظبط وهكون
عندك ولو إحتجتوا حاجة فى الشركة عندك
فؤاد أو كلمينى على تليفونى الخاص

- متقلقش يا حبيبي على الشغل أنا عاوزاك
تتبسط مع عروستك

قالتها بمكر وهى ترمقه "ميرا" تنزل من
الأعلى ، قبل "يوسف" جبينها وسار نحو
"نبض" ليأخذ ذراعها فى ذراعه ويخرجها معًا
مُتجاهلين "ميرا" تمامًا ...

____ شركة الـ SH ____

كانت "سارة" تجلس فى مكتب المصممة
الرئيسية حيث مكتبها وورشة التصميم معًا
فى الساحة مليء بالفساتين المعلقة
والأقمشة فسألته "نانا" :-

- يعنى يوسف مش جاى الشركة أسبوع

- اه فى أسبوع العسل وبسبب المشروع
الجديد موافقش يسافر برا مصر اكتفى
بالغردقة

قالتها "سارة" بهدوء فسألتها "نانا" :-

- بس عروسته قمر

تبسمت "سارة" وهى تقول :-

- هى قمر فعلاً يا نانا ممكن تبطلى بقى
شغل المخابرات دى وتركزى فى الشغل

- يا حبيبتى أنا بحب الأخبار كلها تكون عندى

قالها بكبرياء مُصطنعة فتبسمت "سارة"
عليها

(نانا :-

مصممة أزياء ، واحدة من ضمن قائمة
أفضل 50 مصمم عالميًا ، امرأة أربعينية
بروح عفوية واجتماعية جدًا)

كان "يوسف" يقود سيارته الجيب الحمراء
العالية وهى تجلس بجواره فى صمت تام
فقطعت صمتهما بسؤال غير متوقع :-

- أنت طلقت ميرا ليه ؟؟

نظر نحوها بدهشة من سؤالها ثم إلى الطريق
مُجددًا وقال ببرود :-

- عشان مبتخلفش

نظرت له وسألته بجدية :-

- يعنى أنا لو طلعت مبتخلفش هتطلقنى

زيها

- أنا مطلقتهاش عشان الخلف لكن عشان
كذبت عليا وزورت تحاليل أن العيب فيا ، أنا
مبكرهش في حياتي قد الكذب يا نبض
قالها وهو ينزع نظارته الشمسية عن وجهه ،
تنهدت بهدوء ثم قالت :-

- يمكن عملت كدة عشان خافت أنك
تسيبها أو تتجوز عليها عشان تخلف

- هي متأكدة أني مكنتش هتجوز عليها لأنني
مش مهتم لا بالجواز ولا بالعلاقات وأن
جوازي منها زي جوازي منك ماما اللي
مشيت فيا وأنا راجل مُكتفى بشغلي ، كذبها
كسر كل الثقة اللي بينا وأنا أتعودت في
شغلي أن الثقة هي أساس العلاقة ونجاحها
نظرت للأمام بسخرية وهي تعيد كلمته :-

- زى جوازى منك ، أنت صريح زيادة عن
اللزوم

- أنا مبكدبش ولا بذوق الكلام

تبسمت ساخرة وهى تنظر من النافذة بوجع
وهو يخبرها بقيمة وجودها فى حياتى وأنها لا
شيء حقًا ، وصل إلى الغردقة تحديدًا إلى
الفندق المحدد ليقول :-

- يلا إحنا

قطع حديثه حين رآها نائمة بتعب يظهر فى
ملامحها ، كان يعلم أنها أستيقظت فجراً
للذهاب إلى مريضها فترجل من السيارة أولاً
ينهى الإجراءات ويستلم مفتاح الشاليه
الخاص به ثم ذهب بسيارته إليه ، نقل
العامل الأغراض إلى الشاليه ورحل ، فتح
"يوسف" باب السيارة ثم أقترب نحوها ينزع

لها حزام الأمان ووضع سترته على أقدامها
العارية ثم حملها على ذراعيه برفق حتى لا
تستيقظ لكنها فتحت عينيها بتعب لتراه
قريب جدًا منها فقال بهدوء :-

- صباح الخير .. ممكن تكمل نومى

نظرت حولها لتراه يصعد بها الدرج وأقترب
من الوصول إلى الغرفة ، أزدردت لعابها
بخجل وهى تتشبث بعنقه حتى لا تسقط
منها ، وصل للغرفة ثم وضعها بالفراش
برفق وقال :-

- هتكلمى نوم ولا أطلب غدا

- أى حاجة اللى تحبه

قالتها بخجل وهى تعتدل فى جلستها
مُتَحاشية النظر له ، خرج من الغرفة وتركها ..
أنتظرته يعود لكنه تأخر وحين عاد رآها تنام

بمنتصف الفراش دون أن تبدل ملابسها
فوضع الغطاء عليها ثم خرج من الغرفة بعد
أن بدل ملابسها ...

___ شقة الزمالك ___

- أنت قلقان ليه يا فؤاد ما أنا لسه قافلة
معاها وهى كويسة ومبسوطة
قالتها "جهاد" بتذمر فأجابها "فؤاد" قائلاً :-
- هى كويسة لكن مبسوطة دى مش متأكد
منها

- ليه بس؟؟

أجابها وهو يرتدى تيشرته بجدية :-

- لأن نبض بتتعامل بعاطفتها لكن يوسف
مبيعرفش يحب أو بمعنى اصح مش مؤمن
بالحب أصلا ، نبض هتتعب معاه

- متقلقش بس وتفضل شايل الهم

قالتها بزمجرة وهى تخرج من الغرفة

وقفت "نبض" أمام المرأة مُرتدية فستان
قط أسود برابطة أسفل الصدر ومغلق
الصدر ، أرتدت ساعتها الحمراء وحذاء بكعب
عالى لونه أحمر وتركت شعرها حر خلف
ظهرها ثم خرجت من الغرفة ورأته يتحدث
فى الهاتف ، زفرت بأختناق وهى تتأمله
يتحدث فى الهاتف وعقلها يتساءل هو أعماله
كثيرة لهذا الحد حتى فى إجازته يباشر العمل
، أنهى حديثه وأستدار لها وهو يقول :-

- يلا

أومات له بنعم ثم خرج معًا من الشاليه ،
كان يسير صامتًا أمامها وهي تنظر على
الناس حولهما كل رجل يتشابك الأصابع مع
امراته ويتهامسون والبعض يضحكون
بسعادة فنظرت للأرض بحرج ، وصل
للمطعم معًا وجلس على الطاولة فكانت
مُنشغلة بمراقبة الجميع بحزن علي حالها أم
هو كان ينظر لقائمة الطعام رفع نظره لها
فراها تنظر في اتجاه آخر فنظر ليرى شاب
يجلس على الأريكة مُلتصق بزوجته
ويحتضن يدها بيد ويطعمها بيده الاخرى
ويضحكون معًا ، سألها بنبرة هادئة :-

- هتأكلى أيه ؟

نظرت للقائمة وطلبت أول شيء وقع نظرها
عليه بحزن ، أنهموا طعامهم وخرجوا من

المطعم وكان يسير في الأمام فحاولت مد
يدها ببطيء لتلمس يده لكنها خجلت من
فعلتها فجذبت يدها سريعًا قبل أن تلمسه ،
مر مجموعة من الشباب من جوارهما فنظر
إليها وهو يأخذ يدها في ذراعه وتقدم بها ، كان
يخشي أن ينظر رجل آخر لزوجته نظرة عابرة
، تبسمت بسعادة طفولية حين مسك يدها
وتوردت وجنتها بخجل ، قال وهو ينظر إلى
المحلات أثناء سيرهما :-

- لو حاجة عجبك قولى متتكسفش ، إحنا
هنا عشان تكونى مبسوفة ومتحسيش أنى
غريب

أومأت له بنعم ثم قالت بتردد :-

- يعنى أى حاجة عاوزاها هتعملها لى ؟؟

- لو حاجة فى مقدرتى هعملها أكيد ، نبض أنا
عاوز أعرفك حاجة .. أنا يمكن معرفكيش
أوى ويمكن أتجوزتك كشيء روتينى فى
الحياة أنى أتجوز لكن عاوزاك تتأكدى من
حاجة واحدة أن فى الحياة دى كلها معنديش
أهم من شغلى وسعادتك لأنك من اللحظة
اللى بقيتى فيها مراتى أنتِ بقيتى طبيعى
أقرب حد ليا وأنا لو تعبان هأجى أترمى فى
حضنك وأنا مش هروح فى حته تانية غير
ليك ..

أومات له بخجل وقالت :-

- ينفع نروح تمشي على البحر شوية

أوما لها بنعم وهو يقول :-

- ممكن طبغًا

أخذها إلى الشاطيء فكان مليء بالعشاق
والأزواج ، نزعت حذاءها عن قدمها وحملته
بيدها ويدها الأخرى تتبأطى ذراعه وتسير
بجواره تحكى له عن حياتها وهو الآخر يفعل
المثل

- أنا صبورة جدًا ولما يكون عاوزه حاجة
بعمل المستحيل عشانها وبوصلها في الآخر ..
لكن موقف زى الصبح مثلاً أن ألاق طليقتك
في أوضة نومى وايدها عليك متطلبش منى
أنى أكون صبورة

أجابها بجدية حادة قائلاً :-

- عندك حق ، بس أنا أكيد مطلقتهاش
عشان أخونك معاها مثلاً

- يمكن بتحبهها !؟

قالتها بهدوء فتوقفت قدمه عن السير ونظر

لها نظرة جادة وقال :-

- نبض عاوز أقولك حاجة ، كلنا فينا عيوب
ومش كاملين وأنا معترف أنى مش كامل
وعيبى الوحيد أنى مبحبش حد ، مبعرفش
أحب ولا أتعلق أنا ممكن أتعود على وجودك
فى حياتى وأن هرجع البيت كل يوم هلاقى
فى أوضتى لكن أنى أتعلق بيكى مستحيل
تبسمت له بعفوية وشعرها يتطاير مع
نسيم الهواء وقالت بتحدى :-

- مش مستحيل على فكرة ، أنت هتجنبنى
وأقولك حاجة مش هتعرف تعيشي من
غيرى كمان

تبسم بسخرية عليها وقال بثقة :-

- تعرفى أنك جميلة أوى فى اللون الاسود
وأجمل فى اللحظة دى شعرك بيطير
وعينيك بتضحك وابتسامة أجمل حاجة
ممکن أى راجل يشوفها وغمازاتك دى
تخطف قلب أى حد ..

تبسمت بثقة وخجل معًا من مغازلته لها
لكن لم تدوم بسمتها كثيرًا حين تابع حديثه
بثقة أكبر :-

- لكن رغم جمالك اللى يدخل القلب دا
واللى عينى شايفاه .. أنا مش حاسس
بحاجة غير أنك مراتى وعاوز أعمل اللى
يسعدك لأنه واجب عليا كزوج مش لأنى
عاوز ضحكتك دى تفضل قدامى على طول
اشتاطت غضبًا منه وتقدمت وهى تدفعه
بكتفها وتقول مُتمتمة :-

- مش قولتلك صريح زيادة عن اللزوم

سارت أمامه بتحدى وهى مُشتاطة غضبًا
وتُتمتم قائلة :-

- هتشفوفى يا يوسف بيه هتحنى ولا هفضل
واجب وروتين فى حياتك

كان يتابعها من بعيد وهى تسير غاضبة
بسرعة خطواتها حتى وصلت للشاليه
ودلفت إلى الغرفة ثم أغلقت الباب بقوة فى
وجهه ..

لم يهتز أو ترمش عيناه بل ذهب إلى الأريكة
وفتح اللاب كى يستعد لعمله ...

فى عيادة لأمراض النساء ، تحدثت "ميرا"
بقلب مُنكسر :-

- خير يا دكتورة؟؟

- للأسف هعيد عليكى نفس كلام الدكاترة
زمايلى .. مفيش أمل

دمعت عينيها بقهرة قلب وقالت :-

- يعنى أيه عمرى ما هكون أم ... أتأكدى يا
دكتورة أنا ممكن أعمل التحاليل من جديد
ممكن يكون فى غلط

أردفت الطبيبة بنبرة هادئة قائلة :-

- مفيش غلط ولا حاجة يا مدام .. حضرتك
عندك عيب خلقى ومفيش أمل

صرخت بها "ميرا" وهى تقف بانفعال وقلب
موجوع :-

- أنتوا بهاييم ، آمال بتدرسوا الطب ليه لما
مش هتعرفوا تعالجونا

أدرفت "تمارا" صديقتها بحزن قائلة :-

- أهدى يا ميلا ، إحنا أسفين يا دكتورة

خرجت "ميلا" تبكى بوجع وأنهيار فخرجت

"تمارا" خلفها وهى تقول :-

- مش كدة يا ميلا ؟؟

- أنا عمري ما هكون أم ولا هكون مع حبيبي

، يوسف مستحيل يرجعلى غير لو قدرت

أحمل وأجبله ابن يا تمارا

قالتها ببكاء ، أربتت "تمارا" على كتفها

وقالت بشفقة :-

- يوسف مش هيرجعلك يا ميلا لأنه

مبيحبكيش وخلص أتجوز غيرك ، بطللى

توجعنى نفسك وتروحى لدكاترة وفى الآخر

محدث بيتوجع غيرك

- بس أنا بحبه ولازم أعالج مشكلتى بسرعة ،
نبض لو فضلت معاه شوية صغيرين
هتعبه زى ما أنا حبته وهتاخده منى
نظرت "تمارا" لها بحزن وقالت بقسوة :-
- فوقى يا ميرا بقى ، نبض مش محتاجة
تأخده منك لأنها بالفعل مراته دلوقت
جهشت "ميرا" فى البكاء بوجع شديد لفقدها
نعمة الأمومة وفقد حبيبها ، أربتت "تمارا"
على كتفها بحنان تواسيها

أستيقظت "نبض" صباحًا لتشعر بثقل على
خصرها ، فتحت عينيها ببطية شديدة لتتسع
على مصراعيها حيث وجدت نفسها بين
ذراعيه ويده فوق خصرها ، توردت وجنتها
بخجل شديد من قربه هكذا فتحاشت النظر

له إلى ثواني معدودة ثم رفعت نظرها له
تأمل ملامحه الرجولى لترفع يدها ببطيء
تلمس لحيته بسبابتها وهى تشعر بضربات
قلبها المُتسارعة بقوة شديدة وكأنه صعق
قلبها بشاحنة كهربائية أعطته طاقة زائدة ،
تبسمت بخفة وهى تحرك سبابتها على
وجهه برفق شديد دون أن يشعر بها ثم
أخفضت رأسها إلى صدره تستمع إلى ضربات
قلبه فتبسمت أكثر وهى تبتعد عنه وتتمتم
بسخرية قائلة :-

- كنت فاكرة معندكش قلب

خرجت من الغرفة مُرتدية بيجامة نومها
وصنعت فنجان قهوة وخرجت تجلس أمام
حمام السباحة ووضعت سماعة الرأس فوق
أذنيها تستمع إلى أغنية (سيرة الحب / أم

كلثوم) وتستمع بمزاق قهوتها وهواء
الصباح

_____ شركة الـ SH _____

كانت الشركة في حالة من الفوضى العارمة
حتى وصلت "صباح" إلى الشركة فاستقبلتها
"الاء" السكرتيرة الخاصة لمكتب "يوسف"
و"فؤاد" فسألتهما بغضب سافر :-

- أزاى دا حصل؟؟

- لسه بندور لكن دى كارثة حلت بالشركة

قالها "فؤاد" بعجز فصرخت به قائلة :-

- وعشان الكوارث دى متحصلش حضرتك

موجود هنا

_____ تابع _____

#ملك_فقيد_الحب

#نور_زيزو

#نورا_عبدالعزيز

#ملك_فقيد_الحب

___ الفصل الثالث (3) ___

... بعنوان " طيبة القلب " ...

خرج "يوسف" للشرفة بوجه شبه نائم ليراها

جالسة بالأسفل على حمام السباحة

وتستمع للموسيقى ، دلف للداخل وأخذ

حمامه ثم نزل للأسفل ورأها على وشك

الصعود فنظرت له بخجل وهي تتذكر مشهد

الصباح لتقول بخجل :-

- أنا هغير هدومي بسرعة عشان نروح نفطر

- ماشي

صعدت للأعلى وأرتدت فستان أبيض يصل
لركبتها فضفاض وعليه جاكيت جينز بكم
وحذاء رياضي ، خرجت بصحبة إلى مطعم
الفندق وجلسا يتناولوا الطعام في صمت حتى
قطعهما صوت صراخ بالجوار نظرا معًا لترى
امرأة تصرخ بهلع وتطلب الإسعاف وطفلها
على الأرض فاقد للوعي ، وقفت من مكانها
ليمسك يدها قبل أن تتحرك :-

- على فين؟؟

نزعت يدها من يده وذهبت لهما ، جلست
على الأرض ووضعت يدها على صدر الطفل
وهي تشعر بأنخفاض ضربات قلبه ، جاء لها
مدير المطعم وقال :-

- ممكن تأخديه على عيادة الفندق على ما
الإسعاف توصل

حملته "نبض" وأسرعت إلى العيادة ليذهب
خلفها بغضب شديد ، فحصه الطبيب وقال
للممرضة :-

- حطيله جهاز التنفس على ما الإسعاف
توصل .. شكله كل حاجة فاسدة

مسكت "نبض" ذراعه بقوة وهى تقول :-

- أكشف على قلبه

نفض ذراعه من قبضتها بأشمئزاز وهو يقول

:-

- حضرتك مين عشان تدخل فى شغل

أجابته بنبرة مرتفعة ثابتة بها بعض الغضب

من كسل هذا الطبيب :-

- جراحة .. سبب كفاية دا

كاد ان يصرخ بها حتى صرخت الممرضة
منادية عليه بعد ان تشجن جسد الطفل
وبدا يفقد ضرباته قلبه لتبكي والدته بأنيهار ،
أسرع نحوه وأمر الممرضة بأعطاء الأدرينالين
فدفعته "نبض" بغضب وهى تجذب
السماعة الطبية منه وتضعها على صدر
الطفل لتشعر بأنسداد أحد الاوردة المتصلة
بالقلب وعلى وشك الانفجار ، صرخت به
وهى تضغط على القلب تنعشه قائلة :-

- هات مشرط وجهاز شفط بسرعة

أتسعت أعين الجميع بما فيهم زوجها هل
ستجرح جراحة هنا وتفتح قلب طفل ،
صرخت مُجددًا بعد أن أنهارت قوة والدته
فأحضرت الممرضة أدوات الجراحة المتوفرة
فى العيادة ، أنبهر "يوسف" وهو يراها تشق
صدر طفل بمهارة دون خوف أو تردد ،

تحولت زوجته في لحظة من هادئة ورقيقة
إلى طبيبة ماهرة تصرخ وتشق الصدر
وشخصيتها تحولت من الهدوء التام إلى القوة
والثقة ، رأها تجرى الجراحة حتى نهايتها دون
أن يرفع نظره عنها ، وصلت الإسعاف
لينظروا رجالها بدهشة من إجراء جراحة قلب
بعيادة داخل فندق وتفتقر الكثير من
المعدات والأجهزة ، أنهت الجراحة وذهبت
معهم للمستشفى وبعد جدال كثير تخطى
مدير المستشفى اختراقها للقانون بعد أن
علم بشخصية زوجها ، خرجت له بأرتياح
شديد فتفحصها وهي تقترب نحوه بخجل
من نظرات الجميع لها بسبب فستان
الملوث بالدماء ، أعطها حقيبة صغيرة
فسألته :-

- أيه دا ؟

- غيرى هدمك بسرعة فى التوليت قبل ما

نمشي ولا هتمشي كدة

قالها ببرود لكنها ابتسمت بإشراق له وهى

ترحل وقلبيها يدق بسعادة لأهتمامه بها ،

بدلت ملابسها وعادت معه إلى الشاليه

_____ شركة ال SH _____

- والمفروض أن شركة الوفاء سرقت أفكار

مشروعنا ونزلت بيها كمان

قالتها "صباح" بغضب ثم تابعت حديثها :-

- حصل أزاى دا يا فؤاد بيه مش حضرتك

المدير العام

- التصميمات دى نانا سلمتها أمبارح

بالظبط ، ومحدث شافها غيرها هى وسارة

والمف زي ما جه زي ما وصل لحضرتك

على المكتب

قالها بجدية ، صمتت قليلاً وقالت :-

- قصدك تقول أن التصاميم أتسرقت في

طريقها من مكتب نانا لمكتبي

- بالظبط ، أنا هدور في الموضوع ومش

هسكت لكن المشكلة الأهم أن باقي أربع أيام

على تقديم التصاميم للجنة عشان تقرر

مين اللي هياخذ المشروع وإحنا محتاجين

تصاميم جديد

ظلت تططق بقلمها على سطح المكتب

وقالت :-

- كارثة مش في ميعادها

- تحبى أكلم مستر يوسف؟؟

أجابته بتردد :-

- لا بلاش يوسف هنلاقي حل أكيد ... لكن دور
على اللي عملها برضو متسكتش

- تحت أمرك

عاد "يوسف" من الخارج وترجل من سيارته
ثم دلف للشاليه فرأها جالسة على حمام
السباحة بالمايو وشعرها مبلة يبدو أنها
كانت بداخله وجلست تحت الشمس ،
أقترب نحوها بهدوء ثم جلس على
الشازلونج بجوارها وقال :-

- مش هنتغدا ولا ايه

فتحت عيناها بفزع بعد أن سمعت صوتها
والتقطت روب الأستحمام سريعًا وهي
تقول بانفعال :-

- أنت غبي مش تعمل صوت قبل تدخل

نظر حوله بسخرية وقال وهو يقف :-

- قبل ما أدخل فين ، أعتقد أنا برا

زفرت بأختناق وهي ترمقه بغضب لتراه

يقتررب بهدوء نحوها لتسير للخلف بتردد

وهي تزدرد لعابها بأرتباك :-

- ثم أنا مش غبي يا مدام نبض .. أنا جوزك

وسايبك بمزاجي وأحترام لرغبتك لكن لو

عاوز حاجة مش هقف زى المراهق أتفجر

على مراتي بالمايو

كادت أن تجيبه لكنها فلتت قدمها على

حافة حمام السباحة ليمسكها من يدها قبل

أن تسقط وقال بحزم :-

- أنا مبحبش اللسان الطويل ويا ريت نحترم

بعض واضح

- براحتى

قالتها بتحدى فترك يدها على سهو لتسقط
بحمام السباحة ويسقط الروب من يدها ،
وضع يديه في جيبه وقال مُجددًا :-

- واضح !!

تبسمت بمكر نسائية وأومات له بنعم وهى
تمد يدها له ليخرجها ، أخذ يدها بين كفه
لكن بدل من أن يخرجها أدخلته هى حيث
جذبتة بقوة صرخ بها بغیظ وهو يرفع
خصلات شعره للأعلى :-

- أنتِ مجنونة الفيذا والتليفون فى جيبى ..

- أنا מבحبش الأوامر يا يوسف بيه

قالتها بتحدى وأستدارت كى تصعد لتصدم
حين مسكها من ذراعها ويخرج لها هاتفه
ويقول :-

- ينفع كدة؟؟

- اه

أقترب خطوة بنظرة غاضبة وهو يحدق بها
فأزدردت لعابها بخوف من نظرتة وقالت :-

- خلاص مينفعش

تحدث وهو يحاصرها في حمام السباحة
بلهجة امرية يغيظها :-

- قولى سورى

- مستحيل

أقترب أكثر منها وهو يعيد طلبه :-

- قولى سورى

أزدردت لعابها من قربة وهى تشعر بدفء
جسده رغم المياه الباردة وقالت بجدية :-

- لا ومتأمريش تاني ، لأن كل ما تأمرني
هعمل العكس ، الأمر ميجبش معايا نتيجة

.....

قطع حديثها بقبلة على شفيتها لتتسع
عينيها بذهول تام وتوقف جسدها عن
الحركة وهى تشعر بيديه تحتضن خصرها
النحيف بلطف وأقدامها لم تصل للقاع
بسبب قصرها ، شعرت بضربات قلبها
تتسارع بسعادة والقشعريرة تسير في
جسدها بخجل شديد ووجنتها زادت أحمرًا ،
أغلقت عيناها بأستسلام وهى تستمع
لصوت قلبها المتراقص ، حملها وهو يخرج
بها من حمام السباحة ويقبل عنقها بلطف
حتى أنه لم ينتبه لهاتفه الذي يرن بأستمرار
داخل جيبه المبلل ...

___ قصر الحناوى ___

منذ يومين وشركته على وشك السقوط
بسبب هذا المشروع الضخم الذى على
وشك خسارته ، منذ الصباح ووالدته تتصل
بیه وهو لم يُجيب عليها وهاتف "نبض"
مغلق ، دلفت "صباح" إلى غرفتها فوجدت
"جلال" يقف أمام المرأة ويربط رابطة عنقه
فسألته بذهول :-

- أنت راىح فين ؟؟

- راىح أشوف الشركة قبل ما تخرب

تحدثت بجدية وغضب من الكارثة التى حلت

بهم :-

- الشركة أنت سايبها بقالك أربع سنين

ومتعرفش عنها حاجة هتروح تعمل ايه

أستدار لها بصرامة وقال غاضبًا :-

- وعشان سايبها يبقى مبفهمش حاجة ،
الشركة دى أنا اللي بنيتها بتعبى وسنين
عمرى مستحيل اسيبها تقع بالسهولة دى

زفرت بأختناق وهى تقول بهدوء :-

- طب اهدى وأقعد وأنا هتصرف

خرج من الغرفة بعناد فخرجت خلفه وهى
تقول :-

- أنت مش هتستحمل والدكتور مانع عنك
أى مجهود

لم يستمع لحديثها ورحل إلى الشركة

فتح "يوسف" عيناه بتعب فى المساء
فوجدتها نائمة بأحضانها ورأسها فوق صدره
العاري وذراعها وأكتافها عاريين فجذب

الغطاء عليها جيداً ثم وضع قبلة على جبينها
بلطف ، ظل ينظر للسقف فى صمت وهدوء
حتى لا يقظها ويده تداعب خصلات شعرها ،
أتاه صوتها المحبوح وهى تقول :-

- صباح الخير

- أجابها بنبرة دافئة :-

- مساء النور إحنا بليل ، لو صحيتى يلا
عشان تتعشى أنتِ مأكلتيش من الصبح

- وهتودينى الفيلم فى السينما

أوما لها بنعم فتبسمت بعفوية وهى تلتقط
روبها وأرتدت ثم دلفت للحمام ، أخرج هاتفه
من جيب بنطلونه المبلل ليرى أكثر من 30
مكالمة فتعجب وهو يتصل بوالدته فأتاه
صوتها :-

- يوسف أنت فىين ؟؟

- في أيه ؟؟

قصت له ما حدث وأنهت حديثها :-

- تيجى الصبح بدرى

أنهى أتصاله ودلف إلى الغرفة رآها مُرتدية
روب الأستحمام وواقفة أمام الدولاب تختار
ثوبها ليقول بجدية :-

- لمى حاجاتك يا نبض عشان هنرجع
القاهرة حالاً

نظرت له بدهشة وقالت :-

- ليه ؟ حصل حاجة ؟

- مشكلة في الشغل ولازم أروح أشوفلها حل

قالها وهو يدخل للمرحاض ، جمعت
ملابسهما والأغراض أثناء أستحمامه وأرتدت
بنطلون أسود فضفاض وقميص نسائي

أصفر اللون وادخلته بالبنطلون وحذاء أصفر

كعب على

_____ قصر الحناوى _____

دلفت "سارة" إلى غرفة المكتب فوجدت

والدها مُنهكًا في العمل فقالت :-

- بابا مش هترتاح شوية؟؟

- لا يا سارة ، خليهم يعملولى قهوة

تقدمت خطوة وهى تقول :-

- دا سابع فنجان قهوة فى ساعتين يا بابا

والفجر قرب يأذن أرتاح شوية ويوسف على

وصول متقلقش

- صرخ بها بغضب وهو يقول :-

- أسمعى الكلام يا سارة

توقف عن الحديث حين مسك قلبه الذي
أشتدت ألمه عليه وسقط على مقعده
فهلعت نحوه بخوف وهى تناديه بفرع

وصلت سيارة "يوسف" للقصر وترجل منها
بينما "كريم" يفتح الباب إلى "نبض" وبدأ
الخدم فى أحضر الحقائق ، دلف بصحتها إلى
القصر فوجد الجميع مستيقظين حتى
عمته وابنتها وجالسين فى الصالون :-

- مالكم

اجابته "سارة" ببكاء وهى تقول :-

- بابا تعبنا قوى يا يوسف والدكتور لسه

مجاش

تحدث "نبض" بسرعة وهى تقول :-

- هو فين؟؟

- فوق يا نبض

قالتها "صباح" فصعدت للاعلى والجميع
بخلفها ، دلفت إلى غرفته واعطتها "صباح"
الرشوات والأشعة الخاصة بقلبه الممرض ،
فصحته "نبض" جيداً وهى مُندهش من
وجود جميع الاجهزة الطبية بغرفته يبدو أنه
لم يذهب للمستشفى ويتلقى علاجه فى
المنزل ، كتبت اسم حقنة ودواء على الورقة
واعطتها لـ "يوسف" وقالت :-

- هات الحقنة دى بسرعة يا يوسف

وقفت من مكانها وهى تضع الأجهزة على
صدره وتضعه على التنفس الصناعى ،
أعطى الورقة لـ "كريم" كى يحضر العلاج
وعاد إلى الغرفة فتحدث "ميرا" ببرود :-

- أنا بقول نستنى لما يجى دكتور العائلة هو
فاهم أكثر

تجاهلت "نبض" جملتها وقالت بيروود شديد
:-

- ممكن بس تطلعوا برا عشان الأكسجين
أخرجتهم "صباح" جميعًا من الغرفة وظلت
هى بجواره ، ذهبت "نبض" إلى غرفتها تبدل
ملابسها إلى فستان قطنى بقط فضفاض
لأن يبدو أن نبطشية اليوم ستكون فى جناح
"جلال" ، تحدث "يوسف" بقلق :-

- هو كويس؟؟

تنهدت بهدوء وقالت :-

- مخبيش عليك حالته مش مستقرة ولو
مهتمش بنفس أكثر من كدة هيجتاح تدخل

جراحی ومنصحكش بدا لأن لا سنه ولا

صحته هتستحمل

صمت بوجع مكتوم لاحظته فى ملامحه
فأقتربت منه بهدوء وأخذت يده بين كفيها
وهى ترمق عيناه بحب وبسمة لطيفة على
شفتيها وقالت :-

- متقلقش أنا هفضل معاه لحد ما يقوم

بالسلامة .. اممم

أوما لها بنعم ثم خرجت من الغرفة ، خرج
خلفها وأخذ العلاج من "كريم" وأعطاه لها ،
أعطته الحقنة وجلست بجواره وحدها ،
دلفت "صباح" بعد ساعتين بصحبة
"يوسف" مُرتدي بدلته الرسمية كى يطمئن
على والده قبل الذهاب للشركة فرأوا
"نبض" نائمة على المقعد وهى جالسة
وتمسك كتاب فى يدها ، تحدثت "صباح" :-

- ودى مراتك الأوضة ترتاح وأنا هقعده جنبه

أنا متعودة على كدة

أقترب بهدوء منها ثم حملها على ذراعيه

ليسقط الكتاب منها ، خرج بها من الغرفة

لتتحدث بصوت مبحوح قائلة :-

- خلىنى معاه يا يوسف

- أمى معاه ، أنت محتاجة ترتاحى شوية من

تعب السفر والسهر

فتحت عيناها بتعب شديد يظهر بهما فرأته

مُرتدي بدلة كحلى فقالت بتمتمة :-

- أنت رايح الشركة؟؟

- امم

خرجت "ميرا" من غرفتها فى نهاية الرواق

ورأته يدور بها فى الرواق الدائرية ويحملها

على ذراعيه لتشتاط غضبًا وغيره وتقدمت

نحوهما

- هتأخر؟! -

سألته وهي مُتشبثة بعنقه فقال بجدية

حادة :-

- لما أشوف حل للكارثة اللي عملوها ...

توقفت "ميرا" أمامهما وتنظر له نظرة

أنكسار، أتبتهت "نبض" لها وقالت :-

- نزلنى يا يوسف

تجاهلها ودلف إلى غرفته بها ، أنزلها في

الفرش وقال بهدوء :-

- تنامى وترتاحى

- حاضر ، خلى بالك من نفسك

أوماً لها بنعم ثم وضع قبلة على جبينها
ورحل من الغرفة ذاهباً إلى القصر

_____ شركة الـ SH _____

كانت "سارة" و"نانا" مندمجين في التصاميم
والعمل بحدة حتى قطعهم صوت "كريم"
يقول :-

- مستر يوسف عاوزاكم

رفعت "سارة" رأسها ليتفحصها بنظره فتاة
ببشرة بيضاء وعيون عسلية ترفع شعرها
الكستنائي للأعلى على هيئة كحكة وتضع
بها أقلام رصاص مُرتدية تنورة قصيرة سوداء
وقميص نسائي بكم أحمر وكعب عالي أحمر
اللون ..

ذهبت معه بصحبة "نانا" إلى المكتب وكان
بالداخل "فؤاد" ، جلس الجميع وبدأ
أجتماعهم فقال :-

- بغض النظر عن حصل أزاى ، هو حصل
ومحتاجين حل فى أسرع وقت لأن مفيش
غير النهاردة وبكرة

- إحنا مش هنلحق نقدم مجموعة جديدة
من التصاميم فى يومين ، منقدرش نديك
شغل شهرين فى يومين

قالتها "نانا" بحزم ، تحدث بغضب مكتوم :-
- أتصرفوا

قطعه رنين هاتفه باسم "نبض" ، أعتذار من
الجميع وتحرك بعيدًا يُجيب عليه يخشى أن
يكون والده ساءت حالته فاجابها قائلاً :-

- أيوة يا نبض

- يوسف تعال على المستشفى بسرعة ،

عمه تعب جدًا وطلبنا الإسعاف

أجابها بنبرة قلق وهو يقول :-

- ماشي وأنا هكلم الدكتور يحصلكم على ما

أجى

خرج من الشركة بصحبة "سارة" وأتجه إلى

المستشفى التى تعمل بها "نبض" بما أنها

ملك لـ "جلال الحناوى" ، صعد إلى الطابق

الخاص فأخبره الممرض بأن والده يستعد

لدخول العمليات ، نزل للطابق التانى حيث

غرفة العمليات فوجد والدته و"ميادة" و

"ميرا"

- بابا فين؟؟

سألت "سارة" ببيكاء ، اجابته "صباح" بهدوء

:-

- دخل العمليات

أناهم الطبيب وخلفه "نبض" وكلا منهم
مُرتدي زي العمليات ، تركها صباحًا منذ
ساعتين مُنهكة بشدة أم الآن تقف امامه
مُرتدية بنطلون وتيشرت بنص كم ذات اللون
الأخضر وعلى رأسها طاقيه طبية تخفى
شعرها وحول عنقها الكمامة لم ترفعها بعد

..

- خيرا دكتور؟؟

- أدعوله عن أذنكم

قالها الطبيب وهو يسرع لغرفة العمليات ،
أربتت على كتفه ببسمة خفيفة تطمئنه
وركنست خلف الطبيب ، أغلق باب غرفة
العمليات ...

أستغرقت الجراحة 7 ساعات مُتصلين ،
جلست "صباح" بهدوء لم تذرف منها دمعة
واحدة فكانت صامدة بماهرة و "ميادة"
تجلس مقابلها ترمقها من لحظة للتانية
بأشمئزاز وبجوارها "ميرا" أم "سارة" كانت
جالسة بجوار والدتها تبكى بخوف فى صمت ،
كان "يوسف" واقفًا أمام غرفة العمليات
مُتتظر خروج والده أو حتى ممرض يطمئنه
على حاله ، خرج الطبيب أولًا فأسرع له
الجميع فقال :-

- الحمد لله الجراحة نجحت ، دكتورة نبض
بتقفل الجراحة وهيخرج على الأنعاش لأن
الفترة الجاية مهم جدًا أنها تعدى بخير ...

رحل الطبيب ونصف ساعة وفتح باب
العمليات ليخرج سريره ووالده عليه بجهاز
التنفس فأخذوا إلى العناية المركزة ، رأى

زوجته تخرج في الخلف بجسد يكاد يسقط
أرضًا من التعب ، تربت على عنقها بلطف
وتدلكه حتى وقع نظرها عليه فتبسمت
بإشراق رغم تعبها ، بسمة كفيلة أن تطمئن
قلبه قليلاً ولو كان يعرف قلبه معنى العشق
لوقع في عشقها بسبب تلك البسمة فقط
التي كفيلة بأن تأسر قلب أى رجل مهما
كانت صلابته ما عدا زوجها ورجلها لم يتحرك
له جفن ، وصلت أمامه فقالت :-

- قولتلك متقلقش

لم يُجيب عليها بل أكتفى بوضع قبلة على
جبينها لتبتسم بلطف له ، رأتهم "ميرا"
لتشعر أنها من تحتاج لعملية تستئصال بها
حبه من قلبها ، دمعت عيناها ورحلت ..
- روح أطمئن على عمه وأنا هروح أجيب
قهوة من الكافتيريا وأحصلكم

قالتها بهدوء ثم رحلت من أمامه إلى
الكافتيريا مباشرة دون أن تبدل ملابس
العمليات ووقفت تنتظر قهوتها وهى تتكأ
على الطاولة بتعب شديد ، رآها من بعيد
تقف مُنهكة وطاقتها نفذت ليقترب خطوة
وأثنين لكن توقفت قدمه بصدمة حين رأى

.....

--- تابع ... ---

#ملك_فقيد_الحب

#نور_زيزو

#نورا_عبدالعزيز

#ملك_فقيد_الحب

--- الفصل الرابع (4) ---

... بعنوان "رباط أقوى" ...

توقفت قدمه بصدمة حين رأى رجل أخر
يقترّب منها من الخلف وعلى وشك لمس
كتفها بأنامله ، شعرت "نبض" بشيء خلفها
فأستدارت لترى "خالد" خلفها مباشرة
ليقول :-

- شكلك تعبانة يا دكتورة

- وأنت شكلك بقى زبالة أوى

قالتها وهى تأخذ القهوة وترحل بغضب ،
أختبي "يوسف" حين أستدارت لذلك الرجل
ثم رحل غاضبًا ...

وصلت "ميرا" إلى الكافي المفضل لها
وجلست مع أصدقاءها بجسدها لكن عقلها
وقلبها مع ذلك الرجل الذي تعشقه بجنون

حتى قطع شرودها صوت "تمارا" وهي

تقول :-

- يا ميرا ..

- ها بتقولى حاجة؟؟

تبسمت "تمارا" بسخرية وهي تقول :-

- بقول هتيجى معانا الرحلة ولا لا

- لا طبعا جاية زمان كانت بتعترض عشان

جوزها مبيوافقش دلوقت هي حرة

قالها صديق لهما فأردفت "ميرا" بأستياء :-

- معلش مش هينفع خاله تعبان جدا وفي

المستشفى مش وقته خالص أنى أروح رحلة

وأأنفصح

- أنتِ بقيت كئيبة أووى يا ميرا

قالتها صديقة لها فقالت بغضب :-

- معلش يا ستى عن أذنكم

رحلت وتركتهم فخرجت "تمارا" خلفها
وقالت بمكر :-

- ما دام هتموتى عليه كدة أرجعليه

أجابتها "ميرا" بعجز شديد :-

- أزاى بس

- أقولك بس هتجيبلى العربية اللى أتفقنا
عليها

أومأت لها بنعم بحماس وفضول فقالت :-

- أول حاجة تخطفيه من مراته ، وتفريقى
بينهم عشان الطريق يخلى لك ، ، وبعدها
بقى هقولك هتعملى أيه ركزى معايا

_____ مستشفى الجلاء الخاص _____

- أنا هقعء معاه يا ماما

كان يتناقشوا على من يبقى معه فتحدثت

"نبض" بجدية :-

- ممكن تروحوا أنتوا وأنا هقعء متقلقوش

- لا

قالها "يوسف" بحزم ثم تابع :-

- فى دكائرة كتير هنا هيخلوا بالهم منه ، كلكم

هتروحوا ، روحى غيرى هدومك عشان

نمشي

- بس

قطعها بغضب شديد قائلاً :-

- سمعتينى يا نبض

خرجت من الغرفة إلى مكتبها دلفت بغضب

من حديثه معها هكذا أمام الجميع ، بدلت

ملابسها في المرحاض ثم خرجت لتراه في

مكتبها يتفحصه وقال :-

- خلصتى

- أنت لسه مش عاوز تخلىنى أقعد هنا؟؟

سألته بغضب فتقدم نحوها بخطوات ثابتة

وعينه تبت غضبًا وقال :-

- وعاوزه تقعدى ليه يا مدام يوسف الحناوى

تعجبتك من نبرته وتلقبه لها بأسمه وهى

تعود بخطواتها للخلف حتى وصلت لباب

المرحاض فحاصرها به لتقول بجدية :-

- أنا قلقانة تكون رجعت فى كلامك مع بابا

وتقعدنى من الشغل مش أكثر

حذق بها بغضب شديد وهو يقول ببرود :-

- أنا مبرجعش فى كلامى غير لو لاقيت حاجة

غلط فى شغلك مثلاً

- أنا عمرى ما غلطت فى شغل يا يوسف

تحدث ببرود أكثر قائلاً :-

- مش قصدى الطب قصدى راجل مثلاً فى

الشغل وبتشربوا القهوة سوا دا كفيلة

يخلينى أحرمك من الشغل

أتسعت عيناها بذهول من حديثه ثم

أبتسمت بدلاية وهى تفهم أنه رآها بالاسفل

وغضبه ربما يكون غيرة إذا هى دلفت إلى

قلبه برحب ، لفت ذراعيها حول خصره

بدلاية وقالت بنبرة دافئة :-

- أنت عارف أن مفيش راجل فى عينى غيرك

تحدث عقله بغضب شديد قائلاً فى صمت :-

- وبعدين معاكى يا نبض

كان شاردًا بصوت عقله ليفوق من شروده
حين وضع قبلة على وجنته بلطف شديد
وقالت :-

- سرحان فى أيه ؟

لم يُجيب عليها بل أقترب نحوها ليُقبلها
فقطعته بخجل وهى تقول :-

- المكتب فيه كاميرات

نظر لعينيها وهو يفتح باب المرحاض
ويدفعها مع الباب برفق حتى يأخذ قبلته
كما يريد ، تبسمت بسعادة وهى تلف
ذراعيها حول رقبته فقطعهما صوت هاتفه
يرن بأسم "كريم" ، أبتعد عنها بأحراج
فدفنت رأسها بكتفه بخجل شديد ، تحدث

في الهاتف ثم خرج معها للخارج وعاد
الجميع للقصر

وصل "يوسف" لمكتب اللجنة التي ستقرر
من الشركة التي ستأخذ المشروع وألتقى
بـ "عمار السيوفي" صاحب شركة الوفاء
المنافسة لهم ، دلف إلى الاجتماع معًا وبعد
أن عرض "عمار" الخطة والتصميمات
المسروقة من شركة SH ؛ تقدم "يوسف"
إلى شاشة العرض ولم يعرض تصاميم جديد
بل عرض شريط فيديو من سجل الكاميرات
به حادثة السرقة كاملة وهناك فتاة تصور
التصاميم بكاميرا ثم تلتقى بسيارة "عمار"
في مرأب السيارات وتعطيه الكاميرا لترفض
اللجنة مشاركة "عمار" ويأخذ "يوسف"

المشروع فخرج من المكتب مُنتصراً ليقول
"عمار" :-

- متضحكش أوى كدة يا يوسف ، الشاطر
اللى يضحك فى الآخر

تبسم "يوسف" وهو يضع يديه فى جيبه
بغرور وقال :-

- فعلاً الشاطر اللى يضحك فى الآخر وأدينى
ضحكت

قالها "يوسف" ثم غادر المكان بصحبة
"كريم" ، صعد إلى سيارته وقال :-

- على المستشفى يا عثمان

ذهب إلى المستشفى وكان والده كما هو
على الأجهزة لم يفوق بعد ثم ذهب إلى
مكتب زوجته ولم يجدها فسأل أحد
الممرضات وقالت :-

- دكتورة نبض بتمر على المرضي بتوعها

عاد للقصر حتى لا يقطع عملها ...

___ قصر الحناوى ___

نزلت "ميرا" من الأعلى مُرتدية قميص نوم
أسود قصير وعليه الروب وهى تنظر حولها
بقلق من أن يراها أحد وسارت نحو غرفة
المكتب ثم فتحت جزء منه ونظرت ، رأته
يقف هناك أمام المكتبة يبحث بها عن شيء
ما ، دلفت بتسلل ورأتها "تهانى" لتصعد
مُسرعة إلى غرفة "صباح" وأخبرتها ما رأته
- هى مش هتتهدد بنت ميادة دى ، عاوز
تخرب على ابنى يومها مش فايت
قالتها "صباح" بغضب وهى ترتدى روبها
الحدير كى تنزل للأسفل ...

وصلت "نبض" بسيارتها إلى القصر ودلفت
بعد أن تركتها لـ "عثمان" كي يركنها ، رأت
ضوء المكتب فذهبت إلى هناك

تقدمت "ميرا" نحوه على أطراف أصابعها
حتى وصلت خلفه وتهدت بهدوء وثقة ثم
لفت ذراعيها حول خصره وقالت :-

- وحشتنى

أوسع عيناه بذهول وهو يترك ما بيده
سريعًا ويقول :-

- الله يخربيتك أيه اللي جابك هنا؟؟

- مانا بقولك وحشتنى ..

فتحت باب المكتب بقوة ودلفت "نبض" ،
عقدت ذراعيها أمام صدرها بهدوء وقلبها
يشتعل من الغيرة وهى تراها مُعانقة زوجها

وملابسها ، رأها "يوسف" تقف هناك فقال

-:

- نبض ...

أقتربت نحوهما بهدوء ما قبل العاصفة

وقالت :-

- أعتقد أنى حذرت يا ميرا هانم من لمس

جوزى

تركته "ميرا" وهى تزفر بأختناق وقالت :-

- واعتقد أن المفروض تخبطى قبلى ما

تدخلى ولا أياه

- معتقدتس أنى دخلت أوضة نوم سيادتك

ولا أياه

كزت "ميرا" على أسنانها بغیظ وهى تسیر

للخارج فأوقفتها "نبض" بحديثها قائلة :-

- يا ريت لما تخرجى من أوضتك تخلى بالك
من لبسك لأن معتقدش أن جوزى جابك
لمكتبه بقميص نوم

أستدار "ميرا" لها لتلقى "نبض" بالروب فى
وجهها بأشمئزاز، أخذته "ميرا" وأستدار
لترحل وقابلت "صباح" على الدرج فزفرت
بأختناق وصعدت ..

رمقته "نبض" بنظرة غضب وقالت :-

- أنا طالعة أنام

مسك يدها بلطف وهو يقول :-

- نبض أنا مجبتهاش

أردفت ببرود تام :-

- مش محتاج تبرر يا يوسف

تركته وصعدت إلى غرفتها غاضبة والغيرة
تأكل قلبها تحت أنظار "صباح" فتواعدت
بالانتقام ...

دلف "يوسف" إلى غرفته فوجدها مظلمة
ماعدًا ضوء خافت بجوار الفراش وزوجته
نائمة هناك ، أقترب برفق ليراها مغمضة
العينين وتحتضن وسادتها ليجذبها منها
،تحدث "نبض" بغضب :-

- سيبها يا يوسف

- لما تأخذي المخدة في حضنك أنا أروح فين

تحدثت بغضب سافر وهي تعتدل في

جلستها :-

- عند ست الحسن بتاعتك و.....

قطعها بقبلة على شفيتها بلطف لتبقى

ساكنة وحين قطع قبلته قالت بحزن :-

- يوسف لو سمحت متخلهاش تقرب منك

تاني لو بتحبنى

نظر لها بصمت فتابعت حديثها قائلة :-

- بلاش لو بتحبنى أنا عارفة أنك مبتحبنيش

بس على الأقل عشان شكلى وكرامتى وكل

حاجة

أوما لها بنعم ثم قبل جبينها فسأته :-

- وعد ؟!

- أمممم وعد

قالها وهو يفك رابطة عنقه وينظر لها ،

تبسمت له وهى تلف ذراعيها حول عنقه

بحب

- أنا هسمحه بالخروج لأن دكتورة نبض
معاه فى البيت ومتأكد أنها هتقوم بالواجب
كله ، لكن واحد عامل عملية فى القلب من
شهر ولسه فايق من أسبوع ميخرجش
دلوقت بحالته دى

قالها الطبيب فأجابته "صباح" بجدية :-

- متشكرة جدًا يا دكتور

أخذته "صباح" بصحبة "كريم" و "نبض" فى
الإسعاف ورحلت ...

___ قصر الحناوى ___

وصل "يوسف" مساءً من الشركة بعد أن
أنهى يومه الطويل فى العمل ، كانت "نبض"

جالسة مع "سارة" فى الصالون يشاهدون
فيلم مَعًا و"ميرا" تجلس على السفرة
تتناول طعامها وحدها ، رأته "نبض" يدخل
للقصر فنظرت إلى ساعة يدها ووجدتها
الحادية عشر مساءً ، وقفت كى تذهب له
فشعرت بدوران فى رأسها وتبسمت "ميرا"
بخبث وهى تنظر إلى كأس العصير الخاص
بـ "نبض" فارغًا ، تقدمت "نبض" نحوه
ببسمتها وهى تهز رأسها تحاول مقاومة
دوران رأسها لتنظر على يدها وترى بها بثرات
حمراء فنظرت إلى "ميرا" بغضب ..

راها تقترب منه وهى تتأرجح يمينًا ويسارًا
ليتقدم هو نحوها حتى وصل أمامها ومسكها
من ذراعيها فقالت بنبرة واهنة وهى تتشبث
به بقوة :-

- يوسف !!

- مالك يا نبض أنتِ تعبانة

تحدثت بتلعثم شديد وهى تحاول رؤية
وجهه بوضوح :-

- ودينى المستشفى

سقطت بين ذراعيه فاقدة للوعى ، أحتضنها
بقوة وهو يربت على وجهها ويناديها :-
- نبض .. نبض ..

حملها على ذراعيه بسرعة وخرج بها من
القصر إلى المستشفى ، رأتها "نادين" معه
فهرعت نحوها بخوف قائلة :-

- حصل ايه؟؟ البيبى حصله حاجة

أتسعت عيناه بدهشة وهو يقول بتلعثم :-

- بيبى ايه؟؟ هى حامل؟؟

أتسعت عيني "نادين" بصدمة حين رأيت
الكدمات الحمراء على جسد صديقتها
فقالته بهلع :-

- هي شربت أيه؟؟

- معرفش

وضعها على السرير بحجرة الطواريء وركض
"نادين" تنادى على طبيب آخر بخوف على
صديقتها وليُصدم هو الآخر وصرخ غاضبًا :-

- هي أخذت مخدر

- معرفش

صرخ به "يوسف" وهو لا يفهم شيء لما
الجميع فزعوا حين رأوها وماذا حل بزوجه ،
وضعوا لها التنفس الصناعى بعد غسيل
المعدة وأعطوها حقنة للأفاق ..

سأل "يوسف" بذعر :-

- هي مالها ؟؟

- حضرتك نبض عندها حساسية من أى نوع
مخدر أو منوم وممنوعة منه نهائي لأنه
ممکن يقتلها ، أزاى تأخذ الكمية دى كلها
من المخدر

قالتها "نادين" بانفعال ليفهم أن هناك أحد
وضع منوم أو مخدر لزوجته بالطعام لأن من
المحال أن تاخذه بنفسها وما دامت على
علم بخطرہ ، سألتها بهدوء :-

- هي كويسة دلوقت ؟

- كويسة هي والبيبي

للمرة الثانية تتحدث عن جنين فسألها
مذهولاً :-

- هي حامل؟؟

- اه حضرتك متعرفش ، هي كشفت الصبح
وحامل في شهر مبروك ويا ريت تخلى بالك
منها

قالتها "نادين" ثم رحلت ، نظر إلى زوجته
بدهشة وما زال غير مُصدِّقًا أنها تحمل طفله
في أحشاءها الآن وبعد ٨ أشهر سيكون أب
ولديه طفل ، أقترب نحوها ببטיء وجلس
على المقعد فقالت بتلعثم :-

- يوسف أنا ..

- متكلميش يا نبض ، أرتاحي

سألته ببسمة على شفيتها رغم وجهها
الشاحب :-

- خوفت عليا؟؟

أخذ يدها بين يديه بلطف وقال :-

- أممم .. أتفزعنت عليكى يا نبض ، مكنتش

عارف مالك ولا أياه الكدمات دى

تبسمت بأشراق وهى تقول :-

- قالولك أنى حامل

أوما لها بنعم فسألته بتعجب قائلة :-

- أنت مش فرحان ، شكلك مش مبسوط

- مبسوط بس مش مصدق أنى هكون أب

قالها بلطف وهو يمسح على رأسها فأكتفت

بأبتسامه ...

___ قصر الحناوى ___

- يعنى مرات أخوكى مالها

سألتها "صباح" بغضب فقالت "سارة" :-

- معرفش يا ماما هي فجأة وقعت من

طولها ويوسف خدها للمستشفى

- وبعدين في المصايب اللي نازلة على دماغ

الواحد دى

قالتها "صباح" بأستياء فردت "ميادة" قائلة

:-

- اهدى يا صباح هانم ، كلها نص ساعة

وتيجى زى القردة

زفرت "صباح" بأختناق ، كانت "ميرا" تشرب

العصير بسعادة وبسمة على شفيتها ماكرة ،

دلف "يوسف" حاملها على ذراعيه فأسرعت

"صباح" نحوهما بقلق وقالت :-

- نبض مالها؟؟

نظر إلى "ميرا" بغضب شديد وقال بصوت

رجولى قوى حتى تسمعه بوضوح :-

- مفيش يا أمى ، أصل نبض حامل

أتسعت أعين الجميع وسقط الكأس من يد

"ميرا" بصدمة ألجمتها وهكذا والدتها ، أم

"صباح" تبسمت بسعادة وهى تقول :-

- مبروك يا حبايى لما ألحق أطمئن أبوك

وأفرحه

صعدت ركضًا بعد أن قبلت "نبض"

و"سارة" باركتها لها بسعادة وهى تقول :-

- مبروك يا حبيبتي لو طلعت بنت تسميها

"سارة" على أسمى

تبسمت "نبض" بتعب فقال "يوسف" وهو

يرى دموع "ميرا" تتساقط بغزارة :-

- عن أذنكم عشان ترتاح ، الدكتور منبه على
راحتها

صعد بها إلى الغرفة فركض "ميرا" لخارج
القصر بغضب ووجع في آن واحد ...

- بجد حامل؟؟

سألها "جلال" بسعادة وكأن مرضه زال حين
سمع هذا الخبر فأجابته بفرحة عارمة :-

- بجد ، حامل هتبقى جدو يا حبيبي

- يا رب يطول في عمري لحد ما أشوف
حفيد مرة واحدة بس

قالها بترجي وهو يرفع يديه للسماء ، أربتت
"صباح" على كتفه وهي تقول :-

- بعد الشر عليك يا حبيبي ، أن شاء الله
تشوفه وتدخله المدرسة والجامعة كمان

- يا رب أشوفه بس ، أنا راضي

قالها بسعادة مُتناسي مرضه تمامًا ،
تبسمت " صباح " بفرحة عارمة وأخذت
أسدالها لكي تصلى ركعتين شكر وحمد لله
على نعمته وعوده لابنها ...

دلف بها للغرفة فوجدها مُزينة بالبالونات
والشموع وهناك على الطاولة عشاء
رومانسي يبدو أنها جهزت أحتفال صغير كي
تخبّره بحملها لكن هذه الحقودة "ميرا"
دمرت عليها فرحتها ..

وضعها "يوسف" بالفراش برفق وقال :-

- حاسة بحاجة دلوقت؟؟

- أحسن الحمد لله

قالتها بهدوء فذهب ليبدل ملابسه وأرتدى
تيشرت أزرق وبنطلون أبيض بخطوط زرقاء ،
أحضر المرهم وأخذ يدها بيده ويده الأخرى
تضع المرهم على كدماتها برفق وهى نائمة ،
تبسمت بحب وهى تقول :-

- سيبه يا يوسف ، يومين ثلاثة وهيروحو

- الدكتور قال ...

قطعت حديثه وهى تفتح عيناها لتنظر له
بسعادة :-

- المرهم غلط للحوامل ، كدة كدة يومين
ثلاثة بالكدمات الساقعة هيروح ، أنا مش
عاوزة اضرب ابننا

وضع قبلة على جبينها بلطف ليرفرف قلبها
فرحًا فهي تعلم جيدًا أن قلبها أحب هذا

الرجل وبعنون ، أحبته رغم أنه لا يعترف
بالحب ولم يحبها أبدًا في حياته ، سعد
للفراش بجوارها وأخذها بحضنه بحنان وهو
يقول :-

- أسف عشان أتأخرت عليكى مكنتش
أعرف أنك مجهزة الحفلة الصغيرة دى
أجابته ورأسها فوق صدره وتتشبث به :-

- ولا يهملك تبقى تتعوض

صمت وهو يقبل جبينها فسألته بهدوء :-

- أنت مفكرتش تحب قبل كدة يا يوسف

- لا لأنى مبعملش حاجة معرفهاش

رفعت رأسها له لتتقابل عيناها معًا :-

- بس الحب كل الناس عارفاه أنك تهتم

بشخص وتخاف عليه وتبقى عاوز تسعد دا

حُب ، لما يغيب عنك وتحسي بوحدة وفراغ
في غيابه دا حُب

رفع خصلات شعرها عن وجهها وقال :-

- نبض أنا الحاجة الوحيدة اللي بحس بوحدة
وفراغ في غيابها هي الشغل ، غير كدة لا

تذمرت من حديثه وقالت بهدوء قبل أن
تغضب :-

- يعنى لو أنا غبت عنك مش هتحس بغيابي

زفر بأختناق وهو يبعدها عنه ويقوم من
فراشه بينما يقول بحدة :-

- معرفش يا نبض لكن اللي اعرفه أني
مبحبكيش أكيد ممكن أكون أتعودت على
وجودك مش أكثر

شعرت بدمعة تتلألأ في عينيها من قسوة
حديثه وهى تراه يسير إلى الشرفة ، ألقت
بجسدها على الفراش لتبكى بحسرة
وصمت

----- تاابع ... -----

#ملك_فقيد_الحب

#نور_زيزو

#نورا_عبدالعزيز

#ملك_فقيد_الحب

----- الفصل الخامس (5) -----

... بعنوان "أريد الطلاق" ...

أستيقظت "نبض" صباحًا على صوت
حديثه وهو يتحدث في الهاتف فوضعت
الوسادة فوق رأسها بغضب حتى سمعت

صوت باب الغرفة يغلق لتعتدل في جلستها

بغیظ منه وهى تقول :-

- مبحكیش ..

قذفت الوسادة تجاه الباب بغضب شديد

وتتابع حديثها قائلة :-

- هنشوف يا يوسف بتحبنى ولا لا

أخذت حمامها ثم بدلت ملابسها إلى بنطلون

جينز وتيشرت بنص كم ثم نزلت للأسفل

لتجد القصر فى حالة هدوء تام بعد أن ذهب

"يوسف" و"صباح" و"سارة" إلى الشركة ،

جاءت لها "تهانى" وهى تقول برسمية :-

- أفضلى يا هانم الفطار جاهز

- أنا مطلبتش فطار

أبتسمت "تهانى" بلطف وقالت :-

- يوسف بيه أمرنى أهتم بيكى وبتغذيتك

أنتِ والجنين

تبسمت بأشراق مُتناسية غضبها منه وهى

تلمس بطنها بلطف وسعادة لا توصف

وتحدث طفلها بفرحة تغمر قلبها قائلة :-

- واضح أنك هتكون السبب فى أنه يعترف

بحبه لى ... حبيب قلب مامى

تبسمت بسعادة وكأن طفلها أئفق معها

على والده ليساعدها فى الوصول إلى قلب

هذا القاسي ، سألتها "تهانى" وهى لم تسمع

تمتمتها جيداً :-

- بتقولى حاجة يا هانم؟؟

- ها لا شكرًا روحى أنتِ

قالتها بأحراج ثم جلست على السفرة تتناول

فطارها بلطف وهى شاردة وتفكر كيف تصل

لقلبه فهي ملت من هذا التعود ، نزلت
"ميادة" من الأعلى لتراها جالسة هناك
فأقتربت منها بغیظ وهي تقول :-

- هم سابوكى لوحك ومشيووا

رمقتها "نبض" بهدوء وقالت :-

- كل واحد هنا وراءه أشغاله أكيد مش
هعطلهم جنبى

أومات لها "ميادة" بسخرية وهي تجلس
على المقعد بجوارها وقالت :-

- أنتِ هبلة أوى يا نبض تعرفى كدة

- مين قال كدة ، بالعكس أنا مُعترفة بذكائى

قالتها وهي تنهى طعامها ثم وقفت كى
ترحل لتستوقفها "ميادة" بحديثها بلهجة
تهديد واضح وصريح قائلة :-

- أنت مش ذكية بل غبية ، غبية لو فاكدة أن
هسيب قلب بنتى يتكسر بسببك أنتِ أو
اللى بطنك

أستدارت "نبض" لها بصدمة من تهديدها ،
وقفت "ميادة" بخُبت شيطانية وأستدارت
لها كى تتقابل عينيها فسألته "نبض"
بتلعثم قائلة :-

- قصدك أيه ؟؟

أقتربت "ميادة" منها ثم قالت بتهديد وهى
تلمس بطنها بقوة :-

- يعنى خايفة على نفسك لأنى مش هغلب
فأنى أطلعه من بطنك قبل ما دب فيه الروح
قشعرت "نبض" بخوف وهى تدفع يدها
بعيدًا عن بطنها وقالت بتحدى وهى تخفى
خوفها فى قوة شخصيتها :-

- طب فكرى تعمليها تانى مجرد فكر ، أنا
مش ضعيفة زى ما أنتِ فاكرة أنا ساكتة
وهادية لأنى مراعية مشاعر بنتك لكن واضح
أن الطيبة متنفعش معاكم ، كان لازم لما
ألاقى بنتك فى مكتب جوزى بقميص نوم
أجبها من شعرها وأخليها فرجة البيت كله
رفعت "ميادة" يدها كى تصفعها بغضب
فمسكت "نبض" يدها بتحدى وقالت بتهديد
-:

- متفكريش تعمليها تانى وخافى منى لأنى
من بريئة زى ما أنتِ متخيلة
دفعتها "نبض" بقوة وصعدت إلى غرفتها
تحضر حقيبتها بتعب وهى تلتقط أنفاسها
بصعوبة من الخوف ، تعلم أن شخصيتها
قوية لكنها تعترف بأنها رأت نظرة مُرعبة فى
عين "ميادة" ، لمست بطنها بخوف وقالت :-

- متخفش محدش هيقدر يأذيكى طول ما
أنا عايشة

كانت "ميرا" تجلس على فراشها وتبكى
بقهرة وحسرة بأنيهار شديد منذ أن علمت
بحملها وأنها ستنجب طفله الذي تحمله فى
أحشاءها لتفقد أعصابها وبدأت تضرب بطنها
بقوة وهى تقول :-

- ليه ... ليه

كانت تلوم رحمها الذي لن يستطيع حمل
جنين به، رن هاتفها بأسم "نادين" فأجابت
عليها لتسألها "نادين" :-

- عملتى اللى قولتلك عليه؟؟

- نادين ، نبض حامل ... بعد أربعين يوم جواز
بقيت حامل في شهر لكن أنا بعد سنتين
أطلقت ومعرفتش أحمل

كانت تتحدث ببيكاء شديد لتقول "نادين"
بصدمة :-

- أوبس ... ميرا الحمل دا لازم ينزل وإلا
مستحيل ترجعى ليوسف مهما حصل ،
هيفضل دايماً مراته ام ابنه عنك

أتسعت عينيها على مصراعيها بدهشة
وقالت مُتلعثمة :-

- أقتل ابن يوسف

- ابن نبض مش ابنك أنتِ

قالتها "نادين" بشر فصمتت "ميرا" بهدوء
وهى تفكر في حديثها ...

_____ شقة الزمالك _____

دلفت "نبض" لتعانقها والدتها بسعادة وهى
تقبلها بحماس وتقول :-

- مبروك يا حبيبتى ، ربنا يقومك بالسلامة
وتجيلنا نونو صغير

- يا رب يا ماما

قالتها "نبض" بأستياء فسألتها "جهاد" وهى
تجلس معها على الاريقة :-

- مالك يا نبض ، شكلك مش مبسوطه وأيه
الكدمات دى ... أنتِ

أُتسعت عينيها على مصراعيها بهلع لُتُجيبها
"نبض" بحزن :-

- حد حطلى مخدر فى العصير .. ماما أنا
خايفة أعيش هناك عمته بتهددنى أنها
هتقتل ابنى وهو فى بطنى

حدقت بها "جهاد" بانفعال وهى تقول :-

- ليه هى سايبه ولا ايه طب خليها تفكر
تعملها وأطلع مصارينها فى ايدى .. دا أنا
اكلها بسنانى

صمتت "نبض" دقائق وقالت بتردد وهى
تنظر لوالدتها :-

- ماما أنا عاوزه أطلق ...

أتسعت عيني "جهاد" على مصراعها
بذهول وهى تحدق بطفلتها عروس لم
تكمل شهرين وتطلب الطلاق ...

_____ شركة الـ SH _____

صرخ "فؤاد" بغضب وهو جالسًا على مكتبه
ويتحدث بالهاتف :-

- نهار مش فايت .. طلاق أيه هي بنتك
أتجننت ، هي فاكر أن يوسف ممكن يطلق
دا لو ممكن بقى مستحيل وهي شايلة ابنه
في بطنها ... عقلى بنتك يا جهاد متفتحوش
عليا باب جنهم أنا من الأول قولت بلاش
الجوازة دى وأنتوا ركبتوا دماغكم ... أنا
مفهمش كُهن الحریم دا أنا أفهم أن يوسف
ممكن يوصلنا للجحيم لو قولتله كلمة طلاق
دى

زفر بأختناق وهو يقف من مكانه ويقول :-

- روى بنتك بيتها قبل ما جوزها يرجع
وميلاقهاش ... يوووه مفيش طلاق
متخربوش البيت

دلف "يوسف" مع جملته الأخير فأغلق
الخط سريعًا بأرتباك وقال :-

- أتفضل يا مستر يوسف

جلس وبدأ أجتاعهم دون أن يعلق
"يوسف" على حديثه

تحدث "نانا" بغضب حين رأت "ميرا" تقف
أمام مكتبها :-

- أنتِ أيه اللي جاباك هنا ؟؟

رفعت "سارة" عينيها لتدهش بوجود "ميرا"
وسألتها :-

- ميرا .. أیه اللی جابك هنا؟؟

- سارة طلعی الجرثومة دی من مكتبی حالاً

قالتها "نانا" بانفعال ، أخذتها "سارة" للخارج

وقالت :-

- فی ایه یا ميرا

- راجعة شغلی یا سارة فی أیه ؟

رمقتها "سارة" بذهول وهی تعقد ذراعیها

أمام صدرها وقالت ببرود :-

- شغل أیه ؟ أنتِ ناسية أن شغلك انتهى

هنا مع طلاقك

- أنا لو فضلت فی البيت هتركب جنایة

قالتها "ميرا" بغیظ فأجابتها "سارة" دون أن

تكثرث لحديثها :-

- أرجعى البيت يا ميرا أو روحى أقعدى مع
صحابك اللى فضلتهم زمان عن بيتك
وجوزك

تركتها "سارة" وعادت لعملها ، زفرت "ميرا"
بأختناق ورحلت من الشركة كالقنبلة
المؤقتة على وشك التفجير

_____ قصر الحناوى _____

- تهانى .. يا تهانى

قالتها "صباح" وهى تنزل الدرج لتأتى لها
فورًا فسألتها :-

- نبض رجعت ، أطلعها عشان تغير
المحلول للبيه الكبير

- الهانم الصغيرة مرجعتش من الصبح

نظرت "صباح" إلى ساعتها ووجدت العاشرة
مساءً فقالت بتعجب :-

- اتاخرت كدة ليه ، هي مقالتلكيش هي
رايحة فين؟؟

- لا يا هانم

أشارت لها بالذهاب وهي تقول :-

- هتكون راحت فين؟؟ دا يوسف على
وصول ومنبه عليها بلاش نبطشية بليل

ذهبت للصالون وقبل أن تجلس دلف
"يوسف" من باب القصر وخلفه "كريم"
وقال :-

- مساء الخير !!

- مساء النور ، كريم من فضلك روح هات
مدام نبض من العيادة عشان مترجعش
لوحدھا

نظر "يوسف" لها بتعجب وقال :-

- نبض مبتفتحش العيادة يوم الاثنين ، هى
خرجت وهى تعبانة

- تهانى بتقول خرجت من الصبح

اجابته وهى تجلس على الأريكة ، كانت
"ميادة" تراقب الموقف فى صمت وهى
تشاهد المسلسل وتأكل الفشار ، أخرج
هاتفه من جيبه وأتصال بها وهو يُتمتم
بغضب مكتوم :-

- بتخرج من غير أذنى وكمان مبتردش ..

يومك مش فايت يا نبض

تبسمت "ميادة" بسخرية وركضت للأعلى
حيث غرفة ابنتها فوجدتها نائمة على فراشها
باستسلام ويأس فقالت بحماس :-

- ميـرا .. ميـرا قـومى يا بنت

- أيـه يا ماما

قالتها بزمجرة فتحدث "ميادة" بسعادة وهى
تقول :-

- قومى شكل طلاق نبض النهاردة

أتسعت عيناها بذهول وهى تقول :-

- أنتِ بتقولى أيه ؟

- فاكرة لما خرجتى من غير أذن يوسف

عمل ايه

تحدث بحزن شديد قائلة :-

- كلنى علقه كنت هموت فى ايده لولا خاله
أدخل

تبسمت "ميادة" وهى تعقد ذراعيها أمام
صدرها وتقول :-

- وخالك دلوقت لا حول ولا قوة ، محدش
بيقدر على يوسف غيره وست الحُسن
خرجت من غير أذنه وميعرفش هى فين ...
محدش هيحوشها من تحت ايده يكش
يسقطها بنفسه وهو بيضربها .. قومی
متفوتيش الفرصة دى

أخذت معها للأسفل وكان مُشتاط غضب
ووالدته تحاول تهدأته وهى تقول :-

- يمكن كلموها فى المستشفى لحالة حرجة
ولا حاجة .. اهدا

- تعرفنى يا أمى ، هى فاكرة أنها متجوزه
سوسن هنا ولا مالهاش حاكم ، أنتوا فاكزين
الفلوس والغنى بيمحى رجولة الراجل
ويخليه بقرون ...

قالها بغضب شديد ليقطعه رنين هاتفه
باسم "فؤاد"

_____ شقة الزمالك _____

- مروحتيش ليه يا نبض؟؟

سألها "فؤاد" بغضب شديد فأجابته بزمجرة

-:

- فى ايه يا بابا أنت بتطردنى من بيتك ،
أزمينى فى الشارع أحسن

- أنا بيتى مفتوحلك العمر كله لكن كلامك
مفهوش أى غلط من جوزك ، وأنتِ من
البداية وافقتى تتجوزيه وأنتِ عارفة الوضع
كامل متجيش دلوقت تقولى هطلق لأن
خراب البيوت مش بالساهل وخصوصًا بقى
بيت يوسف الحناوى

كان هاتفها يرن بأستمرار بأسمه وهى لا
تجيب فقال بحدّة :-

- رد على جوزك

- لا

زفر بأختناق وأتصل هو يخبره بوجودها عنده
وأغلق الخط ، صرخت فى وجهه بغضب قائلة

:-

- بابا أنا طالبة الطلاق ، أيه هتجي بكرة دى

- أنا متعرفيش تطلبى الطلاق منه وأنا
حذرتك أنتِ وأمك من البداية وأنتوا ركبتموا
دماغكم يبقى متجوش دلوقت تقولوا مش
عاوزين ، يوسف الحناوى مش أى رجل
عادى والسلام

- يا بابا أنا مش عاوزاه هعيش معاه غصب
أوما لها بنعم وهو يقول :-

- اه هتعيشي معاه غصب لأنه مقصرش
معاكى ومشاكلك مع طليقتة وأمه
متعاقبوش عليها ، أنتِ بنفسك قولتى أنه
مهتم بيكى وبيعاملك كويس ومش مقصر
رغم أنشغال الدائم على طول فاكرك يبقى
طلاق ليه

- أستن لما يموتنى أنا وابنى .. هتفرحوا
وقتها

قالتها بغضب شديد فقال :-

- ميقدروش ، حطى فى بالك يا نبض أنك
مشوفتيش غير الجزء الحنين من يوسف
حتى رغم قسوته دى حينته ، لكن أنتِ
مستحيل خيالك يوصل ليوسف لما
بيغضب بيتحول لأيه ، هم بيهددوكى فى
غيابه عشان تخافى وتعملى اللى عملته دى
تسيبى بيتك وتخربيه ويوصلوا هم لهدفهم
زفرت بأختناق وهى تتحاشي النظر له فقال
بهدوء وهو يملك وجهها بين كفيه :-

- أتاكدى يا نبض أنهم لو طيرولك ضفر
يوسف هيطير رقبتهم ، صدقيني يا حبيبتى
جوزك مش ضعيف ولا جبان عشان يسيب
حد ياذيكى أنتِ وابنه . هممم

- ما هم أذونى يا بابا؟؟

أجابها بثقة :-

- مكانوش يعرفوا أن المخدر خطر عليكى ،
كانوا بيهزروا معاكى لأنهم لو يعرفوا مكنوش
عاشوا لنهاردة

نظرت لعيناه بغضب شديد وقالت :-

- بابا أنا هطلق دا اخر كلام ولو مطلقنيش
هخلعه

صرخ بغضب وهو يسير بعيدًا عنها :-

- يا صبر أيوب ... عقلى بنتك يا جهاد عاوزه
تخلع يوسف الحناوى .. دا يقتلك لو نطقتيها
قدامه

دق باب المنزل وفتحت الخادمة وولج
"يوسف" بوجه لأول مرة تراه احمر من شدة
غضبه وظهرت خطوط عرضية على جبينه
وعروقه بارز توحى كل ملامحه لغضبه من

فعلته ، وقف وهو يضع يديه في جيوبه

ويحرق بها قائلاً :-

- يلا يا نبض وحسابنا في البيت

- أقعد يا يوسف

قالتها "جهاد" مُلطفة الجو بينهم فتحدثت

"نبض" بانفعال :-

- أنت جاي ليه لأنك اتعودت تشوفنى في

بيتك فيا حرام ملاقتنيش النهاردة

- نبض !!

قالها "فؤاد" مُحدثها بتحذير من طريقة

حديثها معه فقالت بتحدى :-

- أنا مش هروح معاك يا يوسف ، أنا عاوزة

أطلق بس بابا واضح أنه خاف يقولك كدة في

التليفون

- نبض ، أتكلّمى بأدب

قالتها "جهاد" وهى تنظر على ملامح
"يوسف" التى تحولت من الغضب للذهول
التام فسألها بجديّة :-

- أنتِ واعية للى بتقولى يا نبض

- أنا واعية أنى لو روحت معاك مش هيطلع
عليا نهار وأن العقارب اللى فى بيتك
هيقتلونى أنا وابنى

قهقهه بسخرية وهو يرمقها بغضب شديد
قائلًا :-

- ليه متجوزة خيال مئّة ، أنتِ عارفة أن
محدث يقدر يأذيكى كويس أوى

- أذونى أنا مشربتش مخدر بمزاجى عشان
أنتحر مثلاً ولا أتجننت هشربه بعد ما عرفت
أنى حامل

قالتها بثقة فقال :-

- بس محدش يعرف أنه خطر عليكى ورغم
كدة أنا مستكتش عن اللى حصل ، أنا يمكن
أكون أنشغلت فى خوفى عليكى لكن مش
هفوتها

- أسمع يا يوسف أنا عاوزة اطلق وأدينى
بقولها لك لأن بابا خايف منك لكن أنا
مبخافش

صدمت حين نزلت صفة قوية على وجهها
من "فؤاد" صارخاً بغضب بها :-

- كفاية بقى يا نبض

أتسعت عيني "جهاد" وهى تمسكه من يده
بهلع لأول مرة يرفع يده على ابنته منذ
نعومة اظافرها وقالت :-

- فؤاد !!

نظرت "نبض" بصدمة له وظل "يوسف"
صامتًا بعد أن أغمض عيناه بغضب من
فعلت والدها فهي الآن ليست ابنته فقط بل
زوجة هذا الأسد ، تحدث "فؤاد" وهو يقترب
منها أكثر صارخًا بها :-

- سيبنى أربيها ، الحمل شكله طير عقل
بنتك

كاد أن يصفعها مُجددًا ليمسك "يوسف"
يده بغضب ويقول بنبرة مُرعبة :-

- دى مراتى

نظر "فؤاد" له بصمت ثم لها ليرى دموعها
تتلاأ في جفنيها بحزن ، أستدار "يوسف" لها
وهو يمسك يدها بلطف شديد ويقول بنبرة
هادئة :-

- يلا يا نبض وأنا هجبلك ححك قدام عيناكى

النهاردة

جذبها من يدها معه وسارت بصحبتة تبكى
بصمت بسبب صفة والدها لها ، نزل من
العمارة ليفتح "كريم" الباب له فأدخلها هى
أولاً ثم صعد بجوارها وأنطلق "كريم" ، كان
الصمت بينهم فقالت بصوت مبحوح وسط
بكاءها :-

- أنا أسفة بس ...

- متكلميش يا نبض

قصت له حديث "ميادة" وهى تجهش فى
البكاء فصمت وهو يشتعل غضبًا بداخله ثم
جذبها إلى صدره وهو يطوقها بذراعيه ويقول

-:

- عمته بوق بس ومع ذلك هدفعتها ثمن
كلامها دا . بس لما تخافى يا نبض تعاليلى
محدث هيطمنك ويحميكى قدى

رفعت نظرها له ليرى الدموع تتلألأ بعينيها
الخصراء فرفع يدها بلطف ليحفف دموعها
بابهامه وقال بهدوء :-

- كفاية عياط هتخليهم يفكروا أنى ضربتك ..
صدقينى يا نبض هم ميقدروش يقربوا منك
مش لأنهم عاجزين لكن لأنهم عارفين أنا
ممکن أعمل لو خدوا منك شعرة واحدة
لفت ذراعيها حول خصره بلطف دون أن
تجيبه ، وضع قبلة على جبينها وهو يفكر
ماذا سيفعل حين يراها الآن حين يصل ..
وصلت السيارة وهو يشعر بثقل جسدها
ورأسها على صدره فترجل من السيارة

كان الجميع بانتظار عودته لتصدم "ميادة"
حين رأته يدخل وهو يحملها على ذراعيه
فرمقها بنظرة غضب جعلت القشعريرة
تسير في جسدها من نظرتة

----- تابع -----

#ملك_فقيد_الحب

#نور_زيزو

#نورا_عبدالعزيز

٣٠٠ لايك وكومنت ووهنزل فصل تانى👉

#ملك_فقيد_الحب

----- الفصل السادس (6) -----

... بعنوان " الشيء ونقيضه " ...

تحاشت النظر لعيناه بخوف فصعد للغرفة
ووضعها بالفراش ثم نزع حذاءها ووضع

الغطاء عليها بلطف وجلس يتأمل ملامحها
وهو يرفع خصلات شعرها عن وجهها ليرى
علامات أصابع والدها على وجهها ، لمس
وجنتها بحنان ثم أنحنى نحوها يضع قبلة
مكان صفعته على وجنتها المتورمة وقال
بتمتمة :-

- أأخذك حقا من أبوكى أزاى ، لو كان
غريب كنت قطعت ايده ... مشكلتك يا
نبض أن مفهمتش أنك أغلى حاجة فى حياتى
من غير حب ، كفاية أنك مراتى وامراتى
الوحيدة على الكون وكأنك بمثابة كوني
الحقيقي

تنهد بتعب ودلف للمرحاض ، فتحت عينيها
ببطيء وهى تنظر على باب المرحاض بحزن
ممزوج بسعادة من حديثه وهى تشعر

بضربات قلبها المختلطة فرحًا وعبسًا في آن

واحد وقالت مُتمتمة :-

- مشكلتى أنى عاوزاه حبك يا يوسف

أغمضت عيناها بياس ، أنهى حمامه

وخرجت بجسده المبلل ثم صعد للفراش

بجوارها وأخذها بين ذراعيه ، شيء بداخله

يرفض رحيلها بعيد عنه ويخشى فراقها تلك

الزوجة التى أُجبر على الزواج بها والأُن تحمل

طفله فى أحشاءها ، أغمض عيناها بأستسلام

وهى تشعر بصوت أنفاسه وضربات قلبه

لُتُتمتم بصوت مبحوح :-

- يوسف

- مممم

- أنا عاوزة أسالك على حاجة

قالتها وهى تتشبث به بحب فقال بجدية :-

- قولى يا نبض

- هو أنت كنت زعلان ومتعصب لما جيت

عند بابا ليه

سألته وهى تنتظر جواب رومانسي بأنه
أشتاق لها أو لا يقدر على فراقها لكن كيف
للجبل أن ينطق فقال بجدية :-

- كنت جاي أكسر رقبتك عشان خرجتى من
غير اذن لكن الموقف غلبنى كان باين أنك
فى نبوة غضب وقهرة فى الوقت ذاته وفؤاد
زوده مخلص فرصة أكسر حتى صبعك ..
رفعت رأسها له بقلب مُفطور من الوجد
وقالت :-

- يعنى مش عشان وحشتك

وضع خصلات شعرها خلف أذنها بلطف

وقال :-

- عارفة يا نبض أنا عمرى ما جربت أحساس
أن حاجة توحشنى ، ومعرفش الشوق دا
أحساسه عامل أزاى

أجابته بنبرة حزينة على وشك البكاء :-

- عارف أنت بقى ، أنا عمرى ما هوحشك
وهنفضل عمرنا كله مع بعض لأننا كنا
مجبورين على الجوازة دى لحد ما نخسر
بعض

أستدارت تعطيه ظهرها وتنام باكية لتشعر
به يحتضنها من الخلف ثم وضع قبلة على
عنقها وقال :-

- عشان مخسرکش زى ما بتقولى بحاول
أعاملك بلطف ، لأنك تستاهلى بجد يا نبض
، سامحيني لو مش عارف أعملك اللى
عاوزاه يا نبض وأسف أنى مش الزوج اللى

يغرقك بكلام معسول ولا الزوج اللى بتتنميه
، لكن عاوزاك تصدقيني فى حاجة واحدة بس
أنك وطنى الوحيد وفى غيابك عُربتى وأنا
راجل أقدر أتعايش مع عُربتى لكن للأمانة
أتعود على لجؤي فى وطنك .. حاولى تتقبلى
مرارتى وأن مبحكيش بس تتأكدى وأنتِ
بتقبلى مرارتى أنك ملجأى ... أقبلى وأنا
الشيء ونقيضه مع أنى عارف أنه طلب
مُستحيل يتحقق لكن حاولى عشان مش
عاوز أخسرك

أستمعت لحديثه بفرح وحسرة كلمة تخطف
قلبها وكلمة تكسره ، جملة تجبر خاطرها
وجملة تقتل روحها ، تبسمت للجانب
المُشرق فقط ونظرت له بسعادة وبسمة
مُشرقة وقالت :-

- بجد مش عاوز تخسرنى ؟؟

داعب خصلات شعرها بحنان وهو ينظر

لعيناها بشغف وقال :-

- بجد مش عاوز أخسرك يا نبض لأنك زوجة

أى راجل فى الدنيا يتمناها

وضعت يدها على صدره بحب وقالت بنبرة

دافئة :-

- أنا مش عاوزة أى راجل غيرك ، عاوزاك

أنت بس تتمنانى

- وأنا بتمناكى يا نبض ومستحيل أسيبك

لراجل تانى حتى لو هيديكى الحب اللى أنا

مش عارف أديهولك

قالها بنبرة ناعمة ثم أقترب نحوها أكثر

لتختلط أنفاسهما معًا حتى وصل لشفتيها

بشفتيه ويديه تسلل إلى خصرها

أستعدت "صباح" للرحيل بعد أن أرتدى
تنورة طويلة تصل للأسفل ركبتيها وقميص
نسائي أبيض وعلى أكتافها سترتها ثم
خرجت من الغرفة وهبطت للأسفل ووجدت
الجميع على سفرة الفطار معًا ، جلست
على مقعدها وكانت "ميادة" ترمق "نبض"
من حين لآخر ليقطع صمتها حديث
"يوسف" الحاد قائلاً :-

- عمتى ...

رفعت نظرها له وتعجب للجميع لأول مرة
يتحدث على السفرة ويقطع صمتهم فتابع
حديثه بنبرة قوية دون أن ينظر لها أو يرفع
نظره عن الطبق ويمسك بيده السكين :-
- أحب أعرفك أنى لما بخرج من البيت مش
معناه أنى مبعرفش اللى بيحصل هنا

- فى آيه يا يوسف ، لزومه آيه الكلام دا
قالتها "ميادة" بأرتباك واضح ليجيب عليها
وهو يترك السكين بغرور :-

- وأحب اعرفك أنك قاعدة هنا فى البيت دا
لأن بابا مش حابب يسيبك تعيشي لوحدك
مع بنتك لكن تفكرى تأذي مراتى ولو بكلمة
رد فعلى مش هيعجبك .. حضرتك عمتى
لكن مش أعلى عندى من مراتى حطى دا فى
بالك

نظرت "ميادة" لها بغیظ وقالت بانفعال :-

- محصلش

نظر الجميع فى صمت ولم يفهموا شيء
فتحدث مُجددًا وهو يقول :-

- أنتِ وغيرك عارفين كويس أن اللى يبص
لمراتى بصة متعجبنيش ولا تعجبها أمحى

من على وجه الأرض .. وأن عشان تأذي
نبض لازم تخلصي منى أنا الأول

- يا يوسف محصلش حاجة

بتر حديثها بغضب وهو يقف من مقعده
ويقول :-

- أنا نبهتك بس المرة عشان الدم اللي بينا
وأنتِ أكثر الناس عارفة أن تنبيه واحد منى
معناه أن حكم الأعدام صدر ومع الغلط
التانى بيتنفذ وأفتكرى جوزك يمكن تفوقى ..

أبتلعت ريقها بصعوبة وأرتجفت يدها حين
ذكرها بزوجها وتحدث "ميادة" بزمجرة وهى
تحقق بـ "نبض" بغیظ :-

- أنت بتكلمنى كدة عشان دى

- دى مراتى ، امرأتى لو مش واخدة بالك

ثم أنحنى ليضع قبلة على رأس "نبض"

بكبرياء وقال هامسًا لها :-

- هتوحشيني

أتسعت عيناها بذهول من كلمته ونبض قلبها بقوة جنونية وكأنه نال جائزة أو ربح مسابقة ما ، نظرت "ميرا" لها بأغتيال وصدمة فماذا فعلت هذه النبض به لم يغضب عليها أمس حين خرجت بدون إذن منه في حين أنه كاد أن يقتلها هي عندما فعلتها ، والأن يتحدث عن الشوق وهو لم يعرفه يوم ... وقفت من مكانها بغضب وصعدت إلى غرفتها ، خرجت "نبض" خلفه ركضًا وهي تناديه :-

- يوسف .. يوسف

أستدار لها وهو يقف أمام باب السيارة ليراها
تنزل الدرجات ركضًا نحوه حتى وصلت أمامه
وقالت :-

- أنت قولت أيه جوا ؟

تبسم بسعادة على رقتها وعقلها الذي لم
يصدق أنه فعلها ، نظرت لبسمته بحب وهى
تخطف قلبها حقًا بسمة هذا الرجل ، قرص
وجنتها وهو يقول :-

- هتوحشيني يا نبض

- دا بجد مش عشان تغيظهم

سألته وهى تتشبث بسترته ففقهه ضاحكًا
عليها وقال :-

- طب ما أنتِ بتفهمى أهو يا نبض

تلاشت بسمتها وتحولت لغضب ليقول

بجدية :-

- بجد هتوحشيني ، يلا عشان متتأخريش

على المستشفى

أومأت له بسعادة وعادت للداخل بفرحة

تغمرها ..

___ شقة الزمالك ___

- أنا هروح النهاردة أطمن على نبض بعد

الجامعة

قالتها "جهاد" وهى تلف حجابها أمام المرأة

ليُجيب "فؤاد" بجدية وهو يربط رابطة عنقه

-:

- خليها بكرة تكون بنتك هديت شوية من

الجنان اللي في دماغها

- ليه عشان يقولوا أن ملهاش أهلها

ويفضلوا يحرقوا في دمها

أستدار لها قبل أن يخرج من باب الغرفة

وقال بتحذير :-

- متدخلش في الموضوع دا يا جهاد ... لو

أدخلتى بيت بنتك هيولع أكثر

تذمرت غاضبة من حديثه وتردف :-

- بقى أنا اللي هخرب بيتها وولعه

- أى حد يدخل بين راجل ومراته بيخرب

البيت

قالها وخرج من الغرفة لتستدير خلفه وتقول

-:

- بس دا مش بين راجل ومراته دا بين بنتى

واهله العقارب

- والله هم دول اللى كُنتى هتموتى وتجوزيها

وتعيش معهم ، متروحيش النهاردة يا جهاد

فاهمة

قالها بتحذير واضح ثم خرج من الشقة ،

تذمرت بغیظ ثم ذهبت للجامعة

____ مستشفى الجلاء الخاص ____

كانت "نبض" جالسة فى الكافتيريا تأكل

بشراسة وهى تتحدث والطعام بفهمها قائلة

-:

- عامل زى لوح الثلج يا نادين

- اتكلمى لما تخلصي أكل يا نبض ، هو أنتِ

مفطرتيش فى البيت

قالتها "نادين" وهى تكتم ضحكاتها على
مظهر صديقتها التى كانت تكتفى بقهوتها
فى الفطار والآن أكلت 4 سندوتش حجم كبير
، تمتت "نبض" وفمها مليء بالطعام :-

- فطرت بس مش أوى مكنتش عاوزاهم
يبصولى فى الأكل لعينهم تجيب أجلى

- ههههه بعد الشر عنك يا حبيبتي ،
متخافيش منهم كدة بعد كلام جوزك وكلام
انكيل فؤاد عنه المفروض متخافيش خالص
وتطمنى أنه معاكى وفى ضهرك

قالتها "نادين" بثقة وهى ترتشف قهوتها ،
تركت "نبض" السندوتش وقالت بجدية
وهى تمسح فمها بالمنديل :-

- أنا مبققتش فاهمة حاجة من جوزى دا ،
معاملته ليا وحنيته معايا غير كلامه
وقسوته لسانه عامل زى القرباج

- يبقى لازم يحبك يا نبض ، لازم تكونى عنده
أهم من الشغل اللى بتكلمى عنه وأهم
حاجة فى حياته

سألته "نبض" بحزن على وجهه :-

- طب أزاي ؟ أنا كل ما أتكلم معاه فى
موضوع الحب يوجعنى بكلامه ويسبنى
ويمشى

- لما جابك المستشفى الخوف اللى كان فى
عينه وصراخه فينا عشانك بيدل على أنه
بيخاف عليكى من الهوا ومكنش عاوزاك
تتأذي حتى من غير ما يعرف أنك حامل ،

الخوف دا كان عليكى وليكى مش على ابنه

... لكن أزاى دى تسيبها عليا

- مش فاهمة

قالتها "نبض" بحماس شديد لتُجيبها

"نادين" وهى تقترب منها أكثر :-

- أولًا متفتحيش معاه موضوع الحب دا

عشان ميحسش أنك بتضغطى عليه أو

بتزنى ويتخفق منك ...

قطعتها "نبض" باستياء :-

- بس ..

نكزتها "نادين" بغضب شديد وهى تقول

بتهديد :-

- مفيش بس ، فى أنك تسمعى الكلام لو

عاوزاه قلبه .. ثانى حاجة يوسف لازم

يشوفك في كل مكان حواليه حتى لو مش
موجودة معاه

- أزاى؟؟

سألته "نبض" بتركيز وهى تعقل حديثها
لُجيب "نادين" بجدية :-

- هو كله ازاي مخك دا موجود ليه يا دكتورة
، عموماً ليها كذا حل يشوفك بيهم ، صورك
مثلاً علقها في كل مكان حواليه ..

أومات لها بنعم شديد وهى تنظر لعينيها
مُنتظرة بقية الحديث لتتابع "نادين" :-

- صوتك لازم يتعود يسمعه

صرخت "نبض" باغتيال شديد وهى تقول :-

- تاني يتعود محدش يجبل سيرة التعود

دى تاني

- بلاش يتعود ، لازم يسمع صوتك حتى
وأنت مش قدامه ، أتصلى بيه كل فترة في
الشغل أطلبى منه حاجة

- أطلب منه أيه؟؟

زفرت "نادين" بضجر وهى تدفع رأسها
بسبابتها وتقول :-

- ما تشغلى دا شوية ، اطلبى أى حاجة يا
ستى ، أقولك أنتِ مش حامل خديها حجة
وأتصلى أطلب أكل بحجة الوحم .. ما شاء
الله عليكى بتأكل دلوقت لخمسة مش
أتنين بس لما تطلبى أكل أطلبى حاجة مش
موجودة مش موسمها عشان يلف عليها ،
لفه عليها هو اللى مطلوب عشان يحس أنه
بيعمل عشانك

- الله أكبر .. كملى

قالتها "نبض" وهى تضع كفها فى وجهها
بمزاح ، تحدثت "نادين" بين ضحكاتهما :-

- شوفتى مثل شوقى ولا دوقى ، خليه
يشتاقلك يا نبض

نظرت "نبض" لها بذهول وهى تقول بتردد
خوفاً من غضب صديقتها :-

- أزاى لا مؤاخذة؟؟

وقفت "نادين" بأغتياظ لترحل فركضت
"نبض" خلفها بترجى وهى تقول :-

- خلاص آخر مرة ... هسأل

أستدارت "نادين" لها ترمقها لتراها تركض
خلفها وهى تحمل السندوتش وعلبة عصير
فقالت :-

- واضح أن الدكاترة مش هيلاقوا أكل في
المستشفى دي الفترة الجاية ، تعالى يا اخرة
صبرى أشرحلك في المكتب عشان دا كلام
عيب

قالتها وهى تغمز لها بعينها اليسرى لتبتسم
"نبض" وهى تذهب معها

كان "عثمان" يقود سيارته المرسيديس
السوداء و"كريم" يجلس بجواره و"يوسف"
جالسًا في الخلف يمسك بيده لوح التابلت
ويباشر عمله أثناء عودته من الشركة فقطع
الصمت السائد رنين هاتفه ، أخرجه من
الجيب الداخلى لسترته ليرى أسمها "نبض"
فأجاب عليها بعدم اهتمام وعيناه في التابلت

- أيوة يا نبض .. أطلبى ... تأكلى ايه ..

ترك التابلت وهو ينظر للنافذة مُتَعَجِّبًا
لطلبها وقال بأهتمام :-

- أسمعنا الكاكا يعنى ، ما عندك فواكة كتير
فى البيت ... حاضر يا نبض ... لا أتوحى طبعًا
... أنتِ روحتى ؟ .. خلصتى العيادة بدرى
النهاردة

قالها وهو ينظر لساعة يده التى تجاوزت
العاشرة مساءا ثم تابع حديثه :-
- حاضر .. سلام

أغلق الخط معها وتعجب لطلبها ثم قال
ببرود :-

- اقف عند أى فكهانى يا عثمان ؟؟

- خير يا فندم

قالها "كريم" بهدوء فأجابه وهو يغلق

التابلت نهائي :-

- المدام عاوزه كاكا؟؟

تبسم "كريم" باحراج في صمت ، ظل يبحث

عنها اكثر من ساعة وهو يعلم جيداً بأن هذا

ليس موسمها ...

___ قصر الحناوى ___

خرجت "نبض" من الحمام بعد أن

أستحمت حمامها الدافئ ثم جلست أمام

المرآة تجفف شعرها بالمجفف وهي تفكر

في حديث "نادين" جيداً فتنهدت بحماس

ووقفت تبدل ملابسها من روب الأستحمام

إلى قميص نوم بنفسجى غامق طويل وعليه

روب بكم طويل وأغلقت رابطة حول الخصر

، سمعت صوت سيارته في أسفل لتعلم أنه
جاء فأسرعت بوضع قليل من مساحيق
التجميل ودق باب الغرفة لتفتح ، كانت
"تهانى" تحمل العشاء لها كما طلبت منها ثم
رحلت قبل أن يصعد ، وضعت الطعام على
الطاولة أمام الأريكة ليفتح باب الغرفة
فركضت نحوه مسرعة ووضعت يدها على
عيناه فقال بتعجب :-

- في أيه ؟

أجابته وهى تدخله وتغلق الباب :-

- أستن بس .. أنت طويل كدة ليه ؟

قالتها بتعب وهى تقف على أطراف أصابعها
لتحكم عيناه بيدها جيّدًا ، سارت به للدخل
على أطراف اصابعها وللخلف وكادت أن

تسقط أكثر من مرة ليحيط ظهرها بذراعه

ويقول :-

- هو المفروض مين اللي يسند التانى

تبسمت وهى تتوقف فى منتصف الغرفة

وتبعد يدها عنه وتقول :-

- أيه رأيك؟؟

نظر حواله بدهشة وهو يسير ببطيء فى أرجاء

الغرفة ، وضعت صور زفافهما فى كل مكان

على الحائط وخلف السرير تضع صور لهما

من شهر العسل بالغرذقة وجهه قرب وجهها

جدًا وعيناه تحدق بعينيها ، تعجب من نظرتة

لها وتسائل عقله هل كان ينظر لها تلك

النظرة بذلك الشغف والحنان ، توقف ينظر

لتلك الصورة دقيقة شاردًا بها ويديه على

عنقها ، أستدار لها بهدوء وقال :-

- آيه دا يا نبض؟؟ آيه اللى عملتية فى

الاوضة دا؟؟

أقتربت منه وهى تفتح زر سترته بدلال

وقالت :-

- الألوان السوداء كانت كثيية جدًا وصور أنا

معرفش معناها ،، الأكتئاب والبيئة اللى

هعيش فيها لازم تكون مبهجة عشان

متأثرش على البيبي ونفسيته

تفحصها بصمت وهى تنزع سترته عن

أكتافه وقال بمكر وهو يفهم ألعابها :-

- البيبي ونفسيته !!

أومات له بنعم ، تابع حديثه وهو ينظر

لملابسها ومساحيق التجميل :-

- والبيبي ونفسيته ليهم علاقة بجمال الماما

برضو

تبسمت بخجل له وهى تقول :-

- لا دا ليه علاقة بالبابا عشان ميروحش

يتجوز عليها

قهقه ضاحكًا وهو يضم رأسها إلى صدره بيد

واحد ويقول :-

- ههههه والله أنك مجنونة يا نبض

تأملت ضحكته بحب يبت من عيناها ،

نظرتها له كانت كفيلة بأن تخطف قلبه لها

لكن هذا الرجل الحديدى لا يتأثر كثيرًا

بمعازلتها فقالت بنبرة دافئة :-

- أول مرة أشوفك بتضحك كدة ، ضحكك

حلوة يا يوسف ليقة على وشك

تلاشت ضحكاته وهو يحدق بها لتشعر بيديه

تلمس خصرها فقالت مُسرعة وهى تتهرب

منه :-

- تعال عشان تتعشي قبل ما الأكل يبرد

أخذته من يده إلى الأريكة ليراها وضعت
صورة لها ببسمة مُشرقة بجوار المرآة هناك
وكأنها تتعمد أن ينظر لها كل يوم بدل المرآة
ونفس الصورة على حجم صغير على مكتبه
الصغير بجوار المكتبة ، وضعت صورها في
كل مكان تقع عيناه عليها فقطعت شروده
وهي تقول :-

- كُل !!

نظر لها ليراها تمد الملاعقة أمام فمه
وتطعمه بنفسها ، أخذ منها الملاعقة وقال :-
- كُلِي يا نبض ، أنا أسمع أنك بتأكلين لأثنين
دلوقت

دق باب الغرفة فقال بجدية :-

- أفتحى لتهانى ، هتلاقيها غسلت الكاكا

تبسمت بسعادة وركضت للباب ، وقفت
خلفه تحتضن طبق الكاكا بحب ، تابع
حركتها الطفولية وهو يأكل الطعام بصمت
وبسماتها المُشرقة ، نظرت لكاكا بشغف
وهى تلمس بطنها بيدها الأخر لتُصدم
بأصطدام جسدها بباب الغرفة من الخلف
ومن الأمام بصدره القوي ويحتضن شفيتها
بشفتيه ليسقط الطبق من يدها وينكسر إلى
جزئيات مُتناثرة ، لم يبالي له ورفعها عن
الأرض حتى لا تجرح قدمها وأتجه بها إلى
الفراش

كانت "ميرا" بغرفتها تزداد حزنًا كل يوم عن
السابق وهى تذبل أكثر فهو لم يكتفى
بالزواج بل معاملته مع زوجته تقتلها هى
وتنتزع قلبها من مكانه ، نظرت لسكين

الفاكهة بنظرات ثابتة وعيون مشوشة الرؤية
بسبب الدموع الكثيفة بها ، مسكت السكين
بوجع شديد

جلست "نبض" على الفراش تضرب رأسها
بخفة على أستسلامها له وهى تفكر بحديث
"نادين" لتنظر إلى هاتفه الموضوع على
الكمودينو ثم إلى باب المرحاض وركضت إلى
هناك تسترق السمع فسمعت صوت الماء
يتدفق من الصنوبر فعادت إلى فراشها
وأخذت الهاتف بين يدها تلهو به كما يحلو له
بمكر نسائي ...

--- تابع ---

#ملك_فقيد_الحب

#نور_زيزو

#نورا_عبدالعزيز

#ملك_فقيد_الحب

---- الفصل السابع (7) ----

... بعنوان "برود قاتل" ...

أستيقظ "يوسف" صباحًا بتعب ليفتح عيناه
ببطيء شديد ودهش حين رأى صورتها
الأخيرة مُعلقة بالسقف ليراها أثناء نومه
فتبسم بخفة وهو ينظر بجواره على زوجته
المُدللة فكانت نائمة بهدوء ويد على بطنها
كأنها تعانق طفلها ويدها الأخرى بجوار رأسها
، وضع قبلة على جبينها بلطف لتشعر به ثم
وضع قبلة على بطنها فقالت بصوت مبحوح

-:

- بتعمل أيه؟؟

نظر لها بدلاية وقال :-

- صباح الخير

- صباح النور

قالتها وهى تعتدل فى جلستها ليفزعهما
صوت صراخ بالخارج ، أرتدت روبها وهى
تخرج معه وكأن الصراخ من غرفة "ميرا"
ليُصدم الجميع حين رأوها على الأرض غارقة
فى دماءها ...

مستشفى الجلاء الخاص

خرج "خالد" من الغرفة لتسأله "ميادة"
ببكاء قائلة :-

- طمنى يا دكتور

- أطمنى هى كويسة ساعتين وتخرج معاكم

قالها ثم نظر إلى "نبض" التي جاءت بصحبة
"نادين" بعد أن أردت زى العمليات لتبدأ
يومها الروتينى بالعمل ، أنتبه "يوسف" إلى
نظراته التي تحولت إلى زوجته فقال بغیظ :-

- متشكرين يا دكتور

انتبه "خالد" لصوته الرجولى القوى فنظر له
بغضب ثم رحل وتركهم ، دلفت "ميادة" إلى
غرفة ابنتها باكية وتتواعد بالانتقام من
"نبض" فهي سبب كل هذا وما يحدث
لابنتها ، تحدث "يوسف" ببرود قائلاً :-

- أنا همشي ، عاوزه حاجة

- خلى بالك من نفسك

أوما لها بنعم وغادر المستشفى مع "كريم"
، ذهبت إلى غرفة العمليات وهي تتحدث مع
"نادين" فصرخت "نادين" بها بانفعال :-

- أنتِ عبيطة صح يا نبض ، أنا قولتلك خليه
يشتاقلك

- مقدرتش يا نادين ، مقدرش أقاومه

قالتها بخجل شديد وهى تتحاشي النظر لها
بوجنتين ورديتين ، تنهدت "نادين" بضجر
ودلفت إلى غرفة العمليات

كان جالسًا بسيارته يراجع بعض الأوراق من
أجل اجتماع اليوم فأخرج هاتفه من جيب
سترته الداخلى وفتحه ليدهش حين رأى
صورتها خلفية الهاتف ، نظر للهاتف يمين
ويسار مُعتقدًا بأن هواتفهم تبادلت ليتأكد
بأنه ملكه ، خرجت منه بسمة رغم عنه وهو
ينظر على الشارع وفحص هاتفه ليرى ماذا
فعلت به أيضًا حتى وصل للشركة فوضعه

بسترتة وترجل من الشركة ، دلف إلى
المصعد وحين وصل لطابق مكتبه وجد
"فؤاد" بانتظاره ليبدوا أجتاعهما ، ساروا إلى
قاعة الأجتاعات و"فؤاد" يتحدث عن
المشروع ليتوقف "يوسف" فيتوقف
الجميع خلفه ثم أستدار إلى "فؤاد" وقال
بشروود :-

- هى مجنونة ؟؟

- هى مين يا مستر يوسف

قالها "فؤاد" بعدم فهم ، لم يُجيب عليه
ودلف إلى الأجتاع وبعد أن شرح "فؤاد"
فكرة المشروع على المدراء ووافق "يوسف"
عليها خرج من القاعة بعد الأجتاع يتحدث
مع شريكه فرن هاتف بأغنية (نفسي
أسألك / أصالة) مرة وأخرى فتذمر وهو

يستدير إلى موظفيه بغضب وهو يقول :-

- اللى تليفونه بيرن يقفله أو يعمله

قطع حديثه حين أشار إليه "كريم" بأن الهاتف المنزعج منه بداخل جيبه هو ، نظر للجميع وهو يخرج الهاتف من جيبه ليرى هاتفه يدق بتلك النغمة فنظر للجميع مُجددًا ، تحاشي الجميع النظر له بخوف منه ثم نظر إلى الهاتف ليدقق بالأسم جيدًا غير مستوعب ما يراه فهي لم تغير خليفة الهاتف ورنه فقط بل أبدلت أسمها من "نبض" إلى (نبضة قلبي) ، نظر للهاتف وكأنها ألجمته بصاقعة كهربائية لم يستطيع الحركة أو الحديث ، أغلق الهاتف نهائي بغضب وألقاه في وجه "كريم" ليلتقطه بسرعة

_____ مستشفى الجلاء الخاص _____

نظرت للهاتف بحزن بعد أن أغلقه نهائي ولم
يجيب عليها فقالت :-

- كدة يا يوسف

- بطلى زن بقى وأنجزى عشان نلحق نأكل
قبل العملية الثانية ولا مش جعانة
أجابته بوجه عابس وشفتيها مقوستين
للأسفل بحزن :-

- مش جعانة ماليش نفس

تبسمت "نادين" وهى تنظر للطاولة وهى
مليئة بالطعام و"نبض" تأكل بوجه عابس
فقالت وهى تكتم ضحكاتهما :-

- واضح فعلاً أنك مش جعانة ونفسك

مسدودة على الآخر

- مبيردش عليا يا نادين

قالتها بأستياء ، تحدث "نادين" بجدية :-

- يبقى نخش على المرحلة اللي بعدها ،

يغير عليكى

- أزاى؟؟

- هشرحلك لما نخلص العملية

قالتها "نادين" وهى تنهى طعامها فقالت

"نبض" :-

- لا دلوقت والنبي

قرصتها "نادين" فى وجنتها لتغيظها وتقول :-

- لا عشان تحرمى تحطى كل العمليات فى

يوم واحد

رحلت من أمامها فقالت "نبض" وهى

تركض خلفها :-

- أستنى خلاص أخر مرة

- ينفع اللى عملتيه دا يا ميرا

قالتها "ميادة" بحزن فأجابتها "ميرا" بنبرة

قاسية :-

- تعبت يا ماما ومش قادرة ، كل ما أشوفها

أو أسمع أسمها ببقى عاوزه أموتها

- أهدى يا حبيبتى طيب

اجابتها "ميرا" ببرود تام :-

- أنا هادية ، المفروض هم اللى يهدوا لحد ما

أخذ حقى ، أنا مش هضيع حياتى تانى عشان

هى تعيش وتتبسط

نظرت "ميادة" لها بهدوء ، أغمضت "ميرا"
عينها وهي تفكر بحديث "تمارا" جيداً يجب
أن تتخلص من هذا الطفل الذي جعل
"يوسف" يحرق قلبها أمام الجميع لأجله ...

___ قصر الحناوى ___

وصلت سيارة "صباح" إلى القصر بصحبة
"سارة" وترجلت منها ثم دلفت لتستقبلها
"تهانى" تنزع عن أكتافها سترتها وتقول :-

- حمد الله على السلامة يا هانم

- البيه صحى؟؟

أجابتها "تهانى" ببسمة هادئة :-

- ونزلته يقعد فى الجنيينة كمان

- طب كويسة حضرلى الحمام عشان هلكانة

- تحت أمرك يا هانم

أستدارت "صباح" لها وهى تسألها بجدية :-

- نبض رجعت يا تهانى ؟

- لسه

نظرت "صباح" إلى ساعة يدها التى تجاوزت

السادسة وقالت :-

- غريبة دى بتخلص شغل يوم الثلاثاء

الساعة 5

خرجت للجنيينة إلى حيث يجلس "جلال"

وقبلت جبينه وهى تجلس بجواره :-

- عامل أيه يا حبيبي ؟

- بخير ، أخبار يومك أيه ؟؟

تبسمت بتهكم وقالت بتعب :-

- كالعادة ، خدت الدواء

أوماً لها بنعم وهو يقول :-

- باقى الحقنة لما نبض ترجع هتدهالى

جاءت لها "تهانى" وقالت :-

- الحمام جاهز يا هانم

- ماشي

قالتها وهى تذهب معه بتعب وأرهاق شديد

....

_____ مستشفى الجلاء الخاص _____

وقفت "نبض" من على مقعدها وهى

تحمل حقيبتها على كتفها وخرجت من

المكتب لتجد "نادين" بانتظارها فقالت :-

- مش هتعملى اللي قولتلك عليه

- لا يا نادين ، يغير عليا بطريقتك دى تبقى

مجنونة ... أنتِ أكيد مجنونة رسمى أو

بتتكلمى بقلب جامد لأنك متعرفيش

يوسف

قالتها وهى تسيير للخارج ، وصلت لمرأب

السيارات و"نادين" تقول :-

- صدقيني دا اللي بيجى مع الرجالة

- مش مع يوسف

قالتها وهى تفتح سيارتها الحمراء وصعدت

إليها وهى تُتمتم بحديثها قائلة :-

- لا مستحيل ..

قادت سيارتها وهى تنفر من رأسها أى فكرة

وحديث "نادين" الذى يتردد فى اذنيها حتى

وصلت للقصر ، ترجلت من سيارتها لترى
سيارته هناك فتعلم أنها عاد للقصر مبكرًا
اليوم ، دلفت للداخل ووجدت "سارة" في
الصالون تشاهد الدراما فجلست بجوارها
وهي تقول :-

- مساء الخير

- أنتِ جيّتى ، أنتِ عملتى ايه؟؟

سألته "سارة" بصوت مُنخفض ، نظرت
"نبض" لها بتعجب وقالت بأستغراب :-

- عملت ايه فى ايه؟؟

- يوسف راجع من بدرى وعلى وشه عاصفة
بركانية وقال أول ما توصلى تطلعه فورًا
تعجبت "نبض" ووقفت من مكانها فسألته
"سارة" :-

- رايحة فين ؟

- طالعة له

أجابته بثقة فوقفت "سارة" بدهشة وهى

تقول :-

- أنتِ متأكدة أنك هتطلعى تواجهيه مش

هتهربى

- فى أيه يا سارة

قالتها وهى تغادر من أمامها فتمتمت

"سارة" :-

- ربنا يستر عليكى يا بنتى

فتحت باب الغرفة ودلفت لتراه جالسًا على
المقعد بهدوء ما قبل العاصفة ، أغلقت باب

الغرفة ووضعت حقيبتها على المقعد

المجاور ثم سارت نحوه وهى تقول :-

- جيت بدري النهاردة؟؟

ألقى الهاتف فى وجهها بقوة وهو يقول :-

- آيه دا؟؟

أتسعت عيناها بصدمة على مصراعيها

وانتفض جسدها بفرع منه وهى تنظر

للهاتف تحت قدمها وقالت بتلعثم :-

- آيه يا يوسف مالك؟؟

وقف من مكانه بغضب سافر وقال :-

- مالى ... ابقى وقف وسط الموظفين بتوعى

ويرن تليفونى بالقرف دا ، وصورتك مين

قالك أنى عاوز أشوفك برا البيت

ازدردت لعابها بصعوبة وخوف من غضبه
كالثور الهائج وقالت بصوت مبحوح :-

- أنت قولت أنى هوحشك ..

صرخ بها بانفعال شديد وهو يقترب منها
قائلًا :-

- توحشيني !! ، نبض أنا مبتكر كيش غير
لما برجع البيت ، طول ما أنا برا البيت أنت
مش فى حياتى ولما بشوف أبوكى فى الشغل
مبتكرتش برضو ..

دمعت عيناها بحزن قاتل ونظرت له بيأس
وأختناق من قسوته الزائدة عليها ..

- أنت بتكلم كأن عمرك ما حبيت قبل كدة
يا يوسف

قالتها "نبض" بنبرة هادئة تخشى ثورته
المعتادة كلما تحدث عن الحب والمشاعر

يثور بها ودومًا يترك الغرفة لها ، أدار رأسه
لها مُتَعَجِّبًا حديثها عن الحب مُجددًا وكأنها لا
تمل من هذا الحديث وقال بأختناق سافر :-

- أنا لو كنت حبيت مكنتش وصلت لأى
حاجة من اللى وصلتها دى .. ربك بيقسم
الأزراق على خلقه بالتساوى يا نبض وأنا
زرقى مكنش فى الحب كان فى العلم والعمل
وأنا مُكتفى بذلك

- يعنى أنت حرمت زرق الحب عليك من
نفسك

زفر بأستنكار شديد وقال بلهجة صارمة
وحزم :-

- الحب مجرد كلمات معسولة يا نبض وأنا
راجل عملى ممكن أقول كلام معسول
يدوب أى ست على وجه الكرة الأرضية لكن

أنا راجل بالنسبة له الدقيقة اللي هضيعها
في كلمة حب ممكن أكسب فيها آلاف
الجنيهات دا أن مكانتش دولارات لو قعدت
في مكتبي ... الحب ضعف يا نبض وأنا
متعودتش أضعف مهما حصل

حدقت في عينه بنظرة هادئة مليئة بالحب
الذي سيهزم هذا المنطق والعقل المستحوذ
على زوجها المعترجرف وقالت هامسة :-

- من وجهة نظري الحب يقوى مبيضعفش
، الحب قوة مش ضعف وإلا مكنش الحب
حرب مسلوبة الراء يا يوسف....

زفر بأختناق وهو يمस्क ذراعها بقوة وقال
بغضب :-

- وأنتِ فاكرة بقى أن بافعالك دى هحك ..

- ليه لا؟؟

قالتها والدموع بدأت تنهمر من جفنيها فقال

بجدية وجحود :-

- تبقى غبية يا نبض ، ميرا عملت أضعاف

أعمالك دى وموصلتش وأنتِ كمان مش

هتوصلى

نفضت ذراعها من قبضته بغضب وغيره
شديدة حين نطق أسم طليقته أمامها وقالت

:-

- أنت متستاهلش أنك تتحب يا يوسف ،

متستاهلش حاجة خالص ولا حتى قلبى ...

وأياك تنطق أسمها قدامى تانى ولا تقارنى

بيها فاهم !!

قالتها وخرجت من الغرفة قبل أن يجيب
عليها ، زفر بأختناق شديد من أفعالها ليقع
نظره على الهاتف الملقى على الأرض ويرن

بنفس الرنة (نفسى اسالك / اصالة)

فتمتم بأختناق :-

- يا الله ...

أعطت "نبض" الحقنة لـ "جلال" بصمت
وهى تتحاشي النظر له ، كان صامت وهو
يحدق بوجهها وهى تخفضه للأسفل بحزن
ودموعها تنهمر بصمت وكأنها تخشى أن
يرى أحد دموعها وضعفها فقالت بنبرة
مُتعبة :-

- حاجة تانية يا عمى ؟؟

- يوسف مزعلك يا نبض ؟؟

سألها وهو ينظر لها ووجهها يسرد لكل من
يراه أوجاعها ، أشارت له بلا فى صمت ليربت
على ركبته بحنان وقال :-

- أحكيلى يا نبض ، أنا عارف أنه مزعلك وفى
الغالب قسوته هى اللى وجعاكى ، حماتك
ربتة على العلم بس من وهو طفل أربع
سنين كانت بتختارله القصص والكتب اللى
بتكلم عن نجاح الملك وفوزه فى الحروب
وحكام مصر اللى نجحه فى الحكم، مفكرتش
مرة واحدة تجبله قصة ملك حب الأميرة ولا
حتى الفقيرة ، أتربى وكبر على أنه ولى العهد
اللى هيورث الشركة من بعدى ومينفعش
يكون عاطفى أو حنين لازم يكون قاسى
وجبار الكل يخاف منه ويعمله ألف حساب
... عاش عمره كله على المبادئ دى متجيش
أنتِ فى شهرين تعوزى تغييره ومُنتظرة أنك
تلاقى نتيجة لدا ، عارفة لما أتجوز ميرا كانت
بتعمل المستحيل عشان يعاملها بحنية ،
وبدل ما تخليه يحبها هى اللى حبته عشان
تعانى لوحدها

- بس هو قاسي فعلاً

قهقه ضاحكاً وهو يقول :-

- هههه لو بتحببه يا نبض هتستحملى
مش هتتعبى من أول جولة ، وأقولك سر ...
أومأت له بنعم وهى تمسح دمعته الهاربة
على وجنتها فقال :-

- ادخلى دماغه الأول ، لأن عقله هو اللى
مسيطر عليه مش قلبه ... سيطرى أنتِ على
عقله الأول بقى ، خلى هدفك الأول عقله
وبعدين هتسرى لقلبه بسهولة
نظرت له بأستغراب فتابع حديثه بمكر قائلاً
:-

- عانديه يا نبض ، يوسف موته وسمه أن
حد يعانده .. عنادك له هو اللى هيحمى
قسوته

تبسم بخفة ثم أومأت له بنعم وغادرت
الغرفة ، دلفت ولم تجده بالغرفة بدلت
ملابسها واخذت حمامها ثم صعدت للفراش
وغاصت في سبات نومها ...

كانت "ميرا" جالسة في التراس بغرفتها
وتفكر في حديث "تمارا" جيداً ثم أتصلت بها
وقالت :-

- أعملها أزاى؟؟

- هى ايه؟؟

- أسقط نبض أزاى؟؟ أقتل ابنها ازاى من
غير ما حد يشك فيا لأن أول واحدة هيشكوا
فيها أنا

قالتها "ميرا" ببرود لتجيب عليها "تمارا"
قائلة :-

- بسيطة خالص وعندى اللي هينفذها كمان

- هتعملى ايه؟؟

قصت عليها "تمارا" ما ستفعله فأجابتها

"ميرا" قائلة :-

- ماشي خليها تنفذ وهدايا اللي تطلبه

- حلاوتك يا ميرو يا عسل أنتِ

فتح "يوسف" عيناه بتعب فى الصباح ثم
نظر للساعة بهاتفه وجلس على الفراش
يُطى جسده بتكاسل ليقع نظره عليها ،
أتسعت عيناه على مصراعيها بدهشة وهو
ينظر لها .. واقفة أمام المرأة وترتدى بنطلون
أزرق فضفاض وقميص نسائي أبيض تدخله
به من الأسفل بكم فضفاض وأسورة من
المعصم ، شعرها مُسدول على ظهرها

وترتدى أكسسوارات كاملة ورائحة عطرها
تعبء الغرفة وتضع مساحيق التجميل على
عكس عاداتها ، تفحصها بذهول وهو يقول :-

- على فين؟؟

- سؤال ذكي ، هيكون على فين عندي

شغل

قالتها ببرود ، أقترب منها ببرود حتى وصل
أمامها وألتف حولها وهو يشم رائحة عطرها
ويقول :-

- شغل بالأناقة دي واكسسوارات

- اه في حاجة

قالتها ببرود ، تذكر ذلك الطبيب الذي رآه
بالمستشفى يسترق النظر إليها دومًا
بوضوح دون خجل فقال وهو يمسك فك
وجهها بغضب :-

- وميك اب كمان

تجاهلت حديثه وهى تقول :-

- عن أذنك عشان متأخرة

مسك ذراعها بقوة وهو يقول بغضب :-

- أمسحى القرف اللى فى وشك دا قبل ما
تنزلى

- لا وقولتلك قبل كدة متأمرنيش

قالتها بتحدى ليضغط على ذراعها بغضب
أكثر ويقول :-

- سمعتى أنا قولت أيه؟؟

- لا يا أستاذ يوسف مسمعتش ، وبعدين
من أمتى وأنت بتدخل فى لبسي وألبسي أيه
واحط ايه

تحدث وهو يركز على أسنانه بغضب مكتوم

-:

- من دلوقت ، وأتفضلى أعملى اللى قوت

عليه دا لو عايضة تنزلى أسائًا

نفضت ذراعها بقوة من قبضته وقالت

بتحدى :-

- أسفة مش هعمل اللى أنت عاوزاه

قالتها وغادرت من أمامه ليوقفها بحديثه

قائلًا بتهديد :-

- لو خرجتى يا نبض كدة احتمال يكون آخر

يوم ليكى فى بيتى

- يكون أحسن يا يوسف ، أنا أعتقد أنى

طلبت الطلاق مرة لأنى بامانة مش طايقة

أشوفك فى حياتى

قالتها بغیظ وهى ترمقه بثقة تخشى خلفها

أرتباكها فقال :-

- متحسسنیش بس أنى هموت وأشوفك ،

أنتِ عارفة أنى لا عایز أشوفك ولا اسمع

صوتك وأن وجودك فى حیاتى شیء من

الأجبار

زفرت بأختناق وهى تعض شفתיها السفلى

بغضب وخرجت وهى تُتمتم قائلة :-

- أبقى أنا اللى غیظاه وهو اللى یفرسنى

اااه لو حد یسیبنى علیه

تبسم بسخرية عليها وأستدار كى یدخل

المرحاض وأخذ حمامه لیخرج على صوت

هاتفها نظر لیرى الهاتف على الكمودينو

یبىدو أنها تركته خلفها مع شجارهما

كانت تقود سيارتها وهى غاضبة وتُتمتم

بغیظ قائلة :-

- يوسف ... اه نفسي أمسكه من زمامة رقبته

... فارسنى وحارق دمی ...

ضغطت على المكابح فجأة حين ظهر رجل

من العدم أمام سيارتها ، أصطدمت رأسها

بالمقودة فتألمت وهى تضع يدها على

جبينها ثم هلعت وهى تترجل من السيارة

لتنظر على الرجل فوجدته فاقد للوعى ،

جثوت على ركبتيها بهلع وهى تقول :-

- أنا عملت أیه .. یا استاذ .. یا حضرة ...

الإسعاف

وقفت بهلع وهى تستدير كى تحضر هاتفها

وتتصل بالإسعاف لتصطدم برجل آخر خلفها

ووضع منديل على فمها يكتم صراخات ويده

الأخرى خلف رأسها يتحكم بها بقوة ، وقف
الرجل الملقى على الأرض وأشار إلى سيارة
تقف بعيدًا ... كانت تحاول دفعه بعيدًا عنها
بهلع وهى ترى الآخر يخرج من جيبه حقنه
تعلم جيدًا بأن بداخلها مُخدر ، هلعت وهى
تدفعه فى صدره بقوة فهذا المخدر يكاد
يقتلها هى وطفلها لتفقد الوعى حين وضع
الحقنة بذراعها

----- تاالبع ... -----

#ملك_فقيد_الحب

#نور_زيزو

#نورا_عبدالعزيز

#ملك_فقيد_الحب

----- الفصل الثامن (8) -----

... بعنوان "أختطاف" ...

وقفت "نادين" على باب غرفة العمليات
بهلع بسبب تأخير هذه الجراحة وهناك حالة
طارئة تحتاج لجراحة فورًا ، هاتفها على أذنها
لم تكفى عن الأتصال بها ولم يُجيب عليها
أحد

- لسه مجتش

قالها "خالد" بقلق لأول مرة منذ أن دخلت
الطب تتأخر عن موعدها وتتهرب من
الجواب ، أومأت له بنعم وهى تعيد الأتصال
وتقول :-

- ردى يا نبض أبوس أيدك .. أعمل ايه فى
الكارثة دى ؟؟

- روحى لرئيس قسم القلب خليه يجى
يشوف الحالة وبعدين أبقى أطمنى عليها
براحتك

قالها "خالد" بجدية فركضت بزى العمليات
إلى الطابق العلوى ...

- أيه دا مالها؟؟

قالها ذلك الرجل وهو ينظر إلى جسدها الذي
ظهر عليه بثرات حمراء وعنقها به كدمة
زرقاء تكبر شيء فشيء ليُجيبه صديقه :-
- ليكون المخدر فاسد وصلاحيته منتهية ...
- الله يخربيتك .. أطلع على الدكتور بتاعنا
بسرعة

قالها للسائق لينطلق بهم إلى عيادة غير
مرخصة وطبيب يزاول منهة الطب بدون
رخصة فحصها جيدًا ثم أعطاها العلاج وقال
مُحذراً :-

- أوعاكم تدوها مُخدر تانى تموت فيها هي
والجنين

أوماً له بنعم ثم أخذها نائمة ورحلوا بها

شركة SHJ -----

أنهى "يوسف" اجتماعه مع "فؤاد" و"نانا"
ثم عاد إلى مكتبه ودلف ليجد "عمار"
بانتظاره فقال ببرود وهو يسير نحو المكتب
:-

- خير .. أول مرة تزورنى فى مكتبى وتدخل
شركتى .. على طول لقاءتنا فى المعارض

- دا حقيقى فعلاً لأن الموضوع يستاهل

بصراحة

قالها "عمار" وهو يضع قدم على الأخرى

وتابع حديثها قائلاً :-

- أطلبى قهوة عشان عندى لك عريض

ميترفزش

- أعتبره مرفوض من قبل ما أسمع

قالها "يوسف" وهو يجلس على مقعده

ويفتح اللاب توب متجاهلاً حديثه ... قطعه

رنين هاتفها ففتح درج المكتب ووجده يرن

باسم "نادين" أغلق المكالمة ليرى 44

مكالمة فائتة تعجب لذلك ورد على الاتصال

القادم فأتاه صوتها وهى تقول بفرع :-

- نبض أنتِ فين؟؟

- الو

تعجبت لصوته وقالت :-

- أنا أسفة بس كنت عاوزة أطمئن على نبض

.. هى مجتش المستشفى ليه؟؟

تعجب من سؤالها وقال بهدوء :-

- مجتش أزاى دى نزلت الصبح فى ميعادها

- بقولك مجتش

أغلق الهاتف وهو يخرج هاتفه ليتصل بـ

"كريم" فقطعه سؤال "عمار" يقول :-

- خير المدام حصلها حاجة؟؟

رمقه بصمت وهو يقول :-

- أطلع برا أنا مش فاضيلك فى الواقع ولا

حابب أسمع عرضك

تبسم "عمار" بسمة شيطانية وقال بلهجة

مُستفزة :-

- متتعيش نفسك المدام عندي

أتسعت عيناه على مصراعيها بصدمة فتابع
"عمار" بجدية وتهديد صريح :-

- العقد اللي هتمضي بعد ساعة مع الشركة
الاجنبية ميتمضش وتتبرع بالمشروع كامل
ليا .. دا لو عاوز تشوف المدام تاني

وقف من مكانه وهو ينظر للصدمة التي
ألجمت "يوسف" وشلت تفكيره فتابع
تهديده قائلاً :-

- اه صحيح ياريت بسرعة لأن للاسف إحنا
أديناها مخدر وطلع خطر عليها

وقف "يوسف" من مكانه بهلع وهو يمسكه
من لياقته وقال بغضب سافر :-

- نبض لو جرالها حاجة أنا همحك من على
وش الأرض

أبعد "عمار" يديه عنه بقوة وقال بنظرة

مُستفزة :-

- مش ذنبى أنا مكنتش أعرف أن المخدر
ممکن يموتها هى والبيبي ... فكر كويس لأن
الساعة دى أهم ساعة فى حياتك ممكن
تخسر مشروع وممكن تخسر المدام والبيبي
... أختار براحتك

سار تجاه الباب كى يخرج وأستدار له ببسمة
خبیثة وقال :-

- اه نسيت أقولك ، ذوقك فى الحریم طلع
حلو أووى يمكن الحاجة الوحيدة اللى
أخترتها صح

قالها وهو يغمز له ثم رحل ، سقط "يوسف"
على مقعده بصدمة وعقله مُشئت وهو
يتذكر شجارهما صباحًا أخبارها أنه لا يريد

رؤيتها أو سماع صوتها فيغمض عيناه بتعب
ويتذكر نفستها بين ذراعيه حين أخذت
المخدر وكيف كانت حالتها ، ألقى بكل ما
على سطح المكتب أرضاً بغضب سافر.....

وقفت " جهاد " بذعر في مكتبها بالجامعة
وهي تتحدث بالهاتف قائلة :-

- بنتى !!

خرجت من المكتب مُسرعة وهي تفكر
بطفلتها التي أختطففت بسبب زوجها وذهبت
للشركة ، دلفت لمكتبه بدون إذن وهي
تصرخ قائلة :-

- بنتى فين؟؟ نبض حصلها أبيه

- أهدي يا جهاد مش كدة

قالها "فؤاد" بهدوء لتصرخ به قائلة :-

- أیه البرود اللى أنت فيه دا ، نبض أخطفت
وأنت بتقولى أهدى

نظرت لـ "يوسف" وهو جالسًا على مقعده
فى صمت شديد لم ينطق بحرف فدلف
"كريم" له وقال بهدوء :-

- المندوب والمدير وصلوا ..

- روى يا جهاد دلوقت

قالها "فؤاد" بجدية فأجابته بأختناق :-

- أنا مش هتحرك من هنا غير وبنتى معايا

- بنتك مش هنا ، روى بقى

طردها "فؤاد" من الشركة بالقوة ، وقف
"يوسف" من مقعده وأخذ الهاتف معه ثم
دلف إلى غرفة الاجتماعات ، تحدث المندوب

عن المشروع وهو شاردًا تمامًا حتى رن
هاتفه بالرنّة التي وضعتها بنفسها ليلتقط
أنفاسه بصعوبة ولم يُجيب ، ولج "كريم"
بهدهوء وهو يقول هامسًا بأذنيه :-

- لاقينا عربية مدام نبض على الطريق
فاضية ومفيش أى كاميرا مراقبة فى المكان
أغمض عيناه بغضب فقدم له المندوب
العقد ليوقع عليه ، نظر للعقد والقلم بين
أنامله لكن عينه ترى صورتها وبسمتها
المُشرقة على شاشة هاتفه ، رأى كل شيء
منذ يوم زفافهما حتى الصباح كشريط أمامه
... سقطت القلم من يده ورفض توقع العقد
ثم رحل من الشركة بأكملها ...

- رفض يمضي العقد !!

قالتها "صباح" بصدمة ليتابع "كريم" قائلاً :-

- عمار السيوفي خطف مدام نبض وبيهدده
بيها

وقفت "صباح" من مكانها بصدمة وهى
تقول بتلعثم :-

- أنت ..بتقول أيه؟؟

- دا اللى حصل يا فندم وكلنا منتظرين
دلوقت تليفون منه أو أنها ترجع البيت
وتطمنا

قالها بهدوء ، ضربت "صباح" المكتب بيدها
بغضب مكتوم فأستئذان "كريم" للرحيل

أستيقظت "نبض" بتعب فى جسدها لتفزع
بهلع حين تذكرت ما حدث ووجدت نفسها

بفراش وغرفة لا تعرفهم ، حاولت النزول
لكن منعها قيد يدها فنظرت لتجد يدها
اليمنى مُقيدة بالفراش ، نظرت حولها بخوف
وبدأ جسدها يرتجف وهى تتفحص المكان
وهو عبارة غرفة صغيرة بها فراش صغير
بجوار الحائط ومليفة بالعناكب والحشرات
الصغيرة لتصرخ بهلع وينتفض جسدها ...

كان وقفًا بسيارته فى الطريق مكان ما أخذه
زوجته مُنتظر اتصال من "عمار" وعقله
شاردًا بتلك الفتاة زوجته المُدلة ، نظر
لصورتها على شاشة هاتفه وهو يلمس
بسمتها بأبهامه بحنان ليقطعه رنين الهاتف
فأجاب بلهفة قائلاً :-

- أنت مستبوع لدرجتى يا يوسف بيه ،
المشروع عندك اهم من مراتك وابنك اللى
فى بطنها

أتسعت عيناه بذهول وهو يقول :-

- أنت بتقول أيه ، أنا موقعتش العقد

- أنا ميفرقش معايا غير أن المشروع يكون
ليا وطالما هم رفضوا يمضوا معايا يبقى
تترحم على المدام ومالكش حاجة عندى

- أنت مجنون ، أنت لو لمست شعرة واحدة
منها هقتلك ... الو الو

قالها بهلع رغم أن "عمار" أغلق الخط دون
انتظار لجوابه ... ألقى الهاتف بالسيارة وهو
يضرب المقودة بيديه ليرى الهاتف مُضيء
بصورتها فالتقطته برفق وهو يقول :-

- نبض !!!

انطلق بسيارته مُسرِّعًا كي يذهب للقصر ،
دلف غاضبًا دون أن يُحدث أحد وصعد إلى
غرفته مُسرِّعًا ولم يبالي بأحد ، فتح باب
الغرفة لتتوقف قدمه حين نظر لصورها بكل
مكان ، أقترَب من صورتها الموجودة بجوار
الأريكة ولمسها بيده بلطف ، أقتحمت حياته
وخصوصيته وكل شيء أكانت تفكر بعقابه
هكذا حين وضعت لمستها بكل شيء في
حياته ، كانت تفكر بأن لمستها في حياته هي
العقاب الذي ستتركه له حين تغضب أو
تغيب عنه ، تنهدت بأختناق لم يستطيع
التنفس جيدًا وقال :-

- أستنيني يا نبض ...

فتح اللاب توب الخاص به الموجود على
المكتب ودخل إلى الكاميرا في الصندوق
الأسود لسيارتها ليسمع صوتها وهي تُتمتم

بغضب وتسبه لىبتسم بوجع ثم رأها تقف أمام السيارة وظهر الرجلين ألتقط صورتها وبعثها لـ "كرىم" وأمره بالبحث عنهم ...

بقى ساكنًا حتى الآن وترك "عمار" يغادر مكتبه دون خدش حتى لا يجازف بحياته لكن الآن سيفعل وسيترك بركان غضبه يقتل الجميع وأولهم "عمار" الذي تجرأ بوضع أصبعه على زوجته دون خوف ...

جلس بانتظار الرد ، وهو يقرب بهاتفها ليرى رقمه مُسجل بـ (حبيبي) وصورته خليفة الهاتف فتح المعرض ليرى كل ما بيه صور له حتى وهو نائم كانت تسرق له صور ، تبسم بأنكسار على افعالها ثم رن هاتفه فى منتصف الليل بأسم "كرىم" ، نزل من الغرفة لغرفة المكتب وولج "كرىم"

- واحد فيهم سوابق والتانى شغال حارس
لمزرعة السيوفى اللى فى المديونية ومحدث
بيروح هناك

- مزرعة السيوفى ، جهاز الحرس يا كريم هغير
هدومى وأجيلكم

قالها "يوسف" وهو يقف بتعجل ليقطعه
"كريم" :-

- خليك يا فندم وإحنا هنروح لو لاقيناها
هناك هنجبها ... لكن مفيش دليل أنها هناك

- لا هجى معاكم

صعد إلى غرفته وبدل بدلته الرمادية إلى
بنطلون جينز وتيشرت أسود عليه جاكيت
أسود وحذاء رياضي ثم نزل ليرى "صباح"
تقف بانتظاره وقالت :-

- لاقيتها ؟؟

لم يُجيب عليها فسألته بجديّة :-

- واخذ الحرس دول كلهم معاك فين يا

يوسف

- رايح أدور على مراتي

قالها بغضب وخرج من القصر

دلف "عمار" إلى الغرفة ليراها جالسة كما

هى وصنية الطعام أمامها لم تأكل منها

شيء وقال ببرود :-

- مأكلتيش ليه؟؟

نظرت له بغضب وصمت فقال وهو يجلس

على حافة السرير :-

- ايه مبتعرفيش تأكلى بالشمال ، دا أنا

حتى سمعت أنك حامل

وضعت يدها على بطنها بخوف وقالت :-

- أنت مين و عاوز أيه ؟؟

- أنا مين مش هيفرق معاكى لكن عاوز أيه
فأنا لحد الصبح كنت عاوز مشروع صغير
من جوزك سرقه منى فكنت برجع حقى
اللى سرقه لكن عشان جوزك طماع وأناني ...
قالها وهو يمسكها من شعرها بقوة ويتابع
حديثه بلهجة مُخيفة :-

- مرضيش يرجع حقى حتى وأنا بهدده
بموتك ... مش همه أقتلك ولا لا

تألّمت من قبضته وهى تقول :-

- اااااه .. أبعد عنى أنا جوزى مش حرامى
أنت اللى مجرم وجبان مقدرتش تقف قصده
عشان ضعيف فجيت تتشطر على حريمه

ترك رأسها وصفعها بقوة لتصطدم رأسها
بالحائط وتنزف دماء وهو يقول بغضب سافر

-:

- أنا هوريكى الجبان دا هيعمل ايه ..

وضع يده على بطنها وهو يضغط عليها بقوة
ويقول بتهديد وعيون تبتث منها الغضب

والنار:-

- أن ما طلعته من بطنك وقدام عينك ومن
غير رحمة مبقاش أنا ..

صفعته على وجهه بقوة وهى تنظر له
بغضب أم تحمى طفلها وقالت بتحدى رغم
رعشة جسدها وخوفها منه :-

- أنت متقدرش تبصله غير بموتى

أتسعت عيناه على مصراعيها بصدمة
ألجمته حين صفعته وحقق بها بغضب

مكتوم ثم صرخ مُناديًا رجاله فذلف ثلاث
رجال له ، أزدردت لعابها بخوف فقال وهو
ينظر لعينيها بغل :-

- عجاكم يا شباب ...

أُتسعت عيناها بصدمة من جملته وعادت
بجسدها للخلف ليزيد صدمتها حين مزق
قميصها من الأمام وهو يقول :-

- أشبعوا بيها ...

أبتعد عنها ليقترب الرجال نحوها ، توقف
على باب الغرفة وهو يقول ببرود شديد :-

- اه متنسوش أنها حامل سقطوها بالمرّة
ولما تموت في أيديكم أرموها في أي حتة
للكلاب

خرج وتركها لتلك الذئاب البشرية

وصل سيارة "يوسف" وخلفها أربعة سيارات
للحرس ليرى سيارة "عمار" تخرج من
المزرعة فقال بثقة :-

- نبض جوا

ترجل من سيارته مُسرِّعًا لينزل "كريم"
خلفه وهو يقول :-

- أستن يا يوسف ... خلوكى وراءه حمايته
أهم من حياتكم كلكم

قالها "كريم" للحرس وهو يركض خلفه ، قفز
من فوق السور وكانت المزرعة خالية من
الحرس ودلف إلى باب الفيلا و"كريم" يقول
بتردد :-

- معتقدش أنها هنا وإلا مكنش ساب
المزرعة من غير حراسة ...

قطعه صوت صراخها يأتي من الأسفل
ليسرع للأسفل حيث القبو ووجد الكثير من
الرجال ليتعارك مع الحرس وهو يركض
خلف صوتها ليسمع اسمه بوضوح ينطق
من شفيتها :-

- يوسف ...

أسرع نحو الغرفة و"كريم" خلفه ليصدم
حين فتح الباب وهى على الأرض وفوقها
رجالين أحدهما يحاول تقبيلها بالقوة
وملابسها ممزقة والأخر يلمس أقدامها
ويرفع بنطلونها لركبتها ، وثالثهما يقف
يراقبهما ويحاول ضربها فى بطنها ليقتل
طفلها ..

أقترب بغضب حين فتح الباب كى يلکم
"يوسف" ليكلمه "كريم" مدافعًا عنها ،
أقترب "يوسف" منها ليركل واحد بقدمه

ويمسك الآخر من ملابسه ويلكمه بقوة في
وجهه ، ليتعارك معه ويخرج مسدسه
ويقتل ذلك الرجل الحارس للمزرعة أسرع
نحوها وهو ينزع جاكيتته ويضعه فوق
جسدها من الأعلى ويرفع رأسها إلى صدره
لتتشبث به بقوة وهي تبكى بأنيهار وتقول :-
- أتأخرت ليه أنا كنت هموت يا يوسف ...
طوقها بكلتا ذراعيه بحنان وهو يقبل جبينها
ويقول :-

- أسف .. والله أسف

حملها على ذراعيه ثم وقف بها ، وقف
الرجل الذي لكمه وأخرج مسدسه وصوبه
نحو رأسها ليلكمه "كريم" وتخرج الرصاص
بكتف "يوسف" من الخلف ليسقط بها
أرضًا فتقول ببكاء وهي تتشبث بعنقه :-

- يوسف

- متخافيش

قالها وهو يقف مُجددًا بها ويخرج مع حرسه إلى السيارات جلس بها في الخلف و"كريم" يقود به ، كان يشعر بأرتجاف جسدها وهى بين ذراعيه ولم تتوقف عن البكاء ليُصدم حين تقفد الوعى من الصدمة فأحتضنها أكثر وهو يقول :-

- محدش يعرف حاجة عن اللى حصل
وخصوصًا فى البيت

أوماً "كريم" له ووصلوا للقصر ، حملها وهو يصعد إلى غرفة بسرعة قبل أن يراها أحد ، صعدت "صباح" خلفه لتراه يضعها بالفراش بعد أن نزع عنها سترته لتظهر ملبسه

المُقطعة وملابسها الداخلية العلوى واضحة

فقالت :-

- أوعى يكون اللى فى بالى صح؟؟

- ماما محدش يعرف وخصوصًا عمتى أنا
مش ناقص

- أنا هطلب الدكتور شكلها تعبانة أوى

قالتها بجدية فأوماً لها بنعم وقال :-

- من اللى شافته

جلس بجوارها وهو يضع الغطاء عليها ويبعد

خصلات شعرها عن وجهها ليرى علامات

أصابع على وجنتها وجرح بجبينها ، دمعت

عيناه بحزن وهو يقول :-

- وحياتك يا نبضة قلبى لأدفعه التمن من

دمه

أتاه صوتها المبحوح وهى تقول :-

- نبضة قلبك !!

تبسم بسعادة وهو يأخذ يدها بيده ويمسح

على رأسها بيده الأخرى ويُجيب عليها :-

- امممم

- يوسف .. أنا بحبك

قالتها بتعب شديد وهى تغمض عيناها

وتدخل فى سبات نومها حتى لا تستمع إليه ..

فوضع قبلة على جبينها وقال بنبرة دافئة :-

- وأنا شكل قلبى بقاله نبضة لما دخلته

نبض

--- تاالبع ---

#ملك_فقيد_الحب

#نور_زيزو

#نورا_عبدالعزيز

٣٥٠ لايك وهنزل فصل قبل ما أنام

#ملك_فقيد_الحب

___ الفصل التاسع (9) ___

... بعنوان "إنكار" ...

ضربت صاعقة برق قارسة السماء تدل على
مجيء فصل جديد ضيف إلينا ببرده القارس
وعواصفه القوية المصاحبة بالأمطار الغزيرة
مع البرق والرعد أحيانًا ، أيقظتها تلك
الصاعقة من نومها لتفتح عينيها بتعب
شديد في جميع أطراف جسدها حتى أصبعها
لا تقوى على تحريكه ، نظرت "نبض" حولها
بهدهوء لتلمح عينيها ساعة المنبه على
الكمودينو وكانت في تمام الساعة الثالثة
والنصف مُنتصف الليل والغرفة مُظلمة

تماما وفراشها فارغاً لم تجد زوجها بجوارها
فتعجبت لهذا التوقيت ، تذكرت أصابته
برصاصة لتفزع من فراشها بهلع خوفاً من أن
يكون أصابه مكروه وذهب للمستشفى ، رأته
وهي تقف من فراشها أمام المرآة يحاول
وضع نزع اللاصقة الطبية عن ظهره ، اقتربت
وهي تشعر بوجع في كحالتها يبدو أنها أصابته
أثناء مقاومتها لهؤلاء الذئاب البشرية ، سارت
نحوه بخطوات ضعيف تظهر صعوبة حركتها
لكن قلبها يؤلمها لرؤية زوجها مُصاب وعاجزاً
عن معالجة نفسه ، نظر في المرأة وهو
يحاول الوصول للاصقة ويشعر بألم الجرح
بعد أن زال أثر البنج ليشعر بدفء يدها في
هذا الجو البارد تلمس ظهره بحنان ليستدير
لها قبل أن تفعل أى شيء وحقق بها ليراها
تقف على قدم واحدة والاخرى شبه مرفوعة
لم تلمس الأرض فقال بقلق :-

- أليه اللي قومك من السرير ؟ أرتاحي
الدكتور قال متتحركيش ورجلك متدوسيش
عليها

نظرت لقدمها وهي تتشبث بذراعيه مُتكأة
عليه لتنتبه للرباط الطبي الملفوف حول
قدمها ، أردفت بصوت مبحوح وهي تحاول
أن يلفه :-

- خليني أساعدك ؟

- تعالى أرتاحي الأول

أخذها إلى الأريكة وجلس أمامها لتنزع
اللاصقة وترى اثر الجرح بكتفه لتدمع عيناها
وتقول :-

- أنا السبب ..

طهرت جرحه فأستدار لها بهدوء وهو يمسح
دموعها بلطف ثم قال :-

- بتعيطى ليا يا نبض ، دا أنا وشغلى
السبب فى اللى حصلك ، واللى حصلك دا
أوحش من اللى حصل فىا .. وصدقينى أنا
مش هسكت والله لأجبلك حقا يا نبض
تحدث بقلق عليه بعد أن رأت الغضب
والحقد فى عيون ذلك الرجل الذى لا تعرف
حتى أسمه وقالت بهلع :-

- أنا مش عاوزاك تدفعه التمن ، مش
عاوزاك تخش صراع مع حد يأذيك ، عاوزاك
تخلى بالك من نفسك وتبعد عنهم عشانى
أنا وابنك

أخذ يدها بين كفيه وقال بجدية مُبتسمًا
بسخرية على سذاجتها :-

- تعرفى يا نبض هو ليه خطفك؟؟

- ليه؟؟

تسألت بسذاجة وبراءة فأجابها بكبرياء جاحد

-:

- لأنه ميقدرش يقف قصدى ، أختارك لأنه
عارف أنه مش هيقدر غير على حريمى لكن
أنا ميقدرش يرفع عيناه فىا ، إحنا بنتصارع
بعض بقالنا خمس سنين من ساعة ما
مسك المدير التنفيذى لشركة ابوه وعمره ما
دخل شركتى ولا شاف شكلها ، بنتصارع من
وراء الزجاج زى ما بيقوله ، لما بيشوفنى
بيخاف من مواجهتى ... مش غرور بس ثقة ،
صدقينى يا نبض أنا لما أوصل الشركة
الصبح ويوصله خبر أن رجعتك ومبقاش
عنده حاجة يستفزنى بيها هيختفى وبكرة
أقولك أنه أختفى لأنه جبان ...

تسألت بتلعثم وهى تنظر لعيناه :-

- لدرجتى أنت مُخيف يا يوسف ؟ بابا كمان
قال أن محدش يقدر يقف قصدك وأنى
مشوفتش الجزء المُخيف منك لسه ؟

- اه مُخيف جدًّا جدًّا لدرجة أنى مش أول مرة
اقتل أمبارح وقتلت قبل كدة عادى

قالها ببرود وكأنه يخبرها أنه ذهب إلى نزهة
ما ، أتسعت عيناها بصدمة وهى تتحدث
مُتلعثمة بشدة بعد ان جذبت يدها من كفيه
-:

- قتلت؟؟

نظر لكفه الفارغ بعد أن جذبت يدها من
قبضته وقال ببرود أكثر وهو يرى الخوف فى
عيناها :-

- اه قتلت ، فؤاد لما حذرك من الجزء اللى
مشوفتش كان عنده حق ومش كلام من

فراغ مبنى على شخصيتى القوية بل على
أفعالى ، وأحب أعرفك أنى قتلت مرتين
وأمبارح كانت الثالثة ..

أزدرت لعابها الجافة بصدمة وعادت خطوة
للخلف لتبقى بينهما مسافة كبيرة وقالت
بصدمة الجمتها :-

- يعنى أنا أتجوزت قاتل؟؟ ... وحامل فى ابن
قاتل؟؟؟ يا ريتهم كانوا قتلته فى بطنى
وقتلونى زى ما قالهم

وقفت بفزع ليجيبها ببرود وهو يقف ويضع
يديه فى جيوبه بغرور وقال :-

- محدش يقدر يقتله يا نبض .. دا ابن
يوسف الحناوى .. وطبيعى لما أدخل الاقى
مراتى فى حضن راجل غريب فى الشاليه
بتاعى وعلى سريرى أقتله واقتلها بس

حظها أن أتكتبلها عمر جديد عشان تعيش

بذنبها وفي عذابه

أتسعت عيناها بصدمة أكبر أحقًا ما يقوله
حقيقي ؟ ، "ميرا" التي تبكى دمًا الآن وتريد
عودته مهما كلفه الأمر خانته مع راجل آخر
في بيته وفراشه حتى أنها لم ترفق بيه ،
أزدردت لعابها والقشعريرة تسير في جسدها
بأشمئزاز ليتابع حديثه قائلاً :-

- طبيعى لما أبقي راجع من شغلى فى وقت
متأخر ويطلع عليا ناس يحاولوا يقتلونى
ويفتحوا بطنى أدخل المستشفى بسببهم
٣شهور أن أذافع عن حياتى وأقتل واحد منهم
قبل ما يقتلنى هو ..

نظرت إلى خصره من الجانب الأيسر وهى
تتذكر ذلك الجرح الذي ترك ندبة على
جسده ، فهى أكثر من تعلم بجسد زوجها

وما به ... شفقت عليه حقًا يملك الكثير من
المال والمكانة وحرام على قلبه الحب ومع
ذلك يعيش وسط خطر يهدد حياته في كل
مرة ، كانت تعتقد أن حادثة أختطافها
والاعتداء عليها اسوء ما مر بيه لكنه مر بما
هو أسوء ، أقتربت بخطوات ضعيف منه
وعانقت خصره بذراعيها وهى تضع رأسها
على صدره العاري فى صمت تام لتقول
بصوت هامسًا :-

- كنت خايفة يا يوسف ، لما حط أيده على
بطنى وقال هطلع أبناك قدام عينك أترعبت
منه ، نظرة عينه كانت مُخيفة أووى .. كنت
خايفة يقتل ابنى ويقتلنى معاه قبل ما
تيجى ، زى ما أنا خايفة يجى البوليس
يأخذك منى لأنك قتلت الرجل ..

أستمع لحديثها في صمت ثم طوقها بذراعيه

بهدهوء وقال بطمأنينة :-

- أطمنى يا نبض ، محدش يقدر يرفع عينه
فيكى ولا يأذى ابنى ، ثم هو قانونًا أنا بدفع
عن عرضى وشرفى وعشان تطمنى أكثر هو
مش هيبلىغ هيدفن الجثة بطريقته لأنه لو
بلىغ هيقول أنه كان خاطف مراتى وتبدأ التهم
تنزل فوق دماغه ...

ابتسمت بسعادة وهى ترفع نظرها له وتقول

بدلالية :-

- أطمن عشان أنا نبضة قلبك؟؟

تحاشي النظر له وهو يقول ناكراً ما قاله

وهى نائمة :-

- ايه اللى بتقولى دا ، أطمنى لأنك مراتى

فكت يديها من حول خصره لتترك أسرها
ومسكت وجهه بكلتا يديها كى تتقابل
عيناها دون أن يهرب من لقاءهما وقالت
بعفوية :-

- أنا سمعتك يا يوسف وأنت قولت نبضة
قلبك

نظر لعينيها الخضراء وهما يتلألأا ببريق
الحب والحنان ، عينيها كفيلة بأسكته حتى
يستطيع الشرود تمامًا براحة دون خجل فى
خضرتها الصافية كأنها أجمل منظر طبيعى
خلاب ممكن أن يراه أى شخص على وجه
الكرة الأرضية ، زادت من فاتنتها وكأنها تقتله
تمامًا ببسمتها التى ظهرت على شفيتها كى
تكمل تعويذة سحرها عليه وتذيب جليد
جحوده وقسوته ، كانت تنظر لصمته فحتى
فى صمته يجعل قلبها يرفرف بقوة ، يمكنه

أن ينكر أعترافه بما قال وأنها بدأت تدق
أبواب قلبه لكن لا يمكنه أبدًا أن يتخيل كما
عينيه تفضحه أمامها .. ليس مهما أن يعترف
بالحب أو ينطق كلمة (أحبك) ، يكفي أن
ترى عينيه بتلك النظرة التي تفضحهما
وتنطق عينيه بما لا ينطق لسانه به وهذا
يكفيها تمامًا ، تبسمت لصمته وقالت بمرح
-:

- مش مهم تقولها يا يوسف يكفينى اللى
شايلاه فى عينيك دا

أتسعت عينيه بذهول وهو يتساءل ماذا
قالت له عينيه ، تركته وهى تعود للفراش
بوجه شاحب وجسد هزيل يكاد يقوى على
إيصالها للفراش مُنهكًا ، ما زالت تصارع
صدمة ما حدث لها منذ ساعات قليلة لكنها
تحاول أخفاء أوجاعها وصدمتها أمامه حتى

لا يغضب أكثر ويفعل شيء فظيع أكثر من
القتل

_____ شقة الزمالك _____

- بقولك قوم يا فؤاد ودينى لبنتى أطمئن
عليها

قالتها "جهاد" بقلق وقلب أم مذعور لن يهدأ
إلا عندما ترى وجه طفلتها وتحتضنها بين
ذراعيها تشعر بها ، أجاها وهو يستدير
مُحتضن وسادته بغضب قائلاً :-

- نامى يا جهاد والصبح رباح ، يوسف
طمئنك أنها كويس

- أنا مش هطمئن غير لما أشوف بنتى
بعينى

قالتها "جهاد" بانفعال ليضع الوسادة فوق

رأسه مُتذمراً وهو يتمتم :-

- لما الشمس تطلع يا جهاد هتروحي فين

في الفجر دا

تذمرت وهى تحاول نزع الغطاء عن جسده

حتى يستمع لحديثها وتقول :-

- قوم يا راجل أنت جايب برود القلب دا

مين ، هى مش بنتك دى ؟؟

- بنتى بس أنتِ وديتها للى يقدر يحميها

ويكون سندها أكثر منى

قالها ببرود وهو مغمض العينين ، سألته

بغيط قائلة :-

- أنت جايب الثقة دى مين يا خويا وهى

من يوم ما راحت عنده بتأذي ، أنا بقيت

اشوفه زى عدمه وأنت بتقول كلام وبس

ظل مُغمض العينين وهو يتذكر الماضي

المؤلم ...

... فلاش باك ...

كان "يوسف" و"فؤاد" بساحة فندق بشرم

الشيخ حيث المكان الذي يتقابل فيه مع

المندوب الأجنبي المسؤل عن تصدير

الأقمشة الجديد لهم ..

جاء "فؤاد" إلى الفندق وهو يقول :-

- المندوب طائرته هتتأخر لبكرة فنأجل

الأجتماع لبكرة

تأفف "يوسف" بأختناق وهو يقول :-

- ماشي ، تعال نجيب الورق وننزل السوق

هنا نأخذ فكرة عنه

صعد إلى السيارة فوجد صندوق أسود صغير

على الأريكة الخلفية وفتسأل :-

- ايه دا يا فؤاد

- طرد وصل الصباح بأسم حضرتك

فتحه "يوسف" وكان به مسدس ذهبية ،

تفحصه بتعجب وكان محشو بالرصاصة

ومعه كارت دعوة مكتوب به (عيد مولد

سعيد يوسف بيه ...) ، ذهب إلى الشاليه

الخاص بـ "يوسف" ودلف ليرى ملابس

زوجته مبعثرة على الأرض بطريقة عشوائية

فتعجب لأهمالها هي من اصرت على

المجيء معه إلى هنا بسبب الملل وحالة

الأكتئاب التي اصابتها بسبب عدم قدرتهما

على الأنجاب ، قطعه صوت حديثها مع

صوت رجولى بالداخل سرعًا ما تفهم الأمر

ملابس في الصالة وصوت رجل بالداخل

ليحمل المسدس من علبته ودلف غاضبًا
بجنون كالثور الهائج ، اسرع "فؤاد" خلفه
ليصدم حين فتح باب الغرفة ليجد زوجته
بالفراش مع رجل اجنبي يبدو ذلك من
ملامحه ربما تعرفت عليه في الحانة أمس
أول قبل أمس ، أتسعت عينيه بصدمة
جامحة وهو يراها عارية تخفى جسدها
بالغطاء برعية من ملامحه وعودته الغير
متوقعة .. لم تمالك عقله الموقف وفي وسط
صدمته أطلق رصاصات مسدسه في جسد
هذا الرجل الغريب وأصاب هذه الخائنة قبل
أن تنطق بشيء وسط صرخاتها بصدمة من
قتله ، أصابها برصاصة في صدرها اسكتت
صرخاتها تمامًا لتتحول إلى جسد هامد ربما
تتنفس أو ماتت حقًا

.....

تنهد "فؤاد" بتعب وهو يتمتم بصوت لا

تسمعه صوته قائلاً :-

- أنتِ حتى خيالك مش ممكن يصورك
غضبه عامل أزاى ولا الكلام اللي دا وراءه ايه

....

_____ قصر الحناوى _____

أشرقت الشمس صباحًا وأشعتها الذهبية
تسلل من خلال النوافذ والشرفة إلى الغرفة
تُنيرها كاملة من خلال الزجاج ، أزعجت
الأضائة "نبض " أثناء نومها ففتحت عينيها
بتعب شديد فهي لم تأخذ من نومها ما
يكفى لتشعر بشيء يمنع الأشعة عنها لترى
يديه أمام عينيها تحجز الضوء عنها ، ألتفت
له لتراه جالسًا بالفراش مُتكيء بظهره على

الفراش ويتأمل ملامحها أثناء نومها فسألته
مُتمتمة وهى نائمة بينما يديها تتسلل إلى
خصره تعانقه بدفء وتدفن رأسها في صدره
-:

- صاحى بدرى ليه .. أوعى تقول هتروح
الشغل وأنت تعبان

- النهاردة الجمعة يا نبض مفيش شغل
قالها بدفء وهو يداعب خصلات شعرها
الناعم بأنامله ، تحدثت بهدوء :-

- امال صاحى بدرى ليه أوعى تقول
وحشتك

تبسمت وهى تنهى جملتها وتنظر لعيناه
فقال بهدوء :-

- عاوزة توحشيني وأنتِ في حضنى يا نبض ..
مش شايفها أوفر شوية

- دا الحب يا يوسف

نظر لها وهو يقول بجدية :-

- وكأنك بتتعمدى تنكدى على نفسك ،

وتقطعى أى لحظة بالكلام التافه

قوست شفتيها للأسفل بحزن مُصطنع

وتقول :-

- مش عاوزه أنكد عليك ، عاوزه أوريك رزق

الحب جميل أزاى ، متأكدة جدًا أنى قولتها لك

أمبارح أنى بحبك

صمت وهو يستمع لحديثها فوضعت يدها

على قلبه بحنان ونعومة ثم نظرت لعينييه

بشغف شديد وقالت بصوت هامس دايفىء

يثير أوتاره :-

- لو تعرف كلمة نبضة قلبى عملت أيه فىا

وأنا وسط أوجاعى لما سمعتها منك ، لو

تعرف أنها شفت كل جروحي في عز ما أنا
موجوعة ..

- نبض دى كانت تهيوات من أثر الصدمة
قالها ببرود وهو ينكر ما سمعته وكأن هو لم
يصدق أن لسانه نطقها فقالت بيسمة
كالبلهاء وكأنها لم تستمع لحديثه :-

- طب ممكن طلب ؟؟

نظر لها بصمت فأعدتلت في جلستها على
الفراش أمامه وقالت ببراءة طفولية :-

- ممكن تقول نبضة قلبى مرة واحدة بس
مش عاوزاك تحبنى بس أنا محتاجة اسمعها
منك حتى لو من غير حب أنا راضية
نظر لها بهدوء ثم قال بعقلانية :-

- مش عاوزاك تتعلقى بوهم يا نبض

- أنت قولت قبل كدة أنك تعرف تقول كلام
معسول يدوب أى ست .. أنا عاوزاك تقولى
الكلام دا ومش لازم تحبنى ممكن

- يا نبض

قطعته وهى تلمس وجهه بأناملها بحنان
ونعومة ، شعر بقشعريرة فى جسده لأول
مرة حين لمستته بأنامله ليُصدم هو عندما
شعر بنبضة قلب مختلفة بين ضلوعه ليعلم
جيدًا بأن هذا الوهم هو من يعيش به وليس
هى ، لأنه فى الواقع ورغم عنه وعن قسوته
وجوده هذه الزوجة تسللت إلى قلبه ، أخبره
عقله بأن يهرب من أمامها الآن قبل أن
تسيطر عليه لكن شيء بداخله أجبره على
الجلوس أمامها مُستمتعًا بتلك اللحظة بين
نظرات عينيها التى تفيض منها العشق
ولمسات يديها التى تشبه المخدر او السحر

له ، تحسست لحيته بنعومة وهى مُدركة
تمامًا أن فى هذه اللحظة هى المُسيطرة عليه
ولن تترك كثيرًا مُجددًا فقالت بنعومة وأغراء
لقلبه :-

- طلب صغير عشانى ، قولها مرة واحدة يا
حبيبى

أزدرد لعابه بدهشة حين نطقت تلك الكلمة
حبيبى) بهذه النبرة الدافئة الهامسة له
حتى تزيد من قشعريرة قلبه ورجفته ، رآها
تقترب وعينيها تعانق عينيه بقوة وأنفاسها
الدافئة تختلط مع أنفاسه بينما يديها تترك
وجنته ولحيته وهى تسلل إلى عنقه حتى
وصلت شفثيها إلى حافة شفثيه بنعومة ثم
ابتعدت أقل من سنتيمترات حتى تستطيع
تحريك شفثيها كى تنطق قائلة :-

- بحبك !!

كانت تعلم أنها غيبت عقله الجاحد في هذه
اللحظة فلم تتفاجأ برد فعله حين وضع يده
خلف ظهرها ليجذبها بقوة إليه وهو يقول
هامسًا مُلبّيًا طلبها ورغبتها :-

- أول وآخر نبضة قلب ممكن يعرفها قلبي
يا نبضة قلبي

أنهى جملته حين لمست شفتيه شفتيها
من جذبته القوة لها لتطوق عنقه بحب
وأنتصار فهي تأكدت من وجودها بقلبه حتى
وأن لم ينطق بشيء ، مادامت استطيعت
أسكت عقله المُتَحَجِرَ فهي بقلبه حتمًا مهما
كان الوقت الذي سيتسغرقه في أنكار هذا
الحب

- هي نبض منزلتش تفطر معانا ليه؟؟

قالتها "ميادة" بخُبث بعد أن تجسست أمس
أثناء فصح الطبيب لها وعلمت بالحادثة التي
تعرضت له ، أجابتها "صباح" ببرود مُتناهى
قائلة :-

- أنتِ مش فطارك قدامك عاوزه نبض في
ايه هتأكلك في بوقك ..

- أنا قصدى أنها محتاجة تأكل وتتغذى
عشان البيبي

قالتها بسخرية لُجيب "صباح" قائلة :-

- خليكى في حالك أنتِ وبنتك وممكن
تأكلى وأنتِ ساكتة بقى

وقفت "سارة" بأختناق من هذا الشجار
المعتاد في كل لقاء لهما وقالت :-

- عن اذنكم .. ماما أنا في النادى لو أحتجتينى
في حاجة كلمينى

خرجت من القصر لتقابل " جهاد " تترجل من

سيارتها فقالت :-

- أزيك يا طنط

- بخير ، نبض صحيت

سألتها " جهاد " بلهفة لتنظر " سارة " إلى

الساعة وهى تقول :-

- معرفش يا طنط الساعة لسه ٨ ، أتفضلى

وهم هيصحوها

صعدت " سارة " إلى سيارتها وهى تحمل

كوب القهوة الساخنة وأنطلقت بقيادتها

لتسقط القهوة على ملابسها فتبعد نظرها

عن الطريق بأمان ما دامت بداخل القصر

وحين رفعت رأسها صدمت بوجود " كريم "

أمام سيارتها تكاد تدهسه تحت عجلات

السيارة وبالفعل صدمته وهى تضغط على
المكابح بقوة وهلع

تالابع ... -----

#ملك_فقيد_الحب

#نور_زيزو

#نورا_عبدالعزيز

#ملك_فقيد_الحب

___ الفصل العاشر (10) ___

... بعنوان " لستُ خائنة " ...

ترجلت "سارة" من سيارتها بهلع لتراه يقف
وهو ينفذ ملابسه من الغبار ويهندم هيئته
جدًا فقالت بقلق :-

- أنت كويس؟؟

- كويس

قالها بهدوء وهو ينظر لها باحراج تنهدت
بأرتياح وهي تقول :-

- طب الحمد لله

عادت لسيارتها وكأنها لم تفعل شيء
ونظرت له بتعجب وهو ما زال واقفًا أمام
سيارتها فتنحى جانبًا وهو يرمقها ثم دلف
إلى القصر قاصدًا مكتب "يوسف" ووجده
جالسًا على مقعده خلف المكتب فقال :-

- صباح الخير يا يوسف بيه

أجابه "يوسف" دون أن يرفع نظره له وقال :-

- مفيش حد غريب بينا يا كريم ، مشيها
يوسف لا بيه ولا مستر

أوماً له "كريم" بلطف وهو يجلس على
مقعده ويفتح زر سترته ويقول :-

- عمار السيوفى ساب القاهرة وراح مزرعة
الفيوم

قهقهه "يوسف" ساخراً فهو أخبرها بأن ذلك
الجرى سيهرب إلى مخبأه وقال وهو يرفع
نظره ويرتك القلم من يده :-

- ههههه كنت عارف ، قال يعنى مزرعة
الفيوم بعيدة عنى مثلاً ومش هعرف أفعسه
فيها زى الصرصار

- ميعرفش أننا عارفين مكانه

قالها "كريم" بثقة ليُجيبه "يوسف" بغرور
قائلاً :-

- ودى ميزة أن تشغل معاك رجل جيش
متقاعد زيك يا كريم ، دبه النملة بتوصلها

بسهولة عشان كدة أنا مخليك مخبيء

أسرارى ودراعى اليمين

تبسم "كريم" بملل وهو يقول بغطرسة :-

- قصدك دا فائدة رجل الجيش الواصل فى
قدراته

- ماشي يا عم الواصل ، خرينا فى المهم ..

المندوب الأجنبى فىن دلوقت ؟

نظر "كريم" له بتساؤل وهو يسأله قائلاً :-

- أنت ناوى تمضى العقد معاه؟؟

- دا اللى هيقهر عمار وأول ضربة له أن

برضو أخذ المشروع بعد كل عمايله دى

قالها بثقة وهو يفكر بالانتقام لأجل زوجته ،

توقف عقله حين تذكرها ليشرد بلامحها

المحفورة فى ذاكرته وصوتها الهامس ، ظهر

بملامحه بعض من الغضب حين تذكر
مجيء والدتها لتسرقها منه في هذا الصباح
الباكر وتسلبها منه بعد أن عملت "نبض"
جاهدة في السيطرة عليه بسحرها ...

- يا ماما أطمنى أنا كويسة قدامك أهو
قالتها "نبض" بهدوء وهى جالسة بفراشها
فأجابتها "جهاد" بنبرة غاضبة :-
- كويسة ايه وأنتِ قاعدة فى السرير
والكدمات الللى فى ذراعك دا
- مش كنت مخطوفة يا ماما هو أنا كنت
بتفسح ، عمومًا أنا كويسة اهو
تذمرت "جهاد" وهى تقول :-

- أنا مش مرتاحة أنت لازم تيجى تقعدى
معايا فى بيتى ، وبعدين جوزك شكله
هيعرضك للخطر كتير وله أعداء كلهم
هيركزوا فىكى عشان مراته ... الحل أنه
يطلقك أنا غلطانة من الأول أنى مسمعتش
كلام أبوكى

- زفرت "نبض" بضيق وهى تقول :-

- دلوقت بس ببقيتى غلطانة ولازم اطلق

- اه

تأففت "نبض" بغضب وهى تقول بانفعال

:-

- أنا مش هطلق يا ماما ، مش هسيب
يوسف مهما كان حتى لو أعداءه اللى بتقولى
عليهم قتلونى هموت وأنا مراته

- يا نبض ...

قطعتها "نبض" بغضب شديد وهى تقول :-

- بعد أذنك يا ماما سيبنى فى حالى وخلينى
أمشي بدماغى بقى

- أنتِ حرة طالعة دماغك ناشفة لأبوكى

قالتها وهى ترحل من الغرفة وصادفت
"يوسف" على الدرج يصعد فتأففت
بأختناق ورحلت

جلست "نبض" على اللاب وهى تكتب فى
البحث (حادثة يوسف الحناوى) ليظهر لها
بعض الأخبار عن ارتكابه القتل مرتين
بالفعل والأن أصبحوا ثلاثة مرات كانت تقرأ
المقال الخاص بخيانة "ميرا" له وعينيها
تدمع حتى فتح باب الغرفة ودلف ، أغلقت
اللاب بسرعة فقال :-

- بتعملى حاجة ؟؟

- مش مهمة

قالتها وهى تتابع خطواته ويفتح الباب
الزجاجى الجرار الخاص بغرفة الملابس ،
دلفت خلفه لتراه يخرج بدلة رمادية ويختار
قميصه فهتفت بتساءل :-

- أنت خارج؟!

أستدار لها وهو يقول بجدية :-

- اه ، أنا مش قولت متتحركيش كتير عشان
رجلك

- هتخرج وأنت تعبان

قالتها مُتجاهلة حديثه ليجيبها ببرود وهو
ينزع تيشرتة بتعجل من أمره :-

- اه .. تهانى هتطلع تجهز شنطة سفر

أتسعت عيناها وهى تسمعه لتقطع حديثه
وهى تمسك ذراعه بقوة حتى يكف عن
الحركة وينظر لها وهتفت قائلة :-

- سفر .. أنت كمان مسافر

أجابها وهو يرتدى قميصه الأسود ببرود :-

- اه يومين لشرم الشيخ وراجع

- خدنى معاك

قالتها بجدية هى الأخرى وعناد فقال :-

- أنا رايح شغل همضي عقد وأرجع

تشبثت بقميصه المفتوح تمنعه من

أستكمال لبسه وهى تقول بعناد :-

- ماشي خدينى معاك برضو ، أنت

هتوحشنى وأنا مبعرفش أنام غير فى حضنك

وأنت جنبى

- وقبل ما أتجوزك كنتِ بتنامى ازاي ، دا دلع

ستات أنا مش فاضيله

قالها بحزم فقالت بعفوية تلقائية :-

- قبل ما أتجوزك مكنتش بحبك لكن

دلوقت أنت عارف أني بحبك وكمان أنت

هتحتاج تغير على الجرح وهتطلب دكتور

فخذني معاك

- نبض ...

كاد أن يتحدث لتسكته بقبلة على وجنته

اليسرى راجية أن يُلبى طلبها ، تسمر مكانه

من قبلتها كان يريد الهرب منها بعد أن شعر

بنبضة قلب مختلفة صباحًا لكنها تزيد

أرتبাকে بأفعالها المفاجئة ، شعرت بقشعرة

جسده وهى مُتشبث به لتبتسم بحُبث

فعلت بيقين أنها تستطيع السيطرة عليه

بقبلة أو كلمة بنبرة ناعمة ، لمسة يدها لها
تكاد تذيبه وتجعله مُخدَّرًا لها ، أقتربت خطوة
نحوه أكثر لتلتصق به وهى تترك قميصه
وتضع يديها فوق صدره العارى وقالت بنبرة
ناعمة :-

- هتعرف أنت تنام بليل من غيرى .. ها
وتقعد يومين متشوفنيش ها. ...

تفهم دلالتها وما ترمى له ليقول بنبرة هادئة
وهو يتفحص عيناها بشغف كبير :-

- نبض اللى بتعمليه دا مش هيغير حاجة
- ليه مش هوحشك ؟

قالتها ويديها تتسلل خلف عنقه بلطف ،
تبسم وهو يتحاشي النظر لها وقال :-

- تعرفى يا نبض ، أنا عمري كله مفيش ست
على وجه الكرة الأرضية قدرت تخلىنى ألين

معاها .. وأنتِ معتقدة أنكِ هتقدرى وأنا

سيبك لحد ما تتعبى

رفعت حاجبها الأيسر له وقالت بغرور

مُتنازلة عن دلالتها :-

- يبقى مفيش ست على الأرض حبتك

مممكن تكون حبت حاجة ملكك لكن حبتك

أنتِ لنفسك لا

وضع يديه فى جيوبه بغرور وهو يحرق بها

بجدية وقال :-

- وأنتِ بقى حبتينى لنفسى يا نبض فى

شهرين

- أمممم بحبك

قالتها وهى تحيط خصره بذراعيه ثم وضعت

قبلة على شفثيه وحين شعرت أنه سيبادلها

ابتعدت بمكر وقالت بنبرة هادئة :-

- تروح وترجع بالسلامة يا يوسف

جذبها بقوة نحوه قبل أن تتحرك لينال قبلاته
كما يريد فأسقطت قميصه أرضاً عن أكتافه
ثم حملها على ذراعيه وعاد إلى فراشها

فتحت "نبض" عيناها بحُب وهي تمطى
جسدها بسعادة مُعتقدة أنها أستطاعت أن
تبقية بجوارها لتصدم عندما وجدت فراشها
فارغاً وهو ليس بجوارها ، ركضت رغم تعب
قدميها إلى غرفة الملابس ووجدت حقيبة
السفر الصغير غير موجودة لتعلم بأنه رحل
وأنها لم تخذعه بل هو من خدعها .. زفرت
بغیظ وعادت إلى فراشها

___ شقة الزمالك ___

عاد "فؤاد" من الخارج مُرتدى ترنج رياضي
وواضعًا كاب على رأسه ، نزعته بحرية وهو
يرى "نبض" بمنزله فقال :-

- حمد الله على سلامتكَ يا نبض ؟

تجاهلت سؤاله وهي تسأله بجدية :-

- يوسف سافر فين يا بابا .. أنهى فندق في
شرم الشيخ

- ليه يا نبض ؟؟

سألها هو بأختناق فهي أتصلت به ولم
يخبرها فجاءت لمنزله ، تحدثت بغضب
شديد :-

- عشان اروحله ، مرضيش يأخذني معاه

- يبقى مش عاوزك معاه يا نبض هتروحي
ليه .. أمك فين ؟؟

قالها وهو يرتشف كأس الماء ، وقفت من

مكانها بغیظ وهى تقول :-

- رد عليا يا بابا اسم الفندق أیه؟؟

- معرفش

تذمرت وهى تقول :-

- ماشي هو السبب عشان مرضيش يأخذنى

معاه

- ومش هياخذك يا نبض فى أى سفريه تانيه

، أنتِ كان ليكى أسبوع غسل وخلص ودا

سفريتك الوحيدة طول ما أنتِ مراته

قالها بجديه ، صمتت دقيقه ثم قالت

بغضب مكتوم :-

- ليه؟؟

- كده وخلص

جمعت شجاعتها وهي تقول :-

- عشان مش عاوزانى أخونه زى ما ميرزا
خاتنه صح

أتسعت عيناه بصدمة فهل أخبرها بجزء من
ماضيه ووحشته ليقول :-

- نبض !!

- يوسف شايف أنه لو خدنى معاه هخونه
زيها صح يا بابا

سألته بغضب ليشير لها بنعم دون أن
يتحدث لتصرخ بانفعال قائلة :-

- يعنى جوزى شايفنى خاينة زيها ، شايف
أن لو رجل حاول يتقرب منى بكلمة هخونه
معه ، شايفنى بالقذارة دى يا بابا وأنى
هستنى فرصة عشان أخونه ...

- يا نبض اهدى وأنا هفهمك

قالها بهدوء وهو يمسكها من كتفها ، نفضت
ذراعيها بقوة من قبضته وهى تصرخ
بانفعال أكثر :-

- تفهمنى ايه ، أن جوزى شايفنى خاينة
وبقذارتها ، تفهمنى أن ممكن يكون بيراقبنى
لأنه مش واثقة فى أخلاقى وتربيتى ، تفهمنى
أن بدل ما جوزى يشوفنى جوهره وست
البنات شايفنى حاجة زبالة أوى كدة ، عاوز
تقولى أنى فى نظره زيتها بالظبط وأنه هيفضل
حابسنى فى القصر عشان مخونوش ، عاوز
تقول أن جوزى بينام جنبى كل يوم وهو
شايفاها فيا وأنى زيتها ومختلفش عنها .. دا
اللى عاوز تفهمه ليا وعاوز تقوله ، أدينى
قولته بس دا بيوجع أوى يا بابا بيوجع لدرجة
أنه خلينى اكره جوزى ونزله من نظرى لحد

ما وصل للأرض ... وأحب اعرفك أنى لو عاوزه
أخون مش هستنى أسافر عشان أخون
الرجالة فى كل مكان ، وأنى لو خاينة هخونه
حتى وأنا سجينة قصره ... ربنا يسامحك
ويسامحه يا بابا لكن أنا مش مسامحاكم

أنهت حديثها بدموعها وغادرت المنزل بقلب
انكسر إلى أشلاء لا يمكن جمعها مُجددًا ،
سلبها روحها بسبب تفكيره ومعتقداته
الغبية ، قتل بسمتها وسعادتها وجن على
حبها له بالموت قبل أن ينمو

صعدت السيارة وهى تبكى وتقول ل
"عثمان" :-

- أطلع على المستشفى يا عم عثمان ...

___ قصر الحناوى ___

خرجت "سارة" من غرفتها صباحًا مُرتدية
بنطلون زيتى وتيشرت أبيض وتحمل بيدها
البلطو مُستعدة للذهاب إلى الشركة وبدأ
يومها الروتيني ، جلست على السفرة تتناول
الطعام فسألها "جلال" بجدية :-

- مرات اخوكى مرجعتش يا سارة

- كلمت بليل يا بابا قالت أن عندها حالة

طارئة فى المستشفى وشغل كتير

تحدث بجدية وهو يرتشف قهوته قائلاً :-

- حالة طارئة فى المستشفى بتاعتى وأنا

معرفش ...

- يمكن عند حد من صاحبها ومش فى

المستشفى

قالتها "ميادة" بمكر لُجيب عليها "صباح"

بجدية وحزم :-

- أولاً هي في المستشفى يا ميادة وثانياً
متنبشيش في الماضي اللي يجبلك وجع
الدماغ أنتِ وبنتك ... صحيح هي فين الأمورة
بنتك

- أجابتها "ميادة" وهي تقف قائلة :-

- خرجت راحت النادي

رحلت "ميادة" لتتحدث "صباح" بصرامة
قائلة :-

- كلمى مرات اخوكى يا سارة وخليها ترجع
قبل ما يوسف يرجع ويعرف أنها بايت برا
البيت بقالها ٣ أيام إحنا مش ناقصين
عواصف فى البيت أديكى شايفة

- حاضر يا ماما

تحدث بصوت جاد قائلة :-

- أخوك اتحرك من ساعتين وهيوصل بعد

ساعات تكون رجعت يا سارة

- هكلمهم يا ماما حاضر

قالتها "سارة" وهى تقف وترتدى البلطو

فوق ملابسها يحميها من برودة الشتاء

ورحلت ...

___ مُستشفى الجلاء الخاص ___

ثلاثة أيام بـ أربعة ليالى تقيم فى المستشفى

تنهك جسدها فى العمل وتقسي على كحالتها

المُصاب وعقلها لم يتوقف عن التفكير

بقسوته وكيف يراها بهذه القذارة وقلبها

يتألم حد الموت ، تعمل طبيبة قلب ولم

تستطيع معالجة قلبها الموجوع ، دلفت

"نادين" إلى المكتب لتراها جالسة على

مقعدها بزى العمليات المتسخ منذ الصباح
وجسدها مُنهك يظهر عليه التعب بوضوح
وقلة النوم جعلت عينيها تنتفخ ، تحدث
"نادين" وهى تجلس على المقعد وتضع لها
بعض السندوتشات قائلة :-

- مش هتأكلى يا نبض برضو

- مش جعانة يا نادين

قالتها وهى تنام على مكتبها بتعب ، سألتها
"نادين" بغضب قائلة :-

- لا ما هو أنتِ فى حاجة مزعلكى جامد
ومش عاوزه تقوليلى ، أنتِ عمرك ما
قضيتى الليالى دى كلها فى المستشفى
وسكوتك دا وقلة أكلك وأنتِ حامل
ومقضيها قهوة كل دا يؤكد أن فى حاجة
وكبيرة كمان

- مفيش

قالتها وهى تغمض عينيها بتعب تريد أن
يتوقف عقلها عن التفكير مهما طال الأمر ،
وما يؤلمها أكثر بأنه لم يتصل بها منذ ثلاثة
أيام فحَقًّا حين قال بأنه لا يتذكرها وهو
بخارج المنزل لم يكذب عليها هو حَقًّا لم
يتذكر زوجته الحامل ولو مرة واحدة ، وقفت
"نادين" من مكانها لتلف وتقف بجوارها
تمسح على رأسها وتقول :-

- أحكىلى يا حبيبتى مالك ، يوسف زعلك
ولا فيكى حاجة تعبانة تكشف عليكى ..
فهمينى مالك

- مفيش مفيش

قالتها بأختناق شديد وخرجت من المكتب
غاضبة وبدخلها بركان يلتهب أحشاءها رغم

هدوءها الخارجى ، ثورة قاتلة بداخل عقلها
والم تجتاح قلبها وصدرها لم تقوى على
تحملها بعدها .. دمعت عيناها وهى ترتدى
البلطو الأبيض فوق ملابسها المٌتسخة
وتذهب إلى قسم القلب تفحص مرضاها
رغم أنها بذات الوقت هى من ترغب
بالفحص هى المريضة الآن وليس الطبيبة
....

___ قصر الحناوى ___

عاد "يوسف" إلى القصر مع أذان المغرب ،
توقفت سيارته أمام باب القصر ، حمل
البلطو على ذراعه وهكذا صندوق الهدايا
وباقة الورود الوردى التى اشتراهم لأجلها فى
طريق عودته كأعتذار على عدم أتصاله بها
طوال الأيام الماضية ، ترجل من سيارته

فأقتربت الخادمة تأخذ الصندوق منه
ليعطيهما البلطو والصندوق وهو يقول :-

- طليعهم الأوضة على طول

أكتفى هو بحمل باقة الورود بيديه ، دلف
للقصر فأستقبلته "صباح" برحب وقبل
رأسها بحُب ربما حب والدته الحب الوحيد
الذي يعترف به في حياته ، سألته بسعادة :-

- طمنى كله تمام

- تمام يا أمى متقلقيش المشروع دا ليا ...

قطع حديثه نزول "سارة" مُتذمرة وهى تقول
بغیظ دون أن تراه :-

- ماما أنا زهقت من نبض دى بتعان্দ

وخلص

أُتسعت عينيها بصدمة حين رآته يقف بجوار

والدته ، نظر لها بتعجب وهو يقول :-

- مالها نبض يا سارة ..

صمت الجميع ولم يُجيبه أحد خاشين

غضبه القاتل ، أتاه صوت "ميادة" من

الخلف وهى تخرج من المطبخ حاملة مج

المشروب الساخن الخاص بها تقول :-

- مالها يا حبيبي أطمئن هى كويسة ...

تحدثت "صباح" بنبرة جادة مُحذرة لها قائلة

-:

- أهدى يا ميادة ها ...

- الله أنا قولت حاجة دا لسه مقولتتش أن

الهانم ، أميرة القصر مرجعتتش البيت من

ساعة ما سافر ولا راحت بيت أبوها ...

قالتها بتحدى وهى ترمق " صباح " بأستفزاز ،
أُتسعت عيناه على مصراعيها بصدمة
ألجمته وسقطت باقة الورود من يده
وملامحه تتحول للغضب والجحود وهو
يقول :-

- ايه اللى سمعته دا ؟ نبض برا البيت من
ساعة ما أنا مشيت

- يا يوسف هى

تحدثت " صباح " بأرتباك بعد أن لاحظت
غضبه ليقطعها بنبرة مرتفعة صارخاً بوجهها
:-

- أنا مبقولكيش بررلها .. أنا بسألك هى برا
البيت بقالها أربع ليالى وبتنام برا

تنهدت بأختناق وهى تنظر لـ "ميادة"
المُبتسمة بغضب ليصرخ بصوت رجولى
قاتل :-

- متبصلهاش وردى عليا ...

- اه يا يوسف فى المستشفى ...

لم تكمل حديثها حين أستدار كى يذهب
ليقتلها بيده ودهس باقة الورود بقدميه ،
رمقتها "صباح" بغضب سافر وقالت
بأستفزاز قاتل :-

- مش قولتلك متنبشيش فى الماضى .. أنتِ
فاكرة كل البنات خونة وزبالة زى بنتك
وتدريبتك .. أفتكرى أن اللى بتعملى دى يا
ميادة هانم بيأذى بنتك وبس مش يوسف ..
وههرنك أنه هيرجع أيده فى ايدها مش
برصاصة فى صدرها زى ناس

تركتها ودلفت إلى الداخل ، زفرت "سارة"
بغضب وخرجت للجنيئة

كان يقود سيارته وعقله يسرد أمامه مشهد
خيانة "ميرا" وكيف خانته مع رجل آخر اثناء
غيابه لساعتين فماذا فعلت "نبض" في
غيابه ثلاثة أيام ...

كان يشتعل غضبًا ونار تنهش في عقله
المُتحجر وهو يسرد له أسوء الأفكار ، وصل
للمستشفى ودلف مُتجهاً إلى مكتبها ولم
يجدها به ، سأل أحد الممرضات عنها فقالت

-:

- دكتورة نبض في العمليات

دلف إلى غرفة العمليات بدون اذنه ولم
يستطيع أحد منعه وهو مالك المستشفى ،

رأها من خلف الزجاج تجرى الجراحة ولم
يظهر منها شيء حتى عينيها ترتدى بهما
نظارة بها عدسة مكبرة لترى الأوردة بوضوح ،
وقف يراقبها في صمت وحين أنهت الجراحة
أستدارت لتراه واقفاً هناك ، نزعت النظارة
والكمامة والجوندى وهكذا الطاقية لتترك
لشعرها الحرية وخرجت له ، رأها بوجه
شاحب وعينيها مُنتفختين وجسد ضعيف
لا يعلم كيف تجرى به الجراحة ألم تخشي
الخطأ ، كانت مُنهك لأبعد حد ، تجاهلته
وهى تمر من جواره وصعدت لسطح
المستشفى فى صمت وهو خلفها لتقول
ببرود وهى تعطيه ظهرها وتنزل للأسفل
على الطرقات :-

- أياه اللى جابك هنا ؟

- أنتِ هنا بقالك ٣ أيام ؟

زفرت بأختناق وهى تقول :-

- اه وعندك كاميرات المراقبة ممكن تتأكد

تعجب لحديثها فسألها بهدوء :-

- أتأكد من أيه ؟

أستدارت له وكان بركانها أنفجار وثورتها
أنتظرت تلك اللحظة حتى تخرج به وقالت
صارخة :-

- تتأكد أنى مخونتكش فى غيابك ، تتأكد أنى
مش بالقذارة اللى فى دماغك ولا أنى مستتية
أسافر بعيد عشان أخونك ، تتأكد أنى نبض يا
يوسف مش ميرا

تعجب من حديثها وقال بهدوء حتى لا يثير
غضبها أكثر :-

- أنتِ جايبة الكلام دا منين يا نبض ؟؟

- تنكر يا يوسف أنك وأنت جاى هنا فكرت
فى أن ممكن أكون خونتك وعرفت راجل
غيرك ، تنكر أنك لما وصلت البيت وعرفت
أنى مرجعتش بقالى ٣ أيام فكرت أنى ميرا
والتاريخ بيعيد نفسه .. تنكر أنك موافقتش
تأخذنى معاك عشان معدش اللى حصل
وأخونك ... تنكر ...

صمت ولم يجيب عليها لتبتسم بحسرة على
صمته الذى يؤكد حديثها وعينيه التى
تتحاشي النظر تزيد التأكيد ، دمعت عينيها
وهى تمر من جانبه لتعود للعمل ربما
تستطيع نسيان أوجاعها بالأنشغال فى
العمل والأنهاك بيه ، مسك يدها قبل أن
ترحل وقال بنبرة هادية وعتاب :-

- رايحة فين ؟ أنتِ حتى مقولتيش أني
وحشتك ولا حتى حمدالله على السلامة ..
شغلك أهم رجوعى

صدمته بأجابتها القاتلة حين قالت ببرود
وعيونها تتلألأ بالدموع الأسيرة بين جفنيها
وهى ترمقه بوجع :-

- طلقنى يا يوسف ... طلقنى

أتسعت عينيه على مصراعيها بصدمة
ألجمته كالصاعقة الكهربائية وعينيه تحرق
بها بشدة وكأنه يكذب ما سمعه لتجعله
يصدق بأنها حقيقة وما تفوهت به حقيقي
حين مسكت يده تفك أسر يدها الأخرى من
قبضته ورحلت باكية ، أستدار ينظر لها
بصدمة وهى ترحل ، وضعت يديها على
فمها تكتم شهقاتها الموجوعة وتقتل
صدمته حين سقطت على الأرض فاقدة

للوعى ، ركض نحوها بهلع وهو يجثو على
ركبتيه ويحمل رأسها بين ذراعيه وهو يناديها
بفزع :-

- نبض ... نبض ... حبيبي ردى عليا ...

----- تاابع ... -----

#ملك_فقيد_الحب

#نور_زيزو

#نورا_عبدالعزيز

#ملك_فقيد_الحب

___ الفصل الحادى عشر (11) ___

... بعنوان " صدمات " ...

فصحها " خالد " وهى نائمة بفراش المرض
بجسد ضعيف بينما " يوسف " يقف بجوارها

يمسك يدها ، صرخ "خالد" بالمرضة قائلاً

-:

- أنا مش قولت تروح ترتاح من أمبارح

- هي دماغها ناشفة يا دكتور

قالتها "نادين" بحزن فقال :-

- يعنى أنتوا مبسوطين كدة لما وقعت

منكم

تحدث "يوسف" بجدية كى ينبهه بأن هذه

زوجته هو حتى لا يقتله ذات مرة :-

- هي مالها يا دكتور؟!

نظر "خالد" له ببرود وقال بأستفزاز :-

- مالها يعنى واحدة شغالة بقالها ثلاثة أيام

متصلين من غير نوم ولا أكل

زفر " يوسف " بأختناق لينصرف " خالد "

فقال " نادين " :-

- هي عندها هبوط ومحتاجة ترتاح شوية

خصوصًا أنها حامل

تركته وخرجت من الغرفة ، جلس بجوارها

ويحتضن يدها بقوة وهو ينظر لوجهها ويقول

-:

- كدة يا نبض .. تخضيني عليكى ، من يوم

ما أتجوزتك وأنتِ بتخضيني عليك بس

المرة دى أشد ، خضتيني وأنتِ بتقولى

هسيبك .. عاوزه تسيبيني بعد ما بقيتى

نبضة قلبى ، منكرش يا نبض أن عقلى فكر

كدة غصب عنى لكن ...

صمت ولم يكمل حديثه حين شعر بيدها
تتحرك بين يديه وتفتح عينيها فقال بلهفة

-:

- نبض ..

رمقته بصمت وهى تعتدل فى جلستها
بنظرات باردة ثم قالت بلهجة واهنة :-

- أنت بتعمل أيه هنا ؟ أعتقد أن قولتلك أنى
عاويزة أطلق

- أنتِ تعبانة يا نبض .. لما تهدأى نتكلم

قالها بهدوء لتجذب يدها من قبضته وقالت

-:

- طلقنى يا يوسف ، أنا مش عاوزاك فى

حياتى

صمت ولم يجيب عليها مما جعلها تنفعل
عليه وهى تنزع من يديها الكانولا وتقول :-

- أمشي أنا ما دام أنت هتكون مبسوط كدة

مسك يديها بذعر وهو يقول :-

- أهدى يا نبض وأنا هعملك اللي عاوزاه
أهدى بقى

جذبت يدها من قبضته بأشمئزاز وهو تقف
من فراشها وتردف بغضب سافر قائلة :-

- انا عاوزاك تطلقنى ،أنا فى بيت أهلى
وورقتى توصلنى يا يوسف

خرجت من الغرفة بغضب وهو يسير خلفها
يراقبها بهدوء حتى وصلت أمام السيارة
وطلبت من "عثمان" أن يأخذها إلى منزل
والدها فنظر بتعجب إلى "يوسف" ليؤمأ له
بنعم كى يأخذها إلى أين تريد ورحلت ...

___ قصر الحناوى ___

كانت "صباح" جالسة فى الصالون بأنتظار
عودته و"ميادة" جالسة على مقعد أرجوحى
هناك تأكل المكسرات وبسمة تعلو وجهها
لأن "يوسف" يمكن أن يتغاطى أى شيء إلا
ذلك العقدة التى صنعتها ابنتها له وحيث
يثير الشك قلبه لن يعود بها كما قالت
"صباح" بتحدى ...

زفرت "صباح" بأختناق :-

- شايلاه الحرباية دى مش هتترتاح غير لما
أقطع رقبتها بأيدي

- أهدي يا ماما ، هى أخرى تحرق دمك
بالكلام زى البغبغان مش أكثر

قالتها "سارة" ببرود ممزوج بثقة فقالت

"ميادة" باستفزاز :-

- مش هيرجع أيده في ايدها يا صباح قومي

نامي كفاياك أنتظاري

وقفت "صباح" بانفعال وهي تقول :-

- يبقى لازم تخافي يا ميادة ، لو ابني بيته

ادمر وحياته اتهدم بسبب افعال بنتك

ونجاستها أنا هرميكي في الشارع للكلاب أنتِ

وهي و١٠٪ اللي ليكي في القصر مش

هيحموكي مني

- أنا قاعدة في ملكي يا صباح هانم

أقتربت "صباح" منها وهي تعقد ذراعيها

بغرور وقالت بتهديد واضح :-

- أمشي يا ميادة من القصر ، خدى بنتك
وأمشي وأنا هديكى الفلوس اللى تطلبها
فى الـ ١٠٪ نصيبك

وقفت "ميادة" أمامها بعيون تبث غضب
قاتل وقالت :-

- هو أنتِ شايفانى بقول للبيع

- دى فرصتك لأنى لو رميتك فى الشارع مش
هطول لا فلوس ولا حتى ١٪ ...

دلف "يوسف" وسط شجارها لتنظر "صباح"
بدهشة من عودته وحده وأتجه للأعلى دون
أن يتفوه بكلمة واحدة ، قهقهت "ميادة"
بأنتصار تغيط "صباح" وخرجت للحديقة
فتمتت "صباح" بذهول قائلة :-

- أخوكى مرجعش بمراته يا سارة

- متقلقيش يا ماما يوسف مش هيستغنى
عن نبض وابنه اللي فى بطن ، ربما حصل
خناق بينهم لأن غياب نبض عن البيت أكدلى
أن فى مشكلة بينهم ، أنا بكرة هعدى عليها
فى المستشفى وهتكلم معاها شوية
أستدارت "صباح" لها بقلق وقالت :-

- أقنعيها يا سارة ، ولو المشكلة اللي بينهم
بسبب وجود ميرا فى القصر قوليلها أنى
هطردهم من القصر قريب جدًا ، وأنى هحل
أى مشكلة بينهم .. نبض لو سابت يوسف
عمتك هتستغل الفرصة وتنبش فى الماضى
ببجاجة وعين واسعة .. دول ميعرفوش
الخبلى

- متقلقيش يا ماما وارتاحى سيبي نبض
عليها

تمتت وهى تنظر للأعلى وتقول :-

- ويوسف عليا

دلف "يوسف" إلى غرفته مُنهكًا وصامتًا
بهدوء قاتل وأعينه تنظر على صورها في
الأرجاء ورائحتها ما زالت بالغرفة ، سار نحو
الفراش ليرى روبها وقميصها عليه ،
أمسكهم بهدوء وهو يستنشق عبيرها منهم
ويقول مُتمتًا :-

- عاوزه تطلقى يا نبضة قلبى ..

ألقى بجسده على الفراش بتعب ليرى
صورتها في السقف وبسمتها المُشرق وما
زال يغلق قبضته على ملابسها ، منذ نعومة
أظافره لأول مرة يعرف معنى الأشتياق
وكيف يشتاق لشيء ، مُشتاقًا لصوتها

ودلالاتها ، نعومتها وسحرها الذي تلقيه عليه
بلمسة واحدة منها ، نظرة عينيها وهما
يلمعان بالحب والدفء ، دفء حضنها الذي
يلقى جسده وروحه بيه كل يوم بعد يوم
طويل من العمل ، لأول مرة يشعر براحة
وأمان في حياته فقط بين ذراعيها ، عنادها
أشتاق له بحنون واصرارها القوة على أى
شيء تريده ، منذ زواجهما وهى تخبره عن
الحب وتطلبه بأن يترك لها المجال كى تولج
إلى قلبه وحين سمح لها أرادت الرحيل
وكأنها تعاقبه على ذنب أقترفه وهو لا يعمل
ما هو ذنبه ، أغمض عينيهِ بتعب فهو الآن لا
يريد النظر لها لا يريد أن يهزمه قلبه
المُشتاق ويركض لها يخبرها كم هو مُشتاق
، لا يرغب بقلبه المفطور شوقاً أن يهزمه في
تلك اللحظة التى يجتاحه بها الشعور في

عناقها ، فقط يريد التمسك بكبريائه وغروره

المتغطرس

_____ شقة الزمالك _____

استيقظ "فؤاد" و"جهاد" في منتصف الليل

على صوت جرس الباب ، نظر "فؤاد" إلى

ساعة الحائط وهو يرتدى روبه بفرع ليجدها

في تمام الساعة ١١:٣٠ ليلاً ، خرج وخلفه

"جهاد" وهو يقول :-

- مين اللي بيخبط كدة ... حاضر هو أنا نايم

وراء الباب

نزل الدرج و"جهاد" تقول بغضب :-

- أيه قلة الذوق دى ، في حد يروح لحد في

وقت زى دا

فتح "فؤاد" الباب ليُصدم بطفلته الصغيرة
تقف على باب منزله في هذا الوقت ومما زاد
قلقه هيئتها وهي بجسد هزيل وضعيف
مُتكئة بيدها على باب الشقة وتنظر للأسفل
بوجع ، دموعها تنهمر بغزارة على وجهها
الشاحب وعينيها المنتفختين ، أنفها حمراء
وهكذا وجنتها البيضاء تحولت للون الفراولة
وكان دماغها تغلى بداخلها ، شفيتها
زرقاوتين كالجليد من البرد القارس ، ملابسها
اصابته بصدمة أخرى فكانت ترتدى ملابس
العمليات تيشرت بنص كم وبنطلون أخضر
في عز البرد القارس هذا تتجول في الشوارع
بهذه الملابس الخفيفة ، نزع روبه ووضعها
على أكتافها ويدخلها وهو يقول :-

- حصل ايه يا نبض ؟ ازاي تخرجى كدة

أغلق باب المنزل و"جهاد" تاخذها في ذراعيها
بهلع من هيئة طفلتها وهي تقول :-

- مالك يا حبيبتى ؟

- ماما ...

قالتها باكية وهي تحتضن والدتها بجسدها
المُرتجف وسقطت منها فاقدة للوعى
بضعف جسدها ...

___ شركة الSs ___

كان مُتكيء على مقعده وهو يحركه يمين
ويسار بشرود تام حتى دلف "فؤاد" بملف
وبصحبة "كريم" تحدثا لكنه لم ينتبه لهما
وقال :-

- مين لعب في دماغها؟؟

- بتقول أياه يا مستر يوسف

أوقف حركة مقعده وهو يضع يديه على

المكتب ويقول :-

- مين لعب فى دماغ نبض ،مين وصلها فكرة

أنى بشك فيها وشايفها خاينة ، أنا مسافر

وإحنا مبسوطين وتمام مفيش مشاكل بينا ،

مين الحقير اللى فهمها أن بيشفونها بالصورة

دى ، لو أعرف مين الزبالة دا

تنحنح "فؤاد" بأحراج وهو يتذكر حديثه معها

ليتابع "يوسف" قائلاً :-

- اسمع يا فؤاد ، تعرفلى منها مين اللى

أتكلم معاها فى موضوع ميرا والماضي ،

أتكلم معاها كدة وشوفها هتقولك أياه

- احم .. بصراحة أنا اللى أتكلمت معاها...

رفع "يوسف" نظره بصدمة ليتابع "فؤاد"
بخوف قائلاً :-

- بس أنا مقولتلهاش أنك شاكك فيها ، هي
كانت عاوزه تسافرك وأنا فهمتها أنها عمرها
ما هتسافر معاك ولا ...

صرخ به وهو يقف من مكانه ويقول بانفعال
:-

- وأنت مالك هتسافر معايا ولا لا ، بتتحشر
في اللي مالکش فيه ليه ... كنت كلمنى
وعرفنى أنها عنيدة وراكبة دماغها وعاوزه
تسافرلى كنت هقولك أبعثها

نظر "فؤاد" لـ "كريم" بهدوء وسأله بجدية :-

- متأكد أنك كنت هتقولى ابعثها ، متأكد أنك
مكنتش هتقولى أمنعها بأى طريقة وأن
نبض متغيش عن نظرى

صمت "يوسف" وهو يجلس مكانه ليتابع

"يوسف" بهدوء :-

- أنا مقولتس أنك شاكك فى بنتى وتربيتى

لأنى عارف أنا مرېى بنتى أزاى ، بس أنت

عقلك بيصورلك أن الماضي ممكن يعيد

نفسه مش لأن الستات خاينة فى نظرك لكن

لأنك شايف العيب فيك وأن مفيش ست

تستحمل تعيش مع راجل حارمها من أى

كلمة حلوة ومن الحب اللى تقديبًا كل

الستات بدور عليها لأن ربنا خلقهم كدة

بيمشوا وراء عواطفهم

- أنت أذيت نبض بكلامك معاها ، أنا حاولت

قدر المستطاع محرمهاش من حاجة ولا

أحساسها أنها محتاجة حاجة مش موجودة

فيا ، حاول أستسلم تمامًا لجنانها لما غيرت

بيتى وحتى تليفونى ولبسى كانت بتدخل

فيهم وأنا قبلت دا عشان محسسش بنقص
ولا أذيها لأن من اول يوم معاها وأنا عرفت
أنها عاطفية وقلبها اللي بيتحكم فيها
وَمُتناسية عقلها تمامًا ، فهمتها وحاول
اعمل اللي يريحها لكنك أنت أذيتها وهدمت
كل اللي أنا عملته مع أن كلكم عارفين
وواثقين أنا بعمل كدة غصب عنى وبضغط
عليا بس أنا كنت راضي لأن نبض كانت
تستاهل

- اعتقد مكنش ينفع تحكلها عن الماضي
وتكتفى بسبب أن الطلاق بينكم كان بسبب
الخلفة ، أنا مقولتش لنبض على الخيانة أنا
مجرد ما قولتها مش هتسفرى معاها هى
ترجمت الكلام اللي أنت حكيتة ليها ... مش
كل الماضى ينفع يتحكى يا يوسف

صمت وهو ينظر على المكتب في هدوء تام

ليقول "كريم" :-

- كلمها يا أستاذ فؤاد وهى فى بيتك وحاول

تصلح الأمر وأن الماضي خلاص راح

مينفعلش تسبوا يدمر الحاضر والمستقبل

تنهد "فؤاد" بعجز وهو يرمق "يوسف"

ويقول :-

- نبض مُصرة على الطلاق ، وماسكنى من

أيدى اللى بتوجعنى ورافضة تأكل أى حاجة

ولا تأخذ أدوية الحمل لحد ما تطلق ..

- يعنى أيه

قالها "كريم" فى هدوء ليجيبه "فؤاد" :-

- يعنى محدش هيراضي نبض ويحل

الخلاف غيرك يا يوسف ، نبض عنيدة

ودماغها ناشفة ودى مراتك واللى بتعمله

هيعرضها هى وابنك للخطر ...

___ مستشفى الجلاء الخاص ___

- آيه اللى جابك وأنتِ تعبانة يا نبض

قالتها "نادين" بزمجرة شديدة من عناد هذه

الفتاة ، أجابتها "نبض" بأختناق :-

- مخنوقة يا نادين ، لو فضلت فى البيت

هطق .. هتجنن .. هيجرالى حاجة

- ليه حصل آيه؟؟

قالتها "نادين" بفضول لتُجيبها قائلة :-

- أوووف مفيش ، أنا جعانة ومأكلتش بقالى

ع أيام تقريبًا

تبسمت "نادين" وهى تضع يدها فى يد
صديقتها وأردفت :-

- ليه معندكوش أكل فى القصر

شردت "نبض" بحزن وقالت بنبرة حزينة :-

- لا فى ، بس أنا بهددهم عاوزه أبيع القطة
بتاعتى ومش راضية فعمل أضرب عن الأكل
قدامهم

تبسمت بسمه مُصطنعة وهى تضع يدها
على بطنها وتقول :-

- بس لازم أكل عشان النونو ، حاساه
بيشتمنى ويقولى بطللى ظلم يا مامى انا
جعان

قهقهت "نادين" ضاحكة على حديثها ثم
توقفت عن الضحة وهى تقول :-

- نبض أنتِ عندك فوبيا من القطط

ومعندكيش قطة

تنحنت "نبض" بأحراج وهى تقول

مُتجاهلة ذكاء صديقتها :-

- أنا فى الكافتريا ..

ذهبت إلى الكافتيريا وطلبت الطعام ثم

ذهبت تجلس على طاولة وتناولت طعامها

كاملاً واخذت علاجها ثم ذهبت تطلب قهوتها

، شعرت بشخص يقف بجوارها فنظرت

لترى "سارة" تقول :-

- أزيك يا نبض

- بخير

جلسا على طاولة فى صمت لتتحدث "سارة"

قائلة :-

- أنا عرفت أن في مشكلة بينك وبين يوسف
، أتمنى متكنش بسبب ميرا وعمته

- سارة بعد أذنك أنا مش عاوزاه أتكلم في

الموضوع دا

قالتها "نبض" بحزم لتُجيبها قائلة :-

- وأنا مش عاوزة اعرف حاجة أصلاً أنا جاية

بس أقولك متفتحيش الباب لواحدة

بنجاستها عشان تخطف جوزك منك وابو

ابنك ، ميرا بقالها أسبوع كامل من حادثة

اختطافك مختفية وأختفائها دا وراء كارثة ،

لتكوني فاكرة أنها مكسورة وندمانه على اللي

حصل ، ميرا مبتندمش يا نبض وإلا مكنتش

تفضل قاعدة قدامه بعد اللي عملته

وتتكسف على دماها ، لكن هي قاعدة عشان

تمنى جوا عُقدة وتفضل تفكره كل يوم باللي

عملته ومينساش يوم واحد شكلها وهي في

حُضن راجل تانى فى سريره ، يوسف يا نبض
مبقاش يوسف الحناوى اللى كل بيخاف
منه بالساهل ، عشان قلبك يبقى حجر لازم
تكون الدنيا قسيت عليك وفرستك تحت
عجلتها ويوسف شاف كتير ولأنك الحاجة
الوحيدة اللى ممكن تعتبر عوض ربنا له أنا
بقولك أرجعى لجوزك ومتسببش غيرك
يقسي عليه ، أرجعى وأنتِ الجزء الحنين فى
حياته

أستمعت لحديثها فى صمت وقلب مُفطور
ثم قالت :-

- أسفة يا سارة أنا طالبة الطلاق ودا آخر
حاجة عندى ...

مر يومين و"نبض" ترفض لقااه تمامًا
وثابتة على موقفها حتى وافق على طلبها
معتقد بأنها حقًا لم تتناول شيء وتأذي
نفسها وطفلها بعنادها ، أخذ المأذون وذهب
إلى منزلهم ، كانت جالسة في صمت تام
مُرتدية بنطلون جينز وقميص أبيض وعليه
بلطو سكرى وشعري مسدول على الجانبين
بحرية ، وتتحاشي النظر له تحدثت "جهاد"
بحزن شديد وهي ترى أبنيتها لا تكفى عن
البكاء وهدوءها يفطر قلب الام بداخلها :-

- فكرى يا نبض متخربيش بيتك على أهون
سبب ..

رمقته "نبض" وهو يجلس هناك أمامها
بجوار والدها صامتًا ببرود قاتل وقالت بغیظ
مكتوم :-

- خلاص يا ماما .. أنا مش هرجع عن قرارى

نظر لها بهدوء تام ودموعها ملوثة عينيها
الخضراء ليتحدث "فؤاد" قائلاً :-

- يا نبض مفيش حد بيطلق عشان سبب
تافه زى دا ، خراب البيت مش بالسهل وفي
طفل فى بطنك فكرى فيه متبقيش أنانية

تحاشت النظر له ناظرة للجهة الأخرى
بغضب وقلبها ينزف دماءًا لا تتخيل يومًا
بأنها ستطلب الطلاق منه ، رغم ما مرت به
لم تطلب الطلاق منه وتحملت قسوته
وبرودها وربما كانت البداية بينما عن قرب
وأقتربت من الوصول لقلبه وكاد أن ينطق
ويشعر بالحب ، لذا لم تتخيل الفراق ولم
تكتبه فى خطتها ...

- فكروا يا جماعة ، أن ابغض الحلال عند
الله الطلاق ..

قالها المأذون بنبرة هادئة ربما يستطيع أن
يصلح الحال بين هذان الزوجين ولا يهدموا
حياتهم ، تحدثت بجدية :-

- خلصنا يا عم الشيخ أنا ورايا شغل

أخيرًا تحدث هذا الرجل الذي يشبه لوح
الثلج يقول :-

- يلا يا عم الشيخ ...

مرت إجراءات الطلاق سريعًا وحين وقعت
على الورق فرت هاربة من أمامها ولم
تتخيل بأنه فعلها ، تساءلت أين ذهب حديث
والدها حين أخبرها بأن هذا الزوج لم يطلق
سراحها مهما فعلت لكن الآن لبي طلبها في
هدوء تام دون أن يجادلها حتى ، دلفت إلى
غرفتها وهي تكتم شهقاتها بقوة وبدأت
يظهر صوت نحيبها وحسرتها وهي تفقد

السيطرة على قلبها الموجوع ، نظرت من
شرفة غرفتها لترى "كريم" يفتح له باب
السيارة ، توقف وهو يرفع نظره للأعلى
ليراها تقف هناك بنظرة عتاب ، نظرة لن
ينساها أبداً وهو لا يفهم ماذا تعنى بنظرتها
هذه ، دلفت للداخل ليصعد إلى سيارته
ويرحل ، فتح باب غرفتها ودلف "فؤاد"
وحده وهو يسمع صوت بكاءها فجلس
بجوارها على الفراش وهو يقول بهدوء :-

- بتعيطى ليه دلوقت ، مش أنتِ اللى
ركبتى دماغك وأصرتى على الطلاق

- بعيط على وجعى يا بابا ، كان عندى أمل
انه ممكن يتمسك بيا ولو مرة واحدة ، كنت
فاكرة أن هيصح أفكارى وأنه مش شايفنى
خاينة ويعتذر على شكه فىا ... متخليتش

يوم أنه يطلقنى يا بابا ، أنت قولت انه

مستحيل يطلقنى

أحتضنها بحزن وهو يربت على كتفها بحنان

ويقول :-

- الخير فيما اختاره الله يا نبض ومحدث

عارف الخير فين

جهشت فى البكاء بين ذراعيه بوجع كالمحيط

ويكاد يفيض منه ..

___ قصر الحناوى ___

- طلقته !!

قالتها " صباح " بانفعال وتابعت غاضبة :-

- كدة من نفسك ، من غير ما تأخذ رأى ولا
حتى تشاورنى يمكن نصلح ونحل المشكلة
.. تطلقها من نفسك

لم يُجيب عليها وصعد للأعلى صامتًا لتزفر
بأختناق ، أخرجت " صباح " هاتفها وأتصلت
بـ " سارة " وبعد ساعة جاءت " سارة " غاضبة
بشدة وهى تقول :-

- طلقها ... ابنك أتجنن وكدة خسرها للابد
هو فين

- فوق

ركضت " سارة " إلى الأعلى بغضب سافر
وفتحت باب غرفته بدون اذن كالعاصفة
القادمة وقالت :-

- طلقته يا يوسف

- أنتِ أزاى تدخلى كدة ؟؟

- رد عليا طلقته؟؟ طلقت نبض البنت

الوحيدة اللي حبتها

أُسعت عيناه بصدمة لتتابع حديثها بقسوة

-:

- اه حبتها ، مش مهم أنت هتفضل تنكر لحد

أمتى لكن الحقيقة اللي أنت مش عاوز

تعترف بها أنك حبتها يا يوسف ، أنت فاكر

أن بالطلاق كدة انتوا خلاص طلعتوا من حياة

بعض ، وهى كدة بقيت برا حياتك نبض

موجودة معاك يا يوسف موجودة فى قلبك

- أنتِ

صرخت بأنفعال مغتظة منه قائلة :-

- طلقته ازاي ، نبض كانت بتقول كدة

عشان تسمعك تعتذر بعد مع غلط وتتنازل

عن غرورك شوية ، كانت بتضغط عليك

عشان تعترف بحُبك ... أنا اسفة في الكلمة
بس أنت غبى

نظر لها بذهول وهو يقول :-

- أنتِ بتقولى أيه؟؟

... فلاش باك ...

خرجت "نبض" من المستشفى ركضًا حتى
تلحقها قبل أن تغادر وقالت :-

- سارة

توقفت "سارة" أمام سيارتها وهى تقول
بابتسامة :-

- ايه غيرتى رأيك؟؟

- لا أنا مُصرة على الطلاق فعلاً ، بس أنا
محتاجة أضغط على يوسف لأن ارتكب
جريمة فى حقى لما شك فىا وفكر فىا

بالطريقة دى ، صدقيني يا سارة أنا بحبه
ومقدرش أعيش من غيره والا كنت قدرت
أنام فى غيابه طول ما هو مسافر بعيد عنى
لكن هو وجعنى وجرح كرامتى وكبيرائى ،
صدقنى يوسف لو جالى حتى من غير ما
يعتذر هرجع معه ، أنا محتاجة أنه يجيلى
بمزاجه يثبتلى مرة واحدة بس أنى مهمة فى
حياته وأنه عاوزانى مش لسه مجبور عليا لأن
مامته أخترتنى زوجة له

- يعنى مش هتطلقى منه؟؟

- أكيد لا أنا بحبه ومقدرش على بعده بس
هو لازم يتحرك ، يوسف لو طلقنى هو اللى
هيقتلنى لكن لو أتمسك بيا هيحبنى ،
محتاجة يقولى هتعيشي معايا غصب عنك
ويتمسك بيا ...

.....

أُتسعت عيناه بصدمة قاتلة وكأنها صعقت
قلبه بصاعقة كهربائية ، شعر كأن قلبه
توقف عن النبض فدفعتها بقوة وخرج من
الغرفة يجتاحه الشعور بعناقها الآن وتقبلها
، يرغب بأخبارها أنها حقًا داخل قلبه وأنه
سيعترف بتلك الحقيقة ويكف عن الإنكار ،
قاد سيارته كالجنون وعلى شفثيه بسمة لم
يفهمها لكن يجتاحه شعور الشوق

___ شقة الزمالك ___

جلست "نبض" على الفراش وهي تفتح
هاتفها لترى إذا أتصل بها أم لا ولكنها لم تجد
شيء ألقته على الفراش لتصدم ببقعة دم
على الفراش نظرت أكثر فصرخت بهلع وهي
تجلس على فراشها وتبكي وهي تنادى
والدتها قائلة :-

- ماما ... ماما ...

دلفت "جهاد" بهلع على صوت صرخها
لتصدم حين رأت فستان نوم طفلتها به دماء
وهكذا فراشها و"نبض" تضع يدها أسفل
بطنها وتبكي بهلع وخوف وهى ترتجف
وتقول :-

- ماما .. ابنى ...

أغمى عليها من الخوف أن تكون خسرت
طفلها وهو الشيء الوحيد المتبقى من
حبيبها ...

----- تابع ... -----

#ملك_فقيد_الحب

#نور_زيزو

#نورا_عبدالعزيز

#ملك_فقيد_الحب

___ الفصل الثانى عشر (12) ___

... بعنوان " غرور قاتل " ...

وصل " يوسف " بسيارته أمام منزلها لكنه
تردد فى النزول أجتاحه شعور الحيرة
والغضب معًا كانت ترغب باللعب معه حتى
أصبحت اللعبة حقيقة ، تردد فى فتح الباب
والنزول لها بأى صفة سيعانقها بعد طلاقهما
، غادر دون أن يترجل من سيارته ...

___ مستشفى الجلاء الخاص ___

- يعنى الطفل مات

قالها "فؤاد" بصدمة من حديث الطبيب
فأجابه "خالد" بحزن مُصطنع :-

- أنا متأكد أنكم وأنتوا جايين شكتوا في
الأحتمال دا ودكتورة نبض كانت عارفة أنها
خسرت الجنين ... عن أذنكم

دلفت "جهاد" بصحبته إلى غرفة "نبض"
ودهشت حين رأتها تقف وتبدل ملابسها
الملوثة بالدماء إلى زى المستشفى الخاص
ببرود قتل قلبعا ، سألها "فؤاد" بدهشة :-

- بتعملى ايه يا نبض ؟؟

- بعمل ايه يعنى يا بابا عندى جراحة لطفلة
عمرها ١٦ سنة أكيد مش هسيبها تموت
مسكها من ذراعها بقوة وهو يقول صارخاً بها
:-

- أنتِ لو دخلتى العمليات دلوقت هتقتلها ،
أنتِ مش حاسة بنفسك

- لا حاسة ، حاسة أنى فى ساعات قليلة
خسرت جوزى وابنى وبقيت مطلقة لكن
ذنب الناس اللى هتموت بسببى أيه
قالتها بأختناق شديد ثم رحلت ، أوقفها
"نادين" فى الرواق وهى تقول بسخرية :-
- أرى أنك بقيت مريضة مستديمة فى
المستشفى بدل من دكتورة
تبسمت "نبض" بتعب وهى تقول :-
- خلاص مبقاش فيه مرض تانى
- أتصالحى أنتِ ويوسف صح؟؟
تبسمت "نبض" ببرود وهى تقول بزمجرة :-
- اطلقنا بس
رحلت وتركها مصدومة بتلك الكلمة
فركضت خلفها وهى تقول :-

- أزاى ، طب مفكرتيش فى الطفل اللي

فبطنك

- حتى دا مبقاش موجود وكأن القدر مش
عاوز يكون فى حاجة تربطنا ببعض أبدًا ، نزل
قبل ما دب فيه الروح

قالتها بحزن وهى تجلس على المقعد
الحديدي ، جلست "نادين" بجوارها وهى
تربت على كتفها بلطف وشفقة على حال
صديقتها ...

___ شركة الـ Ss ___

- مفيش تاجر قماش واحد هيبع لعمار متر
قماش واحد لا أصلى ولا تقليد

قالها "كريم" بجدية فتبسم "يوسف"
بسخرية وهو يقول :-

- ولسه؟؟ خليه يشرب نتيجة أفعاله

دلف "فؤاد" إلى المكتب مُنهكًا ويبدو عليه

التعب فقال "يوسف" ببرود :-

- لسه جاي يا حضرة المدير العام

- أسف على التأخير كان عندي يوم ما

يعمل به إلا ربنا ...

قطعه "يوسف" ببرود تام وهو يقول بحدة :-

- أنت هتحكي لي قصة حياتك ، متتأخرش

تاني ، أنا المفروض أجي ألاقى حضرتك هنا

أوماً له "فؤاد" بنعم ليقول :-

- أتفضل على مكتبك وتشوف شغلك

أستدار "فؤاد" كى يخرج ليتوقف وهو يقول

بهدوء :-

- اه للعلم بالشيء بس ، نبض طليقتك
سقطت ومبقاش فيه جنين آخر حاجة
ممکن تربطكم ببعض

غادر المكتب قبل أن يتفوه "يوسف" بكلمة
تركه مُصدومًا في جملته ، إذا تنازل الطفل
عنهما ولم يشاء القدر بوجوده ربما يكون
سبب في عودتهما ، تصطنع اللامبالاة وهو
ينظر للورق ويتابعه "كريم" بنظره في صمت

...

قطع صمتهم دخول "مراد" للمكتب وهو :-

- هو أنا أجي يقولولى يوسف بيتجوز وأسافر
أرجع يقولولى يوسف بيطلق ... أنت سريع
كدة ليه يا راجل

- حمدلله على السلامة ، بطلت صرمحة ولا

لسه

قالها "يوسف" وهو يقف من مكانه ثم عانقا

بعضهما ليقول :-

- طلقت بجد

- اممم ، عامل ايه أنتِ

تبسم "مراد" وهو يصافح "كريم" وقال :-

- عايش بس تصدق مكتبي وحشني

- هههه أنت يوحشك الشغل مصدقش ،

أنت يوحشك السفر والصياغة اه ، اللف وراء

البنات اه

تبسم "مراد" وهو يجلس ويضع قدم على

الأخر باسراق ويقول بغرور مُصطنع :-

- والله يا بنى لولا فرح ناجى زميلنا مكنتش

جيت أساس مصر دلوقت بس هو زنان

ورخم

أوماً له "يوسف" بهدوء هو يعود لمباشرة
عمله ...

- يعنى أيه؟؟

- يعنى مفيش ولا تاجر فى مصر هيدينا متر
قماش واحد والشركات برا عرفت بغضب
يوسف وكلهم رافضين أى عروض منا وبدأه
يرجعوا البضاعة ...

صرخ "عمار" بغضب قائلاً:-

- لا دا خراب بيوت .. خراب بيوت

- أنا من الأول قولتلك بلاش تقرب لمرات
يوسف ولا دخلها فى خلافاتنا ، بس أنت ركبت
دماغك وأصرت ومش بس خطفتها لا دا أنت
خليت رجالتك يعتدوا عليها وكنت عاوز
تقتلها ... أهو طلقها ولا فرق معاه وفى

المقابل هيخرب بيتنا إحنا وبرضو خد
المشروع .. يعنى كل اللى عملته دا معملش
حاجة غير جابلنا وجع الدماغ وعداوة يوسف
الحناوى

زفر "عمار" بغضب وهو يلقي فنجان القهوة
أرضًا من الغيظ ..

_____ شقة الزمالك _____

دق "فؤاد" باب غرفة "نبض" فأذنت له
بالدخول وقال :-

- أنتِ صاحبة يا نبض

- أيوة يا بابا

جلس على الفراش بجوارها وهو يقول
مُبتسمًا :-

- فكرتك نمتى لما جيتى الصبح من
المستشفى

- نمت شوية ولسه صاحية فى حاجة؟؟

قالتها وهى تغلق الكتاب الموجود فى يدها ،
أجابها ببسمة :-

- قومى ألبسى وتعالى معايا

- على فين يا بابا؟؟

- فرح واحد ابن زميل ، مامتك مكسلة تروح
معايا

أومأت له بنعم فتبسم بأشراق وهو ينصرف
من الغرفة كى تركها تستعد ..

فى قاعة الأفراح ، كانت مليئة بالمعازيم
والجميع فى أنتظار قدوم العريس والعروسة

، وعلى أحد الترابيزات كان يجلس "يوسف"
و"مراد" و"كريم" و"سارة" يتسامرون معًا

- بس مفيش واحدة فى الفرح تلف النظر يا
راجل ، كلهم شبه عرايس المولد

قالها "كريم" وهو ينظر على الجميع فأجابته
"سارة" بغضب :-

- اهو دا كل اللى يهمكم أنتوا يا رجالة

- يا بنتى مش لازم أعيش شبابى ولا عاوزنى
أكون زى أخوكى دا

قالها "كريم" بسخرية لتنكزه فى ذراعه وهى
تقول :-

- ماله أخويا بقى؟؟ راجل محترم

- شبه الإنسان الألى بس ...

قالها وهو ينظر مُجددًا على القاعة ، كان
"يوسف" هادئًا وهو ينظر في كأسه بصمت
ويتابع حديثهما في صامت تام ، قال "مراد"
بحماس وهو ينكز "يوسف" في ذراعه :-

- بص .. بص مين هناك ..

رفع "يوسف" نظره بلا مبالاة ليدهش برؤيتها
تدخل من باب القاعة وتتباطى ذراع والدها
بدل منه هو كان يجب أن تكون في ذراعه هو
، كانت كالأميرة بفستانها الأسود ويلمع
كالؤلؤ بكم شفاف وطويل يخفى أقدامها
وكعبها العالى ، فقط يظهر نحافتها وشعرها
مسدول على الجانب الأيمن وظهرها ليظهر
حلق أذنها الطويل الذي يداعب كتفها
وعنقها بلون الفضي ، تضع القليل من
مسايق التجميل لتزيدها جمالاً وسحرًا ،

أبعد عيناه عنها ببرود مُصطنع فكانت زوجته
حتى الأسبوع الماضي واليوم هي طلقته ..

كاد "فؤاد" أن يجلس على أحد الطاولات
ليوقفه صوت "مراد" قائلاً :-

- يا حضرة المدير العام

نظر على الصوت ليراهم جميعًا ، وقع نظرها
عليه وهو جالسًا وينظر في كأسه ببروده
المعتاد ، أخذها "فؤاد" إلى طاولتهم وسحب
الكرسي لها كي تجلس وجلس بجوارها
ليقول "كريم" بيسمة مُشرقة :-

- مش تعرفنا .. أنت أتجوزت على المدام
وبتلعب بديل ولا ايه يا حضرة المدير العام

قهقهه "فؤاد" ضاحكًا وهو يقول :-

- يا ريت كان ينفع والله بس خلاص بقى ..
نبض بنتى .. مراد مهندس عندنا فى الشركة
بالورق لكن مبدخلش الشركة غير صدف
تبسمت "نبض" بأشراق وهى تقول بعفوية
-:

- تشرفنا

وقف من مكانه وهو يمد يده لها بأعجاب
قائلاً:-

- دا الشرف ليا والله

صافحته بهدوء ليضع قبلة على يدها من
باب المجاملة مما جعل "يوسف" يشتعل
غضبًا وهو يغلق قبضته بأحكام قبل أن يلکم
هذا المراد الجالس بجواره ، ويقتلها على
بسماتها تلك أمام رجال آخرين ..

ظل صامتًا وهو يراقبهما بأذنه في حديثهما
منذ أن جلست وتوقف "مراد" على مغازلة
الجميع يغازلها هي

- دكتورة قلب !!

قالها بتعجب فأومأت له بنعم ليقول بتعب
مُصطنع :-

- أتارى قلبى وجعنى .. طب ما تكشفى عليا
يا دكتورة ينوبك ثواب

تبسمت وهى تتحاشي النظر له فتقابلت
أعينهم أخيرًا فى ناظرة صامته ، نظر نظرة
يخبرها بها بأنه لم يتحمل كثيرًا وسيقتلها فى
لحظة ما هى وذلك الرجل ، أم هى نظرت له
نظرة عتاب وبرود وكأنها تناسته من حياتها ..
كان "فؤاد" يراقبهما فى صمت ثم أنحنى نحو
"كريم" ليقول :-

- قول لمراد يتلم بدل ما الفرخ يتقلب لعزاء

- هو قاصد كدة لأنه عارف أن نبض مراته ..

قصدي كانت مراته

همس "فؤاد" له بغضب وهو يقول :-

- إحنا أتفقنا نجيبهم يمكن يتصالحوا مش

عشان نجوز نبض قدامه

- أنا جبتة بالعافية بعد أقناع طويل ...

نظر "فؤاد" عليهما وهو يقول بهمس :-

- أتصرف يا كريم

أوماً له بنعم ثم همس لـ "سارة" قائلة :-

- وزعى مراد من هنا قبل ما أخوكى يقتله

أومات له بنعم ثم قالت :-

- مراد

اجابها ونظره على "نبض" قائلاً :-

- عيونه ..

- مراد بكلمك

قالتها بنبرة غاضبة لينظر لها بغیظ قائلاً :-

- عاوزه أیه؟؟

- قوم عشان نرقص

قالتها بنبرة تهديد فقال بغضب مكتوم :-

- معلش بنت خالتى وأخت رئيسى لو

مقومتش هتعلقنى .. عن أذنك يا جميلتى

- أتفضل

قالتها "نبض" فى هدوء وذهب مع "سارة"

ليعم الصمت المكان بينهم فقط نظرات من

حين لأخر حتى ملت "نبض" وشعرت بألم

صدرها من قلبها المحترق فقالت :-

- بابا أنا هستناك برا

رحلت في صمت تام تحت أنظاره ليتحدث
"يوسف" بنبرة باردة وهو ينظر بكأسه :-

- لعبة خايبة زيكم !!

- يا يوسف ...

قالها "كريم" بهدوء ليقطعه بغضب وهو
يقول :-

- اسكت يا كريم لينا حساب في البيت على
اللى عملته ، بس العيب مش عليك العيب
على الاب اللى بيرخص بنته وجايبها
مخصوص عشان تكون لعبة وصفقة

قالها وغادر المكان غاضبًا من فعلتهما لولا
اتفاقهما ما كانت سنحت الفرصة لـ "مراد" أو
غيره من الرجال لمغازلة هذه النبض التي
أصبحت رغم عنه نبضة قلبه المتحجر ، خرج

من القاعة كى يغادر وحده ليصدم حين راها
تقف هناك مع رجل يعرفه جيداً ...

- نبض بتعملى أيه هنا؟؟

توقفت عن السير وخرجت من شرودها
وهى تقول بتعجب :-

- دكتور خالد

- مش براقبك على فكرة ، أنا ابن خالة
العروسة

قالها بابتسامه فتبسمت رغم أوجاعها
وقالت :-

- مبروك عقبالك

- لا خلاص عقبالى ايه ما اللى اخترتها
موافقتش بيا

تنحنحت بأحراج وهى تقول :-

- دكتور خالد أنا بعزت بيك كصديق ومش

قطعها بابتسامة مبهجة مُتجاهلاً سماع هذا

الحديث منها وقال :-

- مقولتليش بقى ماشية بدرى ليه

- تعبت ومصدعة وكما معرفش حد جوا

قالتها باحراج فقال :-

- طب أنا أهو .. تسمحيلى

- أسفة بس حقيقي مش عاوزه أدخل تانى ،

فى ناس محبش أنى أشوفهم

أتاهما صوت "كريم" يناديه من الخلف :-

- يوسف بيه

أستدارت فرأته واقفاً هناك واضعاً يديه فى

جيبه ويرمقها بأشمئزاز ثم سار نحوهما وممر

من جانبها دون أن يكثر لها وغضبه ظاهراً

بملاحه ، نظرت له وهو يرحل في صمت

لتقول :-

- عن أذنك ..

ذهبت هي الأخرى للخارج في هدوء تخفى

أوجاعها وضعفها بدونه ، كانت تسير في

مرأب السيارات كي تصل إلى سيارتها

وتختبيء بها ..

توقفت أمام سيارتها وفتحت حقيبتها كي

تخرج مفتاح السيارة لتشعر بيد على كتفها

فأستدارت بلهفة وهي تقول :-

- يوسف

صمتت بصدمة حين رأت رجل مُلثم يقف

أمامها ، عادت خطوة للخلف حتى ألتصقت

بسيارتها وسقطت الحقيبة والمفتاح من

يدها ، فقال الرجل :-

- طلعي اللى معاكى فى هدوء

أزدرت لعابها بخوف لتُصدم حين اخرج
سكين من جيبه ، أنحت كى تجلب حقيبتها
وأعطته كل ما بها قالت بتلعثم وخوف :-

- والله معيش غيرهم

- أنتِ بتكذبي عليا ... أقلعي السلسلة دى

تشبثت بسلسلتها بخوف وقالت :-

- بلاش دى أنا أديتك كل اللى معايا

وضع يده فوق يدها وجذب القلادة بقوة ثم
ركض وهو ينظر عليها فأصطدم بجسد قوى
، نظرت بصدمة وهى ترى "يوسف" يقف
أمامه بوجه غاضب والنيران تطاير من عينيه
، بدأ العراك معهم وحين أسقط "يوسف"
السكين فر الرجل هاربًا ، أخذ قلادتها وتقدم

نحوها فرأها جالسة بجوار سيارتها وتبكي

ليسألها بنبرة هادئة :-

- أنتِ كويسة ؟؟

جهشت في البكاء بقوة لتشعر بيديه تجفف

دموعها فرفعت رأسها له لتنظر إلى عينيه

ورأت جرح صغير بجبينه ، وقفت على

ركبتها بلهفة وخوف وهي تلمس جبينه

بقلق وتقول بصوت باكي :-

- بتوجع ..

- مش بقدر وجع غيابك

نظرت له بحنين وشوق وهو يحدق بعينيها

الباكيتين ويلمس وجنتها بأبهامه فقالت

بهدوء :-

- أركب

فتحت سيارتها وصعدت في مقعد السائق
وصعد بجوارها مُنتظر حديثها فأخرجت
حقيبة أسعافات اولية من المقعد الخلفية
وعالجت جرحه الصغير وهى تقول بنبرة
هادئة :-

- لما تلاقى حرامى متجادلهوش لأنه ممكن
يأذيك عشان يأخذ اللى عاوزاه
فتح كف يده وقال :-

- بس أنتِ بتعتز بالسلسلة دى لأنها الذكرى
الوحيدة من جدتك
تحدثت بنبرة غاضبة بعض الشيء :-

- وتفتكر لو كان أذاك كانت السلسلة هتفرق
معايا

نظر لعيناها بشوق وقال بصوت دافىء :-

- هفرق معاكى لو أتأذيت

صمتت ولم تجيب فى حين أن عينها أخبره
كما تعشقه هذه الفتاة العنيدة وأنه هو
الشيء الوحيد الذى تكثر له ، أقترب نحوه
وهو يعلق القلادة فى عنقها ثم همس بأذنيها
قائلاً :-

- متتنازليش عن الحاجات اللى بتحبها يا

نبض ..

أغمضت عينها بأستسلام لمداعبة أنفاسه
الدافئة لعنقها البارد ، أبتعد قليلاً ليرى دموع
تذرف من عينها رغم اغلقهم ، تأملها بقلب
مُشتاق لها بجنون فكانت جميلة رغم بكاءها
، شعرت بشفتيه الباردة تقبل دموعها الحارة
بلطف شديد ، أغلقت قبضتها على فستانها
بشوق ثم فتحت عينها لتلتقى بعينيها
القريبة جداً منها ، ما زال يحافظ على قربه

الشديد منها ، حدق بعينيها بصمت قاتل
وهى ترى بعينه كم هو مُشتاق لها لكنه ما
زال لا يرغب فى الأعتذار أو أرجاعها له ما زال
محتفظ بكبرياءه ، دهشت حين مسك
رأسها بكفيه وسرق قبلة من شفيتها يعبر
به عن أشتياقه وأوجاعه التى يخفيها أمام
الجميع فى بروده وتحجره ، تشبثت بسترتة
بقوة فكانت بأمس الحاجة له فهى هذه
الفترة ، كانت ترغب بعناقه وتبكى بقوة بين
ذراعيه على فقد طفلها التى لم تذرف دمعته
واحدة على خسارته حتى الآن ...
أبتعد عنها كى يلتقط أنفاسه وقال بلهجة
أمرية :-

- أياك تضحكى فوش راجل تانى ولا حتى
أشوفك مع ظل راجل صدفة

أُتسعت عينيها بصدمة على هذا المتعجرف
المغرور ما زال يأمرها وهى ليست ملكه ،
ما زال محتفظ بغروره اللعين ويعاملها
كجارية لديه فدفعته بقوة فى صدره وقالت
بانفعال سافر :-

- هتفضل زى ما أنت يا يوسف ، مبتتغيرش
ولا بتتنازل عن غرورك ، وطول ما أنت كدة
هتفضل تخسر وعمرى ما هرجعلك
- أنا موعدتكيش أنى هتغير ولا طلبت منك
الرجوع

كبتت غضبها بداخلها وزفرت بأختناق وهى
تقول :-

- أنزل يا يوسف

فتح باب السيارة وقال قبل أن يترجل منها
:-

- أعتبرى اللى حصل غلطة فى لحظة ضعف

ترجل من السيارة لىتركها مصدومة من
قسوته وجبروته التى على وشك قتلها حقًا ،
قادت سيارتها بسرعة جنونية إلى بوابة
القاعة وأخذت والدها ورحلت فى صمت قاتل
ودموعها لا تتوقف عن الأنهمار ...

___ قصر الحناوى ___

دلفت "ميادة" إلى غرفة "ميرا" بسعادة وهى
تقول :-

- خبرين أحسن من بعض

- خير

قالتها "ميرا" وهى تنفث دخان سيجارتها
لتُجيبها "ميادة" :-

- الأول يوسف طلق نبض

- بتقولى أيه؟؟

قالتها وهى تقف بذهول وتسفط السيارة
من يدها أرضاً لتتابع "ميادة" بسعادة :-

- والتانى الزعل والقهرة يا حرام سقطوا نبض
ومبقاش فى جنين ولا حتى حاجة تربطهم
ببعض نهائى تخليه يفكر فى يوم انه يرجعها ...
أنا هموت من الفرحة

تبسمت "ميرا" بسعادة وهى تُتمتم بفرحة
قائلة :-

- معقول ... يوسف ممكن يرجعلى تانى
- شدى حيلك بقى والطريق بقى خالى
تمامًا قدامك يا حبيبتى

قالتها "ميادة" وهى تربت على كتفها بلطف

.....

مستشفى الجلاء الخاص -----

- لا دا مريض نفسي أكيد

تحدثت "نبض" وهى تجز على أسنانها
وتغلق قبضتها بأختناق :-

- ااه فارسنى يا نادين ، ابقى أنا اللى طالبة
الطلاق وهو اللى يفرسنى .. عارفة عاوزه
أروح أخنقه من زمارة رقبتة

- أتهدى بقى لأنك اللى غلطانة ، أزاى
تسيب واحد غريب يبوسك يا هانم

قالتها "نادين" بغیظ من تصرفات صديقتها ،
تنحنت "نبض" بأرتباك وقالت :-

- معرفش أنا محستش بنفسى زى اللى فى
غيبوبة والله

تحدثت "نادين" بغضب وتحذير قائلة :-

- وهتفضلى لحد أمتى كل ما تشوفى

تضعفى وتبقى فى غيبوبة ، هو خلاص

طلقك وحتى الطفل اللى بينكم راح

أجابتها "نبض" بضعف وهى تتحاشي النظر

لها :-

- بحبه يا نادين .. بحبه اوى

- طب خلاص أهدى ، مش فاهمة مادام

بتحبيه اتمسكتى بالطلاق ليه

تحدثت "نبض" بحسرة وهى تبكى :-

- كنت عاوزة احس أنه عاوزنى مش مجبر

عليا ، كنت عاوزاه يتمسك بيا ولا مش من

حقى أن جوزى يتمسك بيا ويحبنى ، مش
من حقى أنه يحس بيا ويراعى مشاعرى
أربتت "نادين" على كتفها بلطف لتقول :-

- من ححك يا حبيبتى بس أهدى

- يوسف دا غبى ومتخلف عشان مقدرش
حبي له

نكزتها "نادين" فى ذراعها بصدمة وهى تنظر
للخلف وتشير لها بأن هناك من يقف خلفها
ويسترق السمع لحديثها ، تابعت "نبض"
بغضب شديد قائلة :-

- يقولوا عليه ذكى وهو مخه مخ حمار ، ااه
لو أشوف الحمار دا

- أتاها صوته بجوار أذنها وهو يقول :-

- هتعملى ايه لما تشوفى الحمار

- هموته في أيدي و

قطعت حديثها بصدمة وهو تقف من مكانها

وتستدير لتراه يقف خلفها مباشرة فقال

بغرور :-

- الحمار !!

- أنت أيه اللي جابك هنا ؟ لتكون جاي

تكشف على الخربوش دا

- أنا مش فاضي لدرجة الفراغ دي ، ثم دي

المستشفى بتاعتى وأنا أجي وقت ما أحب

قالها بغرور قاتل لئتمتم قائلة :-

- مغرور وغبى

- سمعتك

أزدردت لعباها بأرتباك وهي تنظر له فجاء لها
"خالد" من الخلف دون أن يرى وجه
"يوسف" وهو يقول :-

- دكتورة نبض .. تسمحيلي أعزمك على
الغداء النهاردة

رمقها بنظرة مُحذرة يذكرها بتحذيره لها أمس
فتبسمت بحُبث نسائي وقالت وهي ترمقه
بغضب :-

- أكيد ...

رفع حاجبه لها بمكر وقال :-

- تقصد تقولك أكيد لا

- نعم !! وأنت بتدخل بصفتك أيه؟؟

تبسم "يوسف" بمكر وهو يقول بغرور :-

- بصفتي الحمار ... قصدي جوزك

- يا حرام أنت جالك الزهايمر .. إحنا أطلقنا
قالتها باستفزاز وهى تستدير كى ترحل من
أمامه لتصدم حين جذبها بقوة نحوه لتلتصق
بصدره وهو يحيط ظهرها بذراعه فقالت
بخجل من نظر الجميع عليهما :-
- أنت أتجننت يا يوسف ، أبعد عنى الناس
بتتفرج علينا
أقترب بوجهه أكثر من وجهها ليخيفها ويزيد
من ربكتها وقال بجدية وكبرياء :-
- ردتك لعصمتى يا زوجتى العزيزة

--- تابع ---

#ملك_فقيد_الحب

#نور_زيزو

#نورا_عبدالعزيز

#ملك_فقيد_الحب

___ الفصل الثالث عشر (13) ___

... بعنوان " كبرياء وعناد " ...

كان "يوسف" يسير في رواق المستشفى
ببرود واضحاً يديه في جيبه وهى تسير خلفه
بجنون وعقلها على وشك الانفجار من تلك
الصدمة التى ألقها فى وجهها ، تحدث مع
مدير المستشفى بجدية :-

- يعنى الحالة ماتت بسبب خطأ طبى من
الجراح المسؤل

- ايوه يا فندم وأهل المريض عاملين
اضطراب قدام المستشفى

توقف "يوسف" عن السير وهو يقول بحدة

-:

- الطبيب المسئول يتحول للجنة تأديبية
ويتأخذ الاجراءات القانونية كاملة وتقدم
أعتذار لأهل المرحوم ... فاهم

كانت "نبض" تسير خلفه تنتظر أن ينهى
الحديث مع المدير ، أنصرف المدير لتمسكه
من ذراعه بقوة وهى تقول :-

- أيه اللى أنت قولته دا؟؟

تصنع الجهل وقال بجدية :-

- قولت الطبيب لازم يتعاقب ...

قطعته بغضب سافر وهى تقول :-

- أنا مالى و مال الطبيب ، أنت قولت ردتك
وجوزك .. ايه دا

تبسم بغرور وهو يقول :-

- هى جوزك ليها معنى اخر .. زوجك يعنى

حدقت به بغضب وهى تقول بينما تجز على

اسنانها :-

- يوسف

- يعنى حضرتك مراتى بمعنى أياك ألمحك

مع راجل غيرى يا نبض ، هقطع خبرك فيها

ولا ألمح بوقك دا بيتسم لراجل تانى

قالها بتحذير شديد وحزم ثم مسك يدها

بالقوة غضب عنها ويقول وهو يتذكر قبلة

"مراد" ليدها أمس :-

- حذرى راجل غيرى يحط شفتيه على ايدك

هقطعها يا نبض .. فاهمة

جذبت يدها بقوة وغيظ وهى تقول :-

- أنت كداب أنت طلقتنى وبتعمل كدة من

غيظك عشان أرجعلك

أقترب منها جدًّا وهمس في اذنها قائلاً :-

- لو مكنتش مراتي مكنتش عملت اللي

عملته أمبارح في العربية .. أنا مش زانى

عشان ألمسك وأنتِ مش مراتي أنا ليا رب

بخاف منه

أتسعت عيناها بصدمة قاتلة ، قطع شرودها

وهى غير مصدقة ما تراه ويجذبها بقوة من

ذراعها وهو يأخذها إلى سيارته وذهب بها إلى

القصر وهى لا تكفى عن الأسئلة والثرثارة

بجواره وهو صامتًا ...

دلف بها من باب القصر لتصدم "ميادة" من

عودته بها إلى القصر ، رمقتهما بذهول وهى

تدخل يدها بيده ومرتدية بنطلون جينز تلجى

اللون وبلوفر كحلى برقبة من الفور الأبيض

تحيط عنقها وترتدى فوقهما البلطو الأبيض

يدل على مهنتها وحذاء من الكونفرس

أبيض اللون ، صعد إلى الغرفة وأدخلها ثم

أغلق الباب فقالت بنفاذ صبر :-

- أنت بتعمل كدة ليه ، أكيد مش ميت فى

دباديب؟؟

- اكيد طبغًا ، بس عشان اربيكى يا نبض ..

- هو أنا محتاجة تربية يا يوسف بيه

قالتها بأختناق ليقترّب نحوها خطوات ثابتة

وعينه تبث غضبًا وقال بلهجة مُخيفة

وخشنة :-

- اه لما تسمحي لراجل يغازلك غير جوزك

ويوس أيدك اللي هقطعها قريب يبقى

عاوز تتربي يا نبض ، لما تفكرى تطلبى

الطلاق من يوسف الحناوى يبقى عاوزه

تتربي

تحاشت النظر لعيناه بأحراج وقالت وهى

تعض شفيتها بخجل :-

- هو اللى عاكسنى أنا ذنب ايه

وضع يده خلف ظهرها وجذبها بقوة لتلتصق

به فرفعت نظرها له بدهشة ليقول بجدية :-

- ذنبك الوحيد أنك مرات يوسف الحناوى

دفعته بقوة فى صدره ليبتعد عنها وتقول

صارخة :-

- مرات .. مرات ايه يوسف أنت طلقتنى أنت

لسه محسسنى أنى كنت بحلم

- أعتبريه كدة

قالها ببرود تام فقالت بأغتيال من بروده

المعهود :-

- أنت عاوز تجننى يا يوسف ، أنت طلقتنى
على أيد مأذون

لمس وجنتها بيروود ليثير غضبها أكثر وقال
بيروده المعتاد :-

- هو مش فؤاد قالك أنى مبطلقش .. أنا
مطلقتش هو أنا نطقتهأ قدامك

- والمأذون؟؟

تبسم بمكر وهو يداعب خصلات شعرها
بأنامله وقال :-

- دا حارس البوابة بتاعت القصر معقول
مخدتش بالك منه

تمتمت وهى غير مستوعبة حديثه وكان
عقلها على وشك الجنون :-

- یعنی کان طلاق مزيف .. كنت بتكذب

عليا ...

صمتت وهى تستوعب حديثه جيداً ودفعت

يده بعيداً عنها بانفعال قاتل وصرخت

غاضبة به :-

- أنت فاكِر كل حاجة لعب ومسموحلك

تعمل اللى أنت عاوزه وبمزاجك .. أنت فاكِر

نفسك ايه ؟؟

- أنا جوزك يا نبض .. يوسف الحناوى اللى

مبيتلويش دراعه ، أنتِ فاكِر لما تعملى

أضرب وتأذي نفسك أنتِ وابنك بتمسكىنى

من ايدى اللى بتوجعنى ... أنتِ بريئة أوى يا

نبض لتتخيلى أنا ممكن أعمل ايه

ضربته على صدره بقوة وغضب وهى تقول

:-

- أنت غبى ، أنا بسبب زعلى خسرت ابنى

وجاى تقولى لعبة

مسك قبضتها بقوة وهو يقول :-

- أنا راجع شغلى لما أرجع البيت بليل

الأقيك فى أنتظارى .. اه وعاوز أكل من أيدك

كفاية بقى اكل الطباخ اللى جبلى عسر

هضم .. لأحسن تفكرى أنى راجل أعمال وراقى

لا أنا راجل مصرى بحب أكل من أيدى مراتى

ومش سوشي ولا لحم مشوية واستك أنا

عاوز أكل شوية ممدار وشوربة كوارع ومعها

طاجن عكاوى

- دا فى أحلامك ، أنا همشي من البيت دا أنا

مستحيل أعيش معاك

تبسم وهو يقترب منها ويقول :-

- أبقى خطى برجلك الحلوة دى برا باب
القصر ، الحرس عنده أمر لو لمحوكى فى
الجينة بتتمشى شوفى لو بتتمشى
هيطخوكى بالنار وأرتاح منك يا نبض

- ههههه تصدق ضحكتنى ، أنت معندكش
كرامة هتعيشنى معاك غصب عنى

تبسم وهو يأخذ يدها بالقوة بيده وقال :-

-مش مهم أنتِ عاوزه أية المهم أنا عاوز أية ،
وأتعلمى تتكلمى مع جوزك بأحترام .. لأن
معنديش وقت أربيكى ورايا حاجات أهم
منك

تبسمت بمكر نسائي وهى تعقد ذراعيها أمام
صدرها بغرور وقالت بتحدى :-

- ماشي أنت اللي أخترت يا يوسف بيه
وياريت أنت بس اللي تقدر على مكر الحريم
.. وأفتكر أن ربك حذر من كيد النسا
تبسم بمكر لها ثم وضع قبلة على وجنتها
وغادر الغرفة لتمسح وجنتها بغضب من
قبلته وبروده الذي على وشك قتله في يومًا
ما ...

_____ شركة ال Ss _____

- كان نفسي أشوف وش نبض لما تعرف
قالها "فؤاد" بسعادة فقال ببرود وهو ينظر
بأوراقه :-

- متشوفش وحش .. أنت تسكت خالص

رفع "يوسف" نظره في صمت وقال بنبرة

غاضبة :-

- مقولتيش ليه أن بنتك مجنونة قبل ما

أتجوزها

- دا على أساس أنك سألت عليها ، دا أنت

عرفت أسمها يوم الفرح في كتب الكتاب

قالها "فؤاد" بتذمر ، عاد بنظره للأوراق وهو

يتمتم بصوت مبحوح :-

- دى حلاوتها .. مجنونة

- بتقول حاجة يا فندم

نظر له بأحراج وقال :-

- ها .. لا روح أنت

خرج "فؤاد" من المكتب ليرن هاتفه بأسمها
فقال بغرور وهو يترك القلم ويلف بمقعده
يعطى ظهره للمكتب :-

- مجنونتى ...

قبل الأتصال وهو يقول :-

- أيوة

أتاه صوتها بصراخ وهى تقول بانفعال :-

- أنت حابسنى فى البيت

أبعد الهاتف عن أذنه من ارتفاع صوتها وقال

بجدية :-

- أعتقد أنى قولتلك كدة ، أوعى تكونى

طلعتى من الباب ليقتلوكى

كزت على أسنانها بغيظ وهى تقول :-

- هو أنت سايبلى فرصة أطلع موقفهم على
باب القصر يا يوسف ، بتحسنى فاكرنى كلبة
عندك

وقف من مقعده وهو يسير بالمكتب
وبسمة تعلق وجهه ويقول بغرور :-

- هو فى كلبة بتحلو وهى غضبانة .. تعرفى يا
نبض أن المرة الوحيدة اللى بشوفك فيها
حلو بتكون وأنت متعصبة
زفرت بأختناق وهى تقول :-

- أنت مش قد اللى بتعمله دا يا يوسف

قهقه ضاحكًا بسخرية وهو يقول :-

- والله أنك طيبة وهبلة يا نبض

فاق غضبها سيطرتها ولم تعد تستطيع
تحمل بروده وغروره بعد الآن فأغلقت الخط
بوجهه ، نظر للهاتف بدهشة وهو يقول :-
- للأمانة عجباني شراستك يا متوحشتي
الجميلة ..

عاد لعمله ببسمة على وجهه تتلاشي فورًا
أمامها ليثير غضبها ببروده وغروره فقط لأنه
يشعر بسعادة أمام شراستها وعنادها كما
كان مُشتاق لعنادها وربما ما زال مُشتاقًا لها
حد الجنون ...

___ قصر الحناوى ___

عادت "سارة" من العمل مع أذان المغرب
لتسمع حديث الخدم وهم يقفوا أمام
المطبخ ، أعطت البلطو للخادمة وسارت نحو

المطبخ ، أبتعدت الخادمت عن الباب حين
اقتربت لتجد "نبض" بالداخل وحدها ،
دلفت وهى تصرف الخادمت وقالت بتعجب
-:

- بتعملى أيه يا نبض ، والكلام اللى سمعته
دا صح .. يوسف مطلقكيش

قطعت الطماطم بغيظ حين تذكرت ما فعله
وقالت بنظرة قاتلة :-

- اه صح ..

- بتعملى أيه فى المطبخ؟؟

زفرت بأختناق وهى تفتح الحلة فوق
البوتاجاز ثم قالت :-

- بعمل طفح لأخوكى قال ايه عاوز يأكل
من أيدي ..

نظرت للحلة وقالت بدهشة :-

- يوسف هياكل الحاجات دى .. اخويا أنا

أستدارت "نبض" لها بغضب وهى تقول :-

- سارة سيبنى فى حالى عشان أنا فى اللى

مكفينى

قهقهت "سارة" وهى تقول :-

- شكلكم فى مرحلة حرب .. أنا هبعثلك هدية

صغنة على أوضتك هتعجبك أوى

أومات لها بنعم ...

- يعنى لسه مراته

قالتها "ميادة" بخيبة أمل فأجابتها "ميرا"

-: قائلة :-

- مش مهم على الأقل مفيش جنين ودا
يقصر الطريق شوية

- أنا قلقانة من مرات خالك يا ميرا .. كل
شوية تهددنى وخايفة فعلاً تطردنا من القصر

تبسمت "ميرا" بمكر وهى تقول :-

- طبعًا مكنتش تعرف أن كل دا ممكن
يحصل لما ابنها كتبلى ١٠٪ من القصر
باسمى كمهر ليا ..

- تعالى نرجع بيتنا يا ميرا ، يوسف مُخيف
أكثر منها

قالتها "ميادة" بجدية فتبسمت "ميرا" وهى
تقول :-

- أنا دخلت القصر دا مرات يوسف الحناوى
ومش هخرج منه يا ماما ... واضح

نظرت "ميادة" إلى ابنتها بحيرة ثم خرجت
من الغرفة لترى "نبض" تصعد الدرج ،
رمقتها "ميادة" بغیظ ورحلت ، نظرت
"نبض" لها بضيق من مقابلتهم ومعاملتهم
لها ، دلفت للغرفة فوجدت "سارة" تحمل
باقة ورد ذابلة لتتعجب "نبض" من حالة
الزهور وقالت :-

- ايه دا ؟؟

- الورد دا يوسف كان راجع بيه من شرم
الشيخ عشان يقدمهولك هدية ، يوسف
لأول مرة يجيب ورد في حياته كلها حتى لما
كان متجوز قبل كدة معملهاش
أخذت "نبض" الورد بحنين وقلبها يرفرف
بسعادة وهى تُتمتم بحب قائلة :-

- عشانى

- وجبلك بوكس هدايا بس للأسف معرفش
هو شايله فين .. نبض خلىنى أنا أقولها لك
نيابة عنه يوسف بيحبك وأوى كمان أتحملى
غوره شوية وهو هيتنازل عنه غصب عنه
مع الوقت

تبسمت "نبض" وهى تحتضن الورود الذابلة
ثم قالت :-

- سيبهولى اخوك النرجسي دا

قهقهت "سارة" عليها وخرجت من الغرفة
لتقلبها "نبض" رأسًا على عقب باحثة عن
هذا الصندوق لتجده بغرفة الملابس ،
جلست فى الارض وفتحته كان مُغطى
بالشيكولاتات والكرات الفليه الملونة ،
أخرجت الشيكولاتات لتشعر بشيء آخر
بالداخل فأخرجته وكان عبارة عن صورة
زواجهما فى إطار على هيئة قلب صنع من

الذهب الخالص وبه رابطة من الأسفل
جذبتها برفق لتخرج من الصندوق كتاب
وردي ، تركت الأطار وفتحت دفترًا وكان
فارغًا تمامًا وبه جملة واحدة فقط بمنتصف
الورقة الأولى (لندون ذكرياتنا معًا)
..تبسمت بسعادة وقلبها يرفرف فرحًا لتقول

بحنان :-

- يا حبيبي ..

وجدت كارت مُلتصق بظهر الدفتر فتحتة
وكان به خط يد زوجها ومحتواه (لو تعلمي
كم أشتقت لكِ في سفرى هذا ، منذ أول يوم
في زواجنا لأول مرة يأتي الليل وأكون وحيدًا
بدونك يا نبضة قلبي ، أشتاقك بجنون يا
نبضي ولأول مرة أعلم ماذا يعنى الشوق ،
شيء جديد تعلمته منك ومعك مثلما
علمت معنى نبضة القلب .. في ليلتى الأولى

هنا رغبته بجنون أن أركض إليك وأحتضنك
بشدة ربما لأنه كما قولت لي بأنك سترغمنى
على عشقك ، رغبته بشدة بأخذك معى كما
أردت لكنى كُنت بحاجة إلى هذا الفراق
القصير فقط لأنى كنت بحاجة لمعرفة ما
يحدث لقلبي بسببك .. دعنى أعترف لك
وأخيرًا أنا حقًا مُشتاقك حد الموت ... يوسف
(الحناوى)

دمعت عينيها بقوة وأنهمرت الدموع من
عينيها فرحًا وهى تقرأ كل كلمة كتبها بيده
لأجلها ، أحتضنت الدفتر والكارت مُلصق به
بقوة وهى تشعر برفرفة قلبها ولديها رغبة
قوية بالركض إليه والارتقاء بحضنه ، أصابها
حالة من الشوق رهيبة أليها ... جففت
دموعها بلطف وبسمتها لم تفارقها أبدًا وهى
تعيد كل شيء كما كان وكأنها لم ترى هذه

السعادة ، مسكت غطاء الصندوق كى
تغلقة لتندهش بصدمة ألجمتها فرحًا حين
رأت بداخل الغطاء كلمة أنتظرتها منه كثيرًا)
بحبك .. تزوجينى يا نبضة قلبى برغبتك
ليس أجبازًا ♥) وكان بداخل القلب
المرسوم بيده خاتم زواج ، بكت بقوة وهى
تتخيله يطلب يدها للزواج برغبته ولعنت
نفسها كثيرًا على ما حدث وأستماعها إلى
عقلها الأحمق حين غادرت منزله وفعلت
مشكلة بينهما ، وضعت الصندوق مكانه
وخرجت وهى تفكر بشيء ما ، بعد أن
اعترف بحبه رغم غروره ...

كانت " صباح " جالسة فى الصالون وتحدث
بالهاتف قائلة :-

- عملت اللي قولتلك عليه .. لا مفيش داعى
..المهم أنك تعمل اللي قولتلك عليه
بالحرف الواحدة .. اه ميرسي جدًا هبقى
أقابلك أن شاء الله قريب جدًا .. مع السلامة
أغلقت الخط وهى ترى "يوسف" يولج من
باب القصر فناداته تستوقفه قبل أن يصعد
-:

- يوسف

- أيوة يا امى

تبسمت بسعادة وهى تقول :-

- أنا سمعت أنك هتأكل ممبار وحاجات كدة

النهاردة

اخفى بسمته وهو يسألها بخُبث قائلاً :-

- هى طبختهم !!

- اه ، الخدم النهاردة معندهم مش سيرة غير

الأميرة اللي دخلت المطبخ

قالتها بسخرية فقال بعفوية وهو ينظر

للأعلى :-

- امم اديهم أجازة أسبوع كدة ، أنا أسبوع

كامل هيروض فيه فريستى الجميلة

تبسمت له وهى تقول :-

- بتقول حاجة يا يوسف ..

- لا مبقولش حاجة .. عن اذنك

قالها وهو يصعد للغرفة ، فتح باب الغرفة

ودلف ليراها جالسة على الأريكة بملابسها

كم هى منذ الصباح حتى البلطو الأبيض

الخاص بالطب لم تنزعه ، تقدم نحوها وهو

يقول :-

- ايه الهدوء دا

- أعتقد أننا محتاجين نتكلم حتى لو لسه
مراتك

قالتها بشراسة وهى تقف من مكانها فقال
وهو ينزع سترته :-

- أتكلمى يا نبض

- يوسف أنت مش ملاحظ أنك محتاج تعتذر
لأنك شكت فىا وقارنتى بواحدة خاينة
قالتها بحزم فقال وهو ينزع ساعته من
معصمه ببرود :-

- هو أنا قولتلك كدة ، أنا لما شوفتك
منطقتش بحرف واحد مع أنك غلطتى لما
عصيتى أوامرى وبيتى برا البيت ع لىالى ، أنا
قولتلك كنت مع مين مثلا ، أو نمتى فىين ،
أنتِ اللى قولتى شوف كاميرات المراقبة ...

- يعنى مشكتش فيا بينك وبين نفسك
قالتها وهى تراه يفك رابطة عنقه بأغراء ليثير
خجلها وأنوثتها فهو أكتفى من شراستها
اليوم ، اجابها وهو يقترب نحوها خطوة واحدة
-:

- أنت مالك هو أنت هتخشي في نيتى ..
سامحيني لكن النية دى للخالق بقى
عضت على شفيتها بأغتيال وقالت :-
- أنت هتفضل بارد كدة لحد أمتى ، أنا
خسرت أبنا بسبب برودك أنت مش واخذ
بالك

تقدم نحوها وهو يفك أزارر قميصه ويقول
بنبرة هادئة :-

- نجيب غيره مفيش مشكلة

- أنت مجنون أكيد

قالتها وهى تكاد تسير بعيد عنه وهى تزدرد
لعابها من حركاته وهو يفتح قميصه ليظهر
صدره العارى ، مسك يدها قبل أن ترحل من
أمامه وقال :-

- على فين ، انتِ حاطة حاجة فى الأكل ولا
أيه؟؟

- أنا لو عاوزة أقتلك مش هحط سم فى الأكل
وأدخل فى سين وجيم .. أنا دكتورة يا يوسف
قالتها وهى تجلس بجواره بالقوة رغماً عنها ،
تذوق الطعام بهدوء وقال :-

- مش عارف فى حاجة ناقصة فى الطعم ..
ملح .. توابل .. أو ممكن نبض

نظرت له بتعجب لتندهش حين سرق قبلة
منها وأبتعد وهو يداعب خصلات شعرها
ويضعهم خلف أذنها ويقول بنرة دافئة :-

- اه كدة جميل

تبسمت بخفة على حركته وقالت :-

- متأكد أنه جميل

- اممم جدًا ممكن واحدة تانية

تبسمت بمكر وهى تقترب منه وتضع قبلة
على شفتيه رقيقة ويدها تسقط قميصه
بلطف ليبتعد عنها وهو يقول بحب :-

- افهم أننا أتصالحنا وبطلنا جنان

- اممم إحنا كدة متعادلين يا حبيبي

نظر لها بتعجب وقال بأستغراب :-

- متعادلين !!

- قولى الأكل حلو بعرف أطبخ

أخذ يدها بين يده ووضع قبلة عليها وهو

يقول :-

- تسلم أيدك يا نبض

- امم فعلا تسلم أيدى وبطنك اللى هضمت

..

عقد حاجبيه بتعجب وقال وهو يشك بهذه

الفريسة الشراسة وأن لن يتم ترويضها بهذه

السهولة :-

- قصدك أيه؟؟

وضعت قبلة بجوار شفثيه بحنان وهى

تداعب شعره من الخلف بلطف ثم أبتعدت

قليلاً وهى تنظر لعينيه وقالت بأنتصار :-

- أنا اه محطتش سم فى الأكل بس حطتلك

مُلين كعقاب صغير

أتسعت عيناه بصدمة على مصراعيه وهو

يقول :-

- مُلين اللى هو ...

تبسمت بمكر وهى تضع يدها الأخرى على

صدره العارى بدلاية وقالت بمكر :-

- اه هو المُلين اللى بيحبب إسهال دا .. هو يا

حبيبي بس أنا مستغربة هو معملش

مفعول ليه لحد دلوقت

نزع يديها بعيداً عنه بغضب وهو يقول :-

- أنا تحطلى مُلين يا نبض .. جنانك فى الأكل

- اشمعنا جنانك كان فى الطلاق وخسرتنى

ابنى

وقف بغضب وهو يدخل المرحاض ويقول

بتهديد :-

- ماشي يا نبض ..

تبسمت بسعادة وهى تقفز فى الغرفة هنا

وهناك بفرحة عارمة بعد الأنتصار التى

حققته ..

- يعنى مفيش حل غير الخيانة ؟؟

تبسمت "تمارا" بخُبث وهى تقول :-

- فكرى فيها لما يوسف شافك من غير ما

يسمع مبرر أو يفكر فى حاجة ضربك بالنار ،

هو مش محتاج غير أن نعيد عليه نفس

المشهد بس بدل حضرتك هتكون نبض

فهمنى دى الطريقة الوحيدة عشان طريقك

يكون فاضي ، لأن يوسف يؤسفننى اقولك

أن من كلامك هو بيحب فمهما عملتى مش

هيفرقهما غير الموت

صمتت "ميرا" وهى تفكر فى عواقب حديث

"تمارا" ، تبسمت "تمارا" بمكر شيطانية :-

- نبض لازم تموت وبأيد يوسف

---- تابع ----

#ملك_فقيد_الحب

#نور_زيزو

#نورا_عبدالعزیز

#ملك_فقيد_الحب

___ الفصل الرابع عشر (14) ___

... بعنوان "وأخيرًا قالها " ...

أستيقظت "نبض" صباحًا بتعب وهى
بفراشها مازالت بملابس الأمس ، وجده
بجوارها ويطوقها بذراعيه لتبتسم بحب وهى
تلمس لحيته بلطف حتى لا تقظه وتتذكر ما
رأته فى صندوق الهدايا لتقول :-

- وحشتنى يا يوسف

رفعت نصفها العلوى بخفة وهى تستند
على ذراعها ثم وضعت قبلة على لحيته
بحنان وعادت لأحضانه ، تبسم بخفة عليها
وهو يصطنع النوم حتى لا يفارق حضنها من
الآن ، فمنذ أن تفتح عينيها صباحًا إلى أن
تغلق مساءً وهما يشاجرا والعناد هو سيد
اليوم دومًا ، لا يرغب بيدء الشجار الآن ،
تسللت من بين ذراعيه ودلفت إلى المرحاض
تأخذ حمامها وتبدل ملابسها ، وقفت أمام
المرأة المليئة بالبخار وهى ترتدى روب

الأستحمام ونقشت بأصبعها على المرأة
أسمه وبجواره رسمت قلب ، فتح باب
المرحاض فجأة لتنظر بذهول فقال ببرود :-

- كل دا ، أنا ورايا شغل مش فاضيلك

تذمرت بغضب وهى تضع يدها فى جيب
روب الأستحمام ثم سارت نحوه كى تخرج
ليضع ذراعه أمامها يمنعها من الرحيل وأشار
إلى وجنته طالبًا بقبلة فقالت بغرور مُصطنع

:-

- فى أحلامك !!

تبسم وهو يتقدم لتعود هى للخلف بأرتباك

وتقول :-

- يوسف أنت هتعمل ايه ، مش وراك شغل

ومستعجل

- غيرت رأى ..

قالها وهو يتقدم حتى ألتصقت بالحوض

فقال بأرتباك وتوتر :-

- برضو فى أحلامك أى حاجة

قطعها بقبلة على شفيتها بقوة ويديه تسلل

إلى ظهرها لتبتعد عنه بخجل فتسمعه

يُتمتم قائلاً :-

- شكلك بتحبى القوة فى كل حاجة يا نبض

دفعته بقوة للخلف وهى تقول :-

- أنت مش كنت محتاج مُلين أنت كنت عاوز

سم فئران

خرجت من المرحاض غاضبة فتبسم عليها

وهو ينظر إلى أسمه المنقوش على المرأة

فلمس القلب وقال :-

- نبضة قلبى

أخذ حمامه وحين خرج يلف حول خصره
منشفة رآها تجلس على المقعد وترتبط
رباط حذاء وهى تقول دون النظر له :-

- خليهم يخرجونى أنا لازم أروح شغلى
وأشوف المرضى بتوعى

- المرضى بتوعك فى دكتور هيتابعهم أنتى
فى إجازة مفتوح لحد ما أنا أقول

قالها وهو يولج لغرفة الملابس ، أتسعت
عينيها بصدمة من حديثه ودلفت خلفه بقوة
لتراه أرتدى بنطلون أسود ويقف بصدر عارى
لتقول بغضب :-

- أنت أزاى تعمل كدة؟؟ أنت فاكرنى جارية
عندك بتتحكم فىا

- لا طبعا جارية أيه ، أنا فاكرك مراتى اللى
بتتعزم على الغداء من دكتور عبيط وبتوافق

عادی ... وللعلم أنا سيب الدكتور دا بمزاجی

لأن لو حطته فی دماغی هنسفه

صرخت به بقوة وهی تقول :-

- أنت فاکر نفسك مين عشان تأمر وتنهی
فی حياة الناس ، أنت ولا حاجة غیر واحد بارد
نرجسي مبتحبش غیر نفسك وبس وبدوس
على كل اللی حوالیک عشان فلوسک ، أنا
مش مستغربة برودک لأن اللی زیك خسارة
فیه أنه یتحب ، أنت بتتکره بس یا یوسف
ترکته وخرجت من الغرفة ، أتسعت عینیه
بذهول من حدیثها فأکمل أرتدی ملابسه
وغادر القصر بأکمله فی صمت تام ...

خرجت "میرا" من غرفتها وهی تنزل
للأسفل فرأت "نبض" بخارج القصر جالسة

فى الحديقة وحدها ، تبسّمت بخُبث وهى

تقول :-

- هانت يا نبض يومين بالضبط

غادرت القصر وهى تتحدث فى الهاتف

وتقول :-

- لا نبض النهاردة مبتروحش العيادة ، خليها

لبكرة ... تمام هتلاقينى حولتلك المبلغ اللى

طلبته والباقى لما أخلص منها ... سلام

خرجت من القصر بسيارتها وهى ترمق

"نبض" نظرة أخيرة ، نظرت "نبض" إلى

سيارتها بقهرة وهى تقول :-

- أنا تحبسنى زى الكلبة يا يوسف ... ماشي

هنشوف يا أنا يا أنت النهاردة

___ شركة ال SH ___

رمقه "فؤاد" فى صمت عندما كان يوقع
الأوراق للسكتريرة وملامحه باردة تمامًا اليوم
ربما حل كارثة لم يراه بهذا البرود من قبل ،
أنصرفت السكتريرة فسأله "فؤاد" :-

- حضرتك كويس

- اممم

أستدار "فؤاد" كى يرحل ليستوقفه بحديثه
قائلًا :-

- فؤاد ..

- أيوة

- احم .. نبض

سأله "فؤاد" بهلع على طفلته قائلًا :-

- مالها ، هى كويسة؟؟

- كويسة .. أقعد

جلس "فؤاد" أمامه في هدوء ليقول :-

- أيه اللي ممكن يخلي نبض تبطل عناد

وجنان

تبسم "فؤاد" وهو يُتمتم قائلاً :-

- هي عملتها معاك ... نبض لو بدأت عناد

متبطلش ، وهي صغيرة مرة اصرت على أنى

لازم أنزل الفجر أجبلها بيتزا ولما رفضت

قلبت وشها وبدأت تعمل كل حاجة

بتضايقنى ، أزعاج فى البيت بالأغانى عشان

معرفش أنام ، بلالين تفرقعها عشان

تصدعنى ، وفى الآخر دخلت تنام فى سريرى

بحجة أنها عاوز تنام فى حضن أمها وخايفة ...

نبض لما بتبدأ العناد مبتبطلش غير لما

تأخذ اللي هي عاوزاه

- يبقى شكلها مش هتبطل

قالها "يوسف" بصوت مبحوح وهو يفتح
اللاب ، أبتسم "فؤاد" بخفة على هذا الثنائي
العنيد وقال :-

- خد نصيحة من حماك اللي رباها ، صالحها
يا يوسف لأنك مش هتتحمل زنها .. أنت
عارف الستات زناة أزاي ونبض بزنها مش
هتخليك تعرف تشتغل دقيقة واحدة ...
تبسم "يوسف" بكبرياء فهو دومًا ينتصر ،
قطعهما رنين الهاتف بأسم أحد الحراس
فأجابه ليخبره بأن زوجته مريضة جدًا وهو
يسمع صوت صراخها بقوة بجواره ، وقف
من مكانه وهو يقول بهلع :-

- خدها للمستشفى وأنا جاي على طول

أغلق الخنط وهو ىركض للخارج ، تبسم
"فؤاد" وهو ىخرج من المكتب ببرود وىقول

-:

- أول مقلب عملته فىا نبض وهى ١٦ سنة
.. أتمنى ما ىقتلك فىا نبض ...

_____ مستشفى الجلاء الخاص _____

وصل "ىوسف" للمستشفى بهلع فأخبره
الحارس برقم غرفتها ، فتحت باب الغرفة
بقوة وهو ىقول بخوف :-

- نبض ..

راها فى فراشها وعلى أنفها أنبوبة التنفس
الصناعى وىبيدها كانولا طبية ، جلس على
حافة الفراش وهو يأخذ ىدها بىن كفىه
وىقول :-

- نبض ..

- يوسف أنت جيت

قالتها بنبرة هادئة تدل على تعبها وهى
تلهث بقوة ، مسح على رأسها بحنان وهو
يقول :-

- مقدرش أتأخر عليكى .. أنتِ كويسة

- الدكتور بيقولى أن السم اللى شربته
هيموتنى خلال ساعة ..

أتسعت عيناه بصدمة على مصراعيه وهو
يقول :-

- بعد الشر عليكى يا نبضة قلبى .. أنتِ
شربتى سم؟؟

تنهدت بتعب مُصطنع وهى تقول :-

- اه عاوزه أموت أهون من الحياة مع راجل

مبيحبنيش ولا خايف عليا

قبل جبينها بضعف وهو يقول :-

- مين قال كدة ،، أنتِ عارفة أنى بخاف

عليكى من الهواء يا نبضى صح

- نبضك !!

سألته وهى تلهث بقوة وترتجف يدها

بقبضته ، أوما لها بخوف من فراقها وقال :-

- نبضي وحياتي وكل حاجة ليا فى الدنيا ، أنتِ

عالمى الوحيد يا نبض

- يعنى مش زعلان منى ؟

قالتها بهدوء وهى تلمس وجنته بلطف

ليقول بحب وهو يقبل جبينها :-

- لا مش زعلان ، قومی أنتِ بس وأنا أعملك
كل اللي نفسك فيه ...

قطعه دخول "نادين" وهى تلعب بالهاتف
وتقول :-

- مش هتبطلى مقابل جوزك لو عرف أنه
مقلب هيطير رقبتك و.....

صمتت عن الحديث حين رفعت رأسها عن
الهاتف ووجدته بالغرفة فعادت بخوف كما
جاءت ، أغمض عيناه بغضب سافر وهو
يستوعب ما سمعه الآن وأن هذه الفتاة
تلعب معه وتدعى المرض ، أستغللت فرصة
هدوءه ونزعت الكانولا وجهاز التنفس عنها
ثم فرت فى الفراش ، ليمسك يدها بقوة وهو
يقول بغضب شديد :-

- مقلب .. أنتِ بتلعبى يا نبض

تبسمت بخوف من غضبه وقالت :-

- ما أنت حابسنى فى القصر زى الكلبة

- الكلبة أعقل منك يا نبض

قالها بصراخ وهو يضغط على يدها بقبضته

من الغيظ ، تمتمت وهى تقف أمامه :-

- أنا مش كلبة يا يوسف أنا مراتك ... سيب

أيدى أنت بتوجعنى

- أوجعك يكش تموتى عشان تبطلى جنان ..

أرجعى على بيت ابوكى وورقتك هتوصلك

والمرة دى بجد يا نبض

قالها وهو يترك يدها بقوة ويقف كى يرحل ،

صدمت من حديثه وتشبثت به بقوة وهى

تعانق خاصرته بأحكام وتقول :-

- لا خلاص وحياتى آخر مرة

- أنا أكتفيت يا نبض من عنادك وجنانك

قالها وهو يحاول فك قيد يديها من خاصرته ،

وضعت قبلة سريعة بأسف على وجنته

وهى تقول :-

- أسفة ححك عليا .. آخر مرة والله

وضع يده في جيبيه بمكر وهو يحافظ على

غضبه بينما تراقص قلبه وتبسم عقله بشر

كى يستغل الفرصة وقال بجدية :-

- دا آخر كلام يا نبض ، أنا مش فاضي للعب

العيال بتاعك دا

قبلته مُجددًا بوجه حزين وهى تقول بحب :-

- أسفة والله .. أنت عارف أنى بحبك صح

- مش متأكد فى الحقيقي اللى بتحب واحد

مبتعملش عمايلك دى

قالها وهو يجلس على الفراش مُجددًا لتترك
أسر خاصرته وتلف ذراعيها حول عنقه
بأحكام وهتفت بدلالية قائلة :-

- بحبك والله بحبك

- مش بالكلام على فكرة يا نبض هانم
قالها بخُبث لتقول بسعادة طفولية :-

- بحبك بحبك بحبك

كانت تُتمتم بتلك الكلمة وهى تقبل كل
أنش فى وجهه بلطف حتى وصلت لشفتيه
ووضعت قبلة رقيقة عليهم فجذبها من
خصرها بقوة وهو يبادلها القبلة لتبسم
بسعادة ، فتح باب الغرفة ودلف "خالد" وهو
يقول :-

- نبض أنت عيانة تانى

صمت بصدمة حين رأهما بهذا القرب ويقبلا
بعضهما ، أبتعدت عنه بخجل وهى تعانقه
بقوة كى تختبيء به من رؤية زميلها ، تحدث
بجدية وهو يحتضنها :-

- مش تخط قبل ما تدخل

- أسف

قالها " خالد " وهو يغادر الغرفة بغيرة شديدة
، وضع قبلة على شفيتها سريعًا وقال :-
- روحى أستينى فى البيت وبطللى جنان
شوية ، أنا ساعتين وهكون عندك .. ماشي
أومات له بنعم ليقبل جبينها ويعود للشركة
، تبسمت بخجل وخرجت من المستشفى
والسعادة تغمرها ...

خرجت "سارة" من مكتبها في الشركة
ووجدت "كريم" واقفًا أمام المكتب كاد أن
يطرق الباب فقالت :-

- واقف كدة ليه يا كريم؟؟

- ها لا مفيش حاجة

قالها وهو ينصرف مُسرِّعًا فتعجبت من
تصرفه وذهب إلى مكتب "نانا" وقالت :-

- نانا

- قولى يا حبيبتى الاخبار اللي عندك

قالتها "نانا" بحماس فتبسمت "سارة"

بعفوية وهى تقول :-

- مش خبر أنا عاوزه طلب

- أطلبى أميرتى الحلوة !!

- عاوزه فستان يليق بمشهد رومانسي
وأعتراف بالحب

تسمت "نانا" وهو تقترب منها بفضول
وقالت :-

- دا ليكى ، هو مين

- هههه لا مش أنا ، بينى وبينك لنبض مرات
يوسف عاوزين أبو الهول ينطق بقى
تنهدت "نانا" بحماس وهى تقول :-

- اممم أوك هختارك أشيك فستان لسه
منزلش السوق نهائي ويحرك قلب الأسد
بتاعنا لما يشوفه عليها

- سارة

أتاها صوت "نبض" من الخلف ، نظرت
"سارة" نحوها بأبتسامة فسارت "نانا" نحوها
بجدية وقالت بحماس :-

- مين أنتِ ، عارضة لشركة منافسة ...

قطعتها "سارة" بعفوية وهي تقول :-

- خدى بالك لأنها مرات الأسد اللي كنتِ
بتتكلمى عنه

اتسعت عيناها بذهول وهي ترمقها من القدم
للرأس وقالت :-

- مرات يوسف الحناوى

- امممم نبض دكتورة نبض

جلست "نانا" وهي تقول :-

- دكتورة فى ايه؟؟

- دكتورة قلب يا نانا

تبسمت "نانا" بعفوية وهى تقول :-

- يعنى نبض وقلب ههههه ... لكن تعرفى

أنا جميلة جدًا يا نبض

- ميرسي دا من ذوقك

قالتها باحراج وهى تنظر لـ "سارة" ، أخذتها
"نانا" لغرفة الملابس وأحضرت لها عديد من
الفساتين وبدأت تقيسهم "نبض" واحد تلو
الأخر ...

بعد أنهاء الأتتماع تحدث "صباح" بجدية :-

- خلاص يبقى هسافر أنا وفؤاد نتفق معاهم
ونجهز كل حاجة وأنت يا يوسف تجى على
ميعاد عرض الأزياء

- تمام ، كدة يبقى مش ناقص غير أن نانا
تأكد موافقتها على الفساتين المُختارة
للعرض ونشحنهم على باريس

قالها "يوسف" بجدية وهو يعلم بالورق ،
جاءت السكرتيرة تخبره بأن "نانا" لديها
عارضة جديدة وحين ذهب لم يجد شيء
سوى حديث الموظفات عن جمال هذه
الفتاة وكيف كانت تشبه الأميرات لكنه لم
يعثر عليها فأنهى عمله وغادر الشركة ليصل
إلى القصر قبل الجميع وصعد إلى غرفته
وحين دلف صُدم عندما وجدها مُزينة
بالورود والشموع وهناك على الطاولة وجد
بيتزا وكأسان من المشروب الغازي (سفن)
والورود عليها ، نظر حوله بتعجب ليسمع
صوت خطوات حذاءها ذات الكعب العالي
من غرفة الملابس ، نظر ليراها تخرج من

هناك بخطوات ثابتة فأتسعت عينيه من
الدهشة وظهر أعجابه على وجهه فور طلقتها
مُرتدية فستان وردى قصير جدًا وبدون
أكمام يكاد يخفى جزء من جسدها العارى
مُعظمه وخصرها ظاهرًا بوضوح من
الفتحات الموجود على الجانبين بحلقات
فضية ، ومن الخلف له ذيل من الدانتيل
يخفى قدميها العارية من الخلف ، رمقته
ببسمة مُشرقة على شفثيها تزيدها جمالاً
مع مساحيق التجميل لتلف حول ذاتها
وهى تسير نحوه ليرى ظهرها العارى بأكمله
، كان يشاهدها وهى تلتف حول نفسها بقوة
وديل فستانها يتطاير مع حركاتها وهكذا
شعرها الناعم المفرد يتطاير معها بحرية ،
وصلت أمامه وهى تضع يدها على صدره
بدلال وقالت :-

- شكلى حلو

- أنا فاكِر أنى قولتلك أنك حلوة وأنتِ

متعصبة بس

قالها ببرود وهو يضع يديه خلف ظهره لتزفر

بغضب ، تبسم بهدوء وهو يمسك يدها

وقال :-

- حلوة يا نبض .. ومن الواضح أن دا فستان

من تصميم نانا اللى هتقدمه فى عرض

الأزياء فى باريس .. واضح أنها حبت تخليكى

أول أميرة تلبسه والأهم هو أنك جيتى

شركتى وخليتى الكل يتكلم عن جمالك

اللى خطفهم

- طب وجمالى خطفك أنت

قالتها بدلاية وهى تنزع سترته عن أكتافه

فقال بغرور :-

- تحبي يخطفى ولا أخطفك أنا ...

أخذته من يده لتجعله يجلس على الأريكة

وهى تقول :-

- مش مهم اللي أنت تحبه ..

جذبها من معصمها لتجلس على قدمه

وقال بجدية :-

- هو الجو الشاعرى دى بمناسبة أيه ولا دا

عشان أتغاطى عن جنان الصبح

حدقت بعينيه بحب تلك النظرة التى أصبح

يخشها منها فكلما نظرت له تلك النظرة

العاشقة وقع فريسة لسحرها عليه ، هتفت

بنبرة ناعمة وهى تلمس لحيته بحب قائلة :-

- بحبك

رفع يده ليضع خصلات شعرها خلف أذنيها

وقال بجدية :-

- مش خايفة من الحب دا يا نبض ، أنتِ
الوحيدة اللي مُصرة أنك تحبني مع أنى أنانى
ومتحبش

نظرت له بأحراج وهى تتذكر حديثها له

صباحًا وقالت بشجاعة :-

- مش خايفة طول ما أنت معايا وجنبى
هتفضل تحمينى ، ومستعدة اواجه العالم
كله ومصايب أكثر ومستعدة أتخطف كل
يوم ما دام أنت معايا متأكدة أنك هتحمينى
ومش هتسيب حد يأذيني

- أنا أحميكى بعمرى يا نبض

- قالها بنبرة دافئة لتُجيبه بشغف قائلة :-

- ودا كفاية عندي يا حبيبي ، أنا مش عاوزة
غيرك وبس

أخذ قطعة من البيتزا واكلها منها قطعة ثم
قال :-

- أول مرة أسمع عن عشاء شاعري بيتزا
- أسرع حاجة ممكن تطلبها دليفري كنت
مستعجلة

قالتها ببسمة مُشرقة فمد لها البيتزا كي
تأكلها وحين فتحت فمها أكلها هو ، رمقته
بُحْبُث وقالت :-

- غشاش بس في طريقة أكل بيها
سرقت قبلة منه بحب وابتعد ليقول وهو
يحد عينيه بمكر :-

- مين فينا اللي غشاش بقى ...

- بحبك

قالتها وهى مُبتسمة مُنتظرة منه أن ينطق
بما كتبه داخل الصندوق فقال بجدية :-

- نبض أنا لو نطقتها هتكون لأول مرة فى
حياتى كلها أنطقها ، أنتِ قبل عارفة يعنى ايه
أنها أول مرة وتكون ليكى ... يعنى بعدها
مش هسمح بجنان وعناد ولا حتى تستغليها
ضدى لما تعوزى حاجة ولا هسمح بأن
أشوفك واقفة مع راجل حتى لو زميل عمل
... مش شك فيكى لأن عارف دماغك دى
لكن لأنك امرأتى أنا وأنا حبى من نوع غبى
مش هتستحمله وأحتمل تكرهينى من
طريقة حبى

أبتسمت بحب وهى تداعب لحيته بأناملها
وقالت بدلاية :-

- وأنا عاوزه حبك دا ، لأنى بحبك ومستحيل
أبعد عنك مهما حصل وراضية بك رغم كل
عيوبك

تنهد بهدوء وهو يشعر بحرارة جسده رغم
برودة الجو لكن ظهر أرتبাকে لأول مرة في
ملامحه فقال :-

- فى بوكس فى الدولاب هاتيه

تبسمت بأشراق وهى تركض للداخل فهى
تعلم ماذا يوجد به وانتظرته كثيرًا ، احضرته
من غرفة الملابس وعادت له ، وقف وهو
يتناول البيتزا واخذه منها ثم وضعه على
الأرض ونزع غطاءه وهو يجثو على ركبته
بتوتر واضح ووضع الغطاء أمامها لتقرأ ما
كُتب به بعيون دامعة وهى تراه جالسًا هكذا
أمامها فقال :-

- تتجوزيني بأرادتك يا نبضة قلبي

جففت دموع عينيها بفرحة وقلبها يرفرف
بسعادة ويتراقص على أوتار حبها ، أومأت له
بنعم وهي تجلس على قدميه كطفلته
الصغيرة ، طوقها بذراعيه كي لا تسقط من
فوق قدمه وتبادلا القبلات ليبتعد عنها كي
يلتقط أنفاسه قبل أن تنقطع وهمس
بصوت دافئ قائلاً :-

- بحبك يا نبضة قلبي

ذرفت دمعتها بسعادة وهي تشعر
بقشعريرة جسدها وحرارته المرتفعة وهي
تُتمتم ببيكاء :-

- أخيرًا نطقت

- اممم بحبك

أجابها وهو يقبل دموعها الحارة على وجنتها
ثم أخذ يدها ونزع من بنصرها خاتم زفافهما
وهو يقول :-

- الخاتم دا أختارته أمى ليكى .. لكن دا
أختاره قلبى عشانك

قالها وهو ينزع الخاتم من غطاء الصندوق
ووضعه بينصرها ثم وضع قبلة فوقه
لتعانقه بقوة ، تشبث بها بخجل لأول مرة
يظهر فى ملامحه الرجولى بعد أن نطق بتلك
الكلمة ويشعر بشعور غريب داخله بعد أن
نطقها ، شيء لأول مرة أن يشعر به ولا يفهم
ما هو لكنه بالتأكيد الشعور بالحب والشوق
معًا رغم أنها بين ذراعيه لكنه يشتاقتها
بجنونها ولا يعرف كيف هذان الشيطان يحدثًا
معا .. وضع قبلة على عنقها الباردة ثم
طوقها أكثر بذراعيه وهو يستنشق عبيرها

وهو مُغمض العينين مُستسلمًا لتلك
اللحظة معًا ...

جهزت "صباح" حقيبتها للسفر ثم وعدت
زوجها ونزلت للأسفل وكانت "سارة"
بانتظارها فودعتها ثم صافحت "يوسف"
ليقول :-

- أنا بالكثير الاسبوع الجاي وأكون عندك ..
خلي بالك من نفسك

- أوك وأنت كمان

وضع قبلة على جبينها فسألته بهدوء :-

- مراتك فين؟؟

- نايمة

قالها بهدوء فأومأت له بنعم ورحلت من
القصر ذاهبة للمطار ، دلف إلى مكتبه ليجد
"كريم" بانتظاره فقال :-

- في ايه يا كريم على الصبح الساعة لسه
مصتيحناش

- ممكن نتكلم لما تصحى من النوم لو تحب

قالها "كريم" وهو يرى وجهه الناعس فقال
بجدية وهو مُغمض عيونه :-

- قول يا كريم أنا هطلع أناام ومش هنزل
بدرى النهاردة الجمعة

- في مبلغ أتحول من حساب مدام ميرا
لحساب واحدة زميلتها

قالها "كريم" بهدوء ، أجابه "يوسف" وهو
يفرك عينيه بلا مبالاة :-

- عادى يا كريم متعلقش

- بس دا مبلغ ربع مليون جنيه

فتح "يوسف" عينيه بدهشة من الرقم وقال

بجدية :-

- ربع مليون جنيه ... أعرفلى البت دا أيه

علاقتها بميرا وأيه السبب اللى يخليها تدفع

مبلغ زى دا وبسرعة يا كريم لأنه لو طلع

اللى فى دماغى صح أنا هقتلها فيها .. لو

كنت بتفكر تأذي نبض لأن دا السبب الوحيد

اللى ميرا هتفكر فيه وتدفع عشانه المبلغ دا

هتكون نهايتها على أيدى لو قربت لمراتى ...

--- تابع ---

#ملك_فقيد_الحب

#نور_زيزو

#نورا_عبدالعزيز

#ملك_فقيد_الحب

___ الفصل الخامس عشر (15) ___

... بعنوان " غضب الأسد " ...

دلف " يوسف " إلى غرفته وهو شاردًا بحديث
"كريم" ثم صعد إلى الفراش بجوارها وهي
نائمة كملاكه الجميل الذي يُزن فراشه ،
كانت تحتضن الوسادة بيديها ويظهر ظهرها
العارى وذراعها ، وضع الغطاء عليها جيدًا
حتى لا تصاب بالبرد فشعرت به لتترك اسر
وسادتها وتختبئ من البرد في احضانه وهي
تقول بتمتمة وعينيها مُغمضتين :-

- طنط مشيت

- اممم ، نبض

فتحت عينيها بهدوء وتعب ليقول بجدية :-

- متروحش في حتة من غير ما تقوليلي أنتِ
فين ومع مين عشان أقدر أحميكي

لفت ذراعيها حول خصره وهى تكمل نومها
وتقول بعفوية :-

- هو في حد قالك أنى في خطر

- أسمعى كلامى يا نبض

أومات له بنعم وهى تغوص فى نومها ، وضع
قبلة على جبينها بحنان وقال بجدية :-

- مستحيل أسمح لحد يأذيكى يا نبضى ،
مستحيل أخلى حد يعتبرك تمن خطيئة أنا
معملتهاش

فتحت عيناها بجدية من نبرته الحادة وقالت
بقلق :-

- مالك يا يوسف ، فى أيه ؟؟

رفع يديها تلمس وجنتها برفق ثم وضع
خصلات شعرها خلف أذنها بلطف وهو

يتحدث بهدوء :-

- مفيش يا نبض ، الحرص واجب وأنا مش
عاوزك تتخدشي خدش واحد صغير حتى لو
قدر

- حبيبي فهمنى فى ايه أنا مش صغير ،
فهمنى عشان أعرف أحرص من اللى
بيحصل بجد

قالتها بجدية وهى تلمس يده ، تنهد بأختناق
وحيرة ثم قال بتردد :-

- صدقيني أنا نفسي معرفش فى أيه ؟ بس
ميرا غريبة وهادئة اليومين دول ودا شيء
مريب فيها قلقنى

تبسمت بأشراق وهى تعود لأحضانه مُجددًا

وتطوقه بذراعيه وقالت :-

- متقلقش يا يوسف أنا أعرف أخلى بالى من

نفسى وميرا آخرها تكعبلى على السلم

وتحطلى حاجة فى الأكل بس

أخرجها من حضنه بعنفه وهو يقول بغضب

سافر :-

- أنتِ فاكرة أن دا سهل ، خليها تفكر تعمل

كدة وأنا اجبلك رأسها تحت رجلك

لفت ذراعيها حول عنقه وهى تقول :-

- خايف عليا .. متنكرش بقى

تبسم وهو يقبل جبينها بحب وقال :-

- اه خايف عليكى عشان بحبك و خلاص
مفيش أنكار تانى ، خايف عليكى لأن
مقدرش أخسرک بعد كل دا

- بتحبنى ؟؟

سألته بدلاية ليقول بهدوء متنهاي :-

- اعتقد أنى قولتها خلاص

تبسمت بأشراق لتهدأ من روعته بأبتسامتها
الساحرة فلمس وجنتها بيده بحنان وهو
يحدق بها ويتواعد بأن لا يخسر تلك المرأة
التي استطاعت وحدها التسلل إلى قلبه
وقلبت حياته رأسًا على عقبًا ، منذ أن دخلت
حياته وأصبحت حياتها بخطر مُهددة بالخطر
فقط لأنها زوجته وهو ذنب الذي لا يغفره
الجميع ، ذنب الذي لن تتوب عنه هو أنها
تزوجت رجل له أعداء حتى بداخل بيته

وتحت سقف فلا أمان لها سوى بين ذراعيه
فقط ...

- مش مطلوب منكم غير أنكم تخذوها
للشقة اللي هقولكم على عنوانها وبس
قالتها "تمارا" بجدية فأومأت لها السيدتين
بالموافقة ...

نظرت "تمارا" إلى "ميرا" فإشارت إليها بنعم
ثم أنصرفت النسوة فقالت :-

- أنتِ واثقة فيهم يا تمارا ، لو حصل حاجة
غلط يوسف هيطير رقبتى ورقبتكم ،
متفكريش أنك برا الموضوع لو محصلش
الموضوع صح ، يوسف مش هيسيب حد
أتدخل يعنى مش أنا اللي هتأذى لا وأنتِ
كمان

- متقلقيش يا ميرا هم هيعرفوا يخلصوا

صح ..

- ماشي ، أنا هرجع القصر عشان أكون

موجودة لما ينفذوا

قالتها وهى تقف وتمسك حقيبتها..

خرجت "نبض" من المستشفى مُرتدية تنورة تصل لركبتها وقميص نسائي بكم شفاف وفوقه البطلو طويل يصل لأسفل ركبتها يحميها من برودة الهواء وشعرها مسدول على ظهرها وترتدى كعب عالي ، توقفت في مرأب السيارات ومعها "نادين" وقالت :-

- أنا هطلع على العيادة مش هتيجي معايا

- لا يا ستى أنا هروح ، عمته جايبالى عريس

ابن واحدة صاحبته

قهقهت "نبض" ضاحكة وهى تفتح سيارتها

وتقول :-

- الله يكون فى عونك يا حبيبتي

صعدت "نبض" إلى سيارتها وأنطلقت ليدق

هاتفها باسمه ، تبسمت بسعادة لأول مرة

يتصل بها ، أستقبلت الأتصال وهى تقول :-

- حبيبي

- وحشتيني

أجابته وهى تنظر للطريق بحرص بنبرة

ناعمة :-

- وأنت كمان وحشتنى

- هتخلصي شغل أمتى ؟

قالها وهو يقف من مقعده ومُرتدى بدلته
السوداء ونازغًا سترته ويقف بقميصه
الأبيض والفيست الأسود ، تبسمت وهى
تصف سيارتها أسفل عمارة العيادة وهتفت
بعفوية :-

- أنا وصلت العيادة ساعتين كدة وأكون فى
البيت

وقف أمام الشرفة الزجاجي وهو يقول :-
- لا خليكى عندك ، أنا هعدى عليكى فى
العيادة نتعشي برا

- نتعشي برا اممم اوكي

قالتها وهى تولوج من باب العيادة فأجابها
بنبرة هادئة :-

- خلى بالك من نفسك

- وأنت كمان يا حبيبي

قالتها وهي تجلس على مقعدها خلف

المكتب ، فقال :-

- باي ... نبض

- اممم

- بحبك

قالها بنبرة دافئة تلمس أوتار قلبها ، تبسمت

بحب وقالت :-

- وأنا بعشقتك يا يوسف

- عارفة أنا نفسي في أيه دلوقت؟؟

قالها وهو ينظر على الطرقات من خلف

الزجاج ويضع يده الأخرى في جيب بنطلونه ،

سألته بعفوية :-

- أيه؟؟

- تقوليلي أنا حامل وهجيب بنوتة بجمال

نبض

قالها بنبرة هامسة فتبسمت بخجل وقالت :-

- بس أنا مش حامل ، بس ممكن نجيب

بنوتة لكن أشمعنا بجمال نبض أنا عاوزاها

بقوة يوسف

- أنا عاوزاها شبهك بمعنى تكون أنتِ على

صغيرة

- يوسف ..

صمت وهو ينتظر حديثها القادم فقالت

بحب :-

- أنا بحبك أووى ، وهالين عليا أسيب العيادة

دلوقت وأجى جرى لحد عندك واقولك

بحبك

قهقهه ضاحكًا وهو يقول :-

- أنتِ عارفة أنك مجنونة صح

- اممم عارفة بس ممكن بقى نقفل عشان
أشوف المرضي اللي برا دول وأخلص قبل
ما تيجى

قالتها وهى تقف من مقعدها فقال :-

- ممكن .. خلى بالك من نفسك

- حاضر

قالتها ثم أغلقت الخط ودلف الممرض يقدم
لها القهوة وكشف بأسم المرضي ثم خرج
وبدأ دوامة عملها بين الكشف والاستشارات
حتى دلف الممرض لها وقال :-

- باقى كشف واحد يا دكتورة

- ماشي دخله ومتأخذتش كشوفات تانى

النهاردة

قالتها وهى تنظر بهاتفها ثم وضعتة فى جيبيها
حين دلف سيدتان ، بدأت تتحدث معهم عن
الأعراض والشكاوى ، وقفت "نبض" من
مكانها ووضعت السماعة الطبية على قلب
المرأة حتى قالت السيدة بنبرة مُخيفة :-

- أنتِ دكتورة نبض مرات يوسف الحناوى

نظرت "نبض" لهما بأستغراب ثم قالت

بهدوء :-

- اه ، خدى نفس عميق

لْتُصدم حين دفعتها السيدة للأخرى بقوة

وهى تقول :-

- أنا هاأخذ روحك أنتِ

جمعت توازنها قبل أن تسقط وقالت بهدوء

-:

- في أيه يا مدام؟؟

- أنا مش مدام يا ختى أنا اسمى المعلمة

قالتها وهى تسير نحوها ثم تابعت بغضب :-

- وأنا جاية اخد أجلك أن شاء الله بس

متقطعيش

- أنتِ مجنونة !!

قالتها "نبض" بذهول وهى لا تفهم بأنها تثير

غضب هذه السيدة العشوائية فكانت تشبه

سيدة الجزارة بالمدبح ، تحدثت السيدة

بغضب وهى تمسكها من شعرها بقوة :-

- أنا هوريكى الجنان يا حرباية ، عامللى فيها
دكتورة وبنت اغنياء والله لأجيب خبرك
وأخليه يدفع التمن ...

انهى حديثها و"نبض" تقف خلف المقعد
بهلع وهى تجمع أفكارها ثم قالت :-

- ميرا اللى بعثاكي صح؟؟

وقفت الأخرى خلف باب المكتب وهى
تقول بتعجل :-

- أخلصى قبل ما حد يحس بينا ..

نظرت لهما بهلع وركضت "نبض" بذعر إلى
المرحاض ودلفت وهى تغلق الباب من
الداخل وتبكي بخوف ، أرتعبت بخوف وهى
تسمع هؤلاء النسوة يطرقون الباب بقوة
الذي يمنعهن من الوصول لها ، وضعت يدها
على قلبها بخوف ثم اخرجت هاتفها وهى

تمسح دموعها حتى تستطيع الرؤية وأجرت
اتصال له وهى تلهث بضعف وتقول
مُتمتمة :-

- رد يا يوسف

سمعت أحد من الخارج يفتعل صوت
بالمفاتيح لتتذكر ان درج مكتبها يحتوى
على مفتاح الباب فوقفت خلف الباب بقوة
وسقط الهاتف من يدها ، أستقبل "يوسف"
الاتصال ليسمع صوت صراخها ...

صرخت "نبض" بهلع وسط بكاءها وجسدها
يرتجف خوفاً وتختبيء خلف هذا الباب
وترى الهاتف بوضوح وهو يتحدث معها
فقالت بخوف وهى تصرخ :-

- يوسف ألحقنى ... يوووووسف

كان يقود "يوسف" سيارته بنفسه على غير
المعتاد ليرن هاتفه بأسمها ، أستقبل
المكالمة ليسمع صوت صراخها وهى تقول
-:

- يوسف ألحقنى ... يووووسف ...

أنقطع الأتصال مع صرختها القوة التى
خلعت قلبه منه مكانه ، أتصل بها مرة
وأخرى ولن يجد جواب ، ضغط على البنزين
أكثر وهو يسرع فى طريقه إلى عيادتها
ويضرب المقودة بقبضته بقوة وغضب ،
وصل للعمارة التى بها العيادة وقبل أن
يترجل من سيارته جاءته رسالة محتواها (
مراتك خاينة) وبها عنوان ، أتسعت عيناه
بصدمة وقاد إلى العنوان المحدد ، قطع
غضبه وقلقه رنين هاتفه برقم مجهول اجابه
ليسمع صوتها تصرخ بجنون وهلع :-

- يوسف ألحقنى .. أنت فين؟؟

تحدث بقلق سافر قائلاً :-

- نبض أنتِ فين؟؟

- يوسف ألحقنى ، الراجل اللى برا هيموتنى

، تعال يا يوسف بسرعة أنا هموت

- أهدى يا نبض وخليكى مكانك أنا خمس

دقايق وأكون عندك ، خليكى زى ما أنتِ

- بسرعة يا يوسف أنا مستخبية فى الحمام

.... اه اه اه اه اه اه اه اه اه اه اه

قالتها وهى تبكى بهلع حتى قطع الأتصال
بصرختها التى قتلت قلبه واثارت غضبه أكثر
، عندما وصل إلى العمارة ، سعد ووجد باب
الشقة مفتوح ، دلف وهو يبحث عنها وصدم
عندما رآها فاقدة للوعى على الفراش

كانت وحدها بالشقة ، هرع نحوها وهو

يناديهما بقلق :-

- نبض ..

- أنا كويسة متخافش

قالتها وهى تفتح عينها بتعب ، تنهد بأرتياح

وهو يحتضنها فقالت بكاء :-

- يوسف أنا قتلته ...أنا قتلت يا يوسف

نظر لها بصدمة لتشير له على المرحاض

دلف ورأى الرجل على الأرض ورأسه تنزف ،

عاد لها ثم حملها على ذراعيه وهو يقول :-

- متخافيش يا نبض

صعد بها للسيارة لتقصي عليه ما حدث

فوضع قبلة على جبينها وهو يقول :-

- أنا أسف ، حقك عليا يا حبيبتي

- على أيه هو أنت اللي قولتلهم يعملوا كدة

مسح على رأسها بحنان وهو يقول :-

- لا بس بسببى من يوم ما أتجوزنا وأنتِ

بتشوفى حاجات قذرة بسببى

أغمض عيناها بتعب شديد وهى تقول :-

- أنا تعبانة يا يوسف ومش قادرة أتكلم ،

أسفة لو بوظت العشاء

- فداكى ألف عشاء يا نبضى المهم أنك

تكونى بخير

قالها وهو يقبل يدها ثم أنطلق بسيارته إلى

القصر ، دلف وهو يصرخ بغضب هز جدران

القصر كاملاً بأسمها :-

- ميرا ... ميرا

أخبرته الخادمة بأنها فى الغرفة ، صعد الدرج
ركضًا فسألت "سارة" بصدمة من غضبها :-

- هو فى أية؟؟

- سيبه يربيهها يا سارة لأن أنا تعبت منها
قالتها "نبض" ببرود لئُصدم حين رأته ينزل
الدرج ويسحبها خلفه من شعرها بقوة
وجسدها يرتطم بالدرج ربما يكون كسر
عظامها وهى تصرخ بهلع معه و"ميادة"
تركض خلفه ، جذبها من شعرها بقوة حتى
وصل أمام "نبض" وهى جالسة على
المقعد وجعلها تجلس على الأرض أمامها
وقال بتهديد :-

- أعتذرى على اللى عملتیه ...

نظرت "ميرا" بصدمة من وجود "نبض"
أمامها فهى كانت بانتظار خبر موتها بيد

"يوسف" ، كادت أن تقف فضغط على
رأسها لتظل جالسة أمام قدم "نبض" وقال
بتهديد أكبر :-

- أعتذرى من نبض

- اللى بتطلبه دا مستحيل

قالتها وهى تقف أمامه بغضب وغرور
لتُصدم بصفعة قوية على وجهها من قبضته
أسقطتها أرضها وعينيه تبث نار قاتلة ووجهه
أحمر كالدم من شدة غضبه وقال :-

- أنتِ جبتلها ستات يضربوها لكن أنا اللى
هضربك ، واللى يقرب من مراتى أنا أقتله
وميفرقش معايا رجل ولا ست

نظرت له بغضب وهى على الأرض ويدها
على وجنتها مكان صفعته وقالت بتلعثم :-

- أنا معملتش حاجة ومجبتش حاجة

وضع قدمه على ركبته بالحذاء وضغط بقوة

وهو يقول بنبرة مُخيفة :-

- آمال مين اللي جاب تمارا صاحبتك ..

متقلقيش هتحصلك في قبرك في نفس المتر

اللي هحطك فيه

أزدرت لعابها بخوف منه وهى تقف وتقول

:-

- أنت بتعمل كدة ليه ، كل دا عشان واحدة

خاينة وخانتك

لم تكمل حديثها حيث أنه قطعها بصفعة

أشد قسوة وهو يقول :-

- أنا مراتى أشرف من مليون واحدة من

عينتك وقذرتك

مسكها من شعرها بقوة وهو يقول بغضب

:-

- أنا مش هقولك أياك تقربلها تانى لأن
عمرك كله مش باقى فيه غير ساعة واحدة
وهتكون جحيم ، لكن خلال الساعة دى بقى
عاوزك تقضيها بكلمة واحدة بس (أسفة يا
نبض) فاهمة ، أعتذرى

دفعته بقوة بعيد عنها وهى تصرخ بألم من
قبضته وقالت :-

- مش هتعتذر حتى لو هتقتلنى يا يوسف
مش هتعتذر لزيادة دى

أنقض عليها بصفعاته القوية وهو يقول
بغضب :-

- الزبالة دى أنتِ

حاولت "ميادة" أبعده عن ابنتها وهى تبكى
بقوة حتى دفعها بعيدًا وما زال ماسگًا
"ميرا" من شعرها وقال بتهديد :-

قطع حديثه حين جلست "ميادة" على
ركبتها أمام قدم "نبض" وقالت ببكاء :-

- أنا أسفة .. أسفة والله

دمعت عيني "نبض" بخوف وهى تنظر لـ
"ميادة" ثم له فتحدث ببرود قاتل :-

- مش أنتِ ... بنتك .. زى ما فكرت تأذي
تفكر أزاى تصلح غلطها

نظرت "ميرا" للتأبوت بخوف فهو يستطيع
قتلها دون أن ترمش له عين ثم نظرت لـ
"نبض" بغل وحقد ليقول بجدية :-

- عينك متترفعش فيها ..

أخفضت عينيها وهى تقول :-

- أسفة

نظر لها بأشمئزاز وهو يقول ببرود يريد

إهانتها أكثر لتكفر عما فعلته :-

- مش سامع ..

نكزته "نبض" بخفة وهى على وشك البكاء

وقالت هامسة :-

- خلاص يا يوسف حرام

- مش ساااامع ايه مش سامعانى

قالها بتهديد لتصرخ قائلة :-

- أسفة .. اسفة أسفة

- كريم

قالها "يوسف" بصوت قوى وهو يجلس

على المقعد ويجذب "نبض" لتجلس على

قدمه ليغيظها اكثر ويحرق قلبها ، أخرج

"كريم" ورقة من جيبه ووضعها فوق التابوت
وعليها قلم لتنظر عليها بضعف وتقول :-

- ايه دا؟؟

- برجع حقى ، ١٠٪ اللي خلتينى اكتبهملك
فى القصر مهر هأخدهم منك ومن غير ولا
جنيه ، كان لازم تسمعى كلام صباح هانم لما
قالتلك خدى فلوسهم وأمشي لأنى هطلعك
من غير ولا جنيه واحد عشان تبقي تدفعى
ربع مليون جنيه كويس فى حركة حقيرة زيك

...

- بس دا عقد بكل ما أملك ... أنت كدة

هتخلينى من غير حاجة خالص

قالتها "ميرا" بحسرة ليقول بجدية :-

- اه دا حقيقي خليكى تشحتى تمن رغيف

عيش حاف عشان تأكله لو مش عجبك

أبعثك في التابوت للاخرى أهو هناك هتلاقي

أكل

أشار لـ "كريم" ليفتح الرجال التابوت كتهديد

لتقول بهلع :-

- لا خلاص همضي

وقعت على العقد وتقول :-

- أرتاحت كدة

تبسم ابتسامة شر قاتلة وهتف بجدية :-

- أمضي يا مدام ميادة أنتِ كمان ... أمال
عاوزاني اسيبك بفلوسك عشان بنتك تأجر

ناس تاني بيها وتلاقي تأكل

- هتأخذ فلوس عمتهك دا حرام وظلم

قالتها "ميادة" بصدمة ليجيبها قائلاً :-

- ومكنش حرام وظلم لما بنتك قالت أنى
مبخلفش وكذبت عليا ومكنش حرام خيانة
بنتك ليا ولا كان الزبالة اللى نامت معه فى
فرشتى حلالها ، مكنش ظلم لما مكسفتش
على دمها بعد عملتها وفضلت قاعدة فى
القصر قدامى بكل بجاجة عشان منساش
عملتها ، مكنش حرام وظلم لما بعنت راجل
لمراتى عشان اشك فيها وكمان كانت عاوزاه
يغتصبها ، مكنتش حرام وظلم لما هددتى
مراتى تقتلى ابنها فى بطنها عشان سواد
عيون بنتك ... أنا عديت كتير وكثير اووى
بمزاجى وحذرتكم المرة اللى فاتت عشان
صلة الدم اللى بينا لكن بنتك متهدتش فأنا
ههدها بنفسى لأحسن تكونى فاكرانى سيبها
ضعف ولا ميت فى دباديبها ومش قادر
استغنى عنها فمش هأذيها ... أمضى

وقعت "ميادة" على الأوراق بخوف منه

ليقف وهو يقول ببرود :-

- طلع الحثالة دول من بيتى يا كريم ونبه

على الحرس فى ظرف خمس دقائق لو

ممشيوش من بيتى يطخوهم وأبقوا أدفنهم

فى أى حته إحنا حوالنا الصحراء مفيش أكثر

منها

قالها وهو يسير إلى الدرج ويمسك يد

"نبض" فى يده ثم قال :-

- اه وجهزلى العربية الفجر أنا مسافر أرتاح

شوية من القرف دا

أخرجهم "كريم" بملابسهم فقط وبدون

سيارات ، سعد "يوسف" إلى غرفته ودلف

بها لتقول "نبض" :-

- يوسف أنت قسيت عليهم جامد .. كان

كفاية كسرتهم لما أعتذروا وخلص

- أنتِ مش عارفة حاجة يا نبض ودول

حكايتهم حكاية هبقى أقولها في وقت

مناسب لكن صدقيني أنا مخدمش غير

أملاكي وفلوسي

قالها وهو يلقي بجسده على الفراش ،

مددت جسدها بجواره وقالت :-

- هو أنا ممكن أتسجن عشان قتلت الرجل ...

قطعها وهو يضع سبابته على شفيتها وقال

:-

- لا طبعًا ، متخافيش هو مماتتش هو اغمى

عليه بس وزى القرد بس أطمنى أنا هجيب

اجله

- لا وحياتي كفاية كدة

قالتها وهي تتشبث بذراعه ليقول :-

- عاوزانى اسيب واحد حاول يغتصبك يا

نبض

- بس أنا كويسة ودفعت عن نفسي

قالتها بهدوء ثم تابعت بحب :-

- وحياتي يا يوسف ، أنا مش عاوزاك تأذي في

الناس

- هم اللي بيأذونا يا نبض ، هو أنا كنت اعرفه

عشان أذيه ولا هو اللي أذاكى

قالها بعقلانية لتقول :-

- خلاص بقى عشان خاطرى .. اه صح أنت

مسافر الفجر ازاي وفين

أعتدل في جلسته ليقول :-

- هنسافر باريس .. كان المفروض بعد
أسبوع بس هنسافر بكرة نقضي شهر غسل
جديد

- هتأخذني معاك

قالتها بسعادة لُجيبها بمرح :-

- أمال هقضي شهر غسل مع كريم مثلاً
نكزته في صدره بغيظ ليمسك يدها وهو
يجذبها نحوه ثم وضع قبلة على شفيتها
بحب لتبتسم وهي ترخي جسدها بأستسلام
وتنزع رابطة عنقه بعفوية ، أبتعد عنها
بشغف وهو يقول :-

- عاوزاها بنت شبهك

تبسمت بخجل عليه ليدفعها على الفراش
وهو يخلق الأضواء بالريموت الألكتروني

وصلت الطائرة إلى فرنسا وخرج "يوسف"
بصحبتها وهي تتبأطى ذراعيه وتقول :-

- بابا هيجى يستنانا هنا

- بابا مين ، فؤاد ومدام صباح ميعرفوش أننا
هنا ، وبعدين متحسسنيش أنى خاطفك يا
نبض دا أنا جوزك

قهقهت ضاحكة عليه وهي تصعد معه إلى
السيارة وأنطلق السائق بما ولم ينتبه أحد
إلى السيارة السوداء التي تسير خلفهما
تراقبهما

--- تابع ---

#ملك_فقيد_الحب

#نور_زيو

#نورا_عبدالعزيز

#ملك_فقيد_الحب

___ الفصل السادس عشر (16) ___

... بعنوان "حالة هدوء" ...

___ باريس ___

وصلت السيارة للفندق وترجل "يوسف" أولاً

ثم مد يده إليها فوضعت يدها بقبضته

وترجلت ثم دلف إلى الداخل وبعد أن أنهى

أجراءات دخولهما ، أستدار كي يصعدا

فقالت بدلاية وهى تمسك ذراعه بكلتا يديها

كطفلة صغيرة :-

- يوسف تعال نخرج نتمشي شوية .. البلد

جميل اووى

- مش هترتاحى من السفر شوية

قالها وهو ينظر إلى وجهها الطفولية وبرائتها
المُدللة فأجابته بيسمة مُشرقة وتظهر
أسنانها :-

- أنا مش تعبانة ، تعال يا يوسف بقى ...

أنهت جملتها وهى تسحبه من ذراعه للخارج
، تأفف بزمجرة من أصرارها وحماسها حين
رأت البلد كانت على وشك السقوط نوّمًا في
الطائرة ، عاد بها إلى السيارة فقالت :-

- هنتمشي شوية بلاش العربية

- متأكدة من القرار دا يا نبض

سألها وهو يبتسم بمكر عليها ، سار بجوارها
في الشوارع وهى تتباطى ذراعيه وفرحتها
تظهر بلامحها وهى تنظر لكل شيء بأنبهار
وأعجاب طفولى شديد ، ركضت من ذراعه
وهى تقف أمام برج أيقل وتنظر عليه

بالأعلى فكاد أن تسقط للخلف ليقف خلفها
وهو يحتضن من الخلف ويغلق البلطو
الخاص به عليهما معاً فقال :-

- عجبك

- جدًا ... بص حلو أوى أزاى يا يوسف
تبسم عليها وهو يضع رأسه على كتفها
وقال :-

- أنا مش عاوز أبص على حاجة غيرك ،
خلينى أعترف أنك جميلة يا نبضى من غير
عصبية ، جميلة وأنتِ بلامح طفلة
وبتتصرفى كأنك طفلة ١٠ سنين

كانت تنظر للبرج وعندما أنهى حديثه
أستدارت له وهى بداخل ذراعيه والبلطو كى
تنظر له ولمست لحيته بحب وقالت هامسة

:-

- بدأت تعترف أنى جميلة ، هل دا يا ترى لأننى
جميلة فعلاً ؟ ولا عشان بتحبنى فشايفنى
بقلبك

وضع قبلة على أنفها رقيقة وقال بحب :-
- عشان الأتنين ، أقولك سر .. لما شوفتك
أول مرة بفستان الفرحة كنت واثق أنك مش
زى أى واحدة قابلتها وأنت هتشقلبى حياتى ،
كنت عارف أنك هتوصلى لمكانة محدش
قدر ولا هيقدر يوصلها غيرك ، كانت لأول
مرة عيني تشوف واحدة بنت بالجمال اللى
شوفتك به وقتها ، كنت جميلة لأبعد الحدود
وكانك حورية هبطت على حياتى عشان
تكملها ، كنت جميلة وقتها ودلوقت أجمل
بكتير لدرجة متتوصفش ومش عارف
أعبرلك أنا شايفك أزاى غير أنك فى نظرى
أجمل من كل الحاجات اللى بتبهرك دلوقت

وجمالك غلب جمال كل الطبيعة اللى
حواليا وبيخلىنى طول ما أنا شايفك بقول
سبحانه الخالق على جمالك دا ، بالنسبة ليا
الطبيعة اللى بتخطف أى إنسان وتهدأ الروح
والعقل موجودة فى عينيك الخضراء دى ،
أنتِ أجمل من أنك تتوصفى يا نبضة قلبى
دمعت عيناها بسعادة وهى تستمع لحديثه
عنه وهو يحاول أن يسرد لها كما هى جميلة
بعيناه وأن الجمال كلمة اتسردت وأتوجدت
فى اللغة العربية لأجلها هى فقط ، أردفت
بحب ونبرة ناعمة :-

- أنا بحمد ربنا أنك كنت نصيبى ومكنش
حد تانى ، وبشكر عقلى اللى خلانى اعاند
وأصر على حُبك لأن لو مكنتش أصرت على
أنتك تحبنى كان هبخسر جنتى فى الأرض
- وأنا بشكرك أنك نبضة قلبى

قالها وهو يترك أسر خاصرتها واخذ يدها
بقبضته وسار يبحث عن شيء حوالهما
وهى بجواره حتى وصل إلى مطعم فاخر
وتناول طعامهما ثم عاد للفندق وهى تتألم
من قدمها ، تبسم وهو يقول :-

- أنا سألتك متأكدة ولا لا ؟؟

- مكنتش أعرف أن الطريق بعيد كدة

قالها وهى تسير بخطوات بطيئة ، نزع البلطو
الخاص به ووضعها فوق كتفيها ثم جثو على
ركبته أمام قدميها وقال :-

- تعالى يا نبضي !!

نظرت حولها بحرج وهى تقول :-

- يوسف أنت بتعمل أيه ؟ أنت ليك مكانتك
وجاى هنا لشغلك ، أفرض حد شافك

جذبها من ذراعها ليحملها على ظهره وهو

يقول :-

- آيه العيب في أنى أشيل مراتى وهى تعبانة

وحتى لو مش تعبانة .. إذا أنا مشلتهاش

مين يشيلها ، هو عشان رجل أعمال وليا

مكانتى أعيش بقيود عيون الناس والصحافة

تبسمت وهى تلف ذراعيها حول عنقه

وتضع رأسها على كتفه وهتفت بدلاية :-

- أنا كدة هتعود على الدلع دا

- أنتِ عليكِ تتعودى وأنا عليا أنفذ

قالها وهو يسير بها مُبتسمًا حتى وصل قرب

الفندق وأنزلها حسب رغبتها وصعدا معًا ثم

ناما بتعب شديد من السفر والسير

- يوسف هنا !!؟!

قالتها "صباح" وهي جالسة على الفطار في
مطعم الفندق ليُجيبها "فؤاد" :-

- اه كريم بيقول هنا من أمبارح

- غريبة مكلمنيش ولا جه يشوف الشغل

قالتها وهي تترك الشوكة من يدها فقال
باحراج :-

- احم ، بيقضي يومين مع مراته

تبسمت بخفة وهي تقول :-

- نبض معاه هنا ! ، يوسف أتغير يا فؤاد من

ساعة ما نبض دخلت حياته

- أنا لاحظت كدة

تحدث بجدية قائلة :-

- مش عشان هى بنتك ، بس يوسف فعلاً
بدأ يتغير ، ميرا لما خاتته وضربها بالنار
مطردتش من البيت ولا مرة ، ولا فكر يفتح
موضوع خروجها من القصر وبدأ يتعايش مع
الأمر لكن لما فكرت تأذي نبض طردها وخذ
كل ما تملك لأجل عيون نبض .. بقيت
أشوف بسمه فى عيونه بمجرد ما نبض تطل
قدمه ، ميرا لما خرجت من القصر من غير
أذنه ضربها وكان هيموتها فى ايده ، نبض لما
خرجت من القصر لاقيته راجع شايها وخاف
لصوتنا يصحىها وبقي يجيب ورد وهدايا ...
يوسف أتغير يافؤاد .. أتغير أووى عشان
نبض وكأنها نبضه اللى كان ناقص عشان
يحيا قلبه

- ربنا يسعدهم ويبعد عنهم كل شر ، إحنا
مش عاوزين غير كدة

تبسمت بفضول وهى تنظر له ثم قالت

بحماس :-

- نفسي أشوف يوسف لما يعرف أن نبض

حامل بعد ما حبها .. لما عرف بحملها

السابق كانت مجرد زوجة أمه اجبرته عليها

دلوقت هى حبيبته

أتسعت عيناه بذهول وهو يسألها :-

- هى نبض حامل؟؟

- لا بس أتمنى ربنا يعوضهم فى اقرب وقت

وأشوف ملامح ابنى وفرحته اللى غابت عنى

سنين لدرجة أنى نسيته

قالتها بشرود فى ذكريات الطفولة

_____ شقة شبرا _____

صرخت "ميادة" بأختناق وهى تقول :-

- عجبك عمايلك السوداء دى ، بعد عربية
أحدث موديل وقصر الزمالك وفلوس بالرز
لشقة وحارة جوا شبرا والعشوائيات كله من
تحت رأسك

- معقول حبها !!

قالتها "ميرا" بدموع تنهمر على وجنتها
وحسرة تحرق قلبها فصرخت "ميادة"
بأنفعال قائلة :-

- أنتِ عاوزه تشليني ، لسه بتفكرى فيه وفى
حبه

- مش بأيدى يا ماما حبه مش بأيدى دا
لعنتى

قالتها ببيكاء وحزن شديد فقالت "ميادة"
بأنفعال :-

- فوقى يا ميرا ، حبك دا هتقتلنا مش شايفة
وصلتينا لأية مش كفاية ابوكى زمان عليا لا
وأنتِ كمان ... أبعدى عن يوسف وأنسيه
بقى ، يوسف أتجوز غيرك ونسيكى

- نبض هتفضل الزوجة الثانية لكن أنا الأولى
تأففت "ميادة" بأختناق وقالت :-

- ما دام بتحببه خونتيه ليه ووصلتنا للى
وصلنا له دا

- بروده وجبروته اللى خلاوى أضعف قصاد
كلمة حلوة ، يوسف جبل تلج يقتل لكن ...
لكن مع نبض قال هتوحشيني

قالتها بحسرة قلب ، زفرت "ميادة" بأختناق
وهى تدخل الغرفة وتُتمتم :-

- أنتِ مش هترتاحى غير لما يوسف يقطع
رقتنا بسببك ...

___ باريس ___

وقف "يوسف" أمام باب غرفة النوم مُرتدي
بنطلون أبيض وبلوفر أزرق وأسفله قميص
أبيض يظهر لياقته من الأعلى ، دق الباب
بهدوء وقال :-

- يا نبض يلا إحنا كدة هنتسحر مش
هنتعشي

- ثواني يا يوسف خلاص أهو

قالتها وهى تضع حلق أذنيها اللألماظ ثم
نظرت على صورتها بالمرأة وتبسمت ثم
سارت نحو الباب ، نظر "يوسف" بساعته
بسبب التأخير وقال :-

- يا نبض

قطع حديثه حين فتحت الباب ببطيء
ووقفت أمامه مُبتسمة ليراها ترتدي فستان
أزرق نفس ذات لونه بكم وبه رابطة من
الخصر يصل لأسفل قدميها ورقيق جدًا ،
تضع بعض مساحيق التجميل وتزين عنقها
بعقد من الألماظ ونفس ذات الحلق تعلقه
بأذنيها ، شعرها مسدول خلف ظهرها
وتضعه خلف أذنيها ، مُرتدية حذاء كعب
عالى برقبة قصيرة ورائحة عطرها الفريد تعم
الغرفة ، تأملها بأعجاب وقال وهو يمسك
يدها :-

- إحنا ممكن نأجل العشاء لبكرة صح !!
تبسمت عليه وهى تحمل البلطو الخاص به
ذات اللون الأبيض وتجعله يرتديه ثم
وضعت وشاح حول عنقه ليسرق من
شفتيها قبلة سريعة فتذمرت عليه قائلة :-

- وبعدين !!

- نأجل العشاء

قالها وهو يغمز لها بعينه فتبسمت وهي
ترتدى البلطو الأبيض وتسير نحو الباب :-

- لا ..

خرج خلفها وذهب معًا إلى مطعم راقى لم
يدخله سوى الطبقات الغنية جدًا فقط
للأثرياء مثله ، جلس على الطاولة معًا
وطلب الطعام ، كان "يوسف" يتناول طعامه
في هدوء ثم مسك كأسه ليرتشف القليل
من الماء فرأها ، جالسة أمامه وواضحة يديها
على الطاولة وأسفل رأسها وتراقبه بصمت
وعيون يفيض منهم الحب والشغف ، ترك
الكأس وسألها بتعجب قائلاً :-

- مبتأكليش ليه يا نبض ؟ أطلبك حاجة

غيره

تجاهلت سؤاله ومازالت تحدق به بنفس
النظرات ثم قالت بنبرة رقيقة ترفرف قلبه
العاشق لأول مرة :-

- يوسف أنت جميل أوى

تبسم وهو يمسح فمه بالمنديل ووضع يديه
على الطاولة ثم سألها بلطف :-

- جميل أزاى ؟ وسيم ومُز زى ما بتقولوا

هزت رأسها بالنفى وهى تقول بحب :-

- لا مش دا قصدى ، أنا قصدى أنك جميل
من جواك وقلبك أجمل لما أعترف بالحب
مد يده لها لتبتسم وهى تعانق يده بيدها
فقال بعفوية :-

- أنا جميل بيك يا نبض ، جميل لأنك وطنى
وعالمى الوحيد ، أنا كدة لأنك دخلتى حياتى
شقلبتيها وسبتي لمستك فيها ، جميل لأن
عندى جوهرة زيك بصحى الصبح على نظرة
من عينيها وكأن شمسي بتشرق بطلتك
قدام عيني ، وكونى بيستقر لما بتستقر
رأسك فى حضنى وقتها بقدر أتنفس براحة
وكان أنفاسي أتسحبت من الهواء والعالم
كله وأتجمعت فيكى وفى حضنك ، بالى
بيرتاح لما بشوف شقاوتك وعنادك وأنك
بخير وقتها بكون بخير أنا كمان ، أنا جميل يا
نبض لأنك بقيت نبضة قلبى المٌتججر زى
ما بتقولوا كلكم ، جميل لأن بختم يومى كل
يوم بالنوم على صوت أنفاسك .. ببساطة أنا
بقيت جميل بيك ، كنت عامل زى اللاجىء
اللى تايه بيدور على وطن يرحب بيه وأنت
جيتِ عشان تكونى وطنى ومكنش لاجىء

والعُربة تكسرنى ، جيتِ تنتشلىنى من
عُربتى وتحولى اللاجيء المٌخيف إلى ملك
لكنه كان ملك فقيد الحب ولاقياه معاكِ
وبيكِ وليكِ ..

تبسمت وهى تستمع لحديثه وقالت بحب
ونبرة دافئة :-

- وأنا موافقة أكون الوطن ما دام أنت الملك
والوحيد اللى ليك سيطرة وحكم فيه
تبسم بعفوية وهو يقول بغرور مُصطنع :-
- وبعدين أنتِ قصدك بقى أنى مش حلو
ومُز

ضحكت بأشراق له وهى تقول :-

- لا طبعًا أنتِ مُز وحليوة كمان .. أنا مش
بعاكس على فكرة

وقف من مقعده المقابل لها ثم جلس
بجوارها على الأريكة الدائرية وقال وهو
مازال يعانق يدها بقبضته :-

- طب ينفع أنا أعاكس ..

نكزته بساعدها في خصره بخجل وقالت :-

- يوسف الناس هتتفرج علينا

- معتقدش ، إحنا مش في مصر عشان

الناس تدخل في اللي مالهاش فيه

قالها وهو يسرق قبلة من شفيتها ثم تناول

قطعة من اللحم الخاص بها وقال :-

- برضو نبض بتخلي الأكل له طعم مختلف

.. ممكن واحدة تانية

تبسمت بخجل عليه ثم وضعت رأسها على

صدره ليطوقها بذراعيه بحب بعد أن وضع

قبلة على رأسها وقلبه يرفرف بسعادة تغمره
، سعادة لم يشعر بها من قبل ولم تتغير
ضرباته قلبه هكذا منذ نعومة اظافره إلا حين
أقتحمت هذه النبض حياته ، قال بهدوء :-
- بكرة هاأخذك ونروح لفؤاد ومدام صباح ،
هخلص شوية شغل ساعتين ثلاثة وبعدها
باقي اليوم ليكى

- ماشي بس ممكن تروح أنتِ أنا ورايا كام
مشوار هخلصهم وبعدين نتقابل

أبتعد عنها باستغراب وقال بتعجب :-

- كام مشوار هنا ، فى باريس ؟

- عاوزه أشتري شوية حاجات

قالتها بخجل وهى تتحاشي النظر له فقال :-

- حاجات ايه هو أنتِ تعرفي حاجة هنا يا

نبض

تذمرت بوجه أحمر من الخجل وقالت :-

- فى ايه يا يوسف قولتلك هشتري شوية

حاجات الله

- حاجات أيه ؟؟

عضت شفيتها بخجل شديد وقالت :-

- حاجات بنات ، ممكن تبعت معايا العربية

تنهد بقلق عليها من الخروج فى بلد لا تعرف

بها شيء وهو يقول :-

- ماشي يا نبض

- يعنى يوسف أخيرًا حن علينا وقرر يجى

قالتها "صباح" بزمجرة وهي تقف وسط
العارضات وتتابع البروفة للعرض فأجابها
"فؤاد" قائلاً :-

- اه كلمنى وقال جاى بعد ساعة

- كتر خيريه والله بقاله أسبوع فى باريس
والعرض بكرة ولسه فاكر أن جاى شغل
مش شهر عسل

قالتها بغضب وهي تنظر للفتاة التي تسير
على المنصة بالفيستا ثم تابعت بصوت
هامس :-

- يوسف الجواز المرة دى غيره بجد وبدأ
يهمل فى شغله ويعتمد علينا

سمعها "فؤاد" لكنه فضل الصمت حتى لا
يثير غضبها أكثر

خرج "يوسف" من الغرفة كى يرحل ثم عاد
مُجددًا وهو يقول :-

- نبض تليفونك شاحن ؟

أومأت له بنعم وهى تقف أمام المرأة مُرتدية
بنطلون جينز وبلوفر وردى وعليهم بطلو جلد
يصل لركبتها وتربط رابطته حول خصرها
فسأل بجدية :-

- والفيزا معاكِ ومعاكِ دولارات كاش

- اه يا حبيبى

قالتها وهى تضع الطاقية الصوف ذات الكرة
الفروة فوق شعرها وتسدله على الجانبين
ووشاح بنفس اللون الوردى حول عنقها ،
حملت حقيبة ظهر وردية على ظهرها
وأرتدت حذاءها الرياضي وخرجت مُسرعة
بصحبه حتى خرجا من الفندق وكانت

السيارة الحمراء بانتظارها أمام الفندق
بالسائق يتحدث العربية والفرنسية ،
صعدت بالمقعد المجاور ، نظر من النافذة
وقال :-

- خلى بالك من نفسك ولو أحتجتى حاجة
كلمينى

- حاضر يا حبيبي متقلقش بقى !!

- أنا مش فاهم أنتِ ليه مش عاوزه تأخذينى
معاكى وهستن برا

قالها بضجر لتقول :-

- أنت وراك شغل يا حبيبي

قالتها ثم وضعت قبلة على وجنته بدلاية
وبسمة على وجهها فسألها بضيق :-

- الباسبور معاكِ؟؟

- معايا كل حاجة متقلقش بقى

قالتها بابتسامة فتحدث لسائق بجدية :-

- خلى بالك منها ، توصلها مكان ما هى
عاوزه وتجبها على الفندق اللى اديتك عنوانه
بعد ما تخلص

- تحت أمرك يا فندم

قالها السائق بهدوء ، وضع قبلة على جبينها
ثم رحل ليصعد بالسيارة البيضاء الموجودة
خلفها وأنطلق كل منهم فى طريقه ، وصل
للغرفة المُخصصة لشركته فى الفندق الذي
سيقوم به العرض ووجد والدته غاضبة منه
تحدث بشأن العمل معها دون مُصالحتها او
الأعتذار منها ...

صعدت "نبض" للسيارة بعد أن انتهت ما

أردته وقالت بهدوء :-

- أنا عاوزه اروح مكان أشتري منه هدية

حلوة وناردة لجوزى

- تمام فى مكان هيعجب حضرتك جدًا

تبسمت وهى تقول :-

- ماشي بس بسرعة عشان متأخرش

أنطلق السائق بها وذهب للمحل ودخلت

تبحث وسط الأغراض المعروضة على هدية

تليق بزوجها النرجسي المغرور وحُبه ، كان

يسير السائق خلفها ليبقى على أمانها كم

أمرها فجاءت له العاملة وهى تقول

بالفرنسية :-

- اساعدك فى شيء ؟

أشار لها بلا ثم عاد بنظر نحو "نبض" ولم
يجدها أمامه ، بحث عنها في المكان بأكمله
لكنها أختفت تمامًا ولا أثر لها وكأنها تبخرت
في الهواء ...

دقت الساعة الرابعة وهو يحاول الاتصال بها
بقلق فكان موعد لقاءها في الثالثة ، هاتفها
مُغلق ولم يستطيع الوصول لهاتف السيارة
مما جعله يكاد يجن من القلق عليها ، هي
لا تعرف شيء في هذه البلد الغريبة ولم تأتي
لها من قبل ، أتصل بالفندق ليحصل على
رقم السائق ثم أتصل به ليصرخ قائلاً وهو
يقف من مكانه :-

- يعنى أيه أختفت؟؟ أمال أنت معاها
بتعمل أيه؟؟ أنت مفهمتش كلامى بغبائك
شكلك حمار ولا من غير عقل ... أنت فين؟؟

... أنا جاى ويفضل لك وللى مشغلينك أنك

تلاقيها قبل ما أوصلك ...

أغلق الخط وأنطلق مسرعًا إلى المكان الذي

أختفت به ووجد السائق واقفًا أمام المحل

بدونها والخوف يظهر بلامحه ، مسكه

"يوسف" من ملبسه بغضب وقال :-

- هى فين؟؟

- أبوس أيدك أنا هتطرد من وظيفتى ...

صرخ به بقوة وهو يقول :-

- وظيفة أيه وزفت أيه ، أنا بسألك مراتى فين

؟؟

بحث عنها فى كل مكان كالمجنون وهو

يجرى الأتصال بها وفى كل مرة يُجيب عليه

المُتحدث الألى يخبره بأن الهاتف مغلق ، حل

الليل وتلاشت الشمس فى السماء وهىلم

تظهر بعد فكاد أن يفقد عقله بسبب القلق
والخوف معًا ، يخشي أن يكون أصابها
مكروه وليست تائهة في بلد غريبة فقط

_____ تابع ... _____

#ملك_فقيد_الحب

#نور_زيزو

#نورا_عبدالعزيز

#ملك_فقيد_الحب

_____ الفصل السابع عشر (17) _____

___ بعنوان " خبر سعيد " ___

دلف لغرفتهما بالفندق وهو يناديها بهلع

ربما تكون عادت :-

- نبض .. نبض -

ألقى بالبطلو على الأريكة وهو يدخل لغرفة
النوم وكانت كما تركوها صباحًا نظيفة
والأضواء مُغلقة ، رن هاتفه فأخرجه من
جيب سترته بذعر ربما تكون هي ليرى رقم
مجهول فرد عليه ووجد المُتحدث يتحدث
باللغة الفرنسية يخبره أن زوجته بالمغفر (
القسم) لديهم خرج مُسرعًا دون أن يأخذ
البطلو وذهب إلى هناك بقلق وحين ولج رآها
تجلس على مقعد بداخل قفص حديدي
وتبكي بصمت وعندما رآته صرخت بهلع
قائلة :-

- يوسف

تنهد بأرتياح قليل حين أطمئن قلبه عليها
وأنها بخير ، تحدث مع الضابط ليخبره بأنها
كسرت مرآة سيارة لأحدهم وليس لديهم
مال كافي لدفع التعويض ، دفع "يوسف"

المال المطلوب وأخرجها لتركض له وهى
تختبىء بأحضانها ، سألتها وهو يطوقها
بذراعيه :-

- أنتِ كويسة ؟

- أممم كنت خائفة متعرفش تجيلى

قالتها وهى تبكى

- مقدرش ، أنتِ لو فى أخرج بلاد العالم
هجييك

خرجا من المغفر معًا ثم فتح لها باب
السيارة الخلفى لتصعد به فقالت بجدية :-

- السواق جالك ، أنا نسيت محفظتى فى
العربية معاه

- اه وأطرد من شغله بسبب تهورك

قالها بغضب سافر لتجيبه بانفعال :-

- أنا مش متهورة يا يوسف ، أنا كنت بشترى
حاجات وأكتشفت أنا محفظتى فى العربية
فنزلت أجيبها وغصب عنى خبط فى مرآة
العربية

- عشان لما أقولك مفيش خروج لوحك
يبقى يتسمعى الكلام إحنا فى بلد متعرفيش
فيها حاجة ولا بتكلمى بلغتهم يبقى
تسمعى الكلام ومتعانديش

قالها بصراخ ، زفرت بأختناق وهى تجلس
بعيد عنه مُلتصقة بباب السيارة وتنظر من
النافذة عاقدة ذراعيها أمام صدرها ، نظر هو
الأخر من النافذة بغضب كاد قلبه يتوقف
بسبب خوفه عليها وهو لا يعلم أين هى ،
وصلا للفندق وترجلت من السيارة بنرفزة
وأغلقت بابها بقوة وهى تدخل للفندق دون
أن تنتظره ، زفر بضيق وهو ينظر عليها وهى

ترحل بدون ، أغلق زر سترته وهو يهندم
ملابسه ثم دلف للفندق خلفها فرأى باب
المصعد يغلق بها وصعدت بدونه ، عض
شفته السفلى بغضب وهو ينتظر المصعد
الأخر ، ولجت لغرفتهما وهى تُتمتم بغضب
قائلة :-

- متهورة .. لو عرف أنا كنت فين مكنش قال
متهورة ...

وضعت يدها على بطنها تلمسها بحنان ثم
قالت ببسمة مُشرقة :-

- أنا مش هتتعصب ولا هزعل عشان
مخسر كمش تانى يا روح مامى

فتح باب الغرفة ودلف فتلاشت بسمتها
وهى ترمقه بغضب فقال :-

- كمان حضرتك اللي زعلانة

- اه أنا معملتش حاجة عشان تتعصب عليا
قالتها بغیظ منه ، مسكها من ذراعها بقوة
وهو يقول بجدية ونبرة مُخيفة :-

- أنتِ عندك فكرة أنا حست بأية لما أتصلوا
بيا يقولولى مراتك مش لاقينها ، متخيلة أنا
كنت بسوق العربية بسرعة كام وخذت
غرامات قد أيه عشان أدور على مراتى اللى
أختفت فجأة ، عندك فكرة قلبى كان عامل
أزای وأنا مش لاقىكى فى المول وتلفونك
مقفول وكمان الاقى الباسبور والفلوس فى
العربية ، عندك فكرة عقلى كان هيتجنن
أزای عليكى وأنا عارف أنك ماشية من غير
فلوس ولا هواية ولا تليفون تكلمينى حتى
بيه وكل دا فى بلد غريبة عنك ومتعرفيش
حتى لغتهم عشان تسألهم على عنوان
الفندق ، معتقدش أنك ممكن تتصورى أنا

كنت عامل أزاى بقلقى عليكى لأنك لو
تصورتى دا مكنتش هتزعلى عشان بزعلك
أساسًا ..

صمتت وهى لم تجيب عليه فقط تحدى
بعينه التى تلوثت بالدموع وهم يتلألاً بعيونه
العسليتين ، أقتربت أكثر منه ورفعت يدها
الأخرى تجفف دموعه وهى تسأله بنبرة
هادئة :-

- كنت خايف عليا أوى كدة

صمت وهو يشعر ببرودة يدها على وجنته
ويتأملها بدقة حتى يطمئن قلبه أنها الآن
بجواره وفى أمان ولم يصيبها مكروه ، تتمم
بنبرة خافتة :-

- كُنت مرعوب ولو أعرف أنى هترعب كدة
لما أحبك مكنتش حبيتك يا نبض

- أیه دا أنت ندمان أنك بتحبني ؟

تُتمتم وهو يلمس وجهها بيده الأخر :-

- بتخليني أندم يا نبض من كتر ما بتخض

عليكى ، أنا من يوم ما أتجوزتك وأنتِ

بترعبنى من الخوف عليكى وأنا مبحبش

أخاف يا نبض ، كنت عاوزك نقطة قوتى زى

ما أنتِ قولتى الحب بيقوى ، بس معاكى

شكله بيضعف لأنك بقيتى نقطة ضعف

ترعبنى لو أختفت أو حصلها حاجة

- خلاص مش هخضك تانى بس والله غصب

عنى

قالتها ويدها تداعب لحيته بنعومة فقال :-

- عارفة لما سمعت كلمة مراتك أختفت

ومش لاقوها حسيت بأية يا نبض ، حسيت

أن قلبي وقف والنبض أختفى منه تقريبًا
كنت على وشك الموت بمعنى الكلمة

- أسفة يا حبيبي والله ، أسفة

قالتها وهى تقبل وجنته بحب ثم لفت
ذراعيها حول عنقه تعانقه بقوة ليستنشق
عبيرها وهى تقول :-

- أنا كويسة أهو ومعاك

طوقها بذراعيه بشوق وقوة لتأكد بأنها معه
وبين ذراعيه الآن ربما يهدأ قلبه من روعه ،
شعرت بأنه كاد أن يكسر عظامها بين ذراعيه
أو سيدخلها بين عظامه لتعلم كم كان خائفًا
عليها ، تبسمت عليه وهى تضع قبلة رقيقة
على عنقه وقالت :-

- يوسف

- أممم

أخرجت رأسها فقط من عناقه لتتقابل

عيناها معًا فقالت بدلاية :-

- أنا عاوزه حاجة صغيرة خالص منك

- حاجة أيه؟؟

سألها بتعجب فقالت ويديها تنزع سترته

بدلاية :-

- عاوزه أشترى حاجة كدة بس مينفعش

تيجى معايا

صرخ بها مُجددًا بعد أن كان هادئًا قائلاً :-

- أنتِ بتلف وتدورى على ايه يا نبض ؟

خروج لوحدك تانى مستحيل

وضعت قبلة على وجنته بدلاية وقالت

بوجه طفولى وترجى :-

- وحياتي يا يوسف

- مستحيل يا نبض

قالها بأختناق وهى يحاول أبعادها عنه

فقالت :-

- خمس دقائق بس والله

- مستحيل أنتِ عاوزه يجراالى حاجة بسببك

قالها بأختناق ، وهو يدخل لغرفة النوم ،

زفرت بهدوء ثم دلفت خلفه وقالت :-

- يوسف

صعد للفراش غاضبًا منها دون أن يبذل

ملابسه ووضع الغطاء عليه ، جلست بجواره

وهى تقول بحب :-

- حبيبي

جذبها من ذراعها لتنام بأحضانها ، تبسمت

بهدوء وهى تشاكسه بحديثها :-

- هو مش أنت مخاصمنى واخذنى فى

حضنك ليه دلوقت

أجابها وهو مُغمض العينين هاتِّفًا :-

- عشان أعرف أنام وكمان عشان متخرجيش

من ورايا أنتِ مجنونة وتعمليلها

- بس وأنا فى حضنك مش هخرج بس

مممكن أعمل حاجات تانية

قالتها وهى تنزع رابطة عنقه ، مسك يديها

بقوة وهو يفتح عينيه ويقول بحزم :-

- نامى ساكتة يا نبض مسمعش صوتك ولا

تفركى هو صوت أنفاسك بس ، أنا عندى

العرض بكرة ومتغاظ منك اساسًا ونفسي

أضربك للعلم

- وأهون عليك تضربنى ، دا أنا حبيبتى

نبضة قلبك ونبضك .. ها أهون عليك ها

كانت تجيبه وهى تقبل وجنته وعينيه
بنعومة فقال بهدوء مُصطنع ويقيد يديها
كما هو :-

- تهونى زى ما أنا هونت عليكِ تموتنى من
الخوف عليكِ .. ونامى بقى أنا مش طايقاك
أساسًا دلوقت

- بجد عينى فى عينيك كدة .. مش طايقنى
قالتها وهى تمازحه وتنظر لعينيه فقال
بجدية :-

- نامى بقى أنتِ شقية كدة ليه النهاردة ، هو
أنا نايم جنب بنت أختى
- لا حبيبتك

قالتها وهى تبتسم عليه بسعادة فقال
بصرامة :-

- ریحی نفسك یا نبض اللی عاوزاه مش
هتأخدی عقاب لیکی فنامی مؤدبة بقی
عشان أنا ملاحظ أنك بتتحرشی بیا

قهقهت ضاحكة بقوة على كلمته الأخيرة
وتوقفت يدها عن فك أزرار قميصه فلم
يتبقى سوى زرین فی نهاية القميص وقالت
بدهشة :-

- هی وصلت للتحرش ، ماشي براحتك ..
ونامی لوحدك بقی وخی النوم ینفعل
أخرجت نفسها بقوة من ذراعیه وذهبت
للخارج وهی تأخذ بیدها ملابسها ، بدلت
ملابسها فی غرفة الجلوس ونامت على
الأريكة مُبتسمة وهی تعلم أنه سیأتی ،
دقیقتین شعرت بیده تلف خاصرتها وهو
ینام بجوارها على الأريكة فقالت ببسمة
تخفيها :-

- آيه اللى جابك مش أنت مش طايقنى

- اه بس وحشتنى طول اليوم

قالها بنبرة خافتة وهو يضع رأسه فى كتفها
هامسًا بأذنيها ، ألتفت له بسعادة لتتقابل
عيناها معًا :-

- وأنت كمان وحشتنى أوى

- متزعليش من عصبيتى عليك يا نبضي
بس كان أحساس وحش أوى خوفى عليك
كان بيموتنى

- بحبك

قالتها وهى تضع رأسها فوق صدره فأغمض
عيناها بأرتياح وهو يطوقها بذراعيه ...

___ قصر الحناوى ___

كانت "سارة" جالسة على المقعد في
الحديقة وترسم تصميم فستان جديد على
الأوراق البيضاء وتضع السماعات في أذنها
غارقة مع الأغاني ورائحة قهوتها الساخنة
التي تغتصب حاسة شمها ، رفعت رأسها
للأعلى فرأت "كريم" واقفاً هناك بعيداً عنها
وهو يراقبها بعيناه وحين رآته تحاشي النظر
لها سريعاً وفر من أمامها ، تبسمت بسعادة
عليه ونزعت القلم الموجود بشعرها وسط
الكحة لينسدل شعرها على ظهرها واكتافها
فيزيد من جمالها ووقفت تجمع أغراضها
وسارت نحو القصر فضغطت على حجر
متوسط الحجم بين الأعشاب في الأرض
ولومت قدمها لتسقط أرضاً وتتساقط
أوراقها ، نظرت لقدمها وهي تبكي ورأته
يجثو على ركبتيه أمامها ، رفعت نظرها له
بدهشة وقالت :-

- أنت بتعمل ايه؟؟

تجاهل سؤالها وهو يلمس قدمها ويقول :-

- أنا هطلب الدكتور

صرخت بوجع حين لمس قدمها ، ترك
قدمها سريعًا بخوف من ألمها ونظر لها ،
تقابلت عينيها في نظرة طويلة صامتة وهى
تتفحص وجهه جدًا شاب يافع فى نهاية
العشرينات أصلع وبشرة سمراء بدون لحية ،
تمتم بخجل قائلاً :-

- تسمحيلي

- أيه

قالتها بأستغراب فحملها على ذراعيه وهو
يقف بها ، تحدثت بجدية ممزوجة بخجل
بعد أن توردت وجنتها بلون الدم :-

- أنت أتجننت

- أسف يا فندم بس هدخلك ولا أسيبك
على الأرض لحد ما الدكتور يجى

قالها بهدوء ، تنحنحت بخجل وهى تلف
ذراعيها حول عنقه وتنظر للأمام وقالت :-

- براحة عشان متوقعنيش

- مقدرش يوسف بيه يقطع رقبتى

قالها وهو يسير بها للدخل ...

باريس -----

دلف "يوسف" إلى قاعة العرض مُرتدي
بدلته السوداء و"نبض" تتباطيء ذراعيه
مُرتدية بنطلون أحمر فضفاض وقميص
نسائي أبيض بكم وفوقهم البلطو وشعرها

مُسَدول على ظهرها وترتدى حلق أذن دائري
كبير وتحمل حقيبة صغيرة بسلاسل على
كتفها وكعب عالي ، أخذها إلى مقعدها أمام
المنصة مباشرة وقال بصوت خافت :-

- أنا خمس دقائق وهجيك متحركيش من
هنا يا نبض

أومأت له بنعم ثم ذهب إلى والدته في غرفة
الملابس ليتأكد بأن كل شيء على ما يرام
فجأة لها "فؤاد" وجلس بجوارها وهو يقول :-

- بنتى بقالها عشرة أيام في باريس
ومبتسألش عليا غير بالتليفون

- بابا ..

قالتها بفرحة وهى تعانقه ثم أبتعدت عنه
وهى تتابع :-

- يوسف محبش نزعجكم في الشغل

- ماشي يا نبض هانم ، أنا هعوز أيه يعنى

غير سعادتك وراحتك

قالها وهو يربت على يدها فقالت بخُيْث :-

- عملت أيه فى طلبى ؟

- كل حاجة جاهزة يا ست نبض

تبسمت بأشراق وهى تقول :-

- ربنا يخليك ليا يا بابا

جاءها "يوسف" ليذهب "فؤاد" لعمله ،

وضع قدم على الأخرى وقال هامسًا :-

- لو عجبك فستان شاورى عليه

تبسمت بمكر وهى تتباطيء ذراعيه وتقول

بجدية :-

- طب لو عجبنى حاجة غير الفستان ممكن

تجبهالى

- لو طلبتى النجوم هجبهالك

قالها وهو ينظر لها فقالت بخُبث وأبتسامة

تعلو وجهها :-

- طب لو عاوزة دا

قالتها وهى تضع يدها الأخرى فوق قلبه

لُيتمتم بحب وهو ينظر للمنصة :-

- دا بالذات مقدرش اجبهولك

- نعم

قالتها بتذمر لُيجيبها قائلاً :-

- أزاى أجبلك حاجة هى ملكك يا نبض

تبسمت بعفوية وهى تنظر لأول فستان

طلت به العارضة وقالت :-

- طب أفكر أن ليا طلب عندك

بدء عرض الأزياء وهى ظلت صامته تتحدث
قليلاً فقط حتى أوشك على الانتهاء وقالت
بهدوء :-

- هروح التويلت

- ماشي بسرعة ومنتأخريش عشان
مقلقش

أجابها وهو يتحدث مع رجل فرنسي فأومأت
له بنعم وذهبت ، مرت ساعة إلا ربع ولم تأتي
، ذهب ليبحث عنها ودلفت "صباح"
للمرحاض ولم تجدها ، أغمض عيناه بغضب
من تهورها فعلت كما حدث أمس ، رن
هاتفه بأسمها ليُجيب بنبرة غاضبة :-

- أنتِ فين يا نبض ؟

- الشغل خلص ولا لسه

صرخ بها بأغتيال وهى تقول :-

- اتنيل خلص أنتِ فين يا نبض

متعصبنيش

- أنا قدام الفندق فى ايه ، تعال عشان

مستنياك

قالتها بهدوء شديد ليخرج لها وهو ينظر

حواله ولم يجد لها أثر فقال :-

- فين ؟

- أمشي شوية على اليمين

قالتها بدلاية وهو يسير كما تخبره ظل يسير

وهى تتحدث معه بالهاتف ترشده للطريق

وتسير خلفه بسيارة دون أن يلاحظها حتى

وصل أمام نهر السين وقال بغضب من

لعبها معه :-

- أنتِ فين يا نبض أخلصي أنا تعبت من

المشي

- لازم تتعب شوية يا حبيبي عشان أنا

أستاهل

أغمض عيونه بأختناق من لعبة القط والفأر

معه وقال :-

- عارفة يا نبض أنا لو شوفتك دلوقت

هعمل فيكى أيه

- هتحنى طبعًا يا قلبى

قالتها وهى تضحك بقوة تثير غضبه أكثر

فصرخ بأختناق وهو يقول :-

- أخلصي يا نبض أنتِ فين؟؟

- أنا هنا !!

قالتها ليرى طفل عمره ست سنوات يعطيه

ورقة ، أخذها منه وفتحها وكان بداخلها)

ناقص شوية صغيرة عشان تأخذ هديتك ..

بحبك) قرأها وهو يبتسم عليها وعلى
جنونها فأخذه الطفل من يده إلى مكان بقرب
النهر وكان هناك قلب من الورود مرسوم
على الأرض ومنصة خشبية بيها أربعة
أعمدة تتطاير بهما الستائر فقال بحب وهو
يتغاطى عن غضبه :-

- أنتِ فين يا مجنونتى

- أنا جنبك والله

قالتها لينظر حوله والناس توقفت عن السير
تنظر عليهم فأشار الطفل له على السماء
فنظر ليراها بداخل البراشوت كبير ومكتوب
عليه بخط عريض (Love you)

قهقه ضاحكًا والطفل يترك يده وقال :-

- مش بقولك مجنونة

- لسه باقى فى الجنان شوية

قالتها وهى تتحدث فى السماعه معه
والهاتف بجيبها ثم أخرجت كيس كبير مليء
بالبالونات وافرغتهم فى الهواء ليقول :-

- طب أنزلى بقى

- لسه

قالتها وهى تحضر لوحة ومسكتها وهى
تفتحها كانت لافتة كبيرة مكتوب بها (يوسف
زوجى) ،ثم لافتة جديدة مكتوب بها (لو
تعلم كم أحبك وعشقتك حد الجنون
لعفوت عن جنونى هذا بدل من غضبك) ثم
لافتة أخرى بها (أعلم أنك غاضب من
أفعالى لكنى لى سبب يستحق هذا الجنون
(ثم لافتة أخرى بها (فهل عفوت عن
غضبك منى وغفرت لى هذا الجنون)

دمعت عيناه وهو يرى ما تفعله والجميع

ينظر عليهم ويقول :-

- والله أن قلبى على طول مسامحك يا

نبضي

ثم أخرى بها (يُقال أنك لن تعرف قيمة
الشيء إلا إذا تعب لأجله لذا أردتك أن تتعب
قليل حتى تعلم قيمة ما سأهديه لك)

- أنتِ هديتى الوحيدة ومش عاوز غيرها يا

نبضة قلبى

ثم واحدة جديدة (أردته أن أخبرك بأن قلبى

لك وأهديك هدية رائعة ربما تغفر لى ما

فعلته بك أمس لذا دعنى أخبرك بشيء

صغير ..) وكانت الأخيرة تحمل كلمتين فقط

(ستصبح أب)

أُتسعت عيناه بدهشة وهو ينظر للأعلى

عليها لتقول بنبرة دافئة :-

- أنا حامل

- أنتِ قولتى أيه ؟؟

قالها في الهاتف وهو ينظر عليها بينما هي في

السماء بداخل البراشوت وتضحك بسعادة

عليه ، فقال بتلعثم وفرحة لم يصدق ما

سمعه :-

- قولها تانى يا نبضة قلبى

- أنا .. ح... ا.. م... ل ، حامل يا يوسف

قالتها ببطء شديد وحب ، تنهد بأرتياح وقال

وهو ينظر للأعلى رغما عنه بسبب أشعة

الشمس القاتلة في عينيه رغم أرتداه النظارة

الشمسية :-

- أنزلى يا نبض .. أنزلى كفاية لعب

- لا اتحايل عليا شوية

قالتها بدلاية ، نظر بعيد عنها وهو ينظر

للناس من حوله وقال :-

- أنزلى يا نبض بطلى جنان

أومأت له بنعم ، أغلق الهاتف معها وركض

حيث سينزل البراشوت والجميع ينظر

عليهما ، مسك يدها العامل لينزلها من

البراشوت ، صدمت حين عانقها بقوة بدون

أنذار فتشبثت بعنقه وهى تقهقه ضاحكة

بصوت مرتفعة ، صفق الجميع عليهم وهم

يتهامسون على هذا الثنائي العاشق ، كان

الجميع ينظر عليهم وهو يدور بها بقوة

ويثرثرون على هذه الفتاة المجنونة التى

أرتدت أن تخطف قلب حبيبها ولا يفهم احد

ما كان مُدون بداخل اللافتات غيره لكن يبدو
أنه شيء جيد فكان يعانقها بقوة ودفء
بينما دموعه تنهمر على وجهه ، أنزلها أرضاً
وهو يطوق خاصرتها لتمسح دموعه بحب
وهى تنظر لعينيه وتقول :-

- متعيطتش يا يوسف

- بحبك أقسمك بالله أنى بحبك بجنون

قالها وهو يضع خصلات شعرها خلف أذنيها
ليتحدث الجميع مع تصفيقهم قائلاً (.. kiss
Kiss) ، تبسم على حديثهم وخطف قبلة
من شفيتها لتعانقه بقوة ...

--- تابع ---

#ملك_فقيد_الحب

#نور_زيزو

#نورا_عبدالعزيز

#ملك_فقيد_الحب

___ الفصل الثامن عشر (17) ___

___ بعنوان " صفة " ___

أستيقظت "نبض" مع شروق الشمس وهى
تمطى جسدها فى الفراش فلمست يدها
وجهه لتتنظر وتراه جالسًا بجوارها يتأملها
ويسند رأسه على ذراعه فقالت بابتسامة
ناعسة :-

- صباح الخير يا روى

- صباح الحُب والسعادة يا نبضي

قالها وهو يسرق منها قبلة ثم تابع :-

- يلا عشان منتأخرش على الطيارة

- اممم حاضر

قالتها وهى تقف من الفراش ، اخذت حمام
دافيء ثم أرتدت بنطلون جينز وتيشرت أبيض
فوقه جاكيت جلدى وعلى رأسها طاقية من
الصوف وحول عنقها وشاح ثم أرتدت حذاء
رياضي مُريح لرحلتها ، خرجت من المصعد
بصحبه وذهبا للمطار لتلتقى بوالدها
و"صباح" فعانقته بشدة لتقول "صباح" :-
- براحة يا نبض متجريش كدة ، أنتِ حامل

- حاضر

قالتها بأبتسامة ومازالت بأحضان والدها
وصعد الجميع للطائرة ...

شقة شبرا

فتحت "ميادة" الباب ودلفت للشقة لتسمع
صوت أبنيتها تتحدث مع أحد ، ولجت

للصالون وصدمت حين رأت زوجها يجلس

مع "ميرا" لتقول بصدمة :-

- أنت أيه اللي جابك هنا ؟ وخرجت من

السجن أمتى ؟

- جاي لمراتي وبنتي ولا عاوزاني أسيبكم كدة

قالها بغرور لتصرخ بانفعال قائلة :-

- مراتك أيه إحنا أطلقنا من عشرة سنين ،

وبنتك دى تنساها خالص يا عصام ، أنت أيه

مبتزهقش من المشاكل مع اللي حواليك

- اسمعى بس يا ميادة ، أنا معايا فلوس

كتير أوى وعندى فيلا نعيش فيها سوى بدلا

من القرف اللي عايشين فيه دا

قالها بجدية ، تأففت بأختناق وهى تقول :-

- مالکش دعوة إحنا مرتاحين بالقرف دا ،
أطلع برا بقى والشقة دى تنساها تماما

وقفت "ميرا" بغضب وقالت :-

- أسفة يا ماما ، أنا هروح مع بابا أنا مقدرش
أعيش هنا أكثر من كدة

- هتروحي تعيشي بفلوس حرام يا ميرا

سألته بصدمة لتُجيبها قائلة :-

- كانت حرام بس دلوقت حلال ، الفلوس دى
بابا خدها من يوسف ودخل السجن ويوسف
أخذ كل أملاكى يبقى دا حقى ورجعلى يا
ماما

- أنتِ هتحللى كمان على مزاجك

قالتها "ميادة" بغضب ليقول "عصام" :-

- أسمعى الكلام يا ميادة وتعالى عيشى
معانا ، أما يوسف دا فأنا مراقبه من ساعة
ما حط رجله فى باريس ونهايته قربت
وهدفه تمن كل حاجة عملها فيا وفيكم
وفى بنتى

- لا دا أنت ناوى على موتنا بقى ، أنت أيه يا
أخى مبتعرفش تعيش من غير مشاكل
وحقد على خلق الله ، مكفكش اللى حصل
والسنين اللى ضاعت من عمرك فى السجن
، مبتزهقش

صرخت بوجهه بغضب شديد ثم دلفت إلى
غرفتها مُشتاطة غضبًا ، دلفت "ميرا" خلفها
لتقنعها بالذهاب مع والدها ...

_____ قصر الحناوى _____

وصلت السيارة إلى القصر مع أذان المغرب
ودلف الجميع وكانت "سارة" بانتظارهم
وهي ترحب بهم وتبارك لـ "نبض" على
الحمل فسألتها "صباح" :-

- رجلك مالها ؟؟

- أتلوت منى في الجنينة متقلقيش

نظرت "صباح" خلفها تبحث عن زوجها
وقالت :-

- جلال فين

- بابا في أوضته بس حالته في الناظر خالص يا
ماما وتعبان جدًّا وطلبت الدكتور قالى أنه كدة
بسبب القلب وأنه في أيامه الأخيرة زى ما
فهمك

أربتت "صباح" على كتفها وصعدت للغرفة ،
صعدت "نبض" معه إلى غرفتهما وهى
تلقى بجسدها على الفراش وتقول :-

- أنا جعانة نوم

- نبض أنتِ بتحملى عشان تنامى

قالها بسخرية وهو يداعبها بحديثه لتقول :-

- ليه بس ما أنا نازلة الشغل بكرة ومش

هنام

- هتنزلى الشغل على طول كدة

قالها وهو يمدد جسده بجوارها لتقول :-

- اممم رائحة المعقمات والادوية وحشتنى

جدًا

- وأنا موحشتكيش

قالها وهو يفتح سحاب جاكيتها لتقول بمكر

-:

- خد بالك أنت اللي بتتحرش بيا دلوقت

مش أنا

قهقه ضاحكًا وهو يغلق الأضواء ويقول :-

- هطمن على بنتى بس بتأكل ولا أمها

مجوعها

خرجت "نادين" من المطعم صباحًا وهى
تحمل السندوتش بيدها وتتناوله وهى تنظر
بالهاتف لتُصدم بشاب يافع ببشرة سمراء ،
أصلع وعينه بنية بدون لحية ، مُرتدي
قميص أبيض وبنطلون كحلى ..

لوثت قميصه بالساندوتش لتتحدث بهلع

وهى تضع الهاتف فى جيبها وتقول :-

- أنا أسفة والله ... مأخذتش بالى أصلى
دكتورة وكنت بتاعت حالة لمريض عندى فى
التليفون مشوفتكش خالص .. أسفة جدًا
تحدث بهدوء وابتسامة على ذعرها بشيء
بسيط وقالت :-

- حصل خير

نظرت له وهى تقول :-

- أنا أسفة

- خلاص محصلش حاجة

تبسمت بعفوية وقالت :-

- حيث كدة بقى اسمحلى أعزمك على

الفطار عشان أتأكد أنك مش زعلان

- لا مفيش داعى يافندم

- يبقى زعلان ومقبلتش أعتذارى ...

قطعها وهو يقول :-

- لا خلاص أفضلى

تبسمت وهى تمد يدها له وقدمت نفسها :-

- نادين ، دكتورة نادين

نظر ليدها ثم لها كانت فتاة بمنتصف
العشريينات بشعر ذهبى قصير يصل للعنق
ناعم ومفروود وتضع على رأسها نظارة
شمسية مُرتدي بنطلون جينز فضفاض
وعليه تيشرت أبيض تدخله بالبنطلون
وجاكيت جلدي وتحمل حقيبة صغيرة على
كتفها وحذاء رياضي ، بشرة متوسطة
البياض وعيون بنية ضيقة وملامح وجه
صغيرة ...

- كريم

قالها وهو يضافحها ودلغا للمطعم مجدداً ...

فتحت "نبض" نافذة سيارتها قبل أن تنطلق
من القصر ونظرت لسيارته الواقفة بجوارها
وقالت ببسمة :-

- يوسف

فتح نافذة سيارته وهو يقول بجدية :-

- نعم

- بحبك

قالتها بسعادة وأنطلقت بسيارتها ذاهبة إلى
عملها ، تبسم عليها وقال بنبرة هادئة :-

- أطلع يا عثمان

وصلت "نبض" للمستشفى ودلفت وهى
تنظر بهاتفها وتبعث له رسالة (وحشتنى فى

الساعة دى أووى) تبسمت لتأتى له "نادين"

مبتسمة وقالت :-

- بتضحكى ليه ؟

- مش لما أعرف الدكتوراة نادين فرحانة ليه

؟؟

نظرت للأمام بشرود وقالت :-

- سمراه دوبنى ، علي جوز عيون بني ولا

قرعته تجنن يا مامى

نظرت "نبض" لها بدهشة وهى تقف أمامها

وتقول :-

- الله الله هو مين دا

- واحد متعرفهوش ، جمعتنا الصدفة

قالتها وهى تصعد فى السلم الكهربائى

للطابق التالى ...

وصلته رسالتها ليبتسم وهو يتذكر ما فعلته
في باريس لتخبره بأنها حامل فقط من أجل
أسعاده قليلاً برومانسية ، فتح باب سيارته
مُجددًا وصعد وهو يقول :-

- أطلع يا عثمان على المستشفى .. بسرعة
ولا أقولك أقف الأول على محل ورد
أنطلق "عثمان" بيه ليلبي طلبه

_____ مُستشفى الجلاء الخاص _____
كانت "نبض" بجناح قسم الصدر تتابع
مرضاها والبسمة لم تفارق وجهها أبدًا ،
كانت تهديهم جميعًا بسماتها وحديثها الذي
يرفع من روحهم المعنوية كي يحاربه
المرض وربما تساعدهم على تخفيف ألمهم ،

دلفت إلى غرفة طفلتها المريض منذ أشهر
وهي تُقيم بالمستشفى ، تغضب دومًا إذا
جاءها طبيب غير "نبض" وترفض تلقى
العلاج منهم ، طفلة بعمر الـ ١٦ عام
فتبسمت حين ولجت "نبض" وقالت :-

- تأخرتني !!

- أسفة كنت برا مصر

تبسمت "نبض" حين أخرجت "ملاك" وردة
حمراء من جوار وسادتها وقالت :-

- خلت ماما أشترتها مخصوص عشانك لما
عرفت أن جاية النهاردة

- ميرسي يا ملاك

قالتها "نبض" وهي تأخذها ببسمة ، تبسمت
"ملاك" رغم خراطيم الأكسجين المتصلة
بأنفها وقالت :-

- أنتِ جميلة أوى يا دكتورة نبض عشان
بتعرفى تخلىنى أحبك وكل المرضى
بيحبوكى عشان بتخففى عنهم لكن الدكاترة
التانيين بيخشوا مكشرين أوى

- وأنتِ عارفة أنى بحبك يا ملاك ، ممكن
نأخذ الحقنة بقى

قالتها "نبض" وهى تمسك ذراعها فتبسمت
"ملاك" بتعب وهى تقول :-

- ممكن بشرط

- أيه ؟

- لو مُت قبل ما تجيبى نونو تسميه ملاك
عشان تفتكرنى لأنى بحبك بجد

قالتها بنبرة مُنكهة ، أربتت "نبض" على
رأسها وهى تبعثر شعرها وقالت :-

- أنا هسميها ملاك وهجيبها لك تقعيديها

معاكى وأنا بشتغل كمان تلعبوا سوا

- وأنا موافقة جدًا

شعرت "نبض" بدوران فى رأسها وغثيان فى

معدتها ، أهتز جسدها قليلاً لتقف "ملاك"

على الفراش وهى تمسكها بقلق :-

- أنتِ كويسة يا دكتورة نبض ؟؟ شكلك

تعبانة .. أستنى هجبلك دكتور

مسكتها "نبض" من ذراعها وهى تقول :-

- لا متجبيش .. أنا مش تعبانة ولا حاجة

- بس أنتِ تعبانة متجبيش

قالتها "ملاك" وهى تلمس جبينها فتبسمت

"نبض" عليها وقالت :-

- مش تعبانة أنا هجيب نونو بس ، وهو

بيلعب معايا شوية

تبسمت " ملاك " بسعادة وهى تقول :-

- أنتِ حامل وهتجيبى ملاك

أومأت " نبض " لها فتابعت حديثها :-

- إذن أنا لازم أخذ الدواء كله وأعمل العملية

عشان ألعب مع ملاك الصغرن

وصل " يوسف " للمستشفى وسأل عنها

" نادين " فأخذته للأعلى حيث توجد " نبض "

....

تبسمت " نبض " وخرجت من غرفة " ملاك "

تحمل الوردة بيدها ودوران رأسها يزيد وتزيد

رغبتها فى الأستفراغ كل ما بمعدتها ، كادت

أن تفلت يدها من على الحائط وتسقط

فشعرت بيد تمسكها من ذراعها بقوة

وصوت قوى يتحدث :-

- مالك يا دكتورة نبض؟؟

نظرت فرأت "خالد" يمسك ذراعها ، جذبت

ذراعها بأحراج وقالت :-

- مفيش

تقدمت خطوة للأمام وألم معدتها تزداد سوء

ووجع فوضعت يدها على بطنها بتعب

شديد وكادت أن تسقط فمسكها "خالد"

بحذر وهو يلف ذراعيه على خاصرتها وخلف

ظهرها ، تشبثت بذراعه بضعف وهى تشعر

بسكاكين تقطع رحمها تقريبًا ..

وقف "يوسف" بصدمة وهو يراها بين ذراعي

رجل غريب وهى تشبث به ، سقطت باقة

الورود من يده و"نادين" تنظر عليهما بصدمة

ووضعت يدها على فمها بصدمة ، لمح
"يوسف" الوردة الحمراء بيدها وهى تمسك
ذراعه ، كانت "ملاك" تقف أمام باب غرفتها
وتحمل دفتر "نبض" الذي نستنه بغرفتها ،
كاد "خالد" أن يتركها وحين لمح "يوسف"
بعيدًا تشبث بها أكثر وهو يرفع يده ليعبد
خصلات شعرها عن وجهه ويقول :-

- شكلك تعبانة .. أوديكي لدكتورة

لم تستطيع جوابه حيث جذبها "يوسف" من
ذراعها بقوة جعلتها تلتصق بجسده هو
فصرخت بألم من جذبته وصدمت حين رأته
يشتات غضبًا ولكم "خالد" على وجهه بقوة
أسقطه أرضًا ثم جذبها وهو يسير للخارج
وهى تتألم من سرعة حركته وبالتالي حركتها
السريعة تزيد من ألمها ، لم يبالي بألمها
وهى تناديه بوجعه حتى وصل إلى السيارة

بغضب قاتل ، دفعها بالداخل بقوة لتصرخ
بتلقائية وجلس بجوارها وهو يقول بنبرة
مُخيفة :-

- أطلع على البيت يا عثمان

- يوسف أنت بتعمل أيه؟؟

قالتها بغضب وهى تتغاطى عن أوجاعها
وتكتم أنين ألمها بداخلها ، صمت بدون أن
يُجيبها فتابعت حديثها :-

- أنا ورايا شغل يا يوسف وعندى عملية
كمان ساعة

- شغل وعملية فى حضن راجل تانى ،
هتعملى عملية أزاى تخطفى قلبه ولا تخونى
جوزك

قالها وهو يركز على أسنانه ، أتسعت عيناها
بصدمة وهى تنظر له وقالت :-

- أنت بتقول أيه ؟ أنت واخذ بالك بتقول أيه

؟؟

مسكها من فك وجهها وهو يدفعها في

مقعدتها بقوة وقال بعيون قاتلة ونبرة

مُخيفة :-

- أسكتِ يا نبض ، أسكتِ عشان مقتلكيش

في الحال .. كلهم خونة وتستاهاوا القتل وأنا

ابن كلب وغلطان أنى وثقت في واحدة من

صنفكم

تركها ونظر للأمام وألمها تشدد عليها ، كزت

على شفيتها بوجع وتقول بألم :-

- أنت أكيد مجنون ، أنت بتفكر في أيه ؟؟

وصل للقصر وهو يأخذها من يدها ويسحبها

خلفه بقوة وكادت أن تسقط من يده على

الدرج أكثر من مرة ، دلف لغرفتهم فتحدثت

"نبض" بنبرة مرتفعة وغضب يحتل على

ملاحها قائلة :-

- أنت بجد مصدق اللي عقلك مصورهولك

دا ..

صدمت بصفعة قوية نزلت من يده على

وجهها كادت أن تفقدها توزانها وهو يقول

بغضب ناري يكاد يقتلها بتلك اللحظة :-

- ما تخرسي بقى

وضعت يدها على وجنتها مكان صفعته

بصدمة لا تصدق أنه فعلها وضربها بهذه

الأهانة وجرح كبريائها لتقول بغضب شديد

:-

- أنت بتضربنى يا يوسف

- ويفضل أن مسمعش حتى صوت

أنفاسك عشان مقتلكيش فيها يا نبض

قالها وهو يحدق بها بعيون صقر يكاد يلتهم
فريسته وأسد على وشك قتل فريسته ،
كانت عينه حمراء من شدة غضبه وعروقه
تبزر بشدة في ذراعيه وعنقه ، تقدمت نحو
الباب ليمسك ذراعها بقوة وهو يقول :-

- على فين يا ست الحُسن

- رايحة بيت أهلى وورقتى توصلى أنا مش
من الشارع ولا ضعيفة وجارية عندك عشان
تمد أيدك عليا ، وأفتكر يا يوسف أن مش
نبض اللى تتعامل كدة

جذبها من ذراعها وهو يدخلها إلى الفراش
بقوة خلفه ويقول أثناء دفعه لجسدها على
الفراش :-

- واضح أن دلعى فيكى صورلك أنك
هتتقدرى تلوى ذراعى وتأمرنى ...

سقطت على الفراش وهى تتألم ليقول

بلهجة مُخيفة :-

- أفتكري أنتِ أنى يوسف الحناوى وأن كل
اللى حواليكى حذروكى من شرى وأولهم
أبوكى اللى رايحة تتحامى فيه ، أبوكى لو
وقف قدامى ميقدرش يرفع عينه فى عينى
غير بأمر منى ..

- أنت فاكر نفسك أشرتتى ولا ايه

قالتها بغضب ليقول بجدية صارحًا بها :-

- اه شاريكى عجبك ولا لا ، اللى جوزها
يجبها من حزن راجل تانى متفتحش بوقها
وتستاهل الموت ، أحمدى ربنا أنك حامل فى
ابنى لأنه هيطول فى عمرك تسع شهور لحد
ما تولدى ولو ربنا بيحبك هياأخذك فى الولادة

لأن موتك على أيدي يا نبض هيبقى أبشع
مما تتصورى

- أنت متقدرش تموتنى يا يوسف ، أنت
بتحببنى ودا نقطة ضعفك

قالتها بتحدى ليصفعها مجددًا وهو يقول :-

- دا ضعفى اللى بتقولى عليه ...

مسكها من شعرها بقوة وهو يقول :-

- متستفزنيش يا نبض عشان منهيش
عمرك دلوقت وظط فيكى أنتِ واللى فى
بطنك هو مش هيحميكى من شرى كثير ،
أهدى كدة وكونى زى أى كرسي مبחסش
بوجوده دا لو خايفة على اللى فى بطنك زى
أى أم .. صدقيني يا نبض أنا مفيش أسهل
من موتك عندى

- لدرجتى !!

قالتها بعيون دامعة وهى تتألم من قبضته

ليقول :-

- الست اللى تخونى وأشوفها فى حضن راجل

تانى وهى مراتى بحكم عليها بالموت ، وأنتِ

الحكم بموتك مستنى التنفيذ لما تولدى

ولحد ما تولدى مش هتشوفى نور الشمس

هتعيشى سجينه فى الأوضة دى واقعدى

بقى الباقى من عمرك ادعى ربنا يغفرك

خطيئتك .. أنا متخانش يا نبض ، مش

يوسف الحناوى اللى يتخان

تركها وغادر الغرفة لتلقى بجسدها على

الفراش تتألم من طفلها وقد أزدت الألم

عليها بشدة ولم تستطيع كبتها أكثر من

ذلك ، شدة ألمها منعته من التفكير فى

الحديث معه أو الفرار من غرفته أو حتى تبرر

موقفها له

وصل "يوسف" للشركة بغضب شديد وهو يتشاجر مع الجميع على أقل سبب ، تعجب "فؤاد" لحالته وهكذا "كريم" ، لغى جميع الاجتماعات والمقابلات وظل بمكتبه حتى منتصف الليل ودلف "كريم" وهو ينظر على المكتب أمامه ٧ أكواب قهوة فقال بتعجب

-:

- مش هتروح يا يوسف

- لا مش هروح ، روح أنت يا كريم

- هو في حاجة حصلت

قالها "كريم" وهو يجلس على المكتب أمامه ، أغمض عيناه بغضب مكتوم وألم تعتصر قلبه ربما هذا القلب العاشق تعرض

للأغتصاب بما رآه وكيف سمحت لرجل آخر
بلمسها وأخذها في أحضانها ..

وقف من مكانه والغضب يلتهم صدره
وضلوعه ثم خرج من الشركة ذاهبًا إلى
القصر ربما يقتلها وتنتهي ألمه ...

عاد إلى القصر وكان الجميع نائمون ، دلف
إلى غرفته فسمع صوتها في المرحاض
تستفرغ ما في أحشائها وهي تلهث وتتألم ،
جلس على المقعد بهدوء ما قبل العاصفة
مُنتظر خروجها ، فتحت "نبض" باب
المرحاض وهي تتألم وتتكأ عليه ، رآته
جالسًا هناك لتخفى ألمها وهي تقف بقوة
رغم أوجاعها التي زادت حين أستقم ظهرها
وتقدمت للأمام نحوه الفراش فقال ببرود :-

- شايك لسه عايشة واحدة غيرك كان نهت
حياتها قبل ما أجي ، ولا أنتوا دي طبيعتكم
البجاجة

رمقته بنظرة غضب وقالت ببرود :-

- البجاجة دي اللي مدياك الثقة ومخلياتك
ترفع عينك في عيني من غير خجل بعد كلام
الصبح

وقف من مكانه وهو يمسكها من ذراعها
بقوة ويضغط عليه حتى يؤلمها وقال بصوت
قوى وهو ينظر بعيناها :-

- أحترمي نفسك يا نبض في الكلام معايا ،
لأن وقت الدلع خلاص راح ، دلوقت الكلمة
اللي مش هتعجبني هقطعلك لسانك فيها
.. أدعى أن التسع شهور دول يعدوا على
خير ومقتلكيش فيها

- لأنك قتال قتلة ومجرم متخلفش كتير
عن المجرمين اللي فى السجون ، الفرق
بينكم أنك بتتحامى فى فلوسك وسلطتك
قالتها بغضب ليرفع يده كى يصفعها لتقول
بجدية وهى تنظر له بشجاعة :-

- أعملها تانى يا يوسف ووقتها متلومنيش
على اللي هعمله ، أنا سيبتك تعملها الصبح
بمزاجى لكن لو رفعت أيدك عليا وضربتني
تانى طول حياتك مش هعديها ... أنا مش
ضعيفة ولا عاملة حاجة تخلىنى أضعف

- لا أنا أتأكدت أنكم كلكم أنجاس وزيك زى
الرخيصة اللي قبلك متخلفيش عنها بحاجة
يا نبض

قالها وهو ينظر بعينها وتابع ببرود قاتل :-

- القلم مش بس اللي ينزل على وشك من

أيدي ، أنا ممكن أقتلك بكلام يا نبض ...

- أنت مستحيل تكون يوسف .. مستحيل

أنت حد أنا معرفهوش

قالتها بحسرة وهى تذهب للفراش فلم يعد

جسدها يتحمل الألم ليقول بنبرة هادئة باردة

-:

- دا رد فعل لفعلتك يا نبض ، لو أنا حد

متعرفهوش فأنتِ حد أكره أشوفه وأتمنى

أشوف موتك دلوقت قبل كمان شوية ،

أشوفك جثة أهون ما أشوفك فى حضن

واحد تانى جايبلك وردة حمراء يا مراتي يا ام

ابنى ... ياريتنى كنت شوفتك ميتة يا نبض

أهون بكتير

صدمت بهلع من حديثه وهو يقف أمامها
ويتمنى موتها ، دمعت عيونها بحسرة قلب
وهى تشعر بأنشقاق قلبها بين ضلوعها
وكيف لحبيبها تمنى موتها ، خرجت من
الغرفة لتجهش فى البكاء بقوة بسبب جملته
الأخيرة

----- تاابع -----

#ملك_فقيد_الحب

#نور_زيزو

#نورا_عبدالعزيز

#ملك_فقيد_الحب

___ الفصل التاسع عشر (19) ___

----- بعنوان " شيء مُخيف " -----

مر أسبوع ولم تراه أبدًا لم يعود للمنزل وإذا
عاد يبقى في المكتب بالأسفل لم ترى حتى
وجهه ، دلفت السكرتيرة إلى مكتبه تخبره
بوصول "نادين" دقائق ودلفت له ثم جلست
على المقعد أمام مكتبه فقال ببرود :-

- خيرا دكتورة ؟

- نبض مبتجيش المستشفى ليه ،
وتليفونها مقفول وروحت القصر مرضيوش
يدخلوني أشوفها

قالتها بنبرة هادئة ليرفع نظره لها بعد أن
أغلق الأوراق الموجودة أمامه وقال ببرود :-

- نبض مش هتشتغل

- أزاى فى دكتورة بتبطل شغل؟؟

- فى عادى جدًا وأنا مش فاضي للكلام دا ،
تقدرى تتفضلى

قالها وهو يعود بنظرة للأوراق فقالت بغيظ

وأنفعال :-

- يمكن حضرتك تبطل شغل وتقعّد في البيت لأن كل اللى بتعمله أمضي على ورق ، لكن لو دكتوراة بطلت شغل في ناس بتموت .. نبض متعلق في رقبتها ارواح كتير ولو ماتوا بسبب أن الدكتوراة أهملتهم ومعملتش العمليات ليهم ذنبهم هيكون فرقبة نبض ، حضرتك ممكن تكون فاهم موضوع خالد غلط.

صرخ بها حين ذكرت أسمه وقال بقوة :-

- أطلعى برا ويا ريت متجيش هنا تانى

رمقته بأختناق سافر والقت ملف على

مكتبه وهى تقول :-

- دى تحاليل نبض عملتها لما جت
المستشفى بخصوص الحمل ، مراتك
بتموت بالبطيء والدكتورة مُصرة تشوف
حضرتك عشان الحمل خطر على نبض
هي موتها ... يا ريت دا كمان ميكونش بلا
قيمة عندك وتمر على الدكتورة اللي بتحول
توصل لنبض من تانى يوم خدتها فيه ...

سارت نحو الباب بعد حديثها وفتحت الباب
ثم قالت بجدية :-

- اه صح لو الجنين كمل ٤٠ يوم وبقى روح
أحتمل يقتل نبض فى الحال لو عاوز تشوفها
ميتة تنطش الموضوع

خرجت من المكتب وأغلقت الباب بقوة ،
نظر للتحاليل وهو لا يفهم بها شيء وبصدمة
قاتلة ربما تحجج بحملها حتى يهدأ غضبه
وناره ويغفر لها ما رآه .. أخرج هاتفه وأتصل

برقم الطبية الموجودة على التحاليل
فأخبرته أنها بانتظاره لأن حياة زوجته في خطر
شديد ما دامت تحتفظ بهذا الجنين
ليغمض عينه بقلق وغضب مكتوم ثم ذهب
لها في الحال فقالت وهي تجلس أمامه :-

- كلامي معناه أن مدام نبض عندها مشاكل
صحية في الرحم تمنعها أنها تحمل أو تخلف

- أزاى وهى بالفعل حامل

قالها بعدم فهم وقلق لتُجيبه وهى تقول
بأسف :-

- هى فعلاً حامل بس أنا أسفة لازم تعمل
عملية إجهاض فوراً وبعدها تمشي على
وسائل منع الحمل عشان ميتكررش الحمل
، لأن كدة كدة هتفقد كل حمل زى الأول
بالظبط ، ربنا خلق رحمها كدة

- أنا مش فاهم أيه يمنعها تخلف مادام
بتحمل ومش عقيمة

- عشان نحافظ على حياتها ، إحنا لو قدرنا
نحافظ على الطفل فى بطنها تسع شهور
هنجى لحظة الولادة وأنا بنفسى هخيرك بين
الطفل والأم وفى الغالب مش هلحق أخيرك
وهتكون خسرت الأم من قبل ما تدخل
أوضة العمليات ...

مسح وجهه بغضب شديد وهى تخبره بأنه
لن يكون اب أبداً أو بالأحرى لن يكون أب
لمولد من حبيبته فهى نبضه مهما كان
غضبه منها هى مُتوجة على عرش قلبه رغم
عنه وعنهما ، تخبره أنه إذا اراد أن يكون أب
منها سيقتلها هى .. خرج من المكتب ومن
المستشفى كاملة بغضب وذهب إلى أحد
الجوامع يُصلى ويبكى فجاءه شيخ كبير فى

السن وشعره أبيض كاملاً مُتكيء على

عكازه ، يربت على كتفه وهو يقول :-

- مالك يا يوسف ...

- تعبان يا شيخنا ، كنت تعبان من شغلى

لحد ما نبض دخلت حياتى بقت سبب تعبى

وراحتى فى نفس الوقت

- بتجى كل يوم تصلى هنا وتشكر ربنا على

مراتك ولما توزع هدايا على المحتاجين

بتقولهم يدعوا لمراتك وبيباركلك فيها ... هى

دى نبض اللى بتكلم عنها

دمعت عينه بوجع وقال :-

- هى ، نبضة حياتى اللى كل فرحة لينا

مبتكلمش ، ليه يا شيخنا فرحتى مبتكلمش

، ليه عامل زى اللعنة كل اللى يقرب منى

يتأذى وبس ، أنا لا عمري أذيت حد ولا جيت

على حد ، ومبسبش فرض لربنا وبساعد
المحتاجين على قد ما أقدر ... ليه مستكتر
عليا الفرحة

- أهدي يا بنى ومتقولش ليه لربنا ، ربنا له
حكمة فى كل حاجة بتحصلك وربك
مبيجبش غير الخير

اجابه وهو يبكى بضعف :-

- فىن الخير فى أنه يحرمنى من كل طفل ، لو
كنت عقيم كنت هبقى عارف أن عمرى ما
هكون اب ، لكن ليه يدينى النعمة ويجبرنى
أنى أتنازل عنها ...

- أستعيذ بالله من الشيطان يا بنى
ومتكفرش ربنا مبيتقالوش ليه ؟ ولو حرمك
من الأطفال فهو أنعم عليك بالصحة والمال

والحب والمكانة وغيره كثير ، ربك بيقسم

الأزراق بالعدل

كانت "نبض" نائمة بفراشها بعد أن أخذت
المسكن حتى يخفف ألمها فشعرت به
يجلس على الفراش بجوارها ويمسك ذراعها
لتستيقظ بهدوء وهي تقول :-

- لو عاوز تتخانق وتقول كلام سم فأجله ، أنا
تعبانة ومش قادرة

جذبها بقوة من ذراعها لتجلس أمامه
وتلتصق بصدره ليطوقها بضعف ، قالت
بدهشة وهي تسمع صوت بكاءه وشعرت
بدموعها الحارة على كتفها العارى :-

- مالك يا يوسف ؟؟

أبعدته عنها وهى تنظر بوجهه بعد أن فتحت
الأضواء تراه يبكى بقهرة وعيونه حمراء من
شدة البكاء ، أتسعت عيناها بصدمة لأول
مرة تراه بهذا الضعف وسألته :-

- حصل أياه يا يوسف ؟؟

- أسف .. أسف لو أنا السبب فى تعاستك ،
أسف لو أنا السبب فى أن مفيش فرحة
بتكملك

أخذت وجهه بين كفيها الصغيرين وقالت :-

- مالك يا حبيبي حصل أياه ؟ ، لو زعلان
منى عشان اللى حصل واللله أنت فاهم غلط
وأسفة بس متعيطيش وحياتي

رمقها بضعف وقال :-

- لو طلقتك وخرجتى من حياتى تفتكرى
فرحتك هتكمل يا نبض ، لو طلعتى من

حياتي ممكن حياتك ترجع لأستقرارها

وهدوءها اللي من خوف وخسارة

- أنت بتقول أياه يا يوسف ، لا طبعًا أنا حياتي

جميلة دلوقت بوجودك

قالتها بحب وهى تجفف دموعه ، عانقها

بقوة وهو يقول :-

- أسف والله أسف وسامحنى لان معنديش

حاجة أقدر أعملها غير أنى أعتذار لو أقدر

أشتري الصحة والفرحة هشتريها لكنها

حاجات مبتجيش بالمال .. حاجات عاجز

أعملها رغم كل اللي عندى

أربتت على ظهره بهدوء وهى لم تفهم ما

حدث ولما حبيبها عاد مُنهر هكذا وضعيف

يختبيء بها كالطفل الصغير ، وعلى ماذا

يعتذر لن تفهم شيء سوى أن هناك كارثة

حلت به ولم يتحمل حملها فأنهار هكذا
أمامها وفقد قوتها وصرامته ...

نام بين ذراعيها وهى تقرأ له القرآن فى اذنيه
وتمسح على رأسه بلطف ، مُتناسية كل
غضبه وشجارهما فما زال الحب يشعل
قلوبهم

وصلت "ميرا" إلى فيلا والدها بصحبة
"ميادة" بعد عقد قرانهما من جديد ، دلفت
"ميرا" إلى مكتب "عصام" وقالت :-

- بابا .. أنا ليا طلب عندك ؟

- امرى يا حبيبتي ؟؟

- متأذيش يوسف ، أنا بحبه يا بابا أكثر من

روحى

تبسم لها وهو يقول :-

- هنتكلم فى الموضوع دا لما ترجعى من
ألمانيا

نظرت له بدهشة ثم سألته :-

- انا هسافر المانية ؟ ليه ؟

- عشان تبقى أم ، أنا كلمت دكاترة هناك
وأكدولى أن فى احتمال تكونى أم

أوسع عينها بدهشة وتلألأت دموع الفرحه
فى عينها ووقفت من مكانها وهى تقبله
بسعادة وتقول :-

- بجدي بابا ،، أنا مش عارفة اشكرك أزاى
والله أنت كدة هتخلينى أسعد واحده فى
الدنيا كلها .. أنا بحبك أوى

- وأنا بحبك يا حبيبتي ومش عاوز غير

سعادتك

قالها وهو يربت على ظهرها بحنان

ويحتضنها فقالت بسعادة :-

- معقول ممكن أكون أم وأخلف أنا ويوسف

- هتخلفى فريق كرة كمان

تبسمت بسعادة وركضت للخارج مُسرعة ...

أستيقظ "يوسف" صباحًا فوجد نفسه نائمًا

بين ذراعيها ، نظر لملامحها وهى نائمة

بجواره كملاك بريء ، أخرج نفسه من بين

ذراعيها وهو يشعر بأشمئزاز وأمام عيناه

تقف بين ذراعي هذا الرجل ، بدل ملابسه

سريعًا وخرج من القصر ذاهبًا إلى الشركة ،

توقفت سيارته أمام الشركة فترجل منها ثم

رأى "ملاك" تقف أمام باب شركته تمنعه
من الدخول مُرتدية زى المستشفى وتحمل
وردة حمراء بيدها وبالأخرى تمسك حامل
المحلول الطبى المعلق بالكانولا ، تقدم
نحوها وهو يقول :-

- مين دى ؟ وبتعمل ايه هنا ؟

- عاوزه تقابل حضرتك

قالها حارس الأمن ، وقف "يوسف" أمامها
وقال :-

- نعم

أعطته الوردة وهى تقول بهدوء :-

- نتكلم شوية لوحدنا

أخذها إلى مكتبه وجلس ثم طلب لها العصير
وقال :-

- ها بقى أتكلمى ، أنا ورايا شغل

- فين دكتورة نبض

أعاد نظره لها من جديد وانتبه إلى زى

المستشفى وقال :-

- شكلك من المرضي بتوعها

- وعمليتى الشهر ومحدثش هيعملها غير

دكتورة نبض

- بس نبض مش هترجع المستشفى هى

تعبانة

تحدثت "ملاك" بغضب شديد قائلة :-

- أنت كداب ، أنت مانعها ترجع المستشفى

عشان دكتور خالد ...

نظر "كريم" لها بغضب وهو يقول :-

- أتكلمى بأدب

- سيبها يا كريم .. عيلة صغيرة

صرخت به بأختناق :-

- أنا مش صغيرة وأنت غبي ، وضربت دكتور

خالد أنت المفروض تشكره عشان أنقذ

مراتك ، دكتورة نبض كانت تعبانة أوى يومها

وكانت هتقع لولا هو ساعدها ، كانت هتخسر

ملاك

نظر لها بدهشة وأنقبض قلبه بوجع ليسألها

"كريم" :-

- ملاك !!

- اه النونو هتسميه ملاك على أسمى

قالتها "ملاك" بأغتيال ثم تابعت :-

- على فكرة الوردية دي أخت الوردية اللي أنا

اديتها لدكتورة نبض وقتها .. وعلى فكرة أنت

غبي أوى عشان تفكر كدة فى دكتورة نبض
، كل المستشفى بتحبها وأنت جوزها شكلك
مبتحبهاش

- تعالى يا .. ملاك صح .. تعالى

قالها وهو يشير لها بأن تلف له ، لفت حول
مكتبه فمسكها من ذراعيها وقال بنبرة هادئة
-:

- أنتِ لمضة أوى ، تعرفى أنك الوحيدة اللي
كلمتيني كدة ولسه عايشة

- عشان مغرور !!

قالتها وهى تعقد ذراعيها أمام صدرها ،
تبسم بحنان وقال :-

- أوعدك لو نبض قامت بالسلامة وربنا كمل
فرحتى على خير هسميها ملاك لكن لو

حصل اللي خايف منه مش هسميها ملاك
يمكن أسمها نبض

- وأيه اللي خايف منه بقى؟؟

سألته بلماضة وهى تناقره ، ظهر الخوف
بملامحه وهو يتذكر حديث الطيبة عن
زوجته فقال بذعر :-

- شيء مخيف جدًا جدًا ممكن يقتلنى
بالحياة

- لو خايف بجد أنه ميقتلكش متزعلش
دكتورة نبض وخليها ترجع تعملى العملية
عشان ما أموتش أنا

قالتها "ملاك" بعفوية فتبسم لها ، خرجت
من المكتب وجلس بهدوء صامتة يفكر فى
حديث الطفلة وينظر للوردة وقال :-

- كريم !! ... أنا ظالم؟؟

- لا طبعًا عمرك ما ظلمت حد مجاش عليك

وجعه قلبه وهو يقول بأستياء :-

- ظلمت أغلى ما في حياتي يا كريم ، يوم ما

أظلم .. أظلم أغلى ما عندي وأوجعها

- البيوت كلها مشاكل يا يوسف والستات

عقلها صغيرة بكلمة حلوة بيتصالحوا

- نبض مش منهم

قالها وخرج من المكتب وذهب إلى القصر ،

توقفت قدمه قبل أن يصعد للدرج منعه

عقله من مصالحتها ومسامحتها ، دلف

للمكتب بدل من مصالحتها ...

صعدت "تهاني" تخبرها بعودته ، تبسمت

وهو تركض للأسفل مُرتدية بنطلون جينز

وبلوفر مسطردة قيصر تدخله من الأمام في

البنطلون وبقدمها شبشب على هيئة أرنب

فرو ، تنهدت بهدوء تجمع شجاعته وفتحت
الباب لتراه واقفًا أمام الشرفة ، نظر للباب
وحين رآها جلس ببرود على مكتبه وفتح
الملف الموجود عليه فقالت وهو تدخل :-

- ممكن أتكلم معاك شوية من غير عصبية

- أطلعى برا ، أنتِ بتنكشي على موتك
وبتستعجليه ليه يا نبض

قالها وهو ينظر فى الورق الموجود على
المكتب ونظارة النظر على عينه ، أردفت
بلهجة هادئة وهى تجلس على المقعد أمام
المكتب :-

- يوسف والله أنك ظالمنى ...

- أسكتِ يا نبض .. أسكتِ

قالها بأختناق يقطع حديثها لتقف من
مقعدتها وتلف حول المكتب وهى تلف

مقعده صاحب العجلات وتجلس على قدمها

أمامه ثم قالت :-

- يا يوسف أعقلها معقول هكون بقولك

وحشتنى وأخونك .. أنا مش بالقذارة دى ،

أنت عارف أنى بحبك وواثق أنى مش عاوزه

غيرك فى الدنيا دى ، بلاش تقسي عليا

- واللى بتحبنى كانت فى حضن راجل تانى و

ماسكة فيه بأيدها ليه بتكشف على قلبه ...

أنتِ زيها يا نبض بس عارفة وجعك أكبر ليه

لأنى حبيتك لو مكنتش حبيتك كنت قتلتك

وأنتِ فى حضنه وأرتاحت من الوجع اللى

حاسه

مسكت يده بعيون دامعة وقالت بحزن :-

- والله مش زيها خالص، أنا مش رخيصة

أوى كدة ، خالد كان قدامى من قبل ما أنت

تدخل حياتى ومع ذلك ملفتش نظر ،
معقول هبصله دلوقت وأنت فى قلبى
وحياتى .. أعقلها يا يوسف وبلاش فراق
وقسوة

- أطلعى برا يا نبض ، سيبنى لأن كل ما
بشوفك .. بشوفك وأنت فى حضنه وأنا
بحارب عقلى وهو بيقولى أقتلك فى الحال ..
أبعدى عنى لأنى وحش أووى فى قسوتى
قالها بأختناق وهو ينظر بعيد عنها ، أردفت
بترجى وبكاء قائلة :-

- وحياء ابنى اللى فى بطنى اللى عمرى ما
هحلف به كذب أنك ظالمنى وجراحنى
بكلامك وقسوتك عليا ، انا بتفهم وبعذرك
موقفك وأن فى حته جواك خايفة من اللى
حصل زمان معاك بس والله أن قلبى ما
قادر يستحمل قسوتك وبُعدك عنى كل دا

- مكنش لازم تكررى اللى حصل مادام
قسوتى وجعاكى ، مكنش لازم توجعنى كدة
بعد ما دخلتى قلبى ، مكنش لازم الوجع دا
يجى منك أنتِ يا نبض ..

قالها بتعب شديد وتهكم ، نظرت له وهى
تأخذ يده وتضعها على وجنتها وقالت بيبكاء
شديد ولهجة واهنة :-

- بصلى يا يوسف .. ها يا حبيبي بصلى
والمسنى أنا نبض حبيبتك ، نبضة قلبك
والله أنا .. متقساس عليا كدة

نظر لها وهو يشعر بدموعها على يده
فأغمضهم بغضب مكتوم ، شعرت بيده
تسلل إلى عنقها وتحول من لمسها إلى
خنقها ، هلعت بخوف وهو يخنقها بيده
ويقول بغضب :-

- نبضة قلبى اللى عاوز أخلص منها ومن
لعنتها على قلبى .. موتى وأرحمىنى بقى
وقف من مقعده وهو يضغط على عنقها
لُتتمتم وهى تلهث بتعب قائلة :-
- يوسف أنا نبض والله مش ميرا ... أنا نبض
حببتك .. ها نبض.....

قطعها وهو يجذبها نحوه بقوة ويقبلها بقوة
ويترك عنقها ، تشبثت به بقوة وأشتياق
ليبتعد عنها وهو يمسك وجهها بيديه ليضع
جبينه على جبينها وعيونه مغمضين ثم قال
هامسًا :-

- أعمل أياه فى قلبى اللى حبك ، أقسى
عليكى أزاى وأنا مسامحك على طول حتى
لو غلطانة .. أعمل أياه فى حُبى لك اللى فاق
كل قدرتى

- والله بحبك يا يوسف أكثر من روحى كلها

عانقها بقوة لتتشبث به بضعف ممزوج
بشوق ، كان يعانقها بقوة وكأنه يريد زرعها
بداخله حتى لا يراها رجل أخرى ، غمغم
بهدوء هامسًا فى أذنيها :-

- كفاكى وجع يا نبضة قلبى

- كفاياك أنت بعد وفراق يا حبيبي

قالتها وهى تغلق قبضتها على سترته فوق
صدره بقوة لا تريد فراق أحضانه الآن بعد
هذا الفراق الذي دام كثير لكن طفلها لم
يتركها بهذه السعادة فعادت ألمها مُجددًا ،
تجاهلت وهى تستمتع بصوت ضرباته قلبه
حتى اشتداد الألم وأبتعدت عنه مُتألمة وهى
تضع يدها أسفل بطنها بتعب وتتألم :-

- ااه .. أممممم

- مالك يا نبض ؟

سألها بهلع لكنه صُدم حين رأى دماء تلوث
بنطلونها بطول قدميها ، وهي تجلس على
الأرض بخوف وتبكي من رؤية الدماء وتقول
-:

- يوسف .. ابني !!

حملها على ذراعيه بخوف وهو يتذكر حديث
الطبيبة ويتمنى لو مات طفله على أن يفقد
محبوبته وامراته الجميلة ، تشبثت به وهي
تبكي بهلع حتى وصل إلى المستشفى ،
فحصتها الطبيبة وهي ما زالت تمسك يده
وهو يراها تبكي وتضغط على يده ، نظرت
الطبيبة له بحزن ليفهم ما حدث وأنه خسر
طفله كما قالت له

_____ تابع _____

#ملك_فقيد_الحب

#نور_زيزو

#نورا_عبدالعزيز

#ملك_فقيد_الحب

___ الفصل العشرون (20) ___

___ بعنوان " خبر وفاة " ___

جلست الطيبة على مكتبها وأمامها "نبض"
و "يوسف" فسألتها "نبض" بقلق :-

- خير يا دكتورة ، أنا بتعب ليه كدة والدم دا
أيه؟؟

- دم زيادة أنتِ أخذتى دواء سيولة .. بس
مش دى المشكلة

تبسمت "نبض" بسعادة وهى تقول :-

- يعنى النونو بخير !!

أومات لها الطيبية بصمت فنظرت لها ول

"يوسف" بتعجب وقالت :-

- أمال فى آيه ؟؟ مالك يا يوسف مش

مبسوط يعنى

صمت ولم يجيب فتحدثت الطيبية :-

- دكتورة نبض ، أنتِ دكتورة وعارفة أن فى

حالات مبيكونش فى أيدينا حاجة لعالجها

- فى آيه ؟ آيه المقدمة دى

سألتها "نبض" بقلق فأجابتها الطيبية :-

- يمكن البببى يكون بخير وصحته كويسة

كمان ومفيش اللى يمنع وجوده أو أكتمله

لكن المشكلة فىكى أنتِ وفى صحتك ...

نظرت "نبض" لها بعدم فهم ثم إلى
"يوسف" وهو صامتًا وكأنه يعرف ما
ستقوله الطبيبة .. تابعت الطبيبة قائلة :-
- بمعنى أدق وعشان أكون صريحة معاك ،
أنتِ لازم تعملى عملية إجهاض لأنك
متقدريش تحملى
وقفت "نبض" من مكانها وهى تصرخ
بانفعال :-
- أنتِ بتقولى أيه ؟؟
وقف "يوسف" وهو يمسك يدها ويقول :-
- أهدى يا نبض أرجوكى
- أنتِ مش سامعها بتقول أيه ؟؟
جعلها تجلس مُجددًا وهو يقول :-
- أسمعيتها يا نبض !!

- مدام نبض أنتِ رحمك أتخلق كدة ، ربنا
خلقك كدة دى حاجة مش بأيدينا لو الحمل
فضل حياتك هتكون فى خطر ، ولو كمل فى
الولادة هنخير أستاذ يوسف بينك وبين
الجنين

- أنا موافقة لكن منزلهوش

قالتها بغضب ودموعها تتلألأ فى جفنيها

ليتحدث "يوسف" بضيق وغضب :-

- لا طبعًا ، أنتِ هتنزليه .. أنا مش هجازف

بحياتك

- وأنا مش هحرمك من أنك تكون أب

قالتها ببكاء لتتحدث الطبيبة قائلة :-

- طيب ممكن تتناقشوا سوا وتقرر لكن

خدى فى بالك أن باقى يومين ويكمل ٤٠ يوم

ويبقى روح .. عن أذنكم

تركتهن الطبيبة ليتحدثا معًا ، نظرت "نبض"

له وقالت :-

- يوسف عشان خاطرى

قطعها بجديّة وهو يقول :-

- دى مفيهاش خاطر ك وخاطرى دى فيها

عقل .. أنا مش هقتلك عشان أكون أب

لطفل يتيم وأمه ماتت فى الولادة

- يا يوسف الأعمار بيد الله

قالتها ببكاء ليقول بحزم :-

- وأنا مقولتس حاجة لكن علميًا دا اللى

هيحصل لو خدنا الخطوة دى

- وأنا مش هنزله يا يوسف ، ولو أجبرتنى أنا

هموت نفسي

قالتها بتحدى وأصرار ثم فتحت باب المكتب

وولجت الطيبة تقول :-

- قررته أيه؟؟

- هنخليه

قالتها "نبض" بجدية فنظرت الطيبة لهما

وقالت بحزن :-

- ماشي أولاً مفيش شغل نهائي والتسع

شهور هتكونى فى سديرك مفيش أى حركة

نهائي ... نهائي يا دكتورة

تأففت وهى تقول :-

- حاضر

- والعلاج دا بالمواعيد بالثانية

قالتها الطيبة وهى تكتب العلاج بالروشته ،

أخذتها "نبض" وخرجت ليخرج خلفها ، عاد

بها للمنزل غاضبًا متخاصمين ، دلفت هي
أولاً ثم دلف هو بوجه غاضب فسألته
"صباح" :-

- في أيه ؟؟

- أووووف مفيش

قالها ودلف للمكتب وهو يقول بغضب :-

- تهانى ... هاتلى حاجة أتغطى بيها

- هو يوسف هينام فى المكتب ولا دى

تهيات

قالتها "سارة" وهى تقف بجوار والدتها

فقالت "صباح" :-

- أنا مبقتش فاهمة حاجة للأثنين دول ، كل

شوية خناق وخصام زى ما يكون حد

باصصلهم فى الجوازة دا أنا تعبتلهم

- وأنا والله

دلفت "صباح" خلفه لتراه نائمًا على الأريكة
بالمكتب فقالت :-

- ممكن أفهم في أيه بالظبط؟؟ أنتوا أيه
محسدين يا ابني

- الله يباركلك يا أمى سيبنى فى حالى ، أنا
مش ناقص ولا قادر أتكلم

قالها وهو يضع يده على وجهه ، أبعدت يده
بجدية وهى تقول :-

- حصل أيه يا يوسف ؟ مخاصم مراتك ليه
المره دى يا يوسف بيه .. لأحسن أنتوا لو
متخانقتوش تموتوا

- عشان نبض مجنونة ، جوزتينى واحده
مجنونة ومتخلفة عقليًا

قالها وهو مُغمض العينين ، تبسمت
"صباح" حين رأت "نبض" تقف على باب
المكتب وتستمع لحديثه فقالت :-

- وأيه كمان يا ضنايا ..

- هو في أكثر من أنها تكون متخلفة عقليًا ..
نبض مكانها الوحيدة السرايا الصفراء ،
العباسية حاجة كدة معندش ذرة عقل
جلست "نبض" على الأرض بجواره وقالت
بأغتيال :-

- وأيه كمان يا حبيبي ؟؟

فتح عيناه بدهشة حين رآها وقال وهو
يعتدل في جلسته :-

- أنتِ بتعملى أيه هنا مش قولنا مفيش
حركة ؟

- جيت أكتشف خياتك وغشك .. بتغشنى

من قدامى بحبك ومقدرش أعيش من

غيرك ومن ورايا مختلفة ومجنونة

- والله أنكم أنتوا الجوز مجانيين

قالتها "صباح" وخرجت من المكتب ، أوقفها

من الأرض لتجلس بجواره وقال :-

- الدكتورة قالت متتحركيش

- ما أنت مخلصمنى

قالتها وهى تنظر لعينيه بحزن وضع قبلة

على جبينها وقال :-

- أنا خايف عليكِ يا نبض مش مخلصمك ..

أنتِ بتقاوحى لأنك مش فاهمة أنا حاسس

بأيه لو جراللك حاجة أنا هكون ميت بس حي

- متقلقش يا يوسف وأدعى ربنا
هيستجبلك لسه فى أمل ولو ١٠٪ أننا نخرج
سوا ونربى ابننا مع بعض .. أدعى ربنا
وسيبها عليه

عائقها بشدة وهو يقول بنبرة واهنة وترجى

-:

- يا رب يا نبض ... يا رب مبقولش غير يا رب
تبسمت بهدوء وهى تربت على ظهره بحنان

.....

وقفت "ميرا" فى المطار مُبتسمة بسعادة
تغمرها رغم عُربتها لكنها ستحقق حلمها
وسيكون بمقدرها القدرة أن تكون أم وربما
عقلها يخبرها بأن هذا سبيلها الوحيد للعودة
إلى حبيبها

- بابا أنا مش عارفة اشكرك أزاى؟؟

مسح على رأسها وقال بحنان :-

- تشكريني أزاى يعنى ، مفيش الكلام دا
المهم تلتزمى بتعليمات الدكاترة هناك
وتستحملى الثلاث شهور دول على خير

- هستحمل يا بابا والله وهعمل كل اللي
يقوله عليه

قالتها بحماس شديد ، تبسمت "ميادة" على
حماس ابنتها وفرحتها ثم ودعتها ورحلت
يملكها الحماس ويغمرها الفرح والأمل ..

أستيقظت "نبض" فى الصباح حين شعرت
بمداعبته لوجهها ، فتحت عيناها بسعادة
وهى تمطى جسدها بدلال وتقول :-

- صباح الخير يا حبيبي

- مش قادر أتخيل أنى طاوعتك على الجنان

دا

قالها بذعر يداعب قلبه فقالت ببرود :-

- تانى يا يوسف !! أنت مبتزهقش من الخناق

والكلام فى الموضوع دا

- يا نبض أنا خايف عليكى ، أنا فعلاً مقدرش

أعيش من غيرك ، اه مش هموت بس

هعيش ميت والحياة هتفقد ألوانها مش

هقدر أبص فى عين ابنى ولا أشيل وأنا عارف

أنه السبب فى موتك وخسارتك ، أنتِ

شايفها سهلة لأنك مش هتعانى معاناتى ،

أنا مش هربيه من غيرك

جلست على الفراش بأختناق وتذمر وهى

ترتدى رובהا ، هاتفة بجدية :-

- للأمانة أنا زهقت يا يوسف بقالك
أسبوعين بتتخايق وكل يوم زعيق ومشاكل ،
تقبل الموقف بقى

- أنا مش هتقبل حاجة فيها خطورة عليكى
وهفضل أتخايق ونتخاصم لحد ما تنزليه ، أنا
مش هلعب على حياتك

قالها وهو يقف من الفراش فأجابته بأختناق
وهى تقف :-

- أنت بقيت مجبور خلاص أبنيك جوا رحمى
وطول ما أنا فيا صحة هحارب عشانه
صرخ بها بانفعال وهو يقذف الزهرية من
فوق المكتب قائلاً :-

- متطلعش جنانى عليك يا نبض ، أنا
مقدرش أجازف بحياتك ولو دقيقة واحدة

فزعت من انفعاله وهى تُجيبه بتحدى وعناد

-:

- وأنا مقدرش أحرمك من أنك تكون أب

- لما أجي أشتكيلك وأقولك عاوز عيال

أبقى أتكلمى وقتها ، أنا مش عايز عيال يا
نبض ، أنا عايزك أنتِ والله عاوزك أنتِ وبس

وراضي وشاكر ربنا عليكى

قالها بغضب من عنادها فقالت بانفعال :-

- أنت كداب يا يوسف ويوم لما جتلى بتعيط

كان عشان كدة وأنك عرفت أنى مش هخلف
وكنت منهار وقتها ، بطل تكذب ولا عاوزنى

أستن لما تتجوز عليا وتجبلى درة

زفر بإختناق منها وهو يقول بغیظ :-

- يا صبر أيوب ، نبض خلفة مفيش تنسى

الموضوع نهائي وتنزلى اللى فى بطنك مفهوم

- أنا هخلف يا يوسف حتى لو هموت فى

الولادة

تركها دون أن يُجيب عليها واتجه نحو الباب

ليُصدم حين استوقفته وهى تتشبث

بذراعيه وتقول :-

- أنت رايح فين ؟

- طفشان من جنانك وعنادك

- أنت بتعمل كدة ليه ، عاوزنى أستن لما

تجوز عليا وتدخل عليا بيها هى وابنها .. أنا

هخلف بموافقتك أو غصب عنك يا يوسف

ما دام ربنا مدينى الصحة هحاول وهحاول

حدق بها بأختناق وهى لا تفهم أنها تتحداه

على موتها وتطلب منه أن يوافق على قتلها

فقال بغضب مكتوم :-

- حاولى براحتك ، أبقى ورينى هتحملى أزاى
يا نبض ، أنا مستعد أعيش حياتى معاكى
زى الأخوات وملمسكش لكنى مش مستعد
أن أخسرك ولا لثانية واحدة

تركها وخرج من الغرفة لتزفر بأختناق وضيق
وتُتمتم قائلة :-

- أنا بالفعل حامل يا يوسف وعمره شهرين
مستحيل بعد ما بقى روح أقتله ...

- أخبارك أيه ؟

قالتها "نادين" وهى تجلس أمامه على
المقعد فى المطعم (زاكس) ، أجابها "كريم"
:-

- كويس ، خدى نفسك الأول بس .. أنتِ
على طول متأخرة

- معلش بقى خليها عليك .. أطلبى أكل
عشان جعانة

قالتها "نادين" وهى تلقى حقيبتها على
المقعد الموجود على الأيسر ، تبسم عليها
وقال :-

- جعانة على طول ، عمومًا طلبتك .. عاملة
ايه؟؟

- بخير يا كيمو ، أخبار الجو بتاعك أيه ؟
حنت عليك ولا لسه

تذمر وهو يقول :-

- مفتحتش الموضوع معاها بس شكل فى
قبول يعنى ، ابتسامات وكدة

- امممم عقبال ما تنطق

قالتها وهى تأخذ فنجان قهوته وترتشف
القليل منه ، تبسم عليها وهو يقول :-
- أتمنى ذلك أكثر من أى حد أساسًا بس
دى محتاجة خطوات

جاء النادل ووضع الساندوتشات لهما ثم
غادر فأخذت سندوتش وهى ترتدي
القفازات البلاستيكية وتتحدث بحماس :-
- الحب مفهوش خطوات فيها خبط لزق
بحبك

- بس دى ليها وضعها ومكانتها
قالها بجدية وهو يعقد ذراعيه فقالت
بسعادة :-

- اممم بجد

- اه .. صحيح هتيجى الغردقة زى ما قولتلك

أجبتة وفمها به بقايا طعام :-

- مش عارفة وبعدين أنا ماليش فى جو
الأزياء والفاشون أووى وأنتوا رايعين شغل
وأنا بتخنى بسرعة

- ما أنتِ هتقعدى مع مدام نبض مش
صاحبتك ومعايا برضو

قالها ببسمة فأجابته بعفوية :-

- ماشي هشوف .. أطلبلى بيبسى عشان
ابلع الأكل دا

- أنا خارج مع بنت أختى

قالها وهو يشير للنادل مُبتسمًا عليها ، زفرت
بزمجرة مُصطنعة من حديثه ليقهقه ضاحكًا
عليها

_____ شركة SHJI _____

- عرفت أن عصام خرج من السجن

قالها "كريم" بهدوء مُنتظر رد فعل "يوسف"
، ظل ثابتًا وهو ينظر للأوراق المنثورة على
المكتب وقال ببرود :-

- أخبارك بقيت قديمة يا كريم ، أيه اللي
واخذ عقلك

- مفيش ، طب عرفت أنه أتجوز مدام ميادة
وعيشنا معاه في الفيلا

قالها بجدية ، نزع "يوسف" نظارته ببرود
وقال ساخرًا :-

- عشان فلوسه المسروقة .. قبلوا يعيشوا
بفلوس حرام عشان المظاهر ... يلا الطيور
على أشكالها تقع

تبسم "كريم" وهو يحرك القلم على
المكتب بملل وقال بجدية مُتابع حديثه :-
- ميّرا سافرت المانيا لكن ليه لسه معرفش
- ريحت وأستريحت
قالها بأختناق ثم تابع :-
- بُعدهم غنيمة يا راجل ، المهم خلصت
حجوزات الغردقة
- اه تمام

قطعهما صوت زنين هاتفه بأسم (نبضة
قلبي) تجاهله مرة وأخرى لِيُجيب في الثالثة
فأتاه صوت بكاءها بهلع وهي تخبره بأن يأتي
في الحال لأن والده توفي ..

خرج من الشركة ركضًا وخلفه "صباح"
و"سارة" على وشك الأنهيار تقريبًا ، وصل

للقصير فوجد "نبض" جالسة في الصالون
مُرتدية فستان أسود بكم وبه اسورة من
المعصم ومغلق الصدر برابطة حول عنقها
وطويل ، صوت القرآن يملئ المكان
فوقفت "نبض" بهدوء وهى تجفف دموعها
، ركضت "صباح" للأعلى ومعها "سارة" ،
هتفت "نبض" قائلة :-

- يوسف

قطعها ببرود جليدى قائلاً :-

- أطلعى أرتاحى يا نبض على منخلص
أجراءات الدفنة

تعجبت بروده فى موقف كهذا ، لم تذرف
دمعة من عينه ولم يصعد لرؤية والده كان
باردًا كالقارة الجليدية ، دلف "يوسف"
للمكتب وتركها لتصعد للأعلى بهدوء ، منذ

أن جاءت لهذا المنزل ولم تتقرب من أسرته
.. يبدو وأن ليس الملك فقط من هو فقيد
الحب بل الأسرة كاملة يعيشون في منزل
واحد ولا يعرف أحد شيء عن الآخر ، كل
شخص بهذه الأسرة يهتم لأمواره فقط
يفقدوا الحب والدفع العائلى ...

ظلت "نبض" بغرفتها طوال الليل حتى فتح
باب الغرفة ودلف "يوسف" نظرت للساعة
وكانت في تمام العاشرة مساءً ، دلف
للمرحاض دون أن يتفوه بكلمة ووقف تحت
صنوبر الماء وهو هينزع سترته ورابطة العنق
فقط ، أتكأ بذراعيه على الحائط ثم أغمض
عيناه وترك الماء الباردة فوق رأسه لتغطى
جبينه خصلات شعره الطويل حتى عيناه ،
كان يشعر بنيران ملتهبة بداخله لا تخمد أبدًا
، شعر بدفع على ظهره ليعلم جيدًا بأنها

نبضه ، جاءت خلفه ، لم يستدير لها أو
يتحرك لتلف هى وتقف بين ذراعيه والحائط
فقال :-

- أيه اللى قومك

رفعت خصلات شعره عن جبينه وهى تغلق
صنوبر الماء وتجفف وجهه بأناملها وتقول
بنبرة حزينة :-

- يوسف أنت ممكن تعيط عادى متكتمش
وجعك جواك

- أخرجى يا نبض !!

- وقوفك تحت المياة فى البرد دا مش
هيففف الوجع دا هيصيبك بالمرض
قالتها وهى تأخذه من ذراعه للخارج جعلته
يبدل ملابسه لكنه تأخر بغرفة الملابس ،
دلفت ووجدته ردل بنطلونه المبلل ومازال

بقميصه المبلل ، جعلته تجلس على الأريكة
بغرفة الملابس وتبدأ تفتح أزرار قميصه
وهي تجلس على الأرض بركبتها وهو صامتًا
بعالم آخر ، جففت صدره بالمنشفة ثم
ساعدته في أرتدى بلوفر وجلست بجواره
على الأريكة الجلدية ومسكت رأسه
بالمنشفة تجفف خصلات شعره كطفلها
الصغيرة فسمعت هممته بصوت مبحوح

-:

- تعبان يا نبض

- سلامتك من التعب يا عيون نبض ، يا
ريت أنا أتعب ولا أشوفك تعبان لحظة
قالتها بعيون دامعة وهي تلمس وجنته
بحب ، وضع رأسه على كتفه بصمت
مُغمض العينين لتُصدم حين سمعت نبوة

بكاءه ، طوقته بذراعيها وهى تربت على
كتفه بلطف وتساقطت دموعها بصمت ...

ظلت "صباح" فى غرفتها تبكى بأنهيـار ووجع
وهى تنظر لصورة "جلال" حتى سقطت
على الأرض فاقدة للوعى

___ تابع ... ___

#ملك_فقيـد_الحب

#نور_زيـو

#نورا_عبدالعزيز

#ملك_فقيـد_الحب

___ الفصل الواحد والعشرون (21) ___

___ بعنوان " تغيير " ___

دلفت "نبض" إلى غرفة "صباح" وهى تحمل

صنية طعام وتقول :-

- طنط أنا جهزتلك

لم تكمل حديثها حين رأت "صباح" على
الأرض فاقدة للوعى ، وضعت الصينية على
الطاولة وأسرعت لها وهى تنادى على
"يوسف" بهلع .. دلف للغرفة فرأها تجلس
على الأرض تحاول أفاقة والدته ، نقلها
للفراش وهو ينظر لملامحها الحزينة ووجهها
الشاحب بينما "نبض" تفحصها فسألها :-

- مالها يا نبض !!

- صدمة عصبية .. مستحملتش الفراق ..

عمومًا أنا اديتها حقنة والصبح هتكون

كويسة

قالتها وهى تقف ، سألتها "سارة" بهدوء

وهى على وشك البكاء :-

- ماما هتكون كويسة صح ...

- اه متقلقيش يا سارة هى محتاجة ترتاح

قالتها "نبض" بهدوء ، جلست "سارة" بجوار

والدتها وقالت :-

- أنا هنام جنبها مش هسيبها

أومأت لها بنعم ثم أخذت زوجها وخرجت من

الغرفة ، سألتها بجدية وهو يسير معها فى

الرواق :-

- نبض !! هى كويسة؟؟

- كويسة والله يا حبيبي ، الصدمة بس كانت

شديدة عليها

دلغا إلى غرفتهما وهو يقول ببرود :-

- أمى ، مدام صباح رئيس مجلس إدارة
الشركة أقوى من كدة ، مش لحظة فراق
توقعها كدة

جلست بجواره على الفراش وقالت :-

- فراق الحبيب يا يوسف بيكسر ومش أى
حد يتحملة ، لو أنا جرائى حاجة هتقدر تتقبل
كدة؟؟

وضع سبابته على شفيتها بخوف وقال :-

- الله يكرمك يا نبض بلاش كلام فى الموت ،
ولأنك عارفة أنه بيكسر ليه مُصرة على اللى
فى دماغك

- عشان عندى أمل فى ربنا أنه ينجي أنا وهو
، أنا مش مصرة على الولادة عشان أموت أنا
نفسى أعيش معاك العمر كله ، لكن جوايا
إحساس أن ربنا هيقف معايا ويكمل فرحتى

ولأنه قريب مُجيب بدعيه وبترجاه يكمل
فرحتنا بخير ، الجندى اللى بيحرب بيدخل
الحرب وهو عارف أن ممكن يموت لكنه
بيدخلها وعنده أمل أن ربنا ينصره ويرجعه
بخير ، أنا كمان عندى الأمل دا ، عندى أمل
أنى أديك أغلى حاجة فى الحياة ممكن تزرع
جوا قلبك الحب والحنية

- برضو بتعاندى !!

تبسمت وهى تمسح على رأسه بخنان
وقالت :-

- مسموش عناد أسمه معافرة ، بعافر
عشانك وعشانك وعشانك وعشانى فى الآخر
، ربك قال أسعى يا عبد وأنا أسعى معاك ..
ادعيلنا بس يا يوسف زى ما أنا بدعيلك
تحب

- أحب !!

قالها بتعجب لتقول بجدية :-

- يوسف أنت محتاج تحب

نظر لها بتعجب ثم وضع قبلة في قلب كفها

وقال بلطف :-

- ما أنا بحبك يا نبضى

- مش بس أنا اللي محتاج تحبها، أنت

محتاج تدخل الحب قلبك ، محتاج تحب

أهلك وتديهم الحب ، محتاج تعرف تحب

أصحابك وتقرب منهم .. معتقدش من يوم

ما أتجوزتك لاقيتك مرة خارج مع صحابك أو

حد بيجيلك ، أنت أقلمت حياتك كلها على

الشغل صحابك بقوا الموظفين عندك

ورجال الأعمال اللي بيشاركوا أو بينافسوك ،

محتاج تبص للدنيا والحياة من منظور تانى

غير الشغل

وضع خصلات شعرها خلف أذنها بلطف

وقال بجدية :-

- أنا مش محتاج أحب حد غيرك ولا يكون

فى حياتى حد إلا أنتِ يا نبضة قلبى

- بس أنت محتاج تحب يا يوسف ناس

غيرى ، أنا تقريريًا الزوجة الوحيدة اللى

بتطلب من جوزها أن ناس تانية تشاركها

قلبه ، يوسف أنت لو معرفتش تحب أختك

ومامتك مش هتعرف تحبنى أنا ولا هتعرف

تحب ابننا ..

قالتها بجدية وهى تنظر لوجهه فكانت

تعابيره هادئة وخالى من أى رد فعل ، وضع

رأسه على قدمها ومدد جسده على الفراش

وهو يحتضن يدها بيده فوق صدره وقال :-

- دائما بتطلبى منى الحاجات اللى

مبعرفش أعملها يا نبض

- أنا مش عاوزك تكون ملك فقيد الحب

تبسم بعفوية عليها رغم هدوءه وقال :-

- أنا ملك عثر على الحب فى نبضه

وضعت قبلة على جبينه بلطف وتبسمت له

بحنان

ذهب "يوسف" و"سارة" إلى دار مناسبات

أحد الجوامع بالزمالك للعزاء بينما "نبض"

ظلت بالقصر لرعاية "صباح" ، كانت تتناول

غداها فى هدوء حتى أوقفها صوت طقطقة

حذاء على الدرج ، نظرت فرأت " صباح "
مُرتدية بنطلون أسود فضفاض وبلطو أسود
تغلق رابطة حول خصرها وتحمل حقيبتها
السوداء فأسرعت نحوها وهي تسألها :-

- على فين يا طنط؟؟

- رايحة عزاء جوزي ولا عاوزه حد غيري يأخذ
عزاه

قالتها بيرود فأردفت " نبض " بزمجرة :-

- يوسف هناك يا طنط ، حضرتك تعبانة

- أنا كويسة قدامك أهو

قالتها ثم خرجت من القصر ، زفرت " نبض "
بأختناق وأخرجت هاتفها تتصل بـ " يوسف "

...

لم تتحمل "سارة" البقاء في صالة العزاء كثير
فخرجت من هناك باكية تخفى ضعفها عن
الجميع لتصدم بأحد النساء وسقطت القهوة
على حذاءها ولم تبالي فأنصرفت وجلست
على أحد الأدراج بعيد عن أنظار الجميع ،
جهشت في البكاء بحزن على فراق والدها
وهي تتذكر طفولتها معه ، رأت ظل رجل
أمامها فرفعت رأسها لترى "كريم" يجلس
أمام قدمها ويمسح حذاءها بمنديل ، جففت
دموعها سريعًا وقالت :-

- أنت بتعمل أيه هنا ؟؟

- أستاذ يوسف كلفنى بمراقبتك بس ممكن
تكملى وكأنى مش موجود

قالها وهو يقف كى يغادر بعيداً عنها
فمسكت يده بحزن وقالت :-

- متمشيش .. أقعد

جلس بجوارها على الدرج وهو يقول :-

- أنا ممكن أسمعك لكن خلىنى أعرفك
للعلم أنا مبعرفش أواسىء

جهشت فى البكاء وهى تضع وجهها بين
كفيها كطفلة صغيرة ، أربت على كتفها
بلطف وقال :-

- أهدى على الأقل

- الفراق فظيع جدًا ، إحنا كنا عارفين أنه فى
أيامه الأخيرة وكنت منتظرين رحمة ربنا عليه
لكن لما جت كانت مُخيفة وموجعة ، مكنش
نعرف أننا هنتوجع كدة لما تيجى

تحدثت بصوت مبحوح ، أخرج من جيبه
عبوة عصير وقال بينما يمد يده لها :-

- أشربى دا على الأقل جسمك هيجتاجه

عشان تقدرى تقفى

أخذته منه وقالت :-

- شكرًا

نظر لعيناها فى هدوء وقال بنبرة دافئة :-

- سارة أنا بحبك !!

أتسعت عينيها بذهول وقالت بعصبية وهى

تقف :-

- أنت عبيط .. لا أنت أكيد مجنون ومبقتش

عارف مكانك أيه وأنك مجرد واحد شغال

عندنا ، أنت مش شايف أنت فين ومين وأنا

مين ، أنا هعتبر نفسي مسمعتش اللى أنت

قولته دا ودا لمصلحتك

ألقت العصير بوجهه وذهبت غاضبة ،
أتسعت عيناه بذهول من حديثها وقسوتها
ثم ذهب إلى أحد الحراس يكلفه بمراقبتها
بدلاً منه ...

وصلت "صباح" للعزاء وخلفها "نبض"
بيلوفر أسود وبنطلون أسود كما كانت
بالمنزل دون أن تغير ملابسها ، نظرت النساء
إليها فهل هذه البلهاء زوجة "يوسف"
الشناوى ، تقدمت "جهاد" إليها وقالت :-

- البقاء لله يا حبيبتي

- ونعمة بالله يا ماما ، بابا معاك هنا

قالتها وهى تجلس على المقعد ، أومأت لها
"جهاد" ، نظرت "نبض" بتعجب إلى النساء
وقالت بتمتمة :-

- ماما هو أنا فيا حاجة غلطة ، أنا حاسة أنى

دخلت عليهم بالأحمر

- لا يا حبيبتى بس مكانتك ...

كبتت "نبض" بسمتها احترامًا للمكان

وقالت بسخرية :-

- مكانتى تمنعنى أحضر عزاء بلبس زى دا

مثلًا أول مرة أعرف أن العزاء له لبس معين

- حصل خير ، طمنينى عليكى فى الحمل ؟

سألتها "جهاد" بقلق لتُجيبها قائلة :-

- أدعيلى يا ماما أقوم بالسلامة منه ، وربنا

يقوينى عليه

- هتقومى يا حبيبتى ثقى بربك وهو مش

هيفخذلك عمر ما لجأله محتاج وردة مكسور

الخاطر ، دا رحمته واسعة

قالتها " جهاد" بتفائل ، وضعت "نبض" يدها

على بطنها بلطف وأمل ...

دلف "كريم" ببرود تام إلى "يوسف" وأخبره

بوصول زوجته ليغمض عينيه بغضب من

مغادرتها للفراش بل للقصر بأكمله رغم

تحذيرات الطبيبة ، هذه الزوجة ستقتله يومًا

بعاندها وعدم سماع الكلام بتمردھا ..

كاد أن يخرج ليوقفه رجل قدم يده إليه

ويقول :-

- البقاء لله ..

نظر "يوسف" ليرى "عصام" أمامه وينظر

بشماتة له ، لم يصافحه "يوسف" ووضع

يديه في جيبه وقال :-

- ايه اللي جابك ؟

- أنا جوز أخت المتوفى وجيت أعمل الواجب

قالها بغرور فنظر "يوسف" له بأختناق وقال

ببرود :-

- الباب اللى جيت منه تطلع منه بدل ما

تحصل المرحوم

- مش يمكن حد تانى اللى يحصل المرحوم ،

أنت عارف الواحد نبضه بيكون ضعيف جدًا

قالها ببرود وتهديد ، نظر "يوسف" له

بأغتيال وهو يذكر أسم زوجته ويهدده بأن

"يوسف الحناوى" أصبح ضعيف بها ، تبسم

"يوسف" وهو يتقدم خطوة نحوه بثقة وقال

بتهديد صريح :-

- خلى بالك أن ألمانيا مش بعيدة عن أيدي

ومكالمة تليفون منى ممكن يوصلك بعدها

خبر مش لطيف زى مثلا وفاة ميرا أثناء

الجراحة بسبب نزييف أو ظروف صحية ...

أزدرد "عصام" لعباه بخوف فهو يعلم كل
شيء عنه وحتى عن سبب سفر ابنته
ويراقبها ، أردف بتوتر ملحوظ :-

- زى موت نبض فى الولادة كدة ودى محدش
هيشك فيها لأنها يا حرام عارفة دا وأنت
كمان والدكاترة هتأكد دا

- أنطق أسمها مرة ثالثة وهتكون فى قبرك دا
لو لاقيت قبر يلمك

قالها بجدية وغضب قاتل ثم أنصرف للخارج
قبل أن يفقد سيطرته ويقتله حقاً فتمتم
"عصام" قائلاً :-

- أكيد هى ثمن كل اللى حصل فى بنتى لكن
اللى حصل معايا ثمنه عمرك أنت يا يوسف

تقدمت "ميادة" نحو "صباح" ، رأتها "صباح"
وهى تتقدم نحوهما فقالت مُتمتمة إلى
"نبض" بهمس :-

- متنطقيش بحرف واحد مهما أتكلمت
أومأت لها بنعم ، وصلت "ميادة" أمامهما
وقالت :-

- البقاء في حياتك يا صباح

نظرت "صباح" إلى يدها الممدودة وقالت :-

- بتعزيني في أخوكى ، على حد ما أعتقد أن
المفروض تقفى تأخدى عزاءه ... اه صح
نسيت أنك مش من العيلة ..

- صباح أنا ..

تحدثت "صباح" بجدية وهى تقول :-

- أنتِ جاية ليه ؟ أطلعى برا

- أنا غلطانة أنى جيت أعمل الواجب والأصول

قالتها بغيظ لتبتسم "صباح" بمكر وقالت :-

- الواجب !! دا مفهومك عن العيلة لأنك لو

تعرفى يعنى أيه عيلة مكنش حصل كل اللى

حصل ... أطلعى برا الواجب بتاعك إحنا فى

غني عنه

غادرت "ميادة" لتقابل "يوسف" فرمقته

بنظرها وذهبت ، رأته "نبض" بالخارج

فذهبت إليه ، سألتها بغضب :-

- أيه اللى جابك يا نبض ؟ هو دا اللى

هسمع كلام الدكتور

- طنط خرجت من القصر وهى تعبانة

خوفت عليها

قالتها بحزن ليقول وهو يسمك ذراعها بغيظ

وقوة :-

- هى تعبانة وأنتِ أيه؟؟ مش هتبتلى

عنادك دا وعدم سمعان الكلام

- هو كل حاجة عندك عناد يا يوسف ، أنا

بجد كنت قلقانة عليها

قالتها بحزن لِيُجيبها بغضب سافر :-

- روى يا نبض ولىنا كلام فى البيت !!

- أنا جيت خلاص خلىنى وهروح معاك أنا

معيش عربية

تأفف بأختناق وهو يتحاشي النظر لها فوقع

نظره على "عصام" يتسم له بسخرية وهو

ينظر على "نبض" فقال :-

- أدخلى ومطلعيش غير لما أكلمك .. فاهمة

يا نبض

أومأت له بنعم ودلفت مُجددًا ، عاد
"يوسف" لقاعة الرجال وجلس بجوار "فؤاد"
ليقول :-

- هدى نفسك يا بنى، هو جه هنا مخصوص
عشان يحرق دمك

- أنا هحرقه هو مش دمه

قالها "يوسف" بزمجرة ليربت "فؤاد" على
قدمه وقال :-

- أرتاح بكرة فى البيت مفيش داعى تيجى
الشركة وعرض الأزياء اللى فى الغردقة نانا
هتتكفل بيه متقلقش

- ماشي

___ قصر الحناوى ___

دلفت "نبض" إلى غرفتها صباحًا فوجدته ما
زال نائمًا بفراشه ، تأففت بتذمر وصعدت إلى
الفراش تقول :-

- يوسف .. حبيبي يا كسول

جذبت الغطاء عنه وهى تقول :-

- قووم بقى .. يا يوسف قووم

أعدل فى جلسته بوجه ناعس وهو يقول
مُتمتًا :-

- عاوزه أيه يا نبض ؟

- كريم عاوزك تحت ، وبعدين كفاية كسل
بقى

قالتها بأختناق ليقول :-

- ماشي ، قومى أوعى كدة عدينى

- يا سلام ما تنزل من عندك

قالتها وهي تضحك عليه فتحدث بزمجرة

قائلة :-

- أنتِ بقيت تخينة كدة ليه بعد الحمل .. ما

شاء الله واخدة السرير كله أشحال حامل

فتؤام بس

قهقهت ضاحكة عليه بسعادة وقالت :-

- أنا أخذ السرير كله أنا وولادى براحتنا على

فكرة وبعدين أنا لسه فى الخامس يا بابا

عاد إليها مسرعًا بعد أن وصل للباب ووضع

قبلة على جبينها رقيقة وقال :-

- بحبك

خرج من الغرفة لتلمس جبينها بعفوية

وقالت مُتمتمة :-

- أتغيرت يا يوسف بعد موت عمه ..

دلف "يوسف" إلى المكتب فوجد "كريم"
بانتظاره ليقول وهو يجلس على مقعد :-

- حمد الله على السلامة يا كريم ، وصلت
مصر أمتي؟؟

- من يومين

أوماً له بنعم وقال ساخرًا :-

- يومين ولسه فاكر تكلمنى وتيجى؟؟

- فى الحقيقة أنا ليا طلب عند حضرتك
وأتمنى تنفذهولى

قالها "كريم" بجدية فسأله "يوسف" بتعجب

-:

- فى ايه يا كريم ، أنت متغير بقالك ثلاثة
شهور وسفر فجأة وراجعلى بعد شهر ..
قول ولو بمقدرتى هنفذهولك أكيد

وضع "كريم" ورقة على المكتب ، نظر
"يوسف" للورقة بتعجب ثم فتحها وكانت
الصدمة له حين وجدها أستقالة "كريم" من
العمل ، تحدث "يوسف" بصدمة :-

- أيه دا ؟؟

- أتمنى تقبلها ؟؟

- دا ليه ؟ فجأة كدة ولا أنت مقرر دا من قبل
السفر ؟؟

سأله بصدمة ونبرة هادئة ليجيبه "كريم"
وهو يقف :-

- مش هتفرق كثير ، عن أذنك

خرج من المكتب ليقابل "سارة" وهى تدخل
من باب القصر ، نظرت له بهدوء ودهشة من
وجوده فهو أختفى منذ لقاءهما الأخير بعزاء
والدها من ثلثة أشهر ، كان بهيئته لم يتغير
كثير ، رمقها بصمت تام كانت مُرتدية تنورة
حمراء تصل لركبتها وقميص نسائي أبيض
اللون ، خرج من القصر دون أن يتفوه بكلمة
واحدة ، أستدارت تنظر له بهدوء وشوق وهو
يغادر فحَقًّا حين غاب عن نظرها أشتاقت له
بجنون ، صعد سيارته وغادر القصر وذهب
إلى الكافي الذي يلتقى بـ "نادين" به ، دلف
ورأها جالسة هناك ترتشف قهوته ، جلس
أمامها لتعقد ذراعيها أمام صدرها وقالت
بتذمر :-

- خير كلمتنى ليه ، مش كنت أختفيت من
غير ولا كلمة .. أيه اللى فكرك بيا

- ممكن تهدي كدة وتتكلم؟؟

نظرت للجهة الأخرى بأختناق وقالت :-

- نتكلم !! انت عندك خليفة أنا أتخضيت

أزاي لما أختفيت كدة

- أسف كنت محتاج فترة لوحدي

قالها بهدوء لتقول بغضب :-

- وما دام محتاج تقعد لوحديك طلبتني ليه ..

اقولك كمل قاعدة لوحديك بقى .. وابقى

أدفع تمن القهوة دي

قالتها وهى تقف غاضبة وتغادر ، نظر لها

وهى تغادر وتبسم على تدمرها ثم دفع

التكلفة وغادر ...

كانت "نبض" تسير بطلاقة في المكان
وبطفولية وهي تشاهد أغراض الأطفال
بداخل محل مليء بكل مستلزمات الولادة
والأطفال ، كان "يوسف" يسير خلفها وهو
يراقب بسمتها المُشرقة وكأنها تناست قدر
الخطورة التي ستواجهها أثناء الولادة ، كان
يرفض وجود طفل بداخلها فرزقهما الله
بطفلين لا يعلم أهما رزق أم عقاب ، امرأة
بحالتها لا تستطيع أنجاب طفل واحد رزقها
الله طفلين معًا لتضاعف الخطورة والألم
ويتضاعف معهما خوفه ورعبه ، كان يراقبها
وهي تختار أشياء لطفلهما الولد وهكذا
البنات ، تلتقط الصور مع الملابس والسرير
بصحبه وهي تضحك بإشراق ، تبسم وهو
يرى سعادتها رغم خوفه ، توقف فجأة حين
رأى "ميرا" تقف أمامهما يبدو أنها أنهت
شهورها في ألمانيا للعلاج وعادت ..

رمقته بشوق وشغف كبير وقالت بنبرة

هادئة :-

- أزيك يا يوسف ؟

سمعت "نبض" صوتها فأستدارت وهى

تحمل فى يدها فستان لطفلتها ثم وقفت

بجواره تتباطى ذراعيه لتلاحظها "ميرا" وتنظر

لها بحقد شديد ثم نظرت إلى بطنها

المنتفخة قليلاً بحقد فكم تمنى بأن تكون

هى بجواره فى تلك اللحظة يختار معاً أشياء

طفلهما ، تبسمت "نبض" بعفوية وقالت :-

- أزيك يا ميرا؟؟

رمقتها "ميرا" ببرود وقالت :-

- كنت كويسة لحد ما شوفتك

- شكراً يلا يا يوسف عشان ترجع كويسة لما

أمشي

قالتها بإستياء وهى ترحل من أمامه لتبتسم
"ميرا" بأختناق شديد فجاءت "تمارا" لها
وهى تقول :-

- هى دى نبض .. مش حلوة خالص

- لما بشوفها ببقى عاوزه أقتلها

قهقهت "تمارا" بسخرية وهى تقول :-

- أنتِ مش قولتى أنها هتتكلى على الله فى

الولادة خلاص أنتِ مش محتاج غير أنك

تصبرى كمان كام شهر ولما تموت فى الولادة

تبقى ترجعيله حتى عشان ميكرهكيش

ويقول أنك السبب فى موتها ولا أنك اذيتها ...

- ربنا يأخذها هى واللى فى بطنها بقى

ويريحنى

_____ تااااابع ... _____

#ملك_فقيد_الحب

#نور_زيزو

#نورا_عبدالعزيز

#ملك_فقيد_الحب

____ الفصل الثاني والعشرون (22)

___ بعنوان "اليوم الموعود" ___

- دكتورة نادين ..

قالتها "ملاك" وهى تذهب خلف "نادين"

بتعب :-

- ايه يا ملاك ، سايبه سريرك ليه

- دكتورة نبض فين ؟

قالتها "ملاك" وهى تكح بتعب وتتكأ على
حامل محلولها فأجابتها "نادين" وهى تمسح
على رأسها بلطف :-

- هى مبتجيش الفترة دى ، تعبانة من
الحمل ادعيلى يا ملاك

- ربنا معاها هى وحشتنى بس

- عارفة ، المستشفى كلها أشتقتلها

قالتها "نادين" وخرجت من المستشفى
لتجد "كريم" فى أنتظارها بسيارته ، نظرت
للجهة للأخرى بغيظ ثم صعدت إلى السيارة
وهى تقول :-

- خير شرفتنى ليه ؟ كنت سافر

- خلاص مبيقاش قلبك أسود

قالها وهو يقدم لها باقة ورود حمراء ، نظرت
للورود وقالت بابتسامة بلهاء :-

- اوك خلاص لكن لو عملتها تاني هقطع
رقبتك فيها

تبسم وهو ينطلق بسيارته ويقول :-

- آخر مرة

- قال عاوز أقعد لوحدي قال ، وبعدين ما
أنت بتعرف تجيب ورد أهو لو كنت دخلت
عليها بورد زي دا مكانتش نفطتك كدة

نظر من النافذة بزمجرة وقال :-

- خلاص بقى !!

- هتأكلنى أيه ؟؟

قالتها بحماس وهى تلف له على المقعد
وتعطى ظهرها للباب فقال :-

- اللى تحبيه ، عاوزه تأكلى أيه ؟؟

- أى حاجة ، المهم لاقيت شغل بعد ما
سبت شغلك عن يوسف

قالتها ليُجيبها مُتجاهل سؤالها :-

- أنا شكلى بقى هفتح مطعم أكل وأنتِ
تكونى زبونتى الوحيدة تأكلى ٢٤ ساعة

ضربته على كتفه بغیظ وقالت :-

- أنت بتتريق عليا !!

- مقدرش طبعًا

___ قصر الحناوى ___

بغرفة نوم "يوسف" كان جالسًا على مكتبه
على اللاب يباشر عمله وهو يراقبها فى أيامها
الأخيرة قبل الولادة ، رفع نظره عن اللاب

ليراها جالسة على الفراش تقرأ كتابًا عن
كيفية التعامل مع المولود الجديد وظهرها
مُتكيء على الوسادة وبطتها مُنتفخة مُرتدية
فستان قطنى طويل وبكم شفاف ويزين
عنقها رابطة جميلة ، شعرها الحريري مسدول
على الجانب الأيمن وظهرها ، نظرت عليه
وهو جالسًا يعمل هناك وألم بطنها منذ هذا
الصباح لم تتوقف لكنها تتحمل ، جاءتها
طلقة برحمها شديدة لتكتم أنينها بوجع
لينتبه لها فقالت :-

- امم يوسف .. أنا مش عايزة أخضك بس أنا
شكلى بولد

فزع من مكانه وهو يقف ويهرع نحوها
وجلس بجوارها وهو يمسح على وجهها
ويقول بجدية :-

- أنتِ بتقولى ايه ؟ ، أنتِ متأكدة ، أتأكدى يا

نبض

أجابته وهى تكتم صرختها بألم وتتشبث

بذراعه :-

- أتأكد أزاى أنت شايبنى دكتورة نسا ، أقوم

أتصل بماما ... امممم أنا بولد بجد ... اااااه

قوم يا يوسف

أجابها بفرع وتوتر شديد :-

- أعمل ايه .. أعمل أيه

- قوم ودينى المستشفى .. أتصل بماما

ااااااه

أخذها للمستشفى وهى تكتم ألمها بقدر

أستطاعت وجاءهم "جهاد" و"فؤاد" ظلت

بغرفة مخصصة لها تتألم وبدأ جسدها يفقد

قوته ويشحب وجهها ، جاءها الكثير كم

الدكاترة والمرضي الخاصين بها يطمنون عليها
ويرحلوا ، كان " يوسف " في حالة يرثى بها وهو
يراها تتألم والطبيبة تعطيها حقنة تساعدها
في الولادة ...

أربتت " صباح " على كتفه بحنان وقالت :-

- أطمنى يا يوسف ، الولادة هتكون سهلة
هى عشان البكرية وتؤام هيتعبوها طبيعى

نظر إلى " نبض " وهى مغمضة العينين
وجسدها فقد كل قدرته تقريبًا وقال مُتمتمًا
:-

- أتمنى تكون بخير يا أمى

جاءت " ملاك " إليها وقالت بابتسامة :-

- وحشتينى ، هتجيبى ملاك

أومأت "نبض" لها بتعب دون أن تتفوه
بكلمة واحدة ، أربتت "ملاك" على يدها
بلطف ، دلفت الطبيبة لهم وهى تمد له يدها
بورقة

نظر "يوسف" إلى الورقة وقال بتوتر :-

- أيه دا ؟؟

- دا إقرار بأن لما أدخل أوضة العمليات أنا
مش مستولة عن اللى هيحصل و إذا ساءت
الأمور وحصل حاجة لدكتورة نبض اللوم
مش عليا وأن قرار الولادة وبقاء الجنين كان
من اختياركم

نظر للورقة بسخرية وقال :-

- وتفتكرى الورقة دى هتحميكم لو أنا
عوزت أعمل حاجة ..

- امضيها يا أستاذ يوسف

نظر "يوسف " إلى "نبض " وهى جالسة على
الفرش ومُرتدية زى المستشفى مُستعدة
للولادة ، تبسمت له بعفوية وأومات له بنعم
، وقع على الورقة ثم خرجت الطيبة ، جلس
بجوارها وقال :-

- نبض ...

بترت حديثه ببسمتها وقالت بأمل وعفوية :-

- متخافش .. أنا مش خايفة يا يوسف

- أنا بقى مرعوب ، عارف أنك مش هتقدرى

على الولادة طبيعى والولادة قيصرية أنتِ

ممنوع من أى مخدر ، فى الحاليتين بنلعب

بحياتك

مسحت على رأسه ولمست لحيته بحب

وقالت بنبرة دافئة :-

- هرجعلك صدقنى ، أنا متفائلة يا يوسف

والله قلبى مطمئن جدًا

- أنا بعشقتك يا نبض

قالها بعيون دامعة وهو يأخذ يديها بين كفيه

فقالت ببسمة وعيونها تدمع :-

- وأنا والله بحبك أوووى ، كل اللى بعمله

عشانك وعشان أسعدك .. أنا معنديش

أغلى منك فى حياتى كلها حتى حياتى نفسها

مش مهمة بقدر حبك عندى

أنهمرت دموعه فنظر للأسفل بضعف

وخوف ثم نظر لها بشوق وقال :-

- سامحينى يا نبض ، سامحينى لو غلطت

لما وافقتك على الخطر دا وأسف والله ..

والله أسف

عانقته بحب لتشبث بها بقوة وهو يرفض
دخولها إلى غرفة العمليات وهى بمثابة غرفة
الموت لها ، طوقها بكلتا ذراعيه ودموعه
تنهمر ، ظل دقائق طويلة يحتضنها وهو
يبكى بخوف فأبعدت عنه وهى تلمس
وجنته بحنان وشوق و تقول :-

- يوسف .. حبيبي أنا هطلعلك ومعايا ولادنا
متخافش

جففت دموعه بأناملها وهى تنظر لوجهه
وكانها تحفظ ملامحه جيدًا قبل أن تفارقه
وكان لن تستطيع رؤيته مُجددًا ، دلفت
الممرضة لتأخذها إلى غرفة الولادة ، سار
معها إلى الباب وتوقف معها وهى تقول :-

- يوسف .. لا اله إلا الله

- محمدًا رسول الله يا قلبى

قالها بدموع تتساقط على وجنته تبلل لحيته

، تبسمت بإشراق له وهى تقول :-

- أنا بحبك

وضع قبلة على جبينها بخوف وقال هامسًا

:-

- وانا كمان بحبك ...

تركته ودلفت إلى غرفة العمليات ببسمة
مُشرقة وكأنها أرادت أن تكون آخر ذكراها له
بسمتها وليس بكاءها وخوفها

كان المستشفى كاملة في حالة قلق عليها ،
أصبح الجميع يتحدث عن حالتها وأن ربما
تلد طفلها لكن لن تخرج حية ، كان الجميع
من الدكاترة الاقسام المختلفة والممرضين
وحتى ساعى البوفيه والمرضى التى تتعامل
معاهم جميعًا كانوا يدعوا لها ، كانت "سارة"

جالسة بجوار والدتها على المقعد الحديدى
و"جهاد" تسير أمام غرفة العمليات ذهابًا
وإيابًا بقلق وذعر شديد على طفلتها الوحيدة
، "فؤاد" جالسًا على مقعد حديدى يقرأ فى
المصحف القرآن من أجل طفلته ، جاءت
"نادين" ركضًا بزى العمليات بعد أن سمعت
الخبر مباشر بعد خروجها من جراحة ووقفت
مع "كريم" تسأله بلهفة :-

- حد طمنكم !!

- لا ، من ساعة ما دخلت محدش خرج
أومأت له بنعم ونظر إلى "يوسف" لتراه
ساجدًا بجوار غرفة العمليات ويصلى لأجلها
وحين رفع رأسه يقرأ التشهد فوجدت وجهه
مبلل بالدموع ولحيته غارقة فى دموعه ، كان
يبكى بضعف بين أيدي ربه يترجاه بأن لا
يحرمه من محبوبته فقط ، لم يدعى لأطفاله

بقدر دعاه إلى "نبض" هذه الزوجة التي
زرعت الحياة بقلبه واخرجته من سيطرة
عقله المتحجر ، أنهى صلاته وقبل أن يُعيدها
رأى "نادين" فوقف بهلع وهو يقول :-

- نادين .. أدخلى طمئيني عليها ، أنا مش
فاهم أزاي يمنعوني أدخل معاها أساسًا في
المستشفى بتاعتي

تحدثت بجدية ونبرة هادئة :-

- دا أحسن حتى لو أنت صاحب المستشفى
شوف حالتك عاملة أزاي ، أنت مش
هتستحمل تشوفها بتتوجع وأنت متأكد أنها
هتولد طبيعى من غير مخدر ..

- دى مراتي أنتوا عاوزين تجننوني

قالها بصراخ ، فأربتت على ذراعه وهى تقول

:-

- أهدي طيب .. أنا هدخل وأطمنك عليها

دلفت إلى غرفة العمليات فجاء "خالد" ليراه
"يوسف" لكنه ليس بحالة تسمح للحديث
معه فتجاهله حتى أنه تجاهل دعاء "خالد"
لزوجته ، شعر بيد صغيرة تحتضن يده فنظر
بجواره وكانت "ملاك" بعيون دامعة وقالت
ببراءة :-

- أطمنى دكتورة نبض قوية

أغمض عيناه بتعب وقلق من كثرة الأنتظار
لتخرج له "نادين" مع ممرضة وعلى وجهها
علامات خوف وقلق فسألها بلهفة :-

- طمئنى نبض عاملة ايه؟؟

- جالك بنت بس مش هقدر أبارك غير لما
نبض تقوم بالسلامة ..

صرخ بها بغیظ شديد من شدة الأنتظار :-

- أنا مسألتكيش جالى آيه أنا بسألك عن

نبض

أجابته بهدوء :-

- أنا معرفش محدش جوا متنبيء بحاجة ،

خصوصًا أن نبض هتولد التانى قيصرية

أتسعت عيناه بصدمة شديدة وكيف هذا

سيقتلوا إذا فعلوا وادخلوا المخدر لوريدها ،

خرجت الطيبية من أجله وقالت بجدية :-

- الحمد لله جالك بنت وحالتها غير مستقرة

بالمرة ، جه الوقت اللي حذرتك منه ،

حضرتك مُضطر تختار بين الأم والطفل التانى

مسح وجهه بغضب مكتوم ، فهى جازفت

بحياتها من أجل هذان الطفلين والأن هى

بخطر وأطفالها هكذا ، قال بلهفة :-

- أنقذى نبض مهما كان الثمن

- تمام .. إحنا محتاجين أكياس دم من
فصيلتها .. هاتي أكبر قدر وحصيليني
قالتها للممرضة وعادت لغرفة العملية ..

وقفت "ميرا" بصدمة وهى تتحدث فى
الهاتف بداخل الكافى وقالت بتلعثم :-
- بتولد ... طب ايه اللى حصل ... أتصرف
وأعرف لى حالتها أيه ..
أغلقت الخط وهى تخرج مسرعة وتتصل
بوالدها ببكاء وتقول :-
- بابا .. نبض بتولد ..
- أهدى يا ميرا ، وأنا هكلم ناس معارف
يعرفولى الأخبار
تحدثت وهى تصعد سيارتها بحزن شديد :-

- نبض لو قامت منها هي واللى في بطنها
يبقى كل أحلامي وسعادتي أدمرت
- لا عاش ولا كان اللي يدمر سعادتك يا
حبيبتي .. أطمنى أنا جنبك وهتصرف
قالها بجدية ، أنطلقت بسيارتها غاضبة
وأغلقت الخط معه ...

_____ مستشفى الجلاء الخاص _____

طالت فترة بقاءها بالداخل ، نزلت "سارة"
للكافتريا لتري "كريم" جالسًا بجوار "نادين"
يرتشفوا القهوة معًا لتحقق بهما بأختناق
شديد ...

تحدث "كريم" بهدوء :-

- ممكن تبطلى قلق شوية

- قلقانة عليها جدًّا يا كريم ، لو شوفتها وهى
فى العملية ضعيفة ومش قادرة حتى تصرخ
لكنها بتحارب وتعافر فوق طاقتها ومبطلتش
تقول (يارب عشان يوسف مش عشانى)
فى حب كدة .. تبقى عارفة أنها رايحة للموت
برجلها وداخلة بصدر رجب عشان جوزها
وحبيبها

نظر لفنجان القهوة وقال :-

- فى حُب كدة لما يكون من طرفين بيحبوا
بعض كل واحد عاوز يضحى بحياته عشان
التانى زى اللى خلي يوسف يتبرع بخمس
أكياس دم عشانها رغم أنه مينفعش لكنه
أمر الدكتور بالقوة وهدده بوظيفته عشانها
- تقريبًا المستشفى كلها بتدعيها وفى اللى
بيصلى عشانها

تبسم بخفة وهو يقول :-

- عشان دكتورة نبض طيبة وقلبها نقى
بتساعد كل اللي محتاج ومحبوبة بين الناس
، طيبتها وحب الناس ليها وأن عمرها ما أذت
حد يخلوهم يدعولها

دمعت عين "نادين" بضعف وهى تقول :-

- هى فعلاً عمرها ما أذيت حد

مسح دمعتها بلطف وهو يتبسم بخفة
مُساندًا لها ببسمته لتبتسم له بضعف ،
وأشتعلت نيران الغيرة بقلب "سارة" وهى
تراه مُقرب من هذه الطبيبة وعادت غاضبة
للأعلى ، خرجت ممرضتين بوجه عابس
وقالت أحدهن :-

- مبروك جالك ولد

- ونبض

قالها بهلع شديد ، نظرت الممرضة لصديقتها
بحزن ونكزتها كى ينصرفا معًا ، لم يفهم لما
تهربا من الجواب عليه عن حالة زوجته
ليفتح باب غرفة العمليات وخرج التوريل
أولًا وخلفه الطبية ليُصدم الجميع حين رأوا
الغطاء الابيض على وجهها يعلن وفاتها ولم
يظهر من جسدها شيء سوى أصابع يدها
اليمين من الجانب ، هرع الجميع بصدمة
نحوها وسقطت "جهاد" باكية وتوقفت قدم
"يوسف" عن الحركة وهو يحدق بالجثمان
ليقول بصدمة ووجع :-

- دى مش نبض

رفعت "صباح" الغطاء ليظهر وجه الفتاة ولم
تكن "نبض" ليتنفس الصعداء وهو يقول :-

- نبض وعدتتى مش هتسبنى

أخذت الممرضة الجثمان فسأل الطبيب

بضعف وقد فقد كل قدرته :-

- نبض

تبسمت الطبيبة وهى تقول :-

- أقدر اقولك مبروك لأستاذ يوسف جالك

ولد وبنت بس البنت حالتها غير مستقرة

تأفف بأختناق وهو يقول صارخاً بقوة :-

- أنتوا مبتفهموش ولا مبتسمعوش ،

متحسسونيش أنى بتكلم تاىوانى أنا بسأل

عن نبض

- ربنا أرادها الحياة لكنها فى غيبوبة

أتسعت عينه على مصراعيه بصدمة وهو

يقول :-

- كومة ..

صُدم الجميع حين سمع جملة الطبيبة

فتحدثت بأمل :-

- أستاذ يوسف احمد ربنا وأشكره كثير ،
إحنا دخلين العمليات وإحنا عارفين أننا
هنخسر الأطفال أو الأم وفي الغالب الأم ، ربنا
نزل رحمته عليك ورزقك بالأطفال والأم
عندها أمل كبير تفوق ، لو كانت ماتت بعد
الشر مكانتش هترجع لكن الكومة ممكن
تفوق منها سوا بكرة أو بعد أسبوع أو شهر
لكنها هتفوق بنسبة كبيرة

- الكومة دى ليه !!

نظرت الطبيبة إلى "فؤاد" وقالت :-

- متنساش أنها أخذت مخدر كلي عشان
تولد وهو غلط عليها ، معقول بعد الحرب
دى كلها منتظرين ميكونش في أصابة

بسيطة دى حتى يبقى طمع ... عمومًا الولد
هيخرج دلوقت لحضرتك لكن البنت هتروح
الحضانة وفي دكاترة كتير من كل قسم
هيتابعوا حالتها .. ربنا رحيم يا أستاذة يوسف
ونزل رحمته عليك

تركهم وركض إلى الغرفة المخصصة لكبار
الشخصيات حيث تمكث زوجته ، فتح باب
الغرفة ودلف ليراها على الأجهزة الطبية
ونظر لها بضعف وعجز وهو يقترب منها ،
جلس بجوارها ودموعه تتساقط وهو يلمس
يدها بلطف وقال باكياً :-

- نبض .. وحياة ولادنا ما تسبيني أنتِ
حاربتى ووصلتى لحد هنا متسبنيش فى
نص الطريق ولادك محتاجين ليكى وأنا
محتاجك عشان أقدر أتنفس .. كملى حرب

ومعافرة طول عمرك عنيدة المرة دى أنا

الى بقولك عاندى يا نبض وقومى

تساقطت دموعه على يدها فتمنى أن تقظها

دمعته كما يرى بالدراما لكنها لم تُجيب عليه

لأول مرة بحياته يحدثها ولا تُجيبه ، عاد

الجميع لمنازلهم بعد أن أطمنوا عليها وبقى

هو بجوارها يراقبها ويسمع صوت بكاء طفله

الصغير الذي وضع فى سريره بجوارها فقال

-:

- مر ساعتين وابنك صدعنى ، قومى عشان

تسكتيه يا نبض

قبل يدها بلطف وقال وهو يمسح على

رأسها :-

- أنا سميته رحيم عشان ربنا رحمنى من

العذاب وسميت بنتك ملاك زى ما كُنْتِ

عاوذة وزى ما أنا وعد ملاك ، ملاك
مبتعيطش وتعبانة ومحتاجة ليكى .. وأنا
وحشنى صوتك وضحكتك يا نبضي ، قلبى
فقد نبضه معاكى قومى ورجعيلى النبض
عشان أعيش

جفف دموعه وظل بجوارها وهى نائمة ...

- بقولك أنا مقدرش أدخل الأوضة ، يوسف
بيه قاعد معاها والحارس على الباب وابنه
معه جواه ، اللى أعرف أعمله أخلص من
البت اللى فى الحضانة

قالها رجل متنكر فى زى طبيب وهو يتحدث
بالهاتف ، اجابه " عصام " قائلاً :-

- ماشي ، أخلص منها وأنا هتصرف فى الباقي

أغلق الخط وتسلسل الرجل إلى الحضانة بعد
أن خرجت الممرضتين في المساء تحديداً
فجراً ، بحث بين الأطفال عن أسم الطفلة
التي تحمل أسم "يوسف" أو "نبض"
ووجدتها نائمة كأسمها "ملاك" والخرطوم
الطبية متصلة بها وعلى صدرها ، قطع
خرطوم الأكسجين بالمقص ليصنع به ثقب
ثم أدخل يده من دائرة زجاجية بالصندوق
وأعطى الطفلة حقنة بيدها ثم فر هارباً قبل
أن يراه أحد وكأن يخفى وجهه بيده حتى لا
يظهر أمام الكاميرات .. خرج من المستشفى
وصعد سيارته وهرب مُسرعة بعد أن أرسل
رسالة إلى "عصام" يخبره بأتمام المهمة

كان "يوسف" ينظر لطفله الباكي بهلع
ودلفت الممرضة لتراه ولم يتوقف الطفل

عن البكاء مهما فعله وكأنه يشعر بما يحدث
لأخته في نفس ذات الوقت أصدار جهاز
القلب المُتصل بقلب "نبض" أنذار
بأنخفاض ضربات القلب ، هرعت الممرضة
للخارج تنادى الطبيب وحين دلف كان
الصفارة تعلو بانتظام تُشير إلى توقف نبض
قلب "نبض" وهى توشك على الرحيل أو
ربما رحلت مع أبنيتها ...

بالوقت نفسه أعلنت طبيبة الأطفال خبر
وفأة "ملاك" تلك الطفلة الرضيعة والملاك
الصغير الذي وقعت ضحية شر وحقد أناس
لا تعرف قلوبهم الرحمة ربما أرادت الرحيل
مع والدتها إلى عالم آخر

___ تالابع

#ملك_فقيد_الحب

#نور_زيزو

#نورا_عبدالعزيز

#ملك_فقيه_الحب

___ الفصل الثالث والعشرون (23) ___

___ بعنوان " رحيم " ___

نظر "يوسف" بصدمة والطبيب يحاول
أنعاش قلبها لإعادة النبض له ، دموعه تتلألأ
في عيناه يحاول السيطرة عليها وعلى
أعصابه قبل أن يقتل هؤلاء الأطباء الذين
فشلوا وما زالوا يفشلوا في أنقاذ امرأته ،
تقدم منها وهم ينعشوا قلبها فتوقف
الطبيب حين رأى يملس يدها بأنامله وهو
يجلس بجوارها مُتمتمًا :-

- متسبنيش يا نبض ...

أغمض عيونه لتتساقط الدموع منها فأتاه
صوتها الضعيف يكاد يخرج من حنجرتها
تقول :-

- مقدرش أسيبك ...

فتح عيناه بهدوء ودهشة ألجمته هل أجابته
الآن حقًا ؟ ، نظر لها ليراها تفتح عيونها
ببطيء وتلتقط أنفاسها بصعوبة شديدة ،
أنتبه لصوت جهاز القلب يشير لعودة نبضها
رغم ضعفه لكنه ما زال ينبض ربما لأجله
بل بالتأكيد ينبض لأجل هذا الرجل الذي
سيموت إذا فارقته ، تشبث بيدها وهو ينظر
لها بعيون دامعة ويقول :-

- حرام عليك يا نبض اللي عملتية فيا

وضع رأسه على كتفها وهو جالسًا على
مقعده يبكي بضعف ممزوج بسعادة

لعودتها ، رفعت يدها الأخرى ووضعها على رأسه من الخلف وقالت بصوت مبحوح :-

- يوسف .. ولادى؟؟

وضع "رحيم" بين ذراعها بعد أن أنصرفت الأطباء بعد فحصوها جيداً ووضعها على جهاز التنفس ، تبسّمت هي تلمس وجه طفلها الذي توقف عن البكاء أخيراً عندما دخل بين أحضان أمه ، دلفت الممرضة كي تخبر "يوسف" بأن طبيبة الأطفال في أنتظاره بالمكتب ، وضع قبلة على جبين "نبض" حين ظهر على ملامحها القلق :-

- يوسف طمنى على بنتى ... بنتى مالها؟

- حاضر يا حبيبتي ، أرتاحى أنتِ بس

قالها بلطف ثم خرج وذهب إلى الطبيبة كي تخبره بوفاة طفلة الرضیعة ...

دلف "عصام" إلى غرفة "ميرا" بذعر حين
سمع صوت صراخها وتكسير أشياء ، كانت
الغرفة بحالة من الفوضى وهى تلقى كل
شيء بالأرض وتصرخ بهلع باكية ، تقدم
نحوها "عصام" وهو يحاول تفادى الزجاج
المكسور على الأرض حتى وصل أمامها
فمسكها بلطف وهو يحاول تهدأتها وهو
يقول :-

- أهدى يا ميرا وكله هيتصلح

أجابته بصراخ وأنهيار :-

- يتصلح ايه ، مفيش حاجة هتتصلح يا بابا
نبض فاقت وابنها عايش ، يوسف عمره ما
هيرجعلى .. عمره يا بابا

احتضنها بحنان وهو يربت على ظهرها

ويقول :-

- أهدى يا ميرا وأنا هعملك كل اللي أنتِ
عاوزاه .. وهجبلك يوسف تحت رجلك بس
أهدى وحياتي

- يوسف بيكرهنى يا بابا بيكرهنى وأنا
محبش غيره

قالتها ببياء شديد فأجابها بجدية :-

- أنا هتصرف يا حبيبتى

- هتصرف أزاى هتخليه يحبني بالعافية
غصب عنه

قالتها بيأس وحنن ، أوما لها بنعم وهو يقول

:-

- اه هخليه يحبك غصب ، هخلي هو اللي
يجى لحد عندك ويبوس أيدك عشان
ترجعليه كمان

- مستحيل يا بابا مستحيل

سقطت بين ذراعيه فاقدة للوعى ليتشبث
بها قبل أن تسقط ، نظر لأبنته وهى بين
ذراعيه هذيلة ويائسة وتواعد بالانتقام من
"يوسف" بسبب ما فعله بابنته

سار "يوسف" فى الرواق وهو شاردًا فى
حديث الطبيبة وتلك الجملة تتردد فى أذنه :-

- أنا بأكدلك أن فى حد دخل الحضانة ،
الطفلة ماتت بفعل فاعل مش قضاء وقدر

- يعنى أيه؟؟ بنتى أتقتل فى مستشفى

أبوها

قالها بصدمة فأومأت له بنعم ، تنهد بأختناق

وهو يقول :-

- ماشي الكلام دا حد يعرفه غيرك

- حضرتك بس

تأفف بضجر وقال بلهجة مُحذرة :-

- ومحدش يعرفه تانى ، ولا حتى نبض .. قدام

الكل بنتى ماتت بسبب حالتها الغير

مستقرة

توقف أمام غرفة "نبض" ونظر من زجاج
الباب ليراها نائمة في الفراش وطفلها ينام
على صدرها وتطوقه بذراع واحد وبالأخر
معلق الكانولا ، تنهد بهدوء يجمع شجاعته
ثم دلف إلى الغرفة وجلس بجوارها دون أن
يصدر صوت حتى لا يقظها ، فتح هاتفه
ليرى رسالة منها أرسلتها قبل دخول غرفة

العمليات فنظر إلى وجهها ثم للهاتف وفتحها

كانت تحمل فيديو لها

- يوسف لو أنت بتسمع الفيديو دا دلوقت ،

فأنا أكيد في مكان تانى وعالم تانى خالص ،

متزعلش يا يوسف دا قضاء ربنا لكن قولى

شوفت ولادنا .. حلوين أكيد شبهى أنا طبغًا

لأنى أحلى منك

تبسمت بإشراق فى شاشة الفيديو وقالت

بدلالية :-

- بس متأكدة أنهم شبهك لأنى بحبك أكثر

بكتير ما حُبك ليا .. يوسف أنا فعلاً بحبك

وحُبى ليك هو اللى خلانى أهديك الاطفال

اللى يسمعوك كلمة بابا وتفضل عمرك كله

محروم منها ، خلي بالك منهم ومتهملمش

وتهمل نفسك لأنى هفضل معاكم وحواليكم

، متلومش نفسك على أي حاجة يا يوسف

أنت مش السبب ، أنا اللي كنت عنيدة
وأصرت على المخاطرة عشانك .. أنا مموتش
يا يوسف وسيبتك .. أنا عايشة جواك
هتلاقيني معاك على طول وفي قلبك ،
أوعدني أنك تحبهم وأوعاك تكرهم وتقول
أنهم السبب اللي فرقنا ، دا وصيتي ليك يا
حبيبي ، دول حته من روحى وقلبي معاك
أحميهم وحبهم زى ما حبتنى لأنهم أنا على
صغير ... وأخيرًا خلىنى أقولك أنى بحبك
وهفضل أحبك فى مماتى وأطلبك من ربنا
زوج ليا فى الجنة .. أوعى تنسانى أنا نبضة
قلبك ونبضك .. بحبك يا يوسف ...

دمعت عينيه وهو ينظر لها فى الهاتف ثم
جفف دموعه ووقف يقبل جبينها لتردف

بصوت مبحوح :-

- الدكتورة قالتلك ايه؟؟

- أَدْعَى رَبَّنَا يُخَلِّي لِينَا رَحِيمَ يَا نَبُضَ

دَمَعَت عَيْنَيْهَا بِحُزْنٍ وَقَالَتْ :-

- أَنَا كُنْتُ عَارِفَةً لِمَا وَلَدَتْهَا مَسْمَعْتَشْ

صَوْتَهَا يَا يَوْسُفَ ، مَعِي طُتَشْ زِي كُلِّ الْأَطْفَالِ

مَسَحَ عَلَى رَأْسِهَا بِلُطْفٍ وَقَالَ بِنْبِرَةَ هَادِئَةٌ :-

- إِحْنَا نَشْكُرُ رَبَّنَا أَنَّهُ قَوْمَكَ بِالسَّلَامَةِ وَرَزَقْنَا

بِرَحِيمٍ إِحْنَا كُنَّا مَتَوَقِّعِينَ الْأَسْوَأَ وَرَبَّنَا نَزَلَ

رَحْمَتَهُ عَلَيْنَا يَا نَبُضَ

- أَنَا مَشَى زَعْلَانَةٌ يَا يَوْسُفَ .. أَنَا كُنْتُ عَاوِزَةٌ

أَشُوفَهَا مَرَّةً وَاحِدَةً بَسْ

جَفَفَ دَمُوعُهَا بِأَنَامِلِهِ وَقَالَ بِحُبِّ :-

- وَأَنَا كُنْتُ مَرْعُوبٌ عَلَيْكَ وَخَائِفٌ تَسْيِبِنِي

تَبَسَّمَتْ بِخُفَّةٍ وَهِيَ تَتَشَبَّثُ بِيَدِهِ وَقَالَتْ

بِنْبِرَةَ دَائِفَةٌ :-

- أنا وعدتك أن عمري ما هسيبك وهحارب
بكل قوتي عشانك

- أنا بدعى ربنا فى كل لحظة ميحرمنيش
منك ولا دقيقة ولا يعيشنى لحظة الرعب
عليكى دى تانى .. أنا كنت هموت حرفيًا ...

دلف الطبيب لهما وهو يقول :-

- هو حضرتك متأكد أنك عاقل وخايف على
مراتك

نظر له "يوسف" ببرود وكيف لمؤظف لديه
يعامله ويحدثه هكذا ومن أين جاءتة الجراءة
، تابع الطبيب قائلاً :-

- حضرتك عارف أن مراتك لسه فى خطر
وبتطلب أذن بالخروج

- أنا حر ونبض هتخرج النهاردة

قالها ببرود شديد ، تأفف الطبيب بغیظ منه

وقال :-

- هو حضرتك بتفكر أزاى أنا مش فاهم

- هو فى أيه يا يوسف

- مفيش يا نبض ، أنا خمسة وجايلك

قالها وهو يخرج مع الطبيب بغضب شديد

.....

دلفت "نادين" من باب المطعم الزجاجى
وبحثت بنظرها عليه فوجدته جالسًا هناك
تقدمت من طاولته ورأته جالس على الأريكة
الدائرية وأمامه على الطاولة أطباق متنوعة
من الطعام فجلست بجواره وهى تقول :-

- بتعمل أيه؟؟

- بجرب قائمة طعام اليوم ، جربي كدة

وقوليلي أنهى الأفضل

تبسمت وهى تنظر للمطعم وقالت :-

- أنا فكرتك بتهزر لما قولت هتفتح مطعم

معقول عملتها فعلاً

- اه

رن هاتف "كريم" لينظر ورأى أسم "يوسف"

على الشاشة فقال وهو يقف :-

- جربي والطبق اللي يعجبك أكثر خلي طبق

اليوم .. خمسة وجاى

أتجه للخارج وهو يجيب على "يوسف" فقال

:-

- أيوة !!

- كريم .. ملاك ماتت فى الحضانة وبمعنى
أصح أتقتل عاوزك تعرف مين اللى عملها
تبسم "كريم" وهو يضع يده الأخرى فى جيبه
وقال :-

- تمام

- حاجة تانية ، عاوزك تشوف حارس كويس
جدًا يحمى نبض ورحيم فى المستشفى لأن
ورايا أكوام شغل فى الشركة ومضطر أسيبهم
لوحدهم

- أكيد متقلقش سيبها عليا

قالها "كريم" وهو يعود للمطعم وأغلق
الخط معه ، وقال :-

- أخترتى

- اه

تبسم للشيف وقال :-

- طب تعالى هوصلك للمستشفى أنا رايح
أزور مدام نبض

وقفت وهى تقول :-

- دا بجد ، أوكيه

خرجا معًا وذهبا إلى المستشفى ، تركها
تذهب للعمل وذهب هو إلى غرفة التحكم
حيث الكاميرات المراقبة

جلست "ملاك" بالغرفة مع "نبض" تلعب
مع "رحيم" فتحدثت "نادين" بابتسامة :-

- ربنا يحمهلك يا نبض

- يا رب ، أنتِ متأكدة أن كريم جه معاكِ هنا
بعد ما جاله تليفون

قالتها "نبض" بجدية فأومأت "نادين" لها
لثُتمتم :-

- يعنى ممكن يكون التليفون من يوسف ،
فى حاجة حصلت أنا مش فاهماها يوسف
أتغير أمبارح بليل وبقى يتكلم بعصبية مع
الكل وجديته زيادة

- متكبيرش المواضيع يا نبض كل دا مجرد
أوهام فى دماغك أنتِ وبس

فتح باب الغرفة ودلفت "سارة" مُرتدية
بنطلون أزرق فضفاض وتيشرت نص بطن
أبيض وتحمل حقيبتها الزرقاء وكعب على ،
رمقت "نادين" ببرود وهى تقول :-

- أخبارك آيه يا نبض النهاردة

- أحسن ، دكتورة نادين صاحبتى .. سارة
أخت يوسف

حدقت بها "نادين" بغیظ وهى تتذكر ما

فعلته مع صديقها وقالت ببرود :-

- أهلا .. عن أذنك يا نبض هروح أشوف

شغلى وهرجعلك تانى لما تكونى لوحدك

خرجت بعد أن رمقت "سارة" بنظرة باردة ،

نظرت "سارة" عليها وهى ترحل ثم قالت :-

- مالها دى !!

- مفيش ، أقعدى يا سارة

_____ شركة الـ SH _____

ولج "كريم" إلى مكتب "يوسف" وأعطاه

فلاشة تحمل تسجيل الكاميرات وقال :-

- هتلاقى هنا صور للرجل بس ملامحه مش
باين خالص ، ورقم العربية بتاعته طلع
مسروق

عاد "يوسف" بظهره للخلف وهو يترك القلم
ويقول ببرود :-

- بمعنى؟؟ حضرتك جايلى بعد أسبوع بدور
عشان تقولى موصلتش لحاجة

- خرينا نكون واقعيين محدش هعملها فى
الوقت الحالى غير عصام وبنته لأن حتى عمار
برا مصر بيحاول يعوض الخسارة اللى
عملتهاله من قبل حمل مدام نبض
وميعرفش عنه حاجة

- والمفروض أنا أقعد أخمن بقى مين اللى
عملها ، أنا عاوز دليل عشان أقدر أتحرک
بثقة

قالها بنبرة غليظة وانفعال شديد ، وقف
"كريم" وهو يقول :-

- حاضر

خرج من المكتب ليغضب "يوسف" أكثر
وهو يضرب مكتبه وأتصل بـ "نبض"

_____ قصر الحناوى _____

كانت "نبض" جالسة بفراشها وتراقب
"تهانى" وهى تغير لطفلها الرضيع الباكى
وكأنه يشاجرهما ، تبسمت بإشراق عليه برفق
من ألم بطنها وولادتها القيصرية ، رن هاتفها
فأعطته "تهانى" لها وأشارت لها بالخروج
وقالت :-

- حبيبى

- عاملة أیه یا نبض دلوقت ؟

تبسمت وهى تشعر بنبضات قلبها ورغم
مرور ما يقرب لسنة على زواجهما وما زالت
تبتسم وينبض قلبها بمجرد سماع صوته ،
أردفت بدلاية :-

- بخير ورحيم مجنن تهانى عمال يعيط كل
ما تمسكه

- طلع لامامته مجننانى معاها

قالها وهو يقف من المكتب مُبتسم
مُتناسي غضبًا ، سألته بفضول :-

- مالك يا يوسف ، صوتك متغير يا حبيبي

- مفيش مشاكل فى الشغل متشغليش
بالك

قالها بوجه عابس فليس من السهل أن تعلم
بأن زوجته وطفلك بخطر وقتل طفلتك
الرضيع التي لم تكمل يوم واحد على ولادتها
، كتم أوجاعه ومخاوفه بين ضلوع وقال بنبرة
ناعمة :-

- أرتاحى وخذى الدواء وأنا مش هتأخر هنا

- ماشي هتوحشتنى

- وأنتِ كمان يا نبضي ، خلى بالك من
نفسك

فتح باب مكتبه ودلفت "ميرا" كالعاصفة
بوجه غاضب فقال بهدوء :-

- لا إله إلا الله .. وأنا كمان بحبك

- أغلق الخط وقال بجدية صارمة :-

- أنتِ أزاى تدخلى كدة ، ألاء ..

دلفت السكرتيرة بهلع منه نبرة حديثه وقالت

-:

- تحت أمرك

- هو أنتِ قاعدة برا زى عدمك ، أزاى تدخل
من غير أذن كدة

قالها بغضب وهو يجلس على مقعده خلف
المكتب ، تقدمت "ميرا" نحو المكتب وقالت
بنبرة منكسرة :-

- يوسف ممكن نتكلم ! خمس دقائق بس

أشارة إلى "الأء" بالأنصراف وقال ببرود :-

- ميرا .. إحنا مفيش بينا حاجة تخلينا نتكلم
ولا تخليكى تعملى كل دا

- يوسف أسمعنى بليز ، أنا بحبك والله
وندمانة على اللى عملته وعارفة أنى غلطت

بس ندمت خلاص وأنت كنت هتموتنى
وطلقتنى وخذت كل فلوسى مش كفاية كل
دا فىا حرام عليك

- وأنت قولتلك تيجى هنا ، ما أنا قوت
كفاية لحد كدة مش عاوز أشوفك تانى
مبتفهمهاش

وقفت تلتف حول مكتبه وجثوت على
ركبتيها أمام قدميه وقالت بأنكسار ولهجة
واهنة :-

- تعال نرجع يا يوسف وأنا راضية والله
أكون زوجة تانية ونبض على ذمتك أنا مش
هعترض ومستعدة أعيش خدامة تحت
رجلك وأخدمك أنت وهى كمان والله
تأفف بأختناق وهو ينظر للجهة الأخر قبل أن
يغضب عليها ، أخذت يده بيدها وبدأت

دموعها تتساقط على وجنتيها وقالت ببيكاء

وتلعثم :-

- والله هخدمها هي وابنها عشان خاطرک

وعشان أكون معاك بس

جذب يده من يدها بقوة أسقطتها أرضاً وقال

:-

- متلمسنيش يا ميرا ، أنا مفيش ست

تمسك أيدي غيرها ست محترمة اخلصت

ليا وجازفت بحياتها عشان متحرمنيش أكون

اب حتى على حسب حياتها ، حبتني بكل

حياتها وقلبها واستحملت كل قسوتي معها

عشاني .. عاوزاني اكفاها أني اجبلها درة وأكسر

قلبها ، حربت عشان تجبلي عيل عشان

خافت ليجي الوقت اللي تقولي اتجوز وخلف

وفي الآخر عاوزاني أتجوزك عليها ، تفتكرى أنا

مكنتش اقدر اعالجك واسافرك تعملي

عملية وتخلفى لكنك مستحملتش أنتِ
خونتى ، يمكن تكونى كفرتى عن خيانتك
وذنوبك ودفعتى الثمن لكن أبدأى بعيد
عنى وعن مراتى .. رجوع لحياتى مستحيل ،
أنسينى أنسينى قبل ما أجرحك أكثر من
كدة وأذيكى

تبسمت "ميرا" بسخرية :-

- وتفتكر كل دا أنت ما أذتنيش

تقدم وهو يسير نحو الشرفة بغیظ وقال :-

- أخرجى يا ميرا

تقدمت "ميرا" خلفه وقالت بغضب وهى

تضربه على ظهره بأغتياظ :-

- تمام يا يوسف ، أبقى افرح لما اقتلهملك

لأن أنت مش هتكسرنى وأنا هقف أتفرح

التف لها وهو يصفعها بقوة وهو يمسكها

من ذراعها بغیظ و يقول :-

- أبقى أعمليها ولا فكري فيها وتابوتك لسه

موجود فاكره

أخرجها من مكتبه بانفعال وأغلق الباب ،

نظرت للجميع بأحراج وهي تبكي ثم ذهبت

مُنكسرة وضعيفة ...

_____ قصر الحناوى _____

ولج "يوسف" إلى غرفة "صباح" وقصي لها

ما حدث في المستشفى فقالت بجدية :-

- متقلقش يا يوسف أنا هتصرف ... أطمئن

- أنا قلقان على نبض ورحيم

تبسمت له بكبرياء وهي تحتضن يده بين

كفيها وقالت :-

- تفتكر صباح هانم هتسيب حد يبص
لحفيدها كدة بالساهل ، اللي حصل لملاك
أنا هدفعها التمن غالى .. خليك أنت في
شغلك وأطمئن .. قوم روح لمراتك وابنك
أوما لها بنعم وذهب إلى غرفته ، ألتقطت
"صباح" هاتفها وأجرت اتصال وقالت بنبرة
ماكرة مُخيفة :-

- تعالى بكرة المكتب ، عاوزاك ضرورى

____ تاااابع ____

#ملك_فقيد_الحب

#نور_زيزو

#نورا_عبدالعزيز

#ملك_فقيد_الحب

_____ الفصل الرابع والعشرون (24)

___ بعنوان " جنان عاشقة " ___

فتح "يوسف" عيناه في الصباح الباكر بعد أن
أيقظته مداعبتها لوجهه ، نظر بجواره إليها
وقال بصوت مبحوح شبه نائم وهو يغمص
عينيه مُجددًا بأرتياح :-

- بتعملى أيه يا نبض ؟

تبسمت وهى نائمة بين ذراعيه وتتأمل
ملامحه الجدية حتى فى نومه تخلى من أى
تعابير غير الجدية والقوة رغم أن قلبه أصبح
عاشقًا لكن ما زال عقله مُتَحجّرًا ثم قالت
وهى تلمس لحيته بأظافرها الطويلة بلطف

-:

- ببصلك عشان أشبع منك ، واحسنى يا

يوسف

فتح عيناه بتعجب وهو يرمقها بوجه ناعس

ثم مسك يدها التى تداعب وجهه وقال :-

- واحشك وأنتِ فى حضنى

- أمممم واحسنى جدًا

وضع قبلة على شعرها بلطف وقال بنبرة

دافئة :-

- دا شوق ولا قلق ، لو شوق فأنا هكون

مبسوط أكيد أن شوقك موجود حتى وأنت

فى حضنى لكن لو قلق فأنا محبش أشوفك

قلقانة يا نبض وعاوزك تطمنى بس طول ما

أنا معاكى مش عاوز غير أنك تكون مطمئة

- أنا بحبك أووى يا يوسف

قبل يدها بدلاية وقال :-

- وَأَنْتِ عَارِفَةٌ أَنْكَ حُبَّ حَيَاتِي وَحُبِّي الْوَحِيدِ ..
الأول والأخير

تبسمت بأشراق أكثر وكأن شمسه أشرقت
مع شروق بسمته فتبسم لها بعفوية وقال
:-

- مش هتقصى ضوافرك دى عشان رحيم
- اه إحننا أبتدينا بقى ، خايف على ابنك من
أولها

تبسم بعفوية وهو يجلس على الفراش
وقال بلطف :-

- نبض أنتِ بتصلى والضوافر الطويلة غلط
ومكروهة فى الدين ، وأنا مش عاوز حاجة
تكون سبب فى أنك تشيلى ذنب أو تبعدك
عن الجنة خطوة واحدة

صمتت وهى تنظر عليه بتعجب وأنبهار

فسألها بتردد من نظراتها :-

- بتبصلى كدة ليه ؟؟ أنا قولت حاجة غلط

- أنت بجد خايف عليا اووى كدة

تبسم وهو يأخذ يديها بين قبضتيه وقال

بهدهوء تام ممزوج بدفء يلمس قلبها :-

- اه خايف أووى خطوة واحدة تبعدك عنى

فى الجنة وتخلى دعوتى مستجابش وأنا

بطلبك حوريتى فى الجنة فى كل ركعة

قبلت جبينه بدلاية وأمتنان ثم قالت :-

- بحبك

- لو سألتينى أنا نفسي فى آيه ؟ هقولك

معنديش غير أمنية واحدة كنت أحب تجى

منك من غير ما أطلبها

قالها وهو يضع خصلات شعرها خلف أذنها
بحنان ثم تابع بعفوية :-

- محدش يشوف شعرة منك غيرى أنا
جوزك وحلاك ، كنت وما زالت بتمنى
أشوفك فى الحجاب يا نبض ، الشياكة
والأناقة مش موجودة فى الشعر بس أنا
متأكد أنك هتكونى أجمل بكتير فى الحجاب
وهغير عليكى كمان لما تلبسيه عشان
هيزيدك جمال بس هستحمل عشان دا
فرض ربنا ..

- أنت أجمل وأحن راجل فى الدنيا يا حبيبي
وأنا كنت هندم عمري كله لو سيبتك لواحدة
تانية أو موافقتش أتجوزك

قالتها بعيون دامعة من الفرح وقلبها
يتراقص عشقًا على أوتار نبضه ، وضع قبلة

على جبينها وقال هامسًا لها وهو ينظر

بعينها عن كذب شديد :-

- أنا بحبك فوق ما تتصوري يا نبض ومش

عاوز حاجة تفرقنا حتى الموت ميفرقناش

_____ شركة الـ SH _____

دق باب مكتب "صباح" ودلفت السكرتيرة

لها تقول :-

- باشمهندس مراد برا

- خليه يتفضل ومدخليش حد علينا

قالتها وهي تغلق الملف ، دلف "مراد" لها

وهو يقول :-

- صباحو عسل يا ست الحبايب

- أقعد يا مراد

قالتها وهى تضع يدها على المكتب
متشابكين ثم هتفت بجدية متابعة :-
- أسمع يا مراد عشان مطولش عليك
وعشان أنا عندى ميتنج كمان نص ساعة ...
- أيه الداخلة الجدية دى يا خالتو

قالها بمرح لتتحدث بوجه جاد ونبرة قوية
أشد :-

- أولاً أنا هنا مش خالتو .. أنا مدام صباح أو
صباح هانم أو الرئيسة ، ثانيًا سيبك من جو
التفاهة دا أنا عارفة كل حاجة
نظر لها بتعجب وسألها بجدية :-

- عارفة أيه ؟؟

حدقت بعينيه بوضوح وقالت وهى تنتظر
تعايير وجهه :-

- عارفة أنك ضابط في القوات الخاصة في
الجيش مش صايح وفاسد زى ما بتقول ،
وكل السفريات اللى بتدعى أنك بتتصرمح
فيها مع بنات في بلاد العالم ما هي إلا مجرد
مهمات بتطلعها وكل أختفاءاتك طول
الوقت بتكون في الجيش وأنت بتدعى
الشخصية التافهة دي عشان متلفتش النظر
لك

أتسعت عينيه على مصراعيها بصدمة
ألجمته وكيف علمت حقيقته ولم يعلمها
أحد فحَقًا لم تكن رئيسة هذه الشركة ولم
تنال لقب الرئيسة المتوحشة من فراغ
فبعض الموظفين يخشاوها أكثر من
"يوسف" رغم قسوته فقال بتلعثم :-

- أنتِ عرفتِ أزاى ...

- أنا صباح هانم يا مراد مبغلبش في حاجة
عاوزة أعرفها مهما كانت أيه حتى لو في
سرية الجيش هعرفها ... المهم أنا عاوزة منك
خدمة وعارفة أنك زى ما قدرت أنك تخبي
على الكل حقيقتك هتعرف تعملها من غير
ما حد يحس بيبك

- أيه هي؟؟

نظرت له دقيقة صامتة وقالت بثقة :-

- ملاك بنت يوسف أتقتلت في المستشفى
وأنا شاكة أن اللي عملها عصام وبنته لكن
عاوزة دليل واضح وأكيد عشان لما أتحرك
يكون عن ثقة

- سهلة وبسيط يا مدام صباح

قالها بجدية على عكس مرحة وكأن
شخصيته تبدلت في الحال ١٨٠ درجة ،
تبسمت بمكر وهى تلقى له فلاشة وقالت :-
- هتلاقى صورة القاتل هنا لكن معنديش أى
معلومة عنه ووشه مش واضح أوى
- متقلقيش هجبهولك تحت رجلك
تبسمت بجدية وهى تقول :-
- تكون مشكور وليا طلب تانى بقى ..
تسمعنى كويس وتركز معايا ...

دلفت "نادين" إلى المطعم فرأت "كريم"
واقفًا هناك مع فتاة وبيتسم معها ، تقدمت
نحوهما وهى عاقدة ذراعيها أمام صدرها
بغضب شديد واضح فى ملامحها وكأنها

تقذفه بالقنابل النارية من عينيها ونظراتها

القاتلة ، رأها تقترب منه فقال :-

- عن أذنك

أستأذن من الفتاة وذهب نحوها مُبتسمًا

وقال :-

- جيتى بدري يعنى؟؟

- عشان أشوف القمر .. أيه خطبت ولا لسه

أطلبهاك أنا

تبسم على غيرتها الواضحة رغم أن لم

يعترف أحد منهما للأخر بحبه وكل ما

يربطهم علاقة صداقة فقط لكن غيرتها

واضحة وتعتترف بحبها دون أن تنطقها فقال

:-

- دى زبونة هنا؟؟

- زبونة قليلة الذوق واقفة تتساير معاك ليه
، هى جاية تتعرف ولا تطفح

- الأثنين

قالتها الفتاة ببسمة ماكرة بعد أن سمعت
جملتها بسبب صوتها المرتفع من غيظها ،
رمقتها "نادين" بذهول من ردها وبرودها
المستفز ، تقدمت "نادين" نحوها خطوة
ليمسكها "كريم" من ذراعها قبل أن تقترب
أكثر أو تتحدث معها أو بالأحرى ستأكلها ثم
قال :-

- عن أذنك يا أنسة

أخذها لمكتبه لتغضب عليه :-

- أنت صاحب حمارة وراك ، عاوز ايه؟؟

- أنتِ أياه نار داخله المكان براحة يا نادين
على الزبائن أنا كدة هقفل المطعم وأشغله
عليكى أنتِ بس

قالها بزمجرة فكبثت غضبها بداخلها ثم
ضربته فى قدمه بقدمها وخرجت غاضبة
مُتذمرة ، تبسم عليها وقال مُتمتمًا :-

- مجنونة !!

_____ قصر الحناوى _____

عاد "يوسف" للقصر عصرًا و صعد إلى
غرفتهما ولم يجدها بالغرفة هى وطفله ،
خرج ليبحث عنها لتخبره "تهانى" أنها ذهبت
للخارج وتركت "رحيم" معها .. تعجب
لخروجها بدون اذن وأتصل بها لتُجيبه قائلة

-:

- يوسف !!

- أنتِ فين يا نبض وليه مقولتليش أنك
خارجة الصبح

سألها بهدوء يكبث غضبه من خروجها بدون
أذنه فقالت مُتجاهلة حديثه :-

- ممكن تركب عربيتك وتجيلي على
اللوكيشن اللي بعته على الواتس

فتح الواتس اب وهو معها على الخط
فأتسعت عيناه على مصراعيها بدهشة ثم
وضع الهاتف على أذنه مُجددًا وقال :-

- الغردقة ... بتعملي أيه في الغردقة يا نبض
وأزاي تسافري لوحدك من غير ما تقوليلي
ماليكش راجل يحكمك ولا أنا كيس جوافة
ولا أيه

- يوسف لو سمحت من غير زعيق أنا كنت
مخنوقة وحابة اسافر أشم هواء شوية
لوحدى وأتسرقت ممكن تيجى لأن معيش
أى فلوس وقاعدة فى الشارع

قالتها بنبرة حزينة ليغمض عيناه بغيظ منها
وقال :-

- خليكى مكانك يا أخرة صبرى لما نشوف
أخرتها ، أنا هكسر رقبتك يا نبض لما
أشوفك على الجنان دا وتسيبى ابنك عمره
شهر وتسافرى

أغلق الخط معها وذهب بسيارته إلى حيث
تتواجد ، وصل للغردقة وكانت الساعة فى
تمام التاسعة مساءً ، أتصل بها ولم تجيب
فذهب لترسل له موقعها الجديدة ... زفر
بأختناق وقاد سيارته وهو يرخى رابطة عنقه
من الغضب ، وصل للشاطيء ورأى يخت

أبيض اللون هناك مُضيء ، نزل من سيارته
وهو يحمل جاكيت بدلته في يده وأغلق
السيارة ثم ذهب لليخت ، صعد له ثم
للأعلى ليراها تقف أمامه مُرتدية فستان
أبيض بقط وأكمام شفاف ، طويل ويحتك
بالأرض حافية القدمين وشعرها مسدول
على ظهرها والجانبين وترفعه للأعلى من
الأمام بتوكة تاج ، واضعة مساحيق التجميل
تجملها أكثر وتظهر أنوثتها أكثر ، هناك طاولة
صغيرة عليها عشاء رومانسي شاعري
وشموع وورود حول الأطباق تزينها ، ألقى
سترته أرضاً وهو يحاول الثبات على غضبه
ولا يضعف أمام جمالها وقال :-

- مين اللي خرجك من غير أذنى

تقدمت نحوه بابتسامة وقالت بدلاية :-

- وحشتنى يا يوسف

عض شفثيه بغضب مُصطنع ثم مسك

ذراعها بقوة وقال :-

- وحشتك تستنيني في بيتك أنما تسافرى

من ورايا أقطع رقبتك فيها

- بحبك

قالتها وهى تضع قبلة على لحيته الخفيفة

لتذيب كل غضبه وتسقط ذلك القناع

المُصطنع فنظر لها بحب وقال :-

- مجنونة والله أنك مجنونة يا نبض

وهتجننى وياكى

- عارفة يا قلب نبض

نظر للخلف على اليخت وهو يتحرك فى

البحر بهما وسألها :-

- أيه دا يا نبض ؟

- دا مفاجأة ، أوعى تقولى أنك مش فاكـر
النهاردة أيه؟؟

قالتها بجدية وهى تنظر له بتوتر خاشية أن
يكون نسي ذكرى زواجها الأول ، صمت
قليل يُربكها فقالت بتذمر :-

- أنت بجد مش فاكـر يا يوسف

- أنا بحاول أحسب أزاى مر سنة بالسرعة
دى معاك يا نبضي

تلاشى غضبها وظهر بدله بسمة مُشرقة
طالما عشق رؤية هذه الأبتسامة منها وقال
بنبرة دافئة :-

- بس معلش قوليلى أيه حكايتك فى
الأحتفال عشان تقوليلى أنك حامل طلعتى
السماء ودوختنى وراكى فى باريس وعشان
تقول كل سنة وإحنا مع بعض جبتنى من

القاهرة للغردقة زى المجنونة عشان تقوليها
فى البحر ... خايف المرة الجاية تودينى القارة
الجنوبية عشان تقولى فى الثلج
قهقهت ضاحكة عليه وهى تتشبث بذراعه
وتقول :-

- ممكن برضو ليه لا

- مجنونة رسمى

تبسمت وهى تختبىء بداخل أحضانه وقالت
:-

- محنونة بحُبك

- بما أن اليخت أتحرك أنتِ ناوية نرجع أمتى
؟؟

تبسمت وهى تأخذ يديه وتذهب به للأسفل
حيث الغرف وقالت بدلاية :-

- بعد أسبوع ، أعتبره أسبوع غسل من جديد
قهقهه ضاحكًا عليها وهو يقترب منها بينما
يده تنزع رابطة عنقه ويده الأخرى تغلق باب
الغرفة خلفهما

___ شقة الزمالك ___

خرجت "جهاد" من المطبخ لتراه جالسًا على
الأريكة ويلهو مع "رحيم" كطفل صغير
وليس رجل في الخمسينات من العمر فقالت
-:

- يا ريتها نبض خلفت من زمان ، مش كنت
جاي تعبان من الشغل ومش قادر تتحرك
أول ما تهانى جابت رحيم جالك الفوقه
- مش بيقولك أعز الولد ولد الولد

قالها وهو يداعب "رحيم" بيده فتبسمت

وهى تقول :-

- مشوفتكش بتضحك كدة من زمان

- اه الأحفاد بتصغر الواحد وترجعه عيل

قالها بابتسامة فتبسمت وهى تقول :-

- ياريت كان اسمى رحيم ... تعال كُـل يا جدو

تبسم لها ثم وضع "رحيم" فى سريره الصغير

وذهب للسفر فقالت :-

- كُـل كويس عشان تقدر تلعب ...

قهقه ضاحكًا عليها فتبسمت له ...

فتح "يوسف" عيناه بأنزعاج من أشعة
الشمس وهو نائمًا بصدر عارى على سطح
اليخت ، رأها تصعد الدرجات مُبتسمة

بإشراق تُنير يومه بتلك البسمة الصباحية
ومُرتدية قميصه السماوي ويصل لأعلى
ركبتها باقدام عارية وترتدي هوت شورت
قصير لا يظهر من القميص ، ترفع أكمام
القميص إلى ساعديها وشعرها يتطاير مع
الهواء الشديد ، جلس وهو يضع ذراعه على
ركبته وممدد قدمه الأخر ويتفحصها ،
جلست بجواره كطفلة صغيرة وقالت :-
- صباحك ورد وفل وياسمين يا روى

قبلها بلطف ثم قال :-

- صباحك جنة يا نبضة قلبي ، ايه اللي
لابسة دا

- هدومك كنت حابة أجربها هتقول عليا
مجنونة صح

قالتها بدلاية وهى تعض شفتيها بخجل

ليقول :-

- أوريكى الجنان أنا بقى أيه

- أيه؟؟

أخذها من يدها وهو يقف وأخذها إلى حافة
البيختر وهو يطوق خصرها بذراعيه فصرخت

بخوف وهى تقول :-

- لا يا يوسف أنا مبعرفش أعوم

قطعت جملتها بصرخة قوية حين قفز بها
للبحر وفلتت من يده ليتشبث بها بقوة وهو

يقول :-

- أهدى يا نبض وسيبى نفسك مع المياه

وضعت يديها على أكتافه وهو تحاول عدم
الحديث حتى لا تبتلع المياه ، سبح بها قليلاً

وهى مُتشبّثة به ، تبسم بمكر عليها وأختفى
فى الماء لتحاول السباحة وهى تناديه بخوف
-:

- يوسف .. يوسف أنت فىن .. يوسف
بدأت تبكى بخوف عليه وخوف من الماء
ليصعد من خلفها وهو يطوق خصرها
لتستدير له باكية وتضربه على صدره بقوة
وقالت :-

- أنت مُختلف هتموتنى من الخوف عليك
- نبض

نظرت له بعيون باكية ممزوجة بمياه البحر ،
تأملها وهى مبلة وجميلة ثم قال :-
- أنا بعشقتك يا نبض ، بعشقتك بجنون

- يوسف اهيبويه أنا بحبك أوى متخوفنيش
عليك تانى

قالتها وهى تعانقه ببراءة لتشعر بقبلة على
عنقها الباردة بشفتيه الدافئة فقالت بخجل

-:

- ممكن نطلع عشان أنا سقعت

صعد بها لليخت وتركها تبديل ملابسها وتجهز
الطعام وعاد للبحر مُجدِّدًا ، جهزت "نبض"
الطعام ووضعتة على الطاولة ثم أستدارت
لئُصدم حين رأت رجل مُلثم خلفها ، أتسعت
عينها بصدمة وخوف وهى تعود بقدمها
للخلف حتى وصلت لحافة اليخت..

نظر "يوسف" من الأسفل عليها لئُصدم وهو
يرى جسدها يسقط من اليخت للماء وتزداد

صدمته حين رأى المياه الزرقاء تتلوث بلون
الدم

----- تاابع -----

#ملك_فقيد_الحب

#نور_زيزو

#نورا_عبدالعزيز

#ملك_فقيد_الحب

___ الفصل الخامس والعشرون (25)

___ بعنوان "أميرتي المُدلة " ___

فزع من نومه وهى تناديه وعلى ملامحه
الذعر وخوف شديد ، حدق بها وهى تجلس
أمامه على ذلك الفراش الصغير مُرتدية
شورت قطنى قصير فضفاض وتي شيرت

بنص كم قصير يظهر نحافة خصرتها ، نظرت
إلى ملامح الخوف بوجهه فقالت بقلق :-

- مالك يا حبيبي ، أنت كويس ؟؟

سمع صوتها لتنفس الصعداء بأرتياح من
ذلك الكابوس ثم جذبها إلى حضنه وعانقها
بقوة مُتمتًا :-

- الحمد لله

أربتت على ظهره بلطف وقالت :-

- أهذا يا حبيبي أكيد كابوس

- كابوس مُخيف

تبسمت وهى تبتعد عنه وتخرج نفسها من

بين أحضانه وقالت بابتسامة :-

- تعال يا حبيبي .. أنا جهزت الغداء

أخذته من يده وصعدت لأعلى اليخت
وجلست معه على طاولة الطعام فرأته
شاردًا وما زال مذعورًا ، مسكت يده بلطف
وقالت :-

- مالك يا حبيبي .. كابوس وراح لحاله
خلاص

نظر لها بشغف ثم أخذ يدها وجذبها له
لتقف من مكانها وجعلها تجلس على قدمه
كطفلته الصغيرة ووضع خصلات شعرها
خلف أذنها وداعب وجهها بأنامله وهو يقول
بنبرة مرتجفة :-

- أنا بترعب من فكرة أن ممكن يحصلك
حاجة يا نبض ، مجرد فكرة أن ضعفك ممكن
يتكسر ويوجعك بترعبنى

لمست لحيته بحنان وقالت بدفاء :-

- أنا كنت بقولك حبنى لكن مكنتش عاوزه

أكون نقطة ضعفك ولا سبب خوفك

- أنا قولتلك أن حُبى هيتعبك لأنى هحبك

بطريقتى

قالها بحزن وهو يتحاشي النظر لها ، رفعت

رأسه لها لتتقابل عيناها معًا فقالت بلطف

ونعومة :-

- أنا بحب حُبك يا يوسف وبحبك وبحب كل

حاجة منك ومش مصدقة أصلاً ان فى سنة

مرت فى عمرنا بالسرعة دى سوا وبقى عندنا

رحيم

- أنا عاوز العمر كله يمر معاكى يا نبض

عشان كدة بتربع لو فكرت أن ممكن

يحصلك حاجة

تبسمت له وهو تداعب انفه بسبابتها

وهتفت بحب :-

- أنا عاوزاك متخافش يا يوسف ربنا عمره
ما بيرضي بالظلم ولا بينصر الشر على الخير
أبدًا وعاوزاك تطمن أن ربنا معانا وهو اقوى
من مكر البشر ودا يكفيننا يا حبيبي ، دلوقت
بقى تنسى كل زعل وخوف وخلينى نتبسط
شوية إحنا هنرجع بكرة وهترجع لشغلك
وهتنشغل ممكن نروق بالك وننسى الدنيا
كلها النهاردة ، النهاردة أنت بتاعى أنا بس
تبسم لها بأرتياح بعد أن سمع حديثها وقال
بعفوية :-

- نبضي أنا بتاعك وبس العمر كله وما بعد
العمر

وضعت قبلة على جبينه بدلاية وقالت :-

- أنا عشقت اسمى من نُطقك له

- أنا بقى عشقتنى من عشقك ليا

أطعمته بيدها بدلاية وهى تحاول أخفاء أثر
هذا الكابوس من عقله ومحوه تمامًا ...

وصل "مراد" إلى قصر الحناوى وترجل من
سيارته ثم دلف إلى القصر تحديدًا إلى
الصالون وقال وهو يجلس بجوار "صباح"
ويقبل رأسها :-

- صباحك فل يا صباح هانم

- صباح النور يا مراد

قالتها وهى تترك الجريدة ثم نظرت له
وتابعت حديثها :-

- عملت ايه فى اللى طلبته؟؟

- بالنسبة للطلب التانى كله تمام أطمنى ،
والطلب الأول أحب اعرفك أنى وصلت لدليل
المطلوب .. أتفرجى على الفلاشة دى
وبعدين نتكلم

قالها وهو يعطيها الفلاشة ، تبسمت بمكر ثم
أخذت الفلاشة ودلفت للمكتب

وصل اليخت للشاطيء ، توقف " يوسف "
يحمل حقيبة السفر صغيرة الحجم
وينتظرها ، جاءه صاحب اليخت ليستلمه
فنظر بساعة يده على الوقت ثم للخلف ،
رأى "نبض" تنزل من الأعلى مُرتدية فستان
أبيض اللون بكم به ورود ملونة وتلف حجاب
حمراء وكعب على أحمر تفحصها بأنبهار وهو
يلتف لها بدهشة ، أقتربت منه مُبتسمة
على ذهوله وخجولة من نظرات الأنبهار التى

جعلت عيونه تتلأأ فرحًا حتى وقفت أمامه

وسأله :-

- مالك يا يوسف بتبصلى كدة ليه؟؟

- مش مصدق القمر دا

قالها وهو يممسك يدها وجعلها تلف حول

نفسها وقالت بعفوية :-

- عجبتك؟! بس بأمانة يا يوسف

- شوفى نبضي كدة وأنت هتعرفى لوحذك

قالها وهو يأخذ يدها ويضعها فوق قلبه

لتشعر بنبضات قلبه المُتسرعة ، توردت

وجنتها خجلًا وأحمرارًا وهى تقول بصوت

خافت :-

- دى هدية عيد جوازنا الأول يا رب تكون

عجبتك

- أنا كل حاجة تخص نبضى بتعجبنى ، كنت
من دقيقة واحدة بحبك ودلوقت عشقتك
من جديد

قالها وهو يقبل جبينها بدلاية وتابع حديثه
بعفوية :-

- ربنا يباركلى فيك يا نبض ولا يحرمنى
منك أبدًا ويجعلك حوريتى فى الأرض وفى
الجنة

تبسمت له وهو يعانقها بـحب وأرتياح ثم
ذهب معًا وهو يأخذ يدها بيده إلى سيارته ...
وصل بسيارته إلى القصر بعد ساعات كثيرة
ودلف بصحبتها ليرى " صباح " تستعد
للخروج بأنشغال وبال شارد حتى لم تنتبه
لوصولهما ، سألهما بتعجب :-

- على فين يا أمى ؟

- مشوار سريع يا حبيبي وهرجع

قالتها وخرجت من القصر مُسرعة ، نظرت

"نبض" لها بتعجب فترك "يوسف" يدها

وقال :-

- أطلعني يا نبض وأنا هروح مشوار للشركة

وجاي على طول

- مش هتترتاح شوية

تبسم لها وقال :-

- مش هتأخر

- ماشي خلاص أنا كمان هروح أجيب رحيم

من ماما عشان وحشني جدًا

قالتها وخرجت معه لتأخذه سيارتها وتذهب

وذهب "يوسف" للشركة مُعتقد أن والدته

هناك ...

___ شقة الزمالك ___

- مش هتقوم تشوف شغلك يا فؤاد ولا ايه ،
من ساعة ما رحيم جه وأنت سايب كل
دنياك

قالتها "جهاد" بجدية وهى ترمقه بتعجب ،
أجابها وهو يلهو مع "رحيم" ذلك الطفل
الرضيع الذي يبتسم له فقط :-

- هقوم أهو يا جهاد

- أنا كل ما أكلمك تقولى هقوم أهو

قالتها بتذمر على حديثه ، دق جرس الباب
وفتحت الخادمة لتولج "نبض" مُبتسمة ،
نظرت "جهاد" لها بدهشة من حجابها وقالت
بفرحة :-

- نبض !!

- أیه رأیک یا ماما

سألتهأ بأتبسامة لتقول :-

- زى القمر يا حبيبتي ربنا يهديك وبيبارك

فيكى

عانقتها بترحيب ثم اقتربت من والدها تقبل

رأسه وهى تقول :-

- أیه يا بابا مفيش حمدالله على السلامة

ولا وحشتينى

- ازيك يا نبض

قالها بلا مبالة دون النظر إلى طفلة

فتبسمت وهى تقول :-

- أنا كدة هغير من رحيم يا بابا

قهقهت " جهاد " على حديثها وهى تهتف :-

- تتعشي معانا بقى ...

_____ شركة ال SH _____

- مدام صباح جت

قالها "يوسف" وهو جالسًا على مقعده
فأجابته "ألاء" قائلة :-

- لا يا مستر يوسف مجتش النهاردة خالص ،
ومدام ميرا برا عاوزه تقابل حضرتك

- قوليلها مش موجود أو مش فاضي أى
حاجة مدخلهاش

أتاه صوتها بنبرة غليظة وهى تقول :-

- ليه يا يوسف بيه

تأفف "يوسف" بأختناق وأشار إلى "ألاء"
بالأنصراف ثم قال بجديّة :-

- خير يا ميرا ، أنتِ كل شوية هتنطيلي هنا
متخلينيش ألجىء لحل يضايقك وأخلى
الأمن ميدخلكيش من باب الشركة

نظرت "ميرا" إلي "ألاء" وهى تنصرف حتى
غادرت ثم قالت بحنين مكبوث بداخلها :-

- وحشتيني يا يوسف

زفر بغیظ شديد وهو يقف من مكانه ويسير
نحو الشرفة ويقول صارحاً :-

- أنا فيا اللى مكفينى يا ميرا ومش ناقصك
أنت وتخاريفك دى

أسرعت نحوه وهى تمسك يده بشغف
وشوق وتقول بعيون باكية :-

- دى مش تخاريف يا يوسف ، أنا والله
بحبك ومبقتش قادرة أستحمل أعيش بعيد

عنك أكثر من كدة .. هيجرالى حاجة لو بعدت
أكثر

أغمض عيناه بهدوء وقال بنبرة هادئة يكبث
غضبه :-

- ميرا إحنا اللي بينا أنتهى خلاص ، شوفى
حياتك بعيد عنى وطلعينى من دماغك أنتِ
وأبوكى

ذرفت دمعتها بوجع شديد يتلهم قلبها
وقالت بحزن وقلب مُنكسر :-

- يوسف والله أنا بحبك وعارفة أنى غلطت
ومش هعمل كدة تانى والله بس أرجعلى
وحياتى

- أسف يا ميرا أنا حياتى ملك نبض وبس

فقدت سيطرتها حين نطق أسمها وأنهارت
تمامًا وهي تضربه بقبضتيها على صدره
بقوة وتصرخ باكية :-

- نبض نبض نبض .. أنا بكرهك هي مش
هتحبك قدى .. بكرهها بكرهها بكرهها

مسك يدها بغضب ليراها تنهار بين ذراعيه
ووضعت رأسها على صدره بضعف وبكاء ،
فتح باب المكتب ودلفت "نبض" لئُصدم
حين رأتهما بقرب بعضهما هكذا ، رمقها
"يوسف" بذهول من وجودها و"ميرا"
بحضنه لئُصدم حين أستدارت "نبض"
بعيون دامعة ورحلت ، كاد أن يذهب خلفها
ليشعر بجسد "ميرا" يسقط أرضًا فاقدة
للوعى

- سيبنى يا سارة

قالتها "نبض" بصراخ وهى تجمع أغراضها
فى حقيبتها ، افرغت "سارة" الحقيبة وقالت
بذهول :-

- أنتِ مالك يا نبض ، فهمينى بس حصل
أيه عشان عاوزه تمشي ؟

- أخوكى عارف هو عمل ايه ؟

قالتها "نبض" ببكاء ثم جلست على الفراش
تبكى وتقول :-

- دا حتى مجاش يجرى ورايا

- لا يا نبض أنا جت

قالها وهو يدخل الغرفة فرمقته بنظرة عتاب
ثم تحاشت النظر له فقالت "سارة" :-

- طيب أنا هسيبكم

خرجت "سارة" من الغرفة وأغلقت الباب ،
أقترب نحوها وهو ينظر على الحقيبة
ويقول :-

- أنتِ بتعملى أيه يا نبض ؟

- بتسأل ، أنت بتخونى وكمان بتسأل
أتسعت عيناه على مصراعيها بصدمة وهو
يقول :-

- بخونك !! ، أنا مخونتكيش يا نبض ولا أقدر
أفكر فى كدة مجرد تفكير

- يا سلام والخيانة اللي شوفتها أيه والهانم
نايمة على صدرك ولا الخيانة عندك أنى
أجيبكم من شقة

- يا نبض والله محصلش ، ميرا تعبت وفى
المستشفى دلوقت عندها أنهيار عصبى
وأحتمال تدخل مصحة

صرخت به وهى تقول بغيره مُشتعلة :-

- أنت عاوز تجننى وأنا مالى هى فيها ايه ، أنا
اللى يخصنى كانت عندك بتعمل أيه ونايمة
على صدرك

قالتها وهى تضربه على صدره بأغتيال منه
وغيرتها تأكل قلبها ، دمعت عيناه وهو يرى
دموعها تنهمر بسببه ، جلس على ركبتيه
وعيونه مليئة بالدموع الحارة وقلبه يصرخ
وجعًا وأسفًا ، لمس يدها بضعف وقال باكياً
:-

- أسف يا نبض ، والله أسف يا حبيبتي
- وأسفك دا هيمحى خاينتك ليا .. أنت
خونتنى يا يوسف عارف يعنى أيه خونتنى
ومع مين مع طليقتك ...حتلها يا يوسف
قلبك رجع يحبها وعقلك يفكر فيها

قالتها بغضب مُكتوم وهي تحدق به بغيظ

واختناق من فعلته لِيُتمتم بتلعثم

شديدًا وقد أنجرفت دموعه من جفنيه :-

- والله أبدًا يا نبض ، أنا عارف أنى غلطت

وغلطة متغترفش بس غضب عنى والله

وربنا شاهد أنه غضب عنى

- ليه مكنتش فى وعيك خدرتك

صمت بحزن شديد فهو كان بكامل وعيه

وعقله لتقول بأنكسار وخيبة أمل :-

- أنت كسرت ثقتى فىك يا يوسف ،

كسرتنى بخيانتك ليا وعمرى ما هسامحك

جفف دموعها بأنامله بحنان وقال بلطف

وحُب :-

- يا نبض ورب العرش ما بحب غيرك ولا

عمرى لمست واحدة ست غيرك من يوم ما

دخلتلى حياتى ، وحياء رحيم يا أم رحيم ما فى

فدنيتى كلها غيرك يا دنيتى

حدقت "نبض" به صامته ثم رفعت يدها إلى

وجنته تلمس دموعه الحارة وقالت بنبرة

باكية :-

- أوعاك أشوف دموعك دى تانى بسببى يا

قلبى

- والله أسف يا نبض قلبى

وضعت قبلة على عيونه الباكية وقالت بحنو

:-

- كفاياك أسف يا نى عينى قولى بحبك

تبسم وسط دموعه وقال بعفوية :-

- بعشقتك مش بحبك بس

عانقته بدلاية لبيتسم براحة بال وهو
يطوقها بذراعيه ، شعرت بالأمان لعودتها إلى
بيتها بين ذراعيه وهي تستنشق رائحته التي
عشقتها ، اخرجت نفسها من حضنه وهو
ينظر لها بتعجب وهي تشم رائحة ملابسه
بغيرة شديدة ووقفت من مكانها تنزع سترته
وقميصه بغضب وعنف قوى فسألها وهي
تنزع القميص من يده :-

- بتعملى آيه يا نبض ؟

- أقلع يا يوسف الهدوم دى خلىنى أولع
فيها

قالتها بنبرة غليظة لبيتسم وهو ينظر عليها
بينما هي تأخذ ملابسه وتقذفهما من
الشرفة فى الحديقة ، شعرت بذراعيه يطوق
خاصرتها فقالت بتذمر :-

- مبسوط وبتضحك !!

- بتجنينى بجنانك وشقاوتك يا نبضي ،
حتى غيرتك بتجننى يا دنيتى

أستدارت له مُبتسمة وهى تقول بقلق :-

- طب أتفضل بقى على جوا ألبس حاجة
عشان ميجلكش برد

- مش أنتِ اللى وقفتنى كدة

قالها بعفوية لترفع حاجبها له وهى تقول
بضيق :-

- يا سلام كنت عاوزانى أسيبك لابس هدوم
فيها رائحة الحلمبوحة دى ... أتفضل ألبس
تيشيرت وتستحم كمان قبل ما تلبس
الهدوم إذا كان عجبك بقى

قهقهه ضاحكًا عليها وهو يبعثر شعرها من

الأمم وقال :-

- مجنونة ..

عقدت ذراعيها أمام صدرها بغضب مكتوم

من الغيرة

- بنتى أنا تدخل مصحة نفسية

قالتها "ميادة" بصدمة ليُجيبها "عصام"

بأستياء :-

- كله بسبب يوسف ، وغلاوتها لأدفعه التمن

غالى

صرخت به بانفعال شديد وهى تبكى :-

- كفاية بقى ، كرهكم لبعض هو السبب فى
كل اللى إحنا فيه دا ، بنتى هى اللى دفعت
التمن ... كفاية بقى

ركضت "ميادة" إلى غرفتها باكية على حال
أبنتها وما حدث بها بسبب حُبها الأعمى ..

- لازم تدفع التمن غالى يا يوسف وتدخل
المصحة اللى دخلتها لبنتى

قالها "عصام" بقلب مُنكسر على ابنته التى
فى بداية عمرها ...

دلفت "صباح" إلى قبو فيلتها القديمة ملك
والدها بصحبة "مراد" ووجدت ذلك الرجل
الذى قتل "ملاك" حفيدتها التى لم تكمل
من عمرها سوى ساعات ، جلست على

مقعد جلدية خاص بالأتيرية ووضعت قدم
على الأخرى بكبرياء ثم قالت :-

- هو دا؟؟

- ايوة يا مدام صباح

قالها "مراد" بهدوء ، نظرت على الرجل وهو
مقيد على الأرض ووجهه ينزف دماء بعد ان
أطرحه رجال "مراد" ضربًا ولم يبقى به أنش
إلا بها جروح تؤلم لكنها ليست مُميت ،
سألها الرجل بقلق :-

- أنتِ مين ؟

هتفت "صباح" ببرود قائلة :-

- معقول متعرفنيش وأنت قاتل حفيدتى

- حفيدتك !!

قالها بتلعثم شديد وهي تنظر له ووضعت
الجزء الخلفى من كعبها العالى على قدمه
وضغطت بقوة أثناء حديثها بتهديد :-

- بس صحيح متعرفنيش لأنك لو تعرفنى
مكنتش أتجرات على لمس حفيدتى

تألم من كعبها العالى التى تغرسه فى قدمه
فتابعت بغضب قاتل :-

- أنا ممكن أقتلك وأشرب دمك ومحدث
يوصلك ولا هيحس بيك ، حشرة وأتفحست
بالجزمة بس أنا بقى هطلب منك طلب
واحد لو عملته هتنقذ رقبتك من سكينتى

- رقتى ليكى يا ست هانم

قالها وهو يقبل يدها ، جذبت يدها من
قبضته بأشمئزاز وقالت بمكر شيطانية :-

- ٢٤ ساعة وتجبلى عصام تحت رجلى وزى
ما قالك تقتل ملاك هتقتله وقدام عيني
وتحط رأسه تحت رجلى واضح
أزدرد لعابه بصدمة ثم قال بتلعثم :-
- تحت أمرك يا ست هانم
تبسمت بمكر وهو تعود بظهرها للخلف

--- تاابع ---

#ملك_فقيد_الحب

#نور_زيزو

#نورا_عبدالعزيز

#ملك_فقيد_الحب

___ الفصل السادس والعشرون (26)

___ بعنوان " كارثة قادمة " ___

صعدت "نبض" إلى الفراش وهى تراه شاردًا
ومُمد جسده على الوسادة واضعًا يده خلف
رأسه فمسحت على رأسه بلطف ليفوق من
شروده على صوتها الدافئة التى لا طالما
عشقه :-

- مالك يا حبيبي !! بتفكر فى آيه ؟

- هتكلم معاكى لأنى عارف ومتأكد أنك
عاقلة ومش هتفهمنى كلامى غلط أو بسوء
فهم

تبسمت وهى ترمقه بهدوء بينما هو يأخذ
يدها بين يديه لتفهم أنه سيقول ما يعضبها
ويتطلب منها التفاهم ، تحدث بتردد قائلاً :-

- تفتكرى يا نبض أنى سبب كل اللى

بيحصل فى ميرا ...

جذبت يدها بغضب امراة غيورة تلفظ زوجها

وحبيبها باسم امراة أخرى وزوجته السابقة ،

عاد ليأخذ يدها مُجددًا وقالت :-

- أنت بتلمح لأيه ؟

- بفكر أنا كنت وحش لدرجتى فعلاً ، لدرجة

أن كل شوية تقولى أنت السبب فى اللى

حصل ، وتشيلنى كل المسئولية فى اللى

حصل وأن خيانتها كانت شيء عادى

تأففت "نبض" بغيرة من مرأة أخرى

تستحوذ دقائق على تفكيره ثم قالت :-

- يوسف ، الخيانة ملهاش مبرر مهما كانت

الحياة رمادية بين أى اثنين الخيانة هتفضل

خيانة مهما حصل .. وأنت مش وحش يا

حبيبي أنت أهو لسه زى ما أنت أنا مغيرتش
فيك حاجة لكن هي معرفتش تخليك تحبها
معرفتش تحتويك وتطمنك عشان تطلع
الحب منك

داعبت لحيته بيدها وتابعت حديثها بلطف :-

- وبصراحة مشكورة على اللي عملته لولا
فعلها مكنش القدر جمعنا سوا

- أنتِ أحلى عوض من ربنا يا نبضى

قالها بدلاية فتبسمت وهي تراه يضع رأسه
على قدميها كطفل صغير وقال :-

- أنت أجمل سكن وسكينة يا موطنى

الوحيد

تغلغت يدها إلى خصلات شعره الكثيفة
وقالت :-

- نامى يا حبيبي وكفاياك تفكير متشلش

حاجة فوق طاقتك

أغمض عيناه بحب وقال :-

- وما أجمل السلام بين يديك يا نبضى

فى الصباح الباكر هيئت "ميادة" "ميرا"
للذهاب إلى المصححة النفسية وهى شبه
فاقدة للوعى تمشي بجوارها وهى غير
واعية بما يحدث حولها ولا تشعر بشيء ،
حتى قال "عصام" باستياء :-

- جاهزة !!

جفت "ميادة" دموعها بحزن وهى تشير له
بنعم ، أخذها "عصام" إلى الأسفل وهى
تُتمتم بلا وعى :-

- يوسف حبيبي .. يوسف

شعرت بنزولها للدرج فقالت بتعجب وهى
تنظر حولها :-

- إحنا هنروح فين ؟ هتوديني ليوسف يا بابا
دمعت عيناه على أبنته التى ذبلت بسبب
الحب وقال :-

- اه يا حبيبتى هنروح ليوسف

تبسمت كالبلهاء بسعادة تغمرها بصدق
وهى ترتب هيئتها وتقول :-

- ها .. بجد .. طب أيه شكلى حلو .. أستن
أحط ميك اب عشان يشوفنى حلوة ..

عانقها "عصام" بضعف ، يرى ابنته تكاد
تصل للجنون وتفقد عقلها بسبب حب رجل
قامت بخيانتته فى الماضي وعشقتة حد

الجنون حين رحل عنها حتى أنه عشقه كاد
يفقددها عقلانيتها ، أخذها للأسفل وحين رأت
الطبيب بدأت تصرخ بجنون وهي تقول :-

- أنتوا بتكذبوا عليا .. بتكذبوا عليا ... أنا عايزة
يوسف .. يوسف بس يو.....

سقطت على الأرض فاقدة للوعى مُنهارَة
بعد أن فقدت أخر ذرة عقل بها تقديرًا
بسبب حُبّه ، فهل حقًا هناك من يصل إلى
الجنون بسبب حب زرع بقلبه؟؟

بعد أن فحصها الطبيب وأعطها حقنة مهدئة
، وقف وهو يستدير لهما ويقول :-

- أنا أديتها مهدئ لكن مدام ميلا لازم تعمل
التحليل دا قبل دخول المصحّة

أخذت "ميادة" الورقة منه وأتسعت عيناها
بدهشة حين نظرت للمكتوب وقالت بتلعثم
غير مُصدقة ما تراه :-

- أختبار حمل

- مجرد شك ومحتاجين نتأكد منه فورًا

أتصل "عصام" بطبيب نساء وتوليد وجاء
إليه وأحضر "عصام" جهاز الأشعة لتتسع
عين "عصام" على مصراعيها وهو ينظر
للشاشة بصدمة وهكذا "ميادة" تتشبث
بذراعه بصدمة ألجمتها ليكمل الطبيب
صدمتهما القائلة حين قال :-

- مبروك مدام ميرا حامل في الشهر الثالث

- مستحيل

تفوهت بها "ميادة" وهى تنظر إلى "ميرا"
الغائبة عن الواعية وتنام بفراشها كالطير
مكسور الجناح

----- شركة الـSH -----

أنهت "صباح" جولتها فى ورشة عمل "نانا"
بعد أن شاهدت الفساتين الجديدة بنفسها
ودلفت للمصعد بصحبة "فؤاد" ، تحدثت
بجدية :-

- أكد عليهم يا فؤاد أن الموضوع يتم على
أكمل وجه مش عاوزة لخبطة كثير

- متقلقيش يا فندم ، عمار برا مصر ولسه
أحواله مش مستقرة بعد الضربة اللى قضى
بها يوسف عليه ، ودا المنافس الوحيد اللى
ممكن يلجأ لطرق غير مشروعة فى السوق

- ماشي

قالتها وهى تشير له بأن يصمت وهى تنظر
لشاشة هاتفها ، فتحت الخط بوجه جاد جدًا
وقالت :-

- نعم !! ... لا دا أنت كدة تزعلنى منك وأنا
زعلى وحش ميكفهوش رقبتك ... أنا قولت
24 ساعة ...

نظرت إلى ساعة يدها وقالت بتهديد واضح :-

- فات منهم 18 قدام 6 ساعات لو طلبى
متنفذش متلومنيش لو رقبتك وقعت من
على كتفك

أغلقت الخط بجدية وقالت :-

- أنا عندى غداء برا وهروح بعدها لو أحتجوا
حاجة كلمونى وقول ليوسف رئيسة مجلس

الأدارة بتقولك تروح لمراتك معاد العمل

خلص من بدرى

توقف المصعد فى الطابق الأسفل وخرجت

منه إلى الخارج والجميع يحيوها بهدوء

والبعض يتوقف عن الحديث مع بعضهما

فى وجودها خوفاً من هيبتها ، فتح رجل الأمن

باب سيارتها البيضاء الخلفى فصعدت بغرور

وأطلق السائق ...

وقف "كريم" مع أحد الطباخين فى صالة

الطعام فى وقت قبل فتح المطعم يتحدثا

حتى قطعهم صوت جرس الهواء المعلق

بالباب يفتح فنظر ليرى "نادين" تدخل

بضعف وهى تبكى بأنهيار ، تعجب لبكاءها

وأشار إلى الطباخ بالذهاب وهو يقترب منها

فقال :-

- مالك يا نادين ؟ حصل أیه ؟

- أنا زهقت وتعبت

قالتها وهى تبكى بغضب فأربت على كتفها

وهو يقول :-

- أهدى وفهمينى طيب حصل ايه ؟ كل

مشكلة وليها حل

- بابا جايلى عريس ومُصمم يجوزهولى

تنهد بهدوء وهو يقول :-

- طب وفيها أیه ؟؟

نظرت له بدهشة ولتعود للبكاء بصمت وهى

تنظر لبروده وقالت بغیظ :-

- على رأيك وفيها أیه ؟؟

أستدارت لکی ترحل منه أمامه فقال

بتعجب :-

- على فين؟؟

لم تُجيبه ورحلت من أمامه ، كانت تسير في
الشارع تُحدث نفسها وتقول :-

- فيها أيه صحيح ، جبلة ومعدوش دم ...

جرا أيه يا نادين هو معشمكيش بحاجة ولا
وعدك بحاجة ...

بس كُنت حاسة أنه يبجبنى وبيعاملنى
بلطف ...

لا يا نادين متعلقيش بأوهام أنتِ اللى
حساها ...

ضربت الأرض بقدمها بغیظ فألتوه كاحلها
وسقطت أرضًا لتجهش فى البكاء فشعرت
بظلل أحدهم يقف أمامها ثم جثو على ركبتة
، نظرت "نادين" فرأته يجلس أمامها وهو
يقول :-

- بتسببى فى المشاكل لحد ما تأذى نفسك

.. أنتِ غبية ؟

- مالکش دعوة بيا

قالتها وهى تقف رغم ألم كاحلها وأوقفت
سيارة أجرة وصعدت بها تاركه خلفها ، تبسم
على غضبها الطفولى وعاد إلى المطعم

_____ مستشفى الجلاء الخاص _____

ركضت "نبض" إلى الطواريء بقلق حين
علمت بوجود "نادين" هناك مريضة ، وصلت
إلى الفراش فرأتها نائمة وواضعة الوسادة
فوق رأسها ، تبسمت "نبض" بأرتياح وقالت
بزمجرة :-

- نادين !! نادين قومى ... زفتة

أبعدت "نادين" الوسادة عن رأسها وهى

تقول بغضب :-

- نبض أنا مريضة وعاوذة ارتاح

ضربتها "نبض" على رأسها وهى تقول :-

- جالك عريس صح؟؟

تبسمت "نادين" كالبلهاء وهى تقول :-

- أيه دا عرفتى منين؟

ضربتها "نبض" بقوة على رأسها وهى تقول

:-

- هتفضلى عيلة يا نادين ، كل ما يجيلك

عريس تتهرى من مقابلته بالنوم فى

المستشفى وتدعى المرض

- لا أنا فعلاً مريضة المرة دى عندى سخونية

جداً ودوران

قالتها وهى تضع يدها على رأسها وتدعى
المرض ، عقدت "نبض" ذراعيها أمام صدرها
وقالت بأختناق :-

- نفس حجة كل مرة قومي شوفي شغلك يا
دكتورة بطلى دلح

- عيانة يا نبض

صرخت "نبض" بها مُشتاطة غضبًا :-

- نادين قومي بدل ما أجيب الأمن يقومك
هو

أشارت "نادين" على ضمامة كاحلها وهى
تقول :-

- وقعت على رجلى فعلاً

ضربت "نبض" قدمها لتصرخ بوجه فنظرت
لها وهى ترى الدموع تتلألأ فى عينيها ،
أقتربت من "نادين" بهلع وقالت :-

- أنتِ بجد وقعتى ، أسفة يا حبيبتى والله ...
أسفة

جهشت "نادين" فى البكاء بأنهيار لترتعب
"نبض" خوفاً من أن تكون ألماتها بشدة
لتقول بندم :-

- أسفة

- هو بيعاملنى كدة ليه ، ما دام مش بيحبنى
ليه بيعاملنى بلطف كدة وبيدللنى
جلست "نبض" على الفراش وهى تقول
بتعجب :-

- هو مين دا؟؟ أحكىلى فى أيه؟؟

- مفيش

قالتها "نادين" بغیظ وهى ترحل من أمامها
وتضغط على قدمها رغم وجعها ، حدقت بها
بذهول فماذا حدث لصديقتها الناضجة
قطع تفكيرها صوت "ملاك" وهى تقول :-

- دكتورة نبض ، أنا جاهزة

نظرت "نبض" إليها فرأتها تبتسم بخوف
ممزوج ، تبسمت "نبض" لها وهى تقول :-

- مش خايفة يا ملاك

- بصراحة خايفة بس بقول أن دى اخر
عملية وبعدها هخرج من هنا وأرجع
مدرستى

تبسمت "نبض" لها وهى تقول :-

- متقلقيش أنا هعمل كل اللى أقدر عليه

- أنا واثقة فيكى يا دكتورة

قالتها "ملاك" وهى تضحك بإشراق ، أخذتها
"نبض" إلى غرفتها وساعدتها فى تغيير
ملابسها إلى زى العمليات ثم جلست على
الترولى ، نظرت "ملاك" لها وقالت بخوف :-

- دكتورة ، أنا ممكن أقولك يا ماما .. أنا
مرعوبة ومعنديش ماما أقولها أنى خيفة ولا
حتى تحضنى

ضممتها "نبض" إليها بحنان وقالت :-

- متخافيش يا ملاك ، أنتِ عارفة أنى بحبك
صح

أومأت "ملاك" لها وذهبا إلى غرفة العمليات
، كانت "ملاك" تتنفس الصعداء بخوف
شديد وهى نائمة بغرفة العمليات حتى

جاءت "نبض" إليها بصحبة طبيب التخدير ،
نظرت "ملاك" لها وقالت :-

- أنا بحبك أووى يا دكتورة نبض

قبلت "نبض" جبينها بابتسامة وظلت
ممسكة بيدها حتى بدأ مفعول المخدر
ونامت تمامًا ، تنهدت "نبض" وهى تشق
صدر هذه الفتاة حتى وصلت لقلبها ، كانت
الجراحة تسير على ما يرام حتى صرخ طبيب
التخدير يخبرها بهبوط فى ضغط الدم
والمؤشرات الحيوية ، نظرت للأجهزة بصدمة
وحاولت السيطرة على الموقف لكن كان
للقدر رأى آخر ف سلب هذه الفتاة روحها
وتوقف قلبها المريض عن النبض ، أنهمرت
دموع "نبض" وهى تحاول أنقذ هذه الفتاة
فهى الأخرى تعلقت بها مثلها ، لكن ما ذهب
لن يعود

___ قصر الحناوى ___

عاد " يوسف " إلى القصر لسمع صوت
بكاء طفله يملئ القصر وكانت "تهانى"
تحاول تهدأه فسأل :-

- ماله رحيم؟؟

- بيعيط ومش راضي يأكل من الصبح
أتسعت عينيه على مصراعيها بصدمة وقال
:-

- يعنى ايه مأكش من الصبح؟ وأنتِ
ساكتة ليه

- أنا كلمت مدام نبض ومردتش عليا
قالتها بهدوء ، حمل طفله بين ذراعيه وهو
يحاول تهدأته ولم ينجح فأخذه إلى الطبيب

وفحصه ليخبره الطبيب بأن طفله الرضيع
مريض ، عاد مُجددًا للقصر بطفله وهو نائم
بعد أن أخذ دواءه ...

دلفت "نبض" إلى غرفتها وأثر البكاء على
وجهها وعيونها حمراء ومنتفخة لتجلس على
الفراش بضعف وعيونها تتلألأ دموعها ،
وقف "يوسف" من مقعده غاضبًا وهو يراها
تجلس دون أن تبالي لوجوده ولا تسأل عن
طفلها ، قال بحدة :-

- ما لسه بدرى يا نبض هانم

- يوسف أنا مش قادرة أتكلم دلوقت ؟

أتسعت أعينه على برودها وهو غاضبًا

بسبب مرض طفلها فصرخ بغضب :-

- لو الشغل هيخليكى مش قادرة تتكلمى
وترجعيلى كل يوم على النوم وكمان تهملى
ابنك ...

وقفت وهى تصرخ بانفعال شديد :-

- يوسف بقولك مش قادرة اتكلم وتعبانة ،
أنا مبتكلمش تاوانى

مسك ذراعها بضيق من طريقة حديثها
وصوتها المرتفع وهو يقول بجدية حادة :-

- واطى صوتك وأنتِ بتتكلمى متبقيش
غلطانة وتبجحى يا نبض

- فين اللى غلطانة هو المفروض كل حاجة
أنا وخلص ، وأنتِ فين من كل دا
عقد حاجبيه بأقتطاب وقال غاضبًا :-

- المفروض ارجع من شغلى ، أجرى بابنك
على المستشفى والدكاترة عشان حضرتك
مشغولة عنه وعن بيتك ، خدى بالك يا
نبض لو مشيت الخدم هتعرفى قد أيه أنتِ
مقصرة فى بيتك وهيبقى حقى أقعدك من
الشغل ، دا أنا مفيش مرة رجعت ولاقيتك
فى البيت دايمًا أنا اللي براجع وأقعد أستن
ست الحسن لما ترجع من شغلها ولا مرة
لاقيتك تقوليلى عاملاك الأكل بأيدي ولا
أصحى ألاقى فطارى جهاز ومختارة هدومى ..
أنتِ مقصرة وأوى كمان يا نبض

دفعها بقوة على الفراش وخرج من الغرفة
غاضبًا ، جهشت فى البكاء بشدة وهى تنظر
إليه فى رحيله ثم أخرجت ورقة من جيبها
ونظرت بها بدموع تتساقط بحرقه وتقرأ

الورقة

(نبض .. تسمحيلى أقولك يا نبض من غير
دكتورة ، بما أنك بتقرأى الورقة دى دلوقت
فأنا أكيد مشيت .. مشيت لمكان بعيد جدًا
وجميل ، أنتِ جميلة أوى يا نبض وطيبة
متلوميش نفسك على اللى حصلى ولا
تفكرى أنه تقصير منك ، أنتِ عملتى كل
اللى تقدرى عليه لكن دا قضاء ربنا ،
أفتكرينى بالدعوة ومتنسنيش .. أنا فى مكان
جميل أوى وكدة أنا أرتحت من العذاب ، أنتِ
مش مُتخيلة قد أويه أنا كنت بتوجع وكام مرة
كان نفسي أرجع تدريب البالية ومبقدرش ..
أنا مبسوفة كدة وسعيدة وأنتِ كمان لازم
تكونى سعيدة ومتزعليش بسببى
بحبك يا ملاكى الحارس ... ملاك)
جهشت فى البكاء بأنيهار أكبر وهى تلقى
بجسدها على الفراش

نزع "مراد" القماشة من فوق رأس "عصام"
ليجد نفسه أمام "صباح" وهى جالسة على
السفرة تتناول الطعام بكبرياء وترمقه بطرف
عينها ، نظر لها بهدوء وهو يقف من مكانه
-:

- كنت عارف أن حركة زى دى ميقدرش
يعملها غيرك يا صباح
- صباح هانم

قالها "مراد" بتحذير شديد ، تبسمت "صباح"
بمكر شديد وهو ترتشف الماء بعد أن انتهت
طعامها وقالت مُتمتمة :-

- أزيك يا عصام ؟

- كويس جدًا جدًا خصوصًا بعد ما شوفتك

قالها بغرور وهو يجلس على المقعد المقابل لها ، أشارت إلى "مراد" بالخروج هو ورجاله قليلاً فقال :-

- أحسن أنك خرجتهم عشان ميسمعوش كلامنا

- قتلت ملاك ليه ؟ السجن وحشك ولا نفسك تقابل ملاك الموت ويقبض روح قهقهه ضاحكاً وقال :-

- الأعمار بيد الله ومحدث عارف مين هيخلص على مين الأول

- أوعدك أنا أكون أول الحاضرين في جنازتك قالتها بسخرية فقال بجدية :-

- أنتِ عاوزة ايه أنا مش فاضيلك بخطط أنتقم من ابنك أزاي وأخليكى متفارقيش

الأسود دا خالص مدى الحياة ، ما هو طلع
لاقي فيكى

- يبقى مش هتلق لأنك مش هتطلع من
هنا

قالتها بجدية ، تبسم وهو يتناول بعض من
طعامها :-

- متقوليش كلام مش قده يا صباح .. لأنى
هخرج وهدفع ابنيك تمن اللي عمله فى بنتى
غالى من دمه ودمك

- مش لما تدفع ديونك الأولى ، فين تمن
ملاك حفيدتى ؟ ، ميكفهاش رقبتك أنتِ
والنجسة بنتك

تبسم وهو يقول :-

- صدقيني يا صباح لتندمى على كل حرف
نطقتى بيه ، التمن اللى يوسف هيدفعه
المره دى هيكون نبض

- طب أبقى بص لنبض وأنا امحيك أنت
ونسلك كله من على وجه الكرة الأرضية
قالتها بتهديد ونبرة غليظة ليقول بتهديد
واضح :-

- أنا مش محتاج أقرب لها ، كفاية عليا أنها
تعرف أن بنتى حامل من ابنك جوزها
المصون وأوريها الدليل دا

قالها وهو يخرج صورة من التحاليل لتُصدم
"صباح" بشدة وهى تقراً التحاليل بيد
ترتجف من الصدمة ليبتسم بخُبت ويقول :-
- هتخلى السواق يوصلنى ولا هخدها مشي

لم تجيبه وهى تحدق بالورقة ، فتح باب
الغرفة ليرحل فأوقفه "مراد" لتشير له
"صباح" بتركه دون أن تتفوه بكلمة واحدة
من الصدمة ، حياة ابنها ستدمر وستكرهه
"نبض" إذا سمعت هذا الحديث ، أغمضت
عينها بغضب مكتوم وهى تتسائل كيف
أرتكب ابنها هذا الخطأ ، خطأ لن يغتفر

----- تاابع -----

#ملك_فقيد_الحب

#نور_زيزو

#نورا_عبدالعزیز

#ملك_فقيد_الحب

_____ الفصل السابع والعشرون (27)

----- بعنوان " كيد حريم " -----

دلفت " صباح " إلى القصر مُشتاطة غضبًا
العاصفة الهلاكية وسألت "تهانى" بنبرة قوية

-:

- يوسف فين؟؟

- فى المكتب اجهزلك

لم تكمل حديثها بعد أن أسرعت " صباح " إلى
المكتب بغضب فتمتمت "تهانى" بقلق :-

- ربنا يستر !!

فتحت باب المكتب بقوة وكان " يوسف "
نائمًا على الأريكة فدخلت وهى تزفر بأختناق
وتغلق الباب خلفها وقالت :-

- أنت مجنون .. قولى أنك معملتش كدة

وقف وهو ينظر لها بأستغراب وسألها بقلق

-:

- فى أية .. حصل أية؟؟

مسكته من ذراعه بقوة وعينيها تبث نار تكاد

تلتهمه وقالت :-

- أنت خونت نبض ، ميرا حامل منك ... رد

عليا

أتسعت عيناه بصدمة وهو ينظر لها ويقول

بتلعثم شديد :-

- أنتِ بتقولى أية؟؟

- بقول أنك لو هببت دا تقولى ، عشان أعرف

أتصرف ، بس أتصرف أزاى .. الواد دا لو ابنك

فعلا هتبقى كارثة ، نبض مش هتقبل بدا ..

ليه دمرت حياتك بأيدك أنت غبى يا يوسف

غبى

أستدارت وهى تمسح وجهها بعجز فنظر لها

ثم قال :-

- فهمينى أنتِ جايبه الكلام دا منين

- الكلام دا أنا جايبه من عصام ، عارف الكلام

دا لو جد هيحصل ايه ؟ عصام هيبقى حط

رجله فوق رقبتنا

صرخ بها بانفعال وهو يقول :-

- جد أيه ؟ أنا مقربتش من بنته ولا مسكت

أيدها حتى .. هو أى هبل وخلص ، أنا

هدفحه الثمن غالى

قالها وهو يسير للخارج فمسكت ذراعه بقوة

وهى تسأل بنبرة هادئة :-

- أنت رايح فين ؟

- رايح أشوفه بيحب الكلام دا منين ؟

جلست بتذمر وهى تقول :-

- أقعد يا يوسف ، عصام كان بيتكلم بثقة
عمره ما وقف قدامنا بالثقة دى ، قولي يا
يوسف يا عملتها

جلس بجواره وهو مُنفعِل ويقول :-

- أنتِ عاوزه تجنى يا أمى ، بقولك
معملتش حاجة

زفرت بأختناق قائلة :-

- يبقى تهدأ كدة ، فكر أزاى القصة دى
متوصلش لمراتك أزاى .. دا المهم دلوقت ،
نبض لو عرفت أن ميرا حامل منك
هتخسرها

أناهما صوت "نبض" من الخلف وهى تقول
بصدمة :-

- أنتِ قولتى أيه؟؟

وقف "يوسف" بصدمة وهو يراها تقف
هناك بعد أن سمعت حديثهما فقالت
بصدمة وهى ترمقه بعينيها :-

- حامل منك !! ، اللى أنا سمعت دا بجد ..

أقترب منها بلهفة وقلق ، مسك يدها بلطف
شديد وهو ينظر لعينيها ويقول :-

- محصلش والله يا نبض ، محصلش وربنا
شاهد عليا

- أنا من الأول كنت عارفة وحاسة ، واللى
شوفته أمبارح مش كذب ، أشبع بيها يا
يوسف

قالتها وخرجت من الغرفة ، خرج ركضاً
ليراها تأخذ "رحيم" من يد "تهانى" وتسير

للخارج ، مسكها من يدها وهو يقول بترجى

-:

- نبض والله ما عملت حاجة ، أسمعيني

بس

نفضت ذراعها من يده بقوة وهى تقول :-

- أنا فى بيت أهلى يا يوسف وورقتى

تحصلنى

أتسعت عيناه بصدمة أجمته وهو يقول :-

- لا يا نبض ، أسمعنى بس والله ما حصل

ولا عمري لمستها هى ولا غيرها من بعدك

صعدت إلى سيارتها وانطلقت بطفلها ، ركب

سيارته وأنطلق خلف سيارتها وهو يحاول

تفادى سيارتها ليقطع الطريق عليها لكنها

تقود بسرعة جنونية ، كانت تقود سيارتها

وهى تبكى بقلب مُنكسر وروح غاضبة

مُنهكة ، أتجهت يسارًا نحو الطريق ..

قبل أن يستدير خلفها ، كان يمسك هاتفه

ويحاول الأتصال بها فجاءت سيارة نقل من

جانبه وصدمت سيارته ، أنقلبت السيارة

مرات مُتتالية حتى توقفت وسالت الدماء

من رأسه وهو فاقدًا للوعى ...

- أنت بتقول أيه؟؟

قالتها "صباح" بصدمة قاتلة وركضت للخارج

وخلفها "سارة" ذاهبتين للمستشفى

وأنقلبت الأخبار رأسًا على عقب بنشر خبر

حادثته...

خرجت "نبض" من غرفتها بوجه شاحب
فهى لم تنام بالأمس وعيون حمراء ومنتفخة
من شدة البكاء ، نظرت إلى والدتها الباكية
وهى تقول :-

- مالك يا ماما؟؟

لم تجيبها "جهاد" بل أجابها صوت المراسل
عبر التلفاز قائلاً :-

- تعرض رجل الأعمال يوسف الحناوى إلى
حادثة مُميت فجراً ، وما زال بداخل غرفة
العمليات منذ الأمس والأطباء يحاولون
أنقاذه وربما يحتاج إلى معجز

أستدارت للتلفاز بصدمة ألجمتها وهى ترى
صورته على الشاشة وهو غارقاً فى دماه
لُتصدم وتتجمع الدموع فى عيونه وقبل أن

تذرف من جفنيها سقطت هي أرضاً فاقدة
للوعى من شدة الصدمة

كانت المستشفى في حالة فوضوية كبيرة
بسبب ما حدث له والجميع في توتر شديد ،
كانت "صباح" واقفة بجوار باب غرفة
العمليات صامتة وتحاول كبث دموعها بحزم
، قلبها مفطور على ابنها وما حدث به أما
"سارة" فكانت تبكى بطريقة هسترية
شديدة وهي جالسة على المقعد الحديدي ،
كان "كريم" وبصحبه "مراد" واقفين معاً
بهدوء مُنتظرين خروج أى شخص ليطمئنها
عليه ، جاءت "نبض" ركضاً وخلفها والدها
ووالدتها وهي تبكى بعدم تصديق ، تمتمت
بتعب وهي تقف أمام "صباح" مُنهكة :-
- حصل أياه ؟ يوسف فين ؟ حصله ايه ؟

- عمل حادثة .. أدعيه يا نبض

- يوسف بيموت يا نبض ، أنتِ مشوفتوش
عامل أزاى .. أزاز العربية كله دخل في صدره ،
يوسف بيموت يا ماما ...

قالتها "سارة" بصدمة شديدة لتغمغم
"نبض" بصدمة :-

- لا مستحيل !!

ركضت لغرفة العمليات ودلفت بدون أذن
حتى وصلت إلى الباب الزجاجي الذي يفصل
بينها وبينه ، كان هناك والأطباء يعبثوا في
صدره بقسوة لتنهمر دموعها بخوف وهي
تضع يدها على الزجاج وتتمتم بعجز :-
- يوسف ... متسبنيش والله أنا مسامحك
حتى لو خونتي بس متموتش .. يوسف

توقف نبض قلبه لئُصدم بهلع وهى ترى
الطبيب يحمل قلبه بين كفيه ويضغط عليه
ليعيد النبض له ، كانت تشعر بأستئصال
قلبها هى وكأنهم يعبثوا بهذه المشارط
بصدرها هى ، عاد النبض له لتتكأ بجبينها
على الزجاج وتجهش بقوة وهى تراه هناك
بهذه الحالة ، لم تتحمل قدميها حمل
جسدها أكثر من ذلك أمام هذا المشهد
فسقطت على الأرض باكية وهى تضرب
قلبها بقوة ، تعاقبه على ما حدث له لو كانت
أستمعت له ولحديثه ما كان خرج من
القصر فى ذلك الوقت ولم يكن يأتى هنا
ويحدث له ما حدث ، هى سبب كل ما حدث
له

أنهى الطبيب الجراحة وفتح الباب ليراها
جالسة بجوار الباب ، وقفت بهلع وهى تتكأ
على الحائط وقالت بتلعثم :-

- طمنى يا دكتور

- أنتِ مؤمنة يا دكتورة نبض وعارفة أن
الأعمار بيد الله .. أدعيه إحنا عملنا كل اللى
نقدر عليه والباقي على ربنا

أتسعت عينينها بذهول وهى تقول :-

- يعنى أيه .. يوسف هيبقى كويس

- هو دلوقت بين أيدين ربنا ، أدعيه دى
أكثر حاجة هو محتاجة دلوقت ..

خرج الممرضان به لتشهق بقوة وهى تضع
يديها فوق فمها حين رآته بوجهه المليء
بالكدمات ورأسه ملفوف بشاش طبى ،

بكت بأنهيار وهى تراه هكذا ثم أنحت نحوه
بضعف وهى تناديه :-

- يوسف .. يوسف حبيبي

- بعد أذنك

قالتها الممرضة وهى تأخذه وترحل ، خرجت
خلفه لترى "ميرا" قادمة نحوهما تبكى بقوة
، رمقتها نظرة قاتلة فى تلك اللحظة أرادت
قتلها بشدة فى هذا الوقت ، تحدثت "ميرا"
بهلع شديد وهى تقول :-

- يوسف

أرادت لمسه بقلق شديد وهى تراه هكذا ،
مدت يدها المرتجفة نحوه وقبل أن تلمسه
منعتها "نبض" وهى تمسك يدها وتحقق
بها بغضب قاتل وقالت بغضب :-

- أنتِ أيه اللي جالك هنا ، مش كفاية كل
البلاوى اللي إحنا فيها بسببك أنتِ وأبوكى ..
أنتِ أيه يا شيخة معندكيش دم ، جبلة ،
البعيدة مبتحسش .. أنتِ عاوزه مننا ايه
أطلعى من حياتنا بقى ..

رمقتها "ميرا" بصمت وعيون دامعة
فصرخت "نبض" بقوة :-

- أمشي من هنا بقى ، غورى مش عاوزه
أشوف وشك قدامى ...

- أنتِ بتعملى كدة ليه ؟ خلى بالك أن
مفيش حاجة هتمنعنى من أنى أحبه ...

أسكتتها "نبض" بصفعة قوية على وجهها
فنظر الجميع لهما بصدمة ، وضعت "ميرا"
يدها على وجهها بصدمة ألجمتها وشلت

لسانها حتى قالت "نبض" بجدية وقوة دون
خوف :-

- متخلنيش أشوف وشك قدامى لأن أنا
مش همسك نفسي عليكى كثير ، أبوكى
اللى واقف دا مش هيعرف يحميكى منى
وربنا يكفيكى شر كيد الحریم وأنا اللى
يقرب من جوزى أكله بسنانى ، وجوزى
محدث عمل فيه كدة غيرك أنتِ وأبوكِ
كانت تتحدث وهى ترمق "عصام" دون
خوف ثم ذهبت خلف "يوسف" إلى الرعاية ،
أقترب "عصام" من "ميرا" وهو يقول :-
- يلا يا ميرا ، قريب أووى يجيوا يبوسوا
أيدك ورجلك
نظرت "ميرا" إلى والدها بعيون باكية وقالت
مُتممة :-

- عاوز أطمئن عليه يا بابا

أربت "عصام" على كتفها بلطف وقال :-

- هطمنك يا حبيبتى ، يلا

أخذها ورحل من أمامه ، همهمت "صباح"

بصوت مبحوح هاتفة :-

- مراد ، العربية اللي خبطت يوسف لازم

تجيبها ، أقسم بالله لو ثبتلى أن عصام اللي

عملها لأخليهم يترحموا عليه

- حاضر يا خالته ، أهدى أنتِ بس

قالها بلطف وهو يربت على ذراعيها ..

خرجت "نادين" من المصعد بصحبة "خالد"

وهى تتحدث معه بينما يسيروا نحو

الكافتريا ، صدفتهما "كريم" على باب

الكافتريا وهو يحمل بيده قهوته الساخنة ،
تقابلت عينهما معًا فنظرت له بنظرة عتاب
واغتياظ في نفس ذات الوقت ، تحاشت
النظر له وهى تمر من جانبه ليستوقفها
حيث مسك معصمها بقوة وقال :-

- كُنْتِ فينِ ؟؟

- وأنتِ مالكِ ؟؟

قالتها ببرود شديد لتُصدم حين جذبها من
معصمها وهو يسير للخارج وهى تصرخ به
بغضبٍ قائلة :-

- أنتِ بتعملِ ايه ؟ كريمِ !!

خرج بها إلى أحد الأدرج بعيد عن أنظار
الجميع فقالت بانفعال :-

- فى ايه ؟؟

- كلمتك من الصبح فوق الـ ٣٠ مرة

مبتريش ليه ؟؟

تحاشت النظر له وهى تعقد ذراعيها أمام
صدرها وصمتت ، مسكها من ذراعها بقوة
وهو يقول :-

- أتعدلى يا نادين ، هو حصل أيه لكل دا ؟؟

تألمت من قبضته وهى تقول :-

- ااه ذراعى ، فى أيه يا كريم ؟ يا سيدى
محصلش حاجة أنا حرة

- هو كل دا عشان العريس الزفت ، هو أنتِ
كنتِ مُنتظرة منى أعمل أيه لما تيجى
تقوليلى جايلى عريس

سألها وهو يرمقها بغیظ فقالت ببرود
مُصطنع :-

- مكننتش مُنتظرة حاجة خالص ، عن أذناك

بقى عشان عندى شغل

تركته بعيون دامعة ونزل بعض الدرجات

ليوقفها هذه المرة وهو يقول :-

- طب أنا بحبك

توقفت قدمها عن الحركة وأرتعش جسدها

وهى تشعر بالقشعريرة تسير فى جميع

أطرافها وتسارعت نبضات قلبها فى تلك

اللحظة بجنون ، زحزحت قدميها بصعوبة من

دهشتها وهى تلتف له فرأته ينزل الدرج إليها

حتى توقف أمامه وقال بجدية :-

- لو كنتِ وافقتى تقابلى العريس مرة كنتِ

هتعرفى أن أنا العريس ...

أخرج خاتم خطبة من جيبه ويتابع حديثه :-

- كنت ناوى ألبسهولك فى الخطوبة بس بعد
اللى حصل شكل الموضوع هيتأجل
تحدثت مُتلعثمة بأرتباك :-

- أنت بتهزر صح !

- سيبك من الهزار ، أنا قولت بحبك على
فكرة والمفروض تردى

قالها بغرور مُصطنع لتقول بأغتيال منه :-

- لما يجيلى مزاجى

قالتها وهى تسرق الخاتم من يده وتفر هاربة
من أمامه تبسم عليها وركض خلفها

كنت "نبض" واقفة بغرفة العناية المركزة
بجواره فى هدوء تحاول كبث دموعها رغم أنها

تتساقط في صمت وتحتضن يده بكلتا يديها
وهي تُحدثه قائلة :-

- يوسف ، لو تعرف أنا حاسة بأية دلوقت
مكنتش ههون عليك ،حاسة أن قلبي
بيتقطع يا يوسف ، أنا مسامحك والله حتى
لو خوتتى مسامحك رغم وجعى منك لأن
وجع غيابك وأذيتك اضعاف مضاعفة ، أنت
كُنت عاوزانى أسمعك.. أقوم عشان تحكىلى
اللى حصل وهسمعك وهصدقك أنت ،
حتى لو قولتلى أنه مش ابنك وهو ابنك
هصدقك والله بس متسبنيش كدة ...

جلست على المقعد بتعب بعد أن جهشت
في البكاء فرفعت يدها لتلمس وجنته وقالت
:-

- أنا أسفة يا حبيبي أنا السبب والله وعنادى
هو السبب ، لو كنت سمعت الكلام ووقفت

أسمعك مكنش كل دا حصل ... أنا السبب

يا حبيبي أنا السبب

أنهارت باكية بجواره وهى تحدته ولم يجيب

عليها وتذكرت حديث الطبيب لها فقالت

بضعف وصوت مبحوح :-

- يوسف متسبنيش ، أنتِ عارف أنك لو

سبتنى هيجرالى حاجة ، أوعى تسبنى

لوحدى هنا وحياة أغلى ما عندك عشان

خاطرى ، يا رب أنت اللى عالم أنى مقدرش

على الحياة من غيره وهو سندی وقوتى

متحرمنيش منه ..

وضعت رأسها فوق صدره وهى تبكى بحزن

شديد يدمر ضلوعها بعد أنشقاق قلبها لألف

الجزئيات بسبب ما حدث ...

- أنتِ أیه اللی جابک هنا؟؟

قالتها "میرا" بأرتباك شدید وهی تنظر حولها
خوفًا من أن يراها أحد ، تبسمت "تمارا"
وهی تقول :-

- جيت أطمئن عليكى وأشوفك مبتريديش
عليا ليا ...

جذبتها "میرا" من ذراعها إلىة خارج
المستشفى بأرتباك وراثهما "نادين" فذهبت
خلفهما ..

وقفت "میرا" في مرأب السيارات وهی تقول
بأغتيال :-

- في ايه ؟

- في أن بينا أتفاق يا حلوة

قالتها "تمارا" بصوت مرتفع لتضع "ميرا"
يدها على فم "تمارا" بخوف شديد من أن
يسمع أحد صوتها العالى مما أثار فضول
"نادين" وفتحت هاتفها على التسجيل ربما
تمسك دليل على هذه الفتاة وتقضى عليها
كما هى تسعى لهدم حياة صديقتها ، ابعدت
"تمارا" يد "ميرا" عنها وهى تقول :-

- فين الفلوس؟؟

- مش معايا دلوقت؟؟ أكيد مش همشي
ب ١٠٠٠٠٠ فى جيبى

تذمرت "تمارا" بغیظ وهى تقول :-

- ولا أكيد مش هتدفعى بعد ما خدتى اللى
عاوزاه ، لا خُدَى بالك أنا ممكن أطلع لنبض
دلوقت وأقولها أنك خدرتى جوزها وأديت
هلاوس وحملتى منه وهو مش واعى ولحد

دلوقت مش فاكر أساس ايه اللي هو يا حرام
واحد نام في عربيته وصحى لاقى نفس لسه
في عربيته وعمره ما هيشك في حاجة ، ولا
أقولك أنا أطلع على مدام صباح أنا سمعت
أنها بتموت فيكى أنتِ وأهلك لدرجة أن
نفسها تخلص منكم دلوقت قبل كمان
شوية

- ما قولتلك هديكى في ايه وأيه لازم الكلام دا
، انا دفعتلك ١٥٠٠٠٠ وهديديكى باقى الربع
مليون بس أنا دلوقت قلقانة عليه وهو بين
الحى والموت قدرى دا

تحدث "تمارا" بجدية وتهديد واضح قائلة :-

- أسمع يا ميرا متفتكريش أنك ما دام
حملتى من يوسف يبقى خدتى اللي عاوزاه ،
أنا ممكن اهد المعبد على دماغك بكلمتين
لمراته أو امه ، أدينى فلوسى أحسن لك وليا

، لأنى قدام الفلوس معنديش ياما أرحمنى ...
بليل لو الفلوس مكنتش عندى ، أنا والراجل
اللى ساعدناكى فى الحمل دا هنكون قدام
مدام صباح وبعدها أسطفى منك ليها ...
سلام يا ست الحبيبة

صعدت "تمارا" إلى سيارتها ورحلت ، هربت
"نادين" بصدمة مما سمعته وهى تحفظ
التسجيل ، وضعت "ميرا" يدها على وجهها
بعجز وخوف ممزوج بالضعف

----- تاابع -----

#ملك_فقيد_الحب

#نور_زيزو

#نورا_عبدالعزيز

#ملك_فقيد_الحب

_____ الفصل الثامن والعشرون (28)

___ بعنوان " أخذ الحق " ___

دلفت "نبض" إلى الرعاية بذعر وهى تقول :-

- فى أيه ؟

نظر الطبيب لها هو الممرضين ، تعجبت
لنظراتهم لتصدر الأجهزة أذارات بأنخفاض
مؤشرات الحيوية ، دفعتهما بعيدًا وهى
تفحصه وتنعش قلبه بيديها ، جلست فوقه
وهى تضغط على قلبه بكل قوتها وصدمت
حين أستقم الخط المموج على شاشة
الجهاز فأرتعشت يديها بقوة وأنهارت دموعها
ولسانها يُتمتم قائلاً :-

- لا .. يوسف .. لا

أنهت قوتها وهو لا تشعر بنبضاته لتسقط
رأسها على صدره بقوة وهي تجهش في
البكاء ثم شعرت بيده على ظهرها يربت
عليها بضعف شديد فرفعت رأسها لتراه
يفتح عينيه بوهن ويقول بصوت مبحوح :-

- نبض !!

مسحت دموعها سريعًا وهي تبتسم له
وتقول :-

- يوسف ، أنا هنا يا حبيبي

تنهدت بتعب شديد وهو يقول :-

- حلم مُخيف ، مكنتيش هناك يا نبضي

وضعت قبلة على جبينه بلطف وجلست
بجواره تتأمله وهي تلتقط أنفاسها بأرتياح
شديد ، كان مُنهكًا بشدة ويتنفس الصعداء

بصعوبة لا يستطيع حتى الحديث فقط
ترمش عيناه بتعب ...

- في أيه يا نادين ؟ جايباني على الصبح ليه
كدة ؟

أغلقت "نادين" باب السيارة بعد أن سعدت
وقالت بهلع :-

- أنا مش عارفة أزاى حد يعمل كدة ، أيه
الجبروت دا

تعجب من قلقها وهى شبه ترتجف فسألها
وهو يمسك يدها بحنان :-

- حصل أيه؟؟ أهدى وفهميني

- كريم أنا مبكرههش قد الناس اللى
بتستعمل فلوسها وسلطتها بالقذرة دى

مسح على رأسها يطمئنها وقال :-

- في أيه يا حبيبتى ، قولى حصل ايه ؟؟

- بص أنا مش عارفة حاجة بس أسمع دا

كدة

قالتها وهى تعطيه الهاتف ، سمع التسجيل

للحديث بين "ميرا" و"تمارا" ، أتسعت عيناه

على مصراعيها بصدمة وهو يستمع

للحديث ثم نظر إلى "نادين" وقال :-

- أيه دا ، أنتِ جيتى التسجيل دا منين ؟؟

- أنا اللي سجلته

سألها بضيق شديد قائلاً :-

- وأنتِ بتسجيله ليه وتسمعيهم ليه ؟

رمقته بتعجب شديد وقالت :-

- أنا عملت كدة عشان أساعد

- ومفكرتيش في أن اللي تدفع ربع مليون
عشان تحمل من طليقتها في الحرم ممكن
تعمل فيكى ايه لو عرفت أنك سجلتها ،
يوسف هيعرف يساعد نفسه يا نادين
قوست شفتيها للأسفل بحزن شديد وقالت
-:

- أنا كنت فاكرة أنك هتفرح

- نادين أنا مش عاوزك تدخل في أى حاجة
تخص العيلة دى ، اللي داخل بينهم مفقود
يا نادين ، ميرا لو عرفت أنك سجلت ليها أو
عصام هيعمل ايه ...

صمتت بحزن شديد وهى تنظر من النافذة ،
تأفف "كريم" بأختناق شديد فقال :-

- يا حبيبتى أنا خايف عليكى من شرهم

- طب هتعمل أيه ؟

سألته بهدوء فأجابها قائلاً :-

- متقلقيش هتصرف

أومأت له بنعم ثم ترجلت من السيارة ، أخرج
هاتفه من الجيب وأجرى اتصال بـ "صباح"
ثم أنطلق بسيارته إلى حيث تتواجد ...

وقفت "نبض" أمام غرفته بوجه غاضب

تمنع "ميرا" من الدخول فقالت بحدة :-

- شكلك محرمتيش ، مش قولتلك مش

عاوزة أشوف وشك قدامى

- نبض هظمن عليه بس وأخرج ، أرجوك

بليبييز

قالتها بترجى صادق لتصرخ "نبض" بها

بغضب قاتل هاتفه :-

- لا دا أنتِ مجنونة رسمى

- يا نبض أنا أم ابنه زيك بالضبط خلىنى
أطمن عليه وهمشي مش هطول والله

قالتها بعيون دامعة ، حدقت "نبض" بها
بغضب شديد ولم تتملك غيظها أكثر فقالت

-:

- ابنه اللى هو مش عارف عملتها أزاي ولا
جابه أزاي .. دا جيتيه فى الحرم يا حلوة

- بس ابنه ، أنتِ مجربتيش كل ما تروحي
لدكتور يقولك مش هتكونى ام عمرك كله ،
ولا قضيتى أحلى سنين فى حياتى مع راجل
مبيعرفش غير الشغل .. لا يعرف يطبب
ولا يهون

- أيوة فعلاً ومجربتش كمان أنى أخون جوزى
مهما كانت قسوته وعدم أعترافه بالحب ،

أنتِ بقى مجردبتيش تعيشى حياتك فى
خوف ورعب ٩ شهور وبدل ما تفرحى بأنك
أم تموتى ، حياتك مش سبب على أخطاءك ..
كلنا بنعيش فترة صعبة فى حياتنا هل مبرر
أنا نغلط بقى ...

فتح باب الغرفة من خلفها وكان "يوسف"
مُتكَأ على الحائط بصعوبة وجسده المُنهكاً
فعدت للخلف مُسرعة نحوه لتقول بلهفة :-

- أنتِ أيه اللى قومك من السرير؟!

وضع ذراعه على كتف "نبض" مُتكَأ عليها
من ضعف جسده وقال :-

- لو اللى فى بطنك ابنى فعلاً وأنا مش فاك
حاجة يبقى مش ابنى وأنا مش هعترف بيه
ولو عاوزانى أعترف بيه بقى .. يبقى اسم الأم
نبض وتنسى أنك خلفتيه لأن خلفه منك

مستحيل واحدة خاينة وبقذرتك مُستحيل

تكون ام لابنى

كانت صامتة وحادقة به بعيون دامعة فرحًا

لرؤيته هكذا بخير ويتحدث بتحدى كعادته

ولم تبالى لحديثه عن طفلها فقط أكتفت

برؤيته سالمًا وبصحة جيدة ، شعرت "نبض"

بقسوة الحديث عليها فقالت بنبرة هادئة :-

- تعال يا يوسف أرتاح ، امشي يا ميرا

ومتجيش هنا تانى

- أنا مُكنتش عاوزة حاجة غير أنى أطمئن

عليك وأنك بخير بس

ذرفت دمعتها بحزن شديد وهى تراه بهذا

القرب من "نبض" ام هى لا يحق لها لمس

أصبعه حتى ، انصرفت وحدها بقلب مُنكسر

وَمُنْهَكَ ..

أخذته "نبض" إلى السرير وهي تقول بنبرة

هادئة :-

- براحة يا يوسف ، أَعذرُها

- أنتِ يا نبض اللى بتقولى كدة

قالها وهو يجلس على الفراش مُتكأ على

ذراعها فتبسمت بخفة وقالت :-

- اه عشان بحب وعارفة يعنى ايه تحب ،

بعيد عن أنى بغير ومقبلش بدا بس هى

بتحبك بجد وشوفت الحب والخوف فى

عينيه ، يمكن تكون غلطت زمان وسواء

كفرت عن خطيئتها أو لا لكنها حبيتك

وبتحبك بجد

- نظر لها بغضب شديد وتأفف ثم قال :-

- أنتِ بتتكلمى كدة يا نبض عشان زعلانة

منى وفاكرة أنى خونتك صح

مسكت وجهها بيديها وقالت لطفًا :-

- أنا مصداك يا يوسف أنت وبس

- معملتهاش يا نبض وحياة ابني وغلاوتكم

عندى ، أنا مش هخون يا نبض لأنى جربت

شعور أنى أتخان

مسحت على رأسه بلطف وهى تقول :-

- انا عارفة ، ممكن ترتاح بقى .. أنا هروح

أجبلك هدوم وأجيب رحيم وأجى مش هتأخر

أوما لها بنعم وهو ينام بفراشه ، تبسمت

وخرجت من الغرفة مُسرعة ...

أنهت "صباح" سماع التسجيل وهى جالسة

فى مكتبها بالشركة ، تنهدت بأختناق سافر

وقالت :-

- يعنى فعلاً الواد دا ابن يوسف ؟!!

- أعتقد كدة

قالها "كريم" بشك من الأمر ، صمت
"صباح" دقيقتين وهى تلف مقعدها ذات
العجلات بالأسفل حول ذاته بها مرات
متتالية ثم قالت بُخبث شديد :-

- أسمع يا كريم ، اول حاجة التسجيل دا
أعتبر نفسك مسمعتوش لا أنت ولا
خطيبتك ، تانية حاجة عاوزاك تشتري مكان
الجن الأزرق ميعرفوش وتجهزه من كل
حاجة فى خلال ٤٨ ساعة مفهوم
- حاضر ، لكن هتعملى بيه ايه ؟

رمقته بنظرة قاتلة وقالت :-

- من أمتى وأنت أو غيرك بتسألونى هعمل
أيه ؟؟

- أسف ، تحت أمرك وفي اقل من ٤٨ ساعة

هكون جاهز

قالها ثم وقف من مقعده وأنصرف ، نظرت

له وهو يغلق باب المكتب ثم ألتقطت

هاتفها وأتصلت بـ "مراد" وقالت :-

- عاوزاك ضرورى ، هستناك فى المكان

بتاعنا ... ضرورى يا مراد مفيش حاجة أسمها

مشغول

اغلقت الخط معه واخذت حقيبتها ثم

خرجت من المكتب ، أخذها السائق إلى

الطريق الصحراوى ثم قالت :-

- أنزل يا عثمان

ترجل "عثمان" من السيارة حين وصلت

سيارة "مراد" ، صعد إلى سيارتها بجوارها

وقال :-

- خير

- عاوزاك تجبلى حد كدة

سألها "مراد" بشك من نظرة الخُبث التى

تبث من عينيها :-

- حد مين بالظبط؟؟

- ميرا

نظر لها نظرات تساؤلات فتبسمت له بمكر

شديد

فى اليوم التالى كانت "نبض" واقفة فى الغرفة

وتحمل طفلها الصغير بين ذراعيها تداعبه

بلطف حتى يكف عن البكاء ، تحدث

"يوسف" وهو يراقبهما قائلاً :-

- نبض !

نظرت له بحب وقالت :-

- أيه يا حبيبي ؟ عاوز حاجة ؟؟

- عاوزك متسبنيش

قالها بنبرة راجية ومتوترًا ، هتفت بحب وهى

تضع "رحيم" فى سرير صغير :-

- أسيبك وأروح فىن من غيرك

اقتربت نحوه وجلست على حافة فراشه

وهى تطعمه بيدها وتدله بحب ، كان صامتًا

مُلبى لطلبات وناظرًا بعينيها نظرة عشق لن

ينظرها لأحدهن غيرها ، أنتهت من أطعمه

وابعدت الأطباق ثم مسكت منشفة مبللة

تمسح يديه وعنقه بلطف فقال :-

- نبض أنا مخونتكيش ، مقدرش أخونك

أبقى بنتحر لو عملتها

تبسمت بحُب له وهى تحضن يده بكفيها

الصغار وقالت :-

- مصداك يا حبيبي والله مصداك

- مش لأنك مجبرة تصدقيني لكن لأنى

معملتش كدة

رمقت بقلب مفطور وتلألأت دمعته بداخل

جفنيها ثم تمتت :-

- عارف أحساس أنك ممكن تسبني في

العالم دا لوحدي أفضع بكتير من أحساس

أنك تخونى، فكرة أنك تموت ومتكنش تكون

جنبى مُخيفة أوى يا يوسف

أقترب بجسده للأمام وهو يلمس وجنتها

بأنامله ثم جفف دموعها بلطف مع أبتسامه

خفيفة وقال :-

- أسف يا نبضي أنى رعبتك بس أنا ماسك
فيكى بكل عزمى وأرادتى ومش هسيبك أبداً

- متسبنيش يا يوسف

قالتها بصوت مبحوح ولهجة واهنة بينما
تتشبث بذراعيه كطفلة الصغيرة الخائفة
من ظلمات الحياة فقال :-

- مش هسيبك.. مش هسيبك أبداً

عانقته بضعف ينهك جسدها وقلب يبكى
خوفاً ما زالت لا تصدق أن أمس توقف قلبه
عن النبض بين يديها وكانت عاجزة على
أنقذه ، طوقته بذراعيه بقوة مُتشبثة
بملابسه من الخلف بقبضتها الصغيرة
وتساقط دموعها على اكتافه بضعف شديد
فتشتم رائحته بأرتياح من عودته وتستعيد
أمانها بجواره وبين ضلوعه ، اربت على

ظهرها بحنان يطمئنها ويطرد الخوف والذعر
من قلبها وعقلها فهمس بأذنيها قائلاً:-

- أطمنى يا نبضى ... أطمنى أنا جنبك...

هذا روعها وذعرها بين ذراعيه وأغمضت
عينها ساكنة وهادئة، تشعر بهدوء ضربات
قلبها لتبتسم بلطف وكيف بكلمة منه تشعر
بتلك الطمأنينة والأمان فهو ليس بحبيبها
وزوجها فقط بل سكنها وسكينتها، هو
موطنها الوحيد في هذا العالم....

خرجت "ميرا" من عيادة طبيبة النسا التي
تتابع معها الحمل وصعدت للمصعد فكان
بالداخل امرأة سمينة ومعه فتاة صغيرة
على كرسي متحرك ترتدى عباية سوداء
ونقاب على وجهها بمجرد ما اغلق المصعد

بابه ، أرسلت المرأة رسالة بالهاتف فتوقف
المصعد في الطابق التالي ودلف رجلين ،
كانت "ميرا" تنظر بهاتفها على صور
"يوسف" ، اخرجت المرأة منديلًا من جيبها
ووضعتة على فم "ميرا" وأمسكها الرجلين
من يدها وهى تحاول المقاومة ، أوقف
الرجل المصعد ، رفعت المرأة الفتاة لتتضح
أنها عروسة كبيرة الحجم ، نزعَت عنها العباية
والنقاب وجعلت "ميرا" ترتديهم ثم أجلستها
على المقعد المتحرك ووضعت العروسة
بحقيبة ثم خرجوا من المصعد للخارج وهم
يدفعوها على الكرسي المتحرك ، توقفت
السيارة أمام العمارة فحملها الرجل وصعد
الجميع إلى السيارة وأنطلقت ...

- ممكن تهدي بقى ، هتلاقيها هنا ولا هنا مع

صحابها

قالها "عصام" لـ "ميادة" بغیظ شديد ،

فقال:-

- الساعة بقت ٩ وهى قالت هتروح للدكتور

وهترجع على طول

- شوية لو مجتش هكلم الرجالة يدوره عليها

قالها وهو يباشر عمله فى مكتبه ببروده ..

تأففت بضيق ثم خرجت من الغرفة

أستيقظت "ميرا" من نومها بتعب شديد فى

أنحاء جسدها لتجد نفسها على أريكة وفى

مكان غريب لا تعرفه ، حركت رأسها بضيق

لترى "صباح" جالسة على مقعد هزاز وتهز

المقعد بهدوء شديد وترمقها بنظرات هادئة

وقالت :-

- صباح الخير ، صحن النوم معقول تخلينى

أستن كل دا

أعتدلت "ميرا" فى جلستها بخوف شديد

وهى تنظر للرجال الواقفين خلف "صباح"

وأزدردت لعابها بهلع وقالت :-

- أنتِ هتعملى ايه ، جبتينى هنا ليه ؟ أنا

عاوذة أروح

- هروحك بس لما أتأكد أن اللى فى بطنك

ابن يوسف أو لا

تحدثت "ميرا" بخوف شديد من جبروت

"صباح" وقسوتها قائلة :-

- ابنه والله ابنه

- أتأكد أزاي وابنى بيقول انه معملش حاجة

صمتت "ميرا" بخوف شديد وقالت بتوتر :-

- هو مش هيفتكر حاجة عشان كان واخذ
حبوب هلاوس ومخدر يخليه ميفتكرش لكن
هو ابنه والله

صمتت "صباح" بمكر شيطانية فأسرعت
"ميرا" نحوها وقبلت يدها بخوف وهى تقول

-:

- والله ابنه صدقيني !!

- عملتيها أزاي ، أزاي واحدة زيك قدرت
تخدر يوسف الحناوى

ازدردت لعابها بقلق وقالت :-

- السكرتيرة بتاعته حطت الهلاوس فى قهوته
ولما بدأ يحس بمفعولها خرج من الشركة

وأنا أجرت ناس تخطفه من العربية وخذته
شقة مفروشه وبعدين رجعته العربية تانى
لم تتمالك "صباح" غضبها أكثر فمسكتها
من شعرها بقوة وغضب قاتل بينما تقول
بغضب مكتوم :-

- حنة مفعوسة زيك تدمر حياة ابني
وتلبسه عيل غصب عنه

تألمت "ميرا" من قبضتها وقالت بأستياء :-

- عشان بحبه ، دى كانت الطريقة الوحيدة
اللى تخليه يرجعلى ان يكونله ابن منى وفي
بيننا رابط قوى ، مش لأذيته والله لكن عشان
بحبه

صفعتها "صباح" بقوة على وجهها فسقطت
أرصًا وتقول بقسوة :-

- أنا هدفنك هنا أنتِ واللى فى بطنك دا ...

وضعت "صباح" قدمها على بطنها بقوة

وهى تقول بتهديد :-

- كان لازم أدخلك التابوت فى وقتها ، واخلى

أبوكى يحصلك عشان أرتاح من قرفكم ...

دمعت "ميرا" بخوف وهى تلمس بطنها

بغیظ شديد ، صرخت "صباح" بقوة :-

- مراد

جاءها "مراد" سريعًا فقالت بنبرة قاسية

مُخيفة :-

- خدوها على الأوضة ممنوع تشوف نور

الشمس طول الـ ٩ شهور ، أنا هخلي الدبان

الأزرق ميعرفلكيش مكان وهسيبك تولديه

ولما تولديه مش هتشوفيه بعينك ، دا

عقابك الوحيد أنك تولديه ويكونله أم تانية

غيرك فى الورق وفى الحقيقة ، عمرك ما

هتكونی مرات یوسف ولا حتی هتكونی
خدامة عنده ، وأنتِ اللى أخترتى ولا أقولك فى
حل أحسن بكتير ... تهانى

جاءتها "تهانى" بصمت لتقول :-

- هبعثلك دكتور ينزل اللى فى بطنها ولو
ماتت أبقى كلمينى

نبرتها أرعبت "ميرا" فاسرعت تقبل قدمها
بخوف وقالت :-

- أرجوكى ، أبوس أيدك ورجلك مشينى من
هنا وأنا هختفى أنا وهو ، مش عاوزه يوسف
خلاص بس سيبلى ابنى .. أنا عيشت عمري
كله محرومة من الخلفة مش لما يجى عاوزه
تخديه منى بالسهولة دى وتقتليه فى بطنى

مسكت "صباح" فك وجهها بقوة وقالت
بشراسة :-

- دا عقابك يا ميرا ... دا تمن تدمير حياتي

ابنى

دفعتها بقوة بعيداً عنها وخرجت للخارج
ونظر للقيلا من الخارج لتتأكد بأنها لن
تستطيع الهرب من هنا ، كان رجالها تمليء
المكان فى الخارج ويحرسوا كل الأبواب
وجميع النوافذ مغلقة بالحديد من الخارج ،
فتح لها "مراد" باب السيارة الخلفى
فصعدت ليصعد بجوار وهو يقول :-

- تانى حاجة ، عصام هو اللى أمر بقتل

يوسف

تنهدت بأختناق شديد وقالت :-

- واضح أن الليلة دى لتنظيف قرف عصام
وبنته ... أركب يا عثمان خرينا نمشي ... خرينا
نظف القرف دا ونرتاح بقى

----- تابع -----

#ملك_فقيد_الحب

#نور_زيزو

#نورا_عبدالعزيز

#ملك_فقيد_الحب

___ الفصل التاسع والعشرون (29) ___

___ بعنوان " غفران للذنب " ___

كانت "صباح" جالسة في القصر تتناول
فطارها وحدها على السفرة ، دق جرس
الباب بطريقة هستيرية دون توقف ، فتحت
الخادمة الباب ودلف "عصام" هائجًا كالثور
فراها هناك على السفرة ليسرع نحوها
بغضب شديد وقال :-

- بنتى فين يا صباح ؟

- هو حد قالك أنك شرطة المفقودين

قالتها ببرود وهى تمسح فمها بالمنديل ثم

رفعت نظرها له ، أثرت أستفزازة ببرودها

فمسكها من العنق بقوة وهو يقول :-

- بنتى لو جرالها حاجة هتقتلك يا صباح ...

دفعت يده بعيداً عنها وقالت :-

- أنت محرمتش تهددنى ، وعمومًا فى مفاجأة

أنا حضرتهاالك هتعجبك أووى

وقفت من مقعدها وقالت وهى تنظر فى

ساعة يدها :-

- باقى ساعة وهتوصلك .. باى

حملت حقيبتها وخرجت من القصر مُبتسمة
بُحْبُثٍ شديد ثم صعدت إلى سيارتها وأنطلق
السائق بها ...

خرج "عصام" من القصر بخوف وقلق من
هذه المفاجأة التي تحدثت عنها فهي لن
تكون شيء سار له أبدًا

----- مستشفى الجلاء الخاص -----

- يعنى أيه أختفت ؟

سأل "يوسف" بذهول لِيُجيبه "كريم" بدون
فهم :-

- معرفش ، عصام قالب الدنيا عليها من
الصبح

تنهد "يوسف" بهدوء وقال بصوت مبحوح :-

- الأختفاء دا وراءه صباح هانم ... أمى ليها يد
فى أختفاء ميلا يا كريم

- ليه بتقول كدة ؟

نظر "يوسف" له ببرود وقال :-

- عشان أكثر واحد عارف أمى وعارف هى
بتفكر أزاى وبتتحول لأيه لما حد بيهدد حياة
ولادها ... صباح هى اللى أخفت ميلا وأنا
متأكد

- قتلتها يعنى ؟!

تبسم "يوسف" بسخرية وقال :-

- صباح هانم مش قاتلة ، هى خبتها فى
مكان وفى الغالب ميلا مش هتظهر غير بعد
أيام لما مدام صباح تتخلص من اللى فى
بطنها عشان حياتى متدمرش مع نبض...
دى امى يا كريم وأنا عارف هى بتفكر فى أيه

وجبروتها وقناع القوة اللى راسماه هيوصلها
لفين بالذات

فتحت "نبض" باب الغرفة ودلفت مُبتسمة
وهى مُرتدية بنطلون جينز وقميص نسائية
بكم أسود اللون وعليه البلطو الأبيض وتلف
حجاب سماوى ، تقول بعفوية وهى تدخل
-:

- صباح الخير يا حبوبى

- طب أستاذن أنا

قالها "كريم" وأنصرف فى الحال ، تبسمت
وهى تجلس بجواره وتضع قبلة على وجنته
اليسرى وتقول :-

- وحشتنى

- وأنتِ كمان وحشتنى ، رحيم عامل ايه ؟

تبسمت وهى تتذكر طفلها الرضيع وهتفت

-:

- مجنن ماما بس ، شد حيلك عشان تخرج

بقى

- حاضر شدت حيلى اهو

نكزته فى ذراعه بتذمر قائلة :-

- أنت بتتريق عليا يا يوسف بيا

تبسم وهو ينظر لها بعفوية :-

- ما أنتِ بتقولى كلام غريب ، هو فين حيلى

دا عشان أشده وأشده ازاي لا مؤاخذه

- لا دا أنت بتناقرنى بقى ، طبعًا ما أنت

بتعرف تخونى متناقرنيش وتتريق عليا ليه

قالتها وهى تستدير وتعطيه ظهرها

فأخذ يدها بلطف بين يديه وقال بحب :-

- والله عيني ما بتشوف غيرك يا نبضي ولا

قلبي بيحس غير بيكي يا حُبي

نظرت له بدلاية وحبُ وقالت :-

- ربنا ما يحرمنى منك يا حبيبي أبدًا

وضع قبلة على جبينها بلطف وقال :-

- ولا يحرمنى من طلتك عليا أبدًا يا نبضي

وضعت رأسها على كتفه بلطف ليطوقها

بذراعه وهو يستنشق عبيرها بحُب

_____ شركة الSH _____

أنهت "سارة" تصاميمات الصيف الجديد ،

وبدأت في تنفيذهم منذ فترة والأُن أنهتهم ،

تبسمت وهى تنظر للفساتين فى أغلفتهم

بداخل ورشة التفصيل ثم خرجت مُسرعة

إلى مكتب والدتها وقالت :-

- ممكن أدخل ؟

- تعالى يا سارة

دلفت "سارة" ووقفت أمام المكتب مُنتظرة

أن تنتهى "صباح" من توقيع الأوراق

المنثورة أمامها ، رفعت "صباح" نظرها وهى

توقع إلى ابنتها فرأتها مُرتبكة وتفرك أصابعها

ببعضهما ، أعطت "صباح" الملفات الى

السكرتيرة وقالت :-

- قولى يا سارة

أنصرفت السكرتيرة فقالت "سارة" بأرتباك :-

- ماما

قطعتها "صباح" بجدية صارمة :-

- مدام صباح .. ماما دى فى البيت

- اوك .. مدام صباح أنا كنت عاوزة أدخل

الفاشون شو الجاى باسمى أنا

رمقتها "صباح" بذهول وقالت :-

- الفاشون شو اللى هو بعد أسبوعين ولجنة

أختار التصاميم اللى هتتقدم فيه اتأجلت

ليوم الاحد الجاى بعد اربع ايام لما المدير

التنفيذى للشركة يرجع

- ايوة

داعبت "صباح" قلمها بلطف وقالت بحزم :-

- وأنتِ هتلقى تجهزى شغلك قبل لجنة

التقييم

- جهزت كل حاجة وما باقى غير موافقة

حضرتك أنى أقدم فى لجنة التقييم

تعجبت "صباح" لذكاء ابنتها وتخطيطها

فقالت :-

- بالسرعة دى

- بنت مدام صباح وأخت يوسف الحناوى

تبسمت "صباح" وهى تهز رأسها بالموافقة

ثم خرجت "سارة" سعيدة وهى تستعد

لأطلاق أسمها وسط عالم الفاشون ، نظرت

"صباح" للساعة وقالت بجدية :-

- حان الوقت

دلف مساعد "عصام" إلى المكتب بفزع

وذعر وهو يقول :-

- مصيبة يا عصام بيه ، مصيبة

نظر "عصام" له بعدم فهم فسأله بذعر وهو
يتذكر حديث "صباح" :-

- في أبيه ؟

دلف رجال الشرطة يقتحموا المكتب ليقول
ضابط الشرطة بنبرة قوية غليظة :-

- أتفضل معانا يا أستاذ عصام

وقف "عصام" بصدمة وهو يتمتم :-

- عملتها صباح

- هاتوا

قالها الضابط ليقترب العساكر منه ويضعوا
الكلبشات في يديه ، نظر ليديه بصدمة
ألجمته وقال :-

- عملتها صباح .. عملتها صباح

أتسعت أعين "ميادة" بصدمة وهى تقول :-

- يعنى ايه؟؟

- صباح بلغت عنه بتهمة غسيل الأموال

وتهمة الشروع فى قتل يوسف الحناوى

قالها المساعد بأستياء فجلست "ميادة"

على الأريكة بصدمة شديدة وقالت :-

- مبيحرمش ، مبيتعلمش من اللى فاتت

ذرفت دموعها بحزن شديد ...

___ شقة الزمالك ___

أستيقظت "نبض" صباحًا بغرفتها فى منزل

والدها لتراه امام عينها مباشرة ، جلست

بهلع شديد وقالت :-

- يوسف .. أنت خرجت أمتى؟؟

- من ساعة وجيت على هنا على طول

عشان وحشتيني

قالها وهو يداعب وجهها بلطف فقالت بحُب

-:

- حمد الله على سلامتک يا حبيبي

- الله يسلمک يا نبضی

قالها وهو يداعب خصلات شعرها بشغف
وحُب من فروة رأسها حتى نهاية أطرافه في
صمت تبسمت له بحُب وهو يستنشق عبير

شعرها باشتياق فقالت بدلاية :-

- بتعمل أيه يا يوسف ؟

- رائحتک وحشتنی أوى يا نبضی

قالها وأنامله تترك شعرها الحرير وتلمس
عنقها البارد المكتسبة من برودة التكييف
الهوائي وتابع حديثه قائلاً :-

- وحشتيني يا نبضة قلبي ، وحشتيني
أووووى

- أنت أكثر بكتير أوووى

نظر بعيونها البريئة المليئة بالشوق والحب
الدافئ وقال مُتحدثًا :-

- لما العربية اتقلبت كنت مُرعب أووى ،
الحاجة الوحيدة اللي فكرت فيها في اللحظة
الخاطفة دى أن ممكن مشوفش العيون دى
تانى وأتحرم من رائحتك دى .. أنتِ الحاجة
الوحيدة اللي فكرت فيها وأنا بين الموت ،
لما كنت فى الكوم مشوفتش غير مكان
غريب مُرعب ومُخفي جدًا لأنك مكنتش فيه

مع أنه كان جمال الطبيعة فيه لكن الجمال
وحلاوة الدنيا مبشوفهمش غير بوجودك أنتِ

دمعت عينها وهى تستمع لحديثه الدافئ
ونبرته مليئة بالصدق والحُب فقالت بحنو :-

- أنا حياتى بقت يوسف وبس ، أوعى
تخضنى عليك تانى مهما كان الزعل بينا
أوعى تخضنى كدة .. ماشي يا حبيبى

- مكنش بأيدى لو كان بأيدى عمري ما
أخضك أبدًا يا قلبى ، لو القدر بأيدى مش
هختار غير أنى أسعدك وبس

لمست جرح وجنته بلطف وعيون دامعة
وهمهمت بحزن :-

- لو كُنت وقفت سمعتك مكنتش هتخرج
من القصر فى الوقت دا ولا كان هيحصل دا ،

أنا السبب في اللي حصلك وعمري ما كنت
هسامح نفسي أبدًا لو حصلك حاجة
جففت دموعها بابهامه بلطف شديد وبسمة
خفيفة على شفثيه وقال بجدية :-

- لا يا نبض ، أوعى تفكرى كدة يا حبيبتى ..
دا قدرى ومكتوبلى اعملى حادثة فى الوقت
دا والمكان دا ومحدثش بيهرب من قدره ،
مش أنتِ السبب وعمرك ما هتكونى كدة ،
أيك تلوامى نفسك على أي حاجة يا نبضى
- بس ..

وضع سبابته على فمها بلطف وهو يقول :-
- مبسش يا نبضى ، هال يا حبيبتى أنتِ مش
السبب وانا أهو قدامك كويس وبخير
بوجودك جنبى

عانقها بحُبٍ وأشتياقٍ شديدٍ ، تنهدت بلطف
وهي تتنفس الصعداء بين ذراعيه بأرتياح
شديد فسكنت بين ذراعيه دقائق لتشعر
بأمانه وتطمئن قلبها بأن حبيبها بخير وسالم ،
كان هو يستشق عبيرها بعفوية ويشعر
بدفءها بين ضلوعه وكأن روحه عادت إلى
جسده لتُحييه من جديد ، أبتعد عنها وهو
يقول :-

- مش هتروحي معايا بقى ، هتفضلى هنا
كثير بعيد عنى وعن قلبى
- يوسف أنا

أوماً بحزن وهو يقول :-

- خلاص يا نبض أنا هموت عليكى من
الشوق وترجعلى وتلونى بيتى بحبك بس
مش هتضغط عليكى أكثر من كدة

صمتت بهدوء وهى تتذكر حديث "نادين"

___ فلاش باك ___

- تعالى بس عاوزاكي

قالتها "نادين" وهى تأخذها إلى المكتب

فسألتها "نبض" بأستغراب :-

- فى أية يا نادين ؟ عاوزة أروح أطمئن على

يوسف

- استنى بس

قالتها "نادين" وهى تغلق باب الغرفة

واخرجت الهاتف من جيبه وشغلت

التسجيل لحديث "ميرا" و "تمارا" ، نظرت

"نبض" بغضب شديد وهى تقول :-

- يعنى الولد فعلاً ابن يوسف

- بس يوسف ضحية يا نبض

صرخت "نبض" بأختناق قائلة :-

- بس ابنه وممكن يتجوزها عشان ابنه .. لا دا

مش ممكن دا أكيد

- نبض أنا سمعتك دا عشان تتأكدى انه

مظلوم وضحية لكيد حریم

اردفت "نبض" بغيظ شديد قائلة :-

- بس خانى

- نبض أنتِ دكتورة وعارفة أن الأدوية دى

بتغيب عن الوعى تمامًا

تحدثت "نبض" بأختناق شديدة وعيونها

دامعة من الوجد :-

- عمرى ما تخيلت أنه ممكن يخونى

- برضو أنتِ اللى فى دماغك فى دماغك ،

أسمعى يا نبض جوزك مظلوم وضحية لو

أنتِ عندك أستعداد تسيبه لواحدة خاينة
وقذرة سيبه ، لو هتقدرى تعيشي وتظلمى
ابنك لما تحرميه من الأب سيبه ، بس
معتقدش أن يوسف كان هسيبك لو كان
مكانك .. لما أتخطفتى وأعتدوا عليكى
مفكرش يسيبك فكر أزاى يجيب حقك ...
فكرى وأنتِ حرة فى اختيار قرارك...



نظرت "نبض" له وهى تتذكر كل كلمة فى
حديث صديقتها ، ماذا تفعل إذا كانت عيونه
صادقة بهذا القدر والحُب يمليء قلبه لها
لدرجة الموت بدونها ، كيف تتركه وقلبها كاد
أن يتوقف حين مرض حبيبه

وقف "يوسف" لكى يرحل فأستوقفته حين
مسكت يده بلطف فنظر لها ، تمتمت بحزن
مُستاءة :-

- أنت هتمشي وتسبني

- أنا مقدرش أسيبك يا نبض بس راحتك
عندي أهم من راحتى بكتير..

عضت شفيتها بخجل وهى تتحاشي النظر
له وتغمغم قائلة :-

- أنت عارف أن راحتى معاك

جلس على ركبتيه بجوار فراشها واخذ يدها
بين كفيه ويربت عليها بلطف ، ناظر إلى
عينيها وقال :-

- متسبنيش يا نبض على ذنب أنا

مقترفوش

- أنا مقدرش أسيبك يا يوسف أنت روحى
اللى أنا عايشة بيها

- أسف وسامحنى لو زعلت لمجرد وهم

وكلام بيتقال

لمست وجنتيه بيدها بلطف وقالت بعيون

دامعة من الوجد والحيرة فهى تعلم بأن

الطفل ابنه ومن صلبه :-

- أنت عارف أنى على طول مسامحك

وبحبك

- وأنا بحبك والله العظيم

قالها وهو يضع جبينه على جبينها لتخلط

دموعها بوجنته ولحيته حيث أقترب أكثر

ونال قبلة من شفيتها ، قبلة حملت جميع

مشاعره لها الشوق والشغف والأعتذار

والاسف حتى الندم على ما لا يعلم كان

بداخل قبلته ، بادلته القبلة ودموعها تذرف

أكثر بعد أن فهمت كل تلك المشاعر وقبلتها

بقلب عاشق وغفرت ذنبه الذي لا يغتفر
لأجل البقاء معه ، أنهى قبلته بعناق طويل
وشديد فكاد أن يكسر عظامه بين ذراعيه
من الأشتياق ويشعر بها تغلق أنامله على
سترته من الخلف بقوة وتتشبث به بضعف
، أبتعد عنها وهو يسألها بحب :-

- هنروح !!

- امممم هنروح أنا بيتى مكان ما أنت
موجود يا حبيبي

قبل جبينها مُبتسمًا لها ...

خرجت "نادين" من المستشفى ليلاً لتراه
واقفًا أمام الباب بسيارته ، صعدت إلى
السيارة وهى تقول :-

- وحشتيني

- عارفة

- بحبك

- i know

تبسم بسخرية وهو يقول :-

- أنتِ هتفضلى تعاقبنى عشان زعلتك مرة

كثير ، لما أقولك بحبك بيتقال وأنا كمان
بحبك ، عاوز أسمعها منك قبل ما أموت

- متخافش يا كريم أنت مش هتموت

دلوقت

تحدث وهو يقود السيارة بغیظ من دلالتها

المُفرطة قائلاً :-

- عرفتى الغیب ولا حاجة ؟؟

- ممكن تبطل كلام فى الموت أنت عارف أنى

مبحش كدة ، هتطفحنى أیه ؟

قهقهه ضاحكًا وهو يقول :-

- من أول مرة قابلتك وأنتِ مبتقوليش غير
شربنى قهوة واكلنى ... فين الرومانسيات يا

بنتى

- متعلمتهمش فى الطب ، علمونى أزاى افتح
بطن واحد ، أزاى أخطه وأجسوا الكلام دا

اللى يمشي معايا

تبسم وهو يوقف السيارة أمام منزلها ويقول

:-

- يعنى بدل ما أجبلك ورد أجبلك مشرط ولا
أجبسلك نفسي

تبسمت باستفزاز تغيظه وتثير غضبه اكثر

حيث قالت :-

- اووووه وووووواووو ويا سلام بقى لو حقنة

بنج بقى هتجنن

تأفف بأغتيال من برودها وأستفزازها فقال

-:

- أنزلى يا نادين ، أنزلى عشان أمشي قبل ما

تجبلى الضغط

تبسمت وهى تُلبى طلبه بهدوء لثثير غضبه

أكثر حيث ترجلت من السيارة ، تدمر على

دلالتها وهى تُصر على أنها فتاة صعبة

المنال ، رأى هاتفه يرن باسمها فنظر

للعماره ورأها تقف بالداخل أمام المصعد ،

فتح الخط فأثاه صوتها نبرة دافئة ناعمة

تقول :-

- بحبك

أتسعت عيناه على مصراعيها وهو ينظر لها

ويسمع كلمتها من الهاتف فترجل من

سيارته مُسرعاً وهو يركض لها ، دلفت

للمصعد وضغطت على الزر بسرعة ليغلق
الباب اثناء وصوله ، أرتطامت رأسه في باب
المصعد فتأفف بشغف ثم وضع الهاتف
على أذنه وهو يقول :-

- نادين أنزلى

- روح يا كريم

لم يملك نفسه ونبضاته ثم قال بتهديد :-

- أنزلى يا نادين

- تصبح على خير يا كريم ، طمنى لما تروح

اغلق الهاتف معها ، تنهدت "نادين" بأرتباك

واحمرت وجنتها شديداً بخجل ، وضعت

يدها على قلبها لتشعر بنبضات قلبها القوية

، فتح باب المصعد لتصرخ بفرع حين رآته

يقف أمامها وقالت بذعر :-

- كريم أنت مجنون

تنفست بتعب ليقول :-

- أنتِ قولتى ايه ؟

- أنك مجنون

قالتها بصراخ ليدخل المصعد ويغلق الباب

عليهما فقال :-

- أنتِ قولتى ايه ؟

اجابته بتلعثم وهى تلهث مُلتقطة أنفاسها

بأختناق :-

- بحبك بحبك خلاص .. حرام عليك خضتني

والله وقفتلى قلبى

ضربته على صدره بقوة بغیظ شديد فقال :-

- أقسم بالله وأنا بحبك

اخذها من يدها وخرج من المصعد فسألته

بدهشة :-

- أنت رايح فين؟؟

- هحدد ميعاد الفرح مع باباكي

قالها بجدية لتبتسم كالبلهاء وتقول :-

- ايه يا كريم مالك ، كلمة عملت فيك كدة

- وأكثر وهحدد ميعاد الفرح حالاً

قهقهت ضاحكة عليه

خرج "يوسف" من غرفة المكتب غاضباً

بشدة ليتوقف أمام والدته الجالسة على

الأريكة وقال بصرخ :-

- أنتِ اللي قدمتي محضر ضد عصام ، أنتِ

اللي سجنتي يا أمي

- اه

صمت بغیظ شدید وقال :-

- بتتصرفی من دماغك ومش هترتاحی غیر

لما تخسری حد فینا ...

----- تااااابع -----

#ملك_فقيد_الحب

#نور_زیزو

#نورا_عبدالعزيز

#ملك_فقيد_الحب

___ الفصل الثلاثون (30) ___

___ بعنوان " طمأنينة " ___

أستيقظت " صباح " فی الصباح لثمطی

جسده بتعب شدید ثم ألتقطت الجریدة من

فوق الكمودينو تقرأ الأخبار كروتينها العادى ،
تبسمت حين رأّت صورة "عصام" بخر
القبض عليه ، رن هاتفها باسم "تهانى"
نظرت للهاتف ثم قالت :-

- ايوة يا تهانى ... طيب هعدى عليكى بليل
لما أشوف أخرتها ... سلام

نزلت من فراشها وأخذت حمامها ثم أرّدى
تنورة قصيرة تصل لركبتيها بلون اللون
الأسود وسترة بدون أزرار ذات اللون الأبيض
قصير من الجانب الأيمن وطويلة من الجانب
الأيسر قليلاً وأسدت شعرها على ظهرها
والجانب الأيمن ثم خرجت من الغرفة لتقابل
"سارة" تسرع فى خطواتها فقالت :-

- سارة

- صباح الخير يا ماما

رمقتها "صباح" بهدوء وقالت :-

- مستعجلة على فين ؟

- عاوزه أخلص التصاميم تمامًا قبل لجنة

التقييم بكرة ..

- ومستعجلة على أيه ؟ ما أنتِ على طول

بتخلصي تصاميمك مع نانا

تبسمت "سارة" بسعادة وقالت :-

- دا غير يا ماما ، دا هيكون باسمى لوحدى

وهيكون نجاحى أنا لوحدى وحضرتك عارفة

أنى أجلت موضوع الجواز والأرتباط لحد

دلوقت عشان أنجح فى دا ويبقى عندى

شغلى لوحدى مفضلش مساعدة مصممة

تحت أيد نانا

تبسمت "صباح" بسعادة على أصرار ابنتها

وقالت بنبرة مُشجعة :-

- طب يلا ورينى شاطرتك وأنا أفتحلك
مكتب بأسمك وتكونلك ماركة لوحك
وتبدأى

- بجد يا ماما .. ميرسي كثير

قالتها "سارة" بسعادة ثم قبلت والدتها
ورحلت ، نزلت "صباح" للأسفل فرأت
"يوسف" يتناول فطاره مع "نبض" فتحدثت
"نبض" :-

- تعالى أفطرى يا طنط

- بالهنا يا نبض ، عن أذنك

قالتها وهى تنظر لـ "يوسف" ببرود ورحلت ،
نظرت "نبض" له بصمت تتابع حركاته
وهدوءه فقالت :-

- هتفضل كدة كثير

- في أيه يا نبض

تحدثت بجدية حاد قائلة :-

- في أنك مخاصم مامتك بقالك يومين وكدة
كتير أووى ، مهما كان اللي عملته يا يوسف
الخصام مش حل ومش صح

أوما لها بنعم وهو يقف ببرود ويقول :-

- أن شاء الله يا نبض

- هو أنا دايم كدة مبخدوش منك حق ولا
باطل

قالتها بتذمر فرحل دون أن يُجيب عليها ،
تركت السكين من يدها بتذمر ثم وقفت
وحملت حقيبتها كي تذهب إلى المستشفى

....

_____ شركة الSH _____

بدأت لجنة التقييم للتصاميم الواجب
أختيارها لعرض الأزياء القادمة بمنافسة
شركتين للأزياء آخرين ، كان الحُكم
"يوسف " "صباح" "فؤاد"

كانت "صباح" مُبهورة بما قدمته طفلتها من
فساتين وأفكار مُبدعة وفي نهاية التقييم
وافق لجنة التحكيم على 7 فساتين من
تصميم "سارة" و8 فساتين من تصميم
"نانا" ، دلفت "صباح" إلى ورشة تصميم
"سارة" ورأتها تُعيد الفساتين إلى أغلفتهم
ودموعها تنهمر بشدة فأربتت "صباح" على
كتفها بلطف وقالت :-

- بتعطى ليه دلوقت ؟ اللجنة أختارت7
فساتين لك هيدخلوا العرض والفرق بينك

وبين نانا نقطة يعنى دا نجاح وأنا عن نفسي

هفتحك المكتب اللي وعدتك بيه

جفت "سارة" دموعها بلطف وقالت :-

- ميرسي يا ماما

تبسمت "صباح" لها وذهبت إلى مكتبها ،

نظرت "سارة" إلى الفساتين المُعلقة وأوراق

التصميمات بحزن ممزوج بقليل من الفرح

لنجاحها ..

- خير يا تهانى ، أنا مورياش غير ميرا وقرفها

- يا مدام صباح دى قاطعة الأكل ومبتأكلش

خالص

تأففت "صباح" بأختناق شديد وهى تصعد

الدرج حتى وصلت أمام باب غرفة "ميرا"

وفتحت الباب ثم ولجت لتراها جالسة على
الفراش تبكى بحزن شديد وشحب وجهها
وأحتلت الهالات السوداء أسفل عينيها
فتبسمت "صباح" وهى تجلس على المقعد
وقالت :-

- دا حقيقى بقى أنك مبطفحيش

- أنا عاوزه أروح؟؟

- ليه ؟ فاكهه أبوكى هيعرف يحميكى منى
عشان كدة عملتى عملتك السوداء دى
وأنتِ مطمئنة أنه معاكى ... تهانى

أقتربت "تهانى" من "ميرا" وأعطتها الجريدة
التي تحمل خبر القبض على والدها ، نظرت
"ميرا" بصدمة للجريدة وأرتجف جسدها
بينما "صباح" تقول :-

- أبوكى اللى مقوكى رجع مكانه الأصلى أن
شاء الله يطلعك بعد المؤبد المرة دى
رفعت "ميرا" نظرها إلى "صباح" بصدمة
قاتلة وقالت بغضب وغل :-

- أنتِ أیه يا شيخة فاكرة نفسك منك عشان
تتحكمى فى الناس وحياتهم

- أنا صباح أبوطالب ومرات جلال الحناوى
ورئيسة مجلس الإدارة لشركة sh جروب ...
واللى يقرب لولادى أكله بسنانى زيك أنتِ
وأبوكى ، أحمدى ربنا أنك لسه بتتنفسي
لحد دلوقت

انتهت "صباح" حديثها بنبرة باردة ثم وقفت
وتابعت الحديث :-

- ومتأكليش براحتك طول عمرك غبية بعد
كل اللى عملته دا عشان تحملى هتموتيه

بنفسك معقول كدة ، بس كويس على

الأقل مشلش ذنب قتله ... ههههههه

خرجت من الغرفة تضحك بطريقة مُستفزة ،

بكت "ميرا" بحزن شديد ثم نظرت لصنية

الطعام وتناولت القليل منه بيد مُرتجفة

والدموع تذرِف من عينيها بطبق الطعام ،

كان قلبها يرتجف رعبًا من "صباح" وقسوتها

وماذا ستفعل بها في مستقبلها القريب

وماذا ستفعل بطفلها ...

_____ مستشفى الجلاء الخاص _____

خرجت "نبض" من غرفة مريض لها لتري

"نادين" تركز نحوها بسعادة ثم عانقتها

فتبسمت "نبض" سريعًا وهى تقول :-

- حصل أيه ؟؟

- كريم حدد ميعاد الجواز مع هتجوز كمان ٣

شهور

قالتها "نادين" بسعادة لتبتسم "نبض"

بسعادة وقالت :-

- الف مبروك يا حبيبتي

- مالك يا نبض في حاجة مضايكاكى

جلس معًا في الكافتيريا وطلب مشروباتهما

الساخنة فأردفت "نبض" قائلة :-

- قلقانة من موضوع حمل ميرا وأختفاءها

الغريب دا ، خايفة ترجع شايلة ابنها على

دراعتها وتحطنى هى ويوسف قدام الأمر

الواقع

- أنا عارفة أنه موضوع صعب يا نبض

تنهدت بأختناق سافر وقالت :-

- صعب بس ، معرفش وقتها هعمل أيه
هقبل بيها زوجة ليوسف وام ابنه ولا هطلب
أنا الطلاق وأخذ ابني وأختفى ولا اعمل ايه ...
أنا بعد الأيام بُرعب

أربتت "نادين" على كتفها بلطف وقالت :-

- أهدي يا نبض ومتسبقيش الأحداث
خالص وأن شاء الله هتتحل لوحدها

- يا رب لأنى تعبت

قالتها بهدوء وصمتت ...

أنهى "يوسف" عمله فى الشركة فوقف من
مقعده أمام المرأة ويرتدى سترته وهو
يصف شعره ويهندم هيئته فرن هاتفه
لُجيب أثناء خروجه :-

- جاى أهو فى الطريق

خرج من المصعد ثم إلى سيارته الواقفة أمام
باب الشركة ، وأنطلق السائق به إلى المطعم
المحدد وحين دلف رأى "نادين" بانتظاره
فجلس وطلب قهوته ثم قال :-

- معلش أتاخرت عليكى

- حصل خير ، طلبت تقابلنى ضرورى ليه ؟

- سألها بجدية :-

- نبض عارفة أنى طلبت اقابلك ؟

- لا ، أنت نبهت عليا مقولهاش

تأفف بهدوء ثم وضع ذراعيه على الطاولة

حادقًا بـ "نادين" وهتف مُتسائلًا :-

- نبض مالها يا نادين ، نبض متغيرة من

ساعة الحادثة

رمقته بهدوء وهى تقرأ نظرات القلق فى
عينيه بوضوح تام فقالت :-

- أنت جاي تسألنى مراتك مالها ، مالهاش

- متضحكيش عليا ، أنا متأكد أن نبض
بتكلم معاكى وأنتِ أكيد عارفة هى فيها أيه
؟؟

تنهدت بضيق من أصراره وقالت :-

- نبض بتمر بمرحلة صعبة يا يوسف ، فى
الأول ملاك ماتت بين أيدها وأنت عارف
ملاك عند نبض عاملة أزاى ورجعت البيت
منهارة ولاقيتكم بتقولى ميرا حامل منك
وْحُنْتها وبعدين يوسف عامل حادثة وبيموت
، نبض عايش فترة مُخيفة وقاسية بسبب
حمل ميرا منك

- مش منى

رمقته "نادين" بأستياء وحزن ثم قالت بثقة

-:

- لا ابنك ومن صُلبك

أعطته تسجيل حديث "ميرا" ليستمع له

فصدم بقوة مما سمعه وأتسعت عينيه

بصدمة قاتلة فقالت بلطف :-

- نبض محتاجة أنك تطمنها يا يوسف

- أطمئنها

قالها بلطف شديد وهو شاردًا في وجه

محبوبته وبسمتها ، تبسم وهو يدفع

الحساب ثم ودع "نادين" ورحل ، عاد إلى

القصر فوجدت والدته جالسة على الأريكة

على اللاب توب وبجواره بعض الأوراق ، رآته

"صباح" فوقفت من مكانها وأتجهت نحو

المصعد غاضبة منه ، مسكها من معصمها

وقال :-

- ميرا فين ؟؟

نظرت له بصمت وكبرياء فقال بجدية :-

- أنتِ كُنْتِ عارفة أن ميرا حامل منى صح ،

وديتها فين يا صباح ؟

- كويس أنك نسيت كلمة أمى

قالتها بغرورة هى تبعد ذراعها عنه فقال :-

- خبتها فين ؟ فى فيلتك القديمة صح

أتسعت عيناها بذهول من ذكاء ابنها فقالت

:-

- وبعدين

- أنتِ بجد كنت فاكرة أنى مش هعرف أنتِ

خبتيها فين ؟ بس الحركة دى أنتِ

متعرفيش تـعملـيـها لوحدك ، مين اللـى

ساعـدك .. مراد

أتسـعت عـيـناها بـذهول أكبر فهو على علم

بـكل مـخطـطـاتها فقـالت :-

- مش هتستغربك لأنك ابن جلال الحناوى

- وابن صباح برضو ، أزاي اقنعتى رجل

القانون انه يساعـدك ... أنتوا فـاكرينى أنى

عشان ساكت يبقـى مش عارف حاجة ولا

عارف اتصرف

- عـقدت ذراعـيها أمام صدرها بـغـرور وقـالت :-

- أنا كل مدى بـيزيد أعجـابى بيك

- طب بما أنه بـيزيد مش كفاية بقى على

الراجل اللـى مـخـليـاه مـراقـب نبض ، مش دا

برضو كان طلبك التانى من مراد أنه يأمن

نبض

قهقهت ضاحكة عليه وهى تقول :-

- فى ايه متعرفوش يا يوسف بيه

- أنا بعرف كل حاجة بس بعدى بمزاجى ،

وبالنسبة مفيش داعى تدورى على مكان

مناسب لمكتب سارة هى عارفة هى

هتعمل أيه

ضحكت أكثر عليه وقالت بثقة :-

- مش عاوز تقولى أنا بتنفس كام مرة فى

الدقيقة

ضحك لها بغرور وهو يقول :-

- لو عاوز أعرف هعرف يا صباح هانم

قبل رأسها بلطف شديد وقال بجدية :-

- الحاجات دى سيبهالى متتعبيش نفسك
فى حمايتى أنا ومراتى وتقلقى علينا ، أنا أقدر
أعمل دا بإشارة من صُبعى وأنا فى مكانى

- ماشي

تبسم لها ثم قال بجدية مُصطنع :-

- الدور على الهانم اللي فوق عن أذنك

تبسم وهو يصعد للأعلى ودلف إلى غرفته
ليرى "نبض" نائمة على الأريكة وطفلها
فوق صدرها نائمًا مُحْتَضِن والدته بذراعيه
الصغيرة جدًا ، أقترَب نحوهما وجلس على
الأرض بركبتيه يتأمل أسرته الصغيرة ، يبدو
أن محبوبته كانت تعاني فى نوم طفلها
لتستسلم للنوم على الأريكة بهذه الوضعية
حتى لا تتحرك وتقظه مُجددًا ، وقف وهو
يمسك طفله من خاصرته بأحكام ثم وضعه

على صدره حتى لا يقظه ، تنهد بأرتياح وكأنه
نجح في الأختبار ثم أخذه إلى فراشه الصغير
ووضعه بالداخل ، وقف يتطلع لطفله وهو
يداعب وجهه بسبابته ، طفل عمره ٣ أشهر
وحجمه صغير جدًا فتبسم بلطف وهو يقبل
يد رضيعه ، عاد إليها وبسمته تنير وجهه
فحملها على ذراعيه بهدوء حتى لا يقظها
لكنه فشل هذه المرة مع زوجته ولم ينجح
كما نجح مع طفلته ، فتحت عينيها بضعف
وهي تقول :-

- يوسف

- عيون يوسف وقلبه

قالها بحُب شديد بعد أن توقفت قدميه عن
الحركة فرفعت نظرها إلى وجهه بعد أن
قشعر قلبها من نبرته ، لم يتحدث بتلك
النبرة الهادئة الملوحة بخصال الحُب الدافئ

إلا إذا كان قلبه خائفاً من شيء أو حدث به
شيء ، تحدث هامة له :-

- مالك؟!

- وحشتيني بس

أنزلها على الفراش بلطف ثم جلس بجوارها
وهو ينزع سترته وتحدث :-

- ممكن أعرف بقى مالك أنتِ ، متغيرة ليه
؟

تبسمت "نبض" باحراج وقالت :-

- مفيش

- هتخبى عليا أنا يا نبضى

تنهدت بهدوء مُتحاشية النظر له ، وضع
سبابته أسفل ذقنها ليرفع رأسها له حتى
تتقابل عينيهما ، دائما يغلبها بهذا الزوج من

العيون حين يغمرها الحُب يستطيع

هزيمتها بعينيه ، قالت بنبرة هامسة :-

- يوسف أنا خايفة ، خايفة تختار ميرو وابنك

بدل منى ، خايفة تجبهالى درة وأنا مش

هقبل بـ دا قلبى مش هيستحمل واحدة

تانية تشاركنى فيك

تبسم لها بخفة وهو يحتضن يدها بين كفيه

وقال :-

- دى أوهام يا نبض ، أنا عمرى ما هختار حد

عليك لا ابن ولا غيره ، فى أى مرة وكل مرة

هتخطى فى كفة قصاد أى حاجة هختار

كفتك أنتِ وعاوزك تتأكدى من دا جدًا ، أنا

هختارك فى كل مرة حتى لو كان الخيار بينك

وبين حياتى هختارك يا نبض ، لو تعرفى أنتِ

بدلتينى أزاى وعملتى فىا إيه مش هتشكى

لحظة فى حُبى ليكى

- متسبنيش يا يوسف ، متعملش حاجة

تخلينا نبعد عن بعض

قالتها بنبرة واهنة وتترجاه بحُب وكأنها لم
تتحمل لحظة فراقه مجرد فكرة الفراق تقتل
قلبها ، تبسم بعفوية وهو يجذبها نحوه ثم
قبل جبينها بحنو ووضع رأسها على صدره
وطوقها بذراعيه وقال بثقة :-

- أنا عايش عشان نبضى ورحيم لو تعرفى أنى
بحبك أكثر من رحيم لحمى ودمى هتعرفى
أن مفيش حاجة هتقف بينا ولا تسمحلنا أننا
نسيب بعض مهما حصل

لفت ذراعيه حول خاصرته بحُب وتشبثت به
بقوة فقال بمرح ليُخفف من توترها وقلقها

-:

- نبض أنتِ مش ملاحظة أنك نائمة على

العملية

أبتعدت "نبض" مُسرعة عنه بخوف وهى

تقول :-

- وجعتك يا حبيبي .. أسفة

فتح أزرار قميصه مُصطنع التعب ثم وضع

يديه على قلبه بوجع مُصطنع وقال :-

- اااه

- مالك يا حبيبي

أقتربت بلهفة وهى تلمس قلبه ليمسك

يدها بأحكام فرفعت نظرها له ، شعرت

بحرارة جسده وهى واضعة يدها فوق فائلته

السوداء وحدق بعينيها بحُب لتشعر

بضربات قلبه تتسارع أسفل يدها وتتنفس

بتوتر وأرتباك من نظراته فقالت هامسة :-

- يوسف !!

- نبضه

قالها وهو يحدق بكل أنش في وجهه ،
تبسمت "نبض" بدلاية وقالت :-

- عاوز أيه

- أنتِ عارفة

قهقهت ضاحكة بعفوية ثم وضعت رأسها
على صدره وعادت إلى حضنه وهى تقول :-

- نيمنى يا يوسف

ضحك بتعجب وهو يقول :-

- نوم أيه ؟ لا أنتِ فهمتى غلط

أغمضت عينيها وأردفت بحنو قائلة :-

- عاوزة أنام

تبسم حادقًا بها ليراها مُغمضة العينين

وقال :-

- ننام وأمرى لله

تبسمت بين ذراعيه فقال بأستياء مُصطنع

:-

- اضحكى يا نبض أضحكى

ابتعدت عنه واضعة قبلة على وجنته
سريعة وعادت حضنه فتبسم عليها وكأنه
طفلها المُدلل تضحك عليه بهذه القبلة
الصغيرة ، أغمض عينيه بحُب وبدأ قلبه يهدأ
بطمأنينة بسبب هذه الزوجة التى تستطيع
السيطرة عليه بلمسه دافئة منها ، فقط
شعوره بأنفاسها وأنها بخير يكفيه للشعور
بالأمان ، ما دامت بخير فهو بخير .. ما دامت
هى بجواره فهو بموطنه

----- تابع ... -----

#ملك_فقيد_الحب

#نور_زيزو

#نورا_عبدالعزیز

#ملك_فقيد_الحب

___ الفصل الواحد والثلاثون (31) ___

___ بعنوان " عشقها الفؤاد " ___

... الأخير ...

مر شهرين وبدأت "نادين" الأنشغال في
تحضيرات الزواج بصحبة "نبض" ووالدتها ،
وقفت "نبض" في محل الملابس حاملة
طفلها على ذراعيها وتداعبه حتى يكفى عن
البكاء وهو يقرص وجنتها يغيظها أكثر ،
تأفف بتذمر من هذه الطفل العنيد صاحب

ال ٥ شهور فقط ، قطع تدمرها خروج
"نادين" مُرتدية فستان زفاف أبيض بدون
أكمام ضيق من الخصر وواسع من الأسفل
له ذيل طويل من الخلف ، تبسمت بأشراق
وهى تقول :-

- ها .. حلو أنا تعبت من التغيير ، قولولى أنه
حلو من الصبح عاملة زى الموديل بقيس
بس

- حلو دا حلو فعلاً

قالتها "نبض" بابتسامة ، نظرت "نادين" إلى
والدتها فرأتها تبسمت بعيون دامعة وقالت
:-

- زى القمر يا حبيبتي ربنا يحرصك من
العين

زادت "نادين" من بسمتها وهى تقول :-

- وأخيرًا بقى ، كدة خلصنا الفستان باقى
البيوتى سنتر والجزمة واشترى الميك اب
بتاع الجواز وبعدها نطلع على الفندق
نشوف الحجز والقاعة اللي أختارها كريم
تحدثت "نبض" بتذمر مُصطنعة وقوست
شفتيها للأسفل قائلة :-

- مش دى برضو المفروض مشاويرك انت
وكريم انا مالى

رمقتها "نادين" بحدة وغيظ شديد واضعة
يديها فى خصرها وهتفت بلهجة قوية غليظة
قائلة :-

- مش هو اللي رجع يشتغل مع جوزك اللي
مبيرحمش دا ومش عاوز يديله اجازة زى باقى
العرسالان ، أنا مش عارفة أنت متجوزة الراجل
دا أزاى

- بت مالكيش دعوة بجوزى

قالتها "نبض" بغضب سافر فتركها "نادين"
ودلفت لغرفة الملابس تبدل ملابسها ...

فتح باب المكتب ودلف العسكرى بصحبة
"عصام" فرأى "ميادة" جالسة هناك تنظر له
نظرة عتاب ولؤم ممزوجة بالحزن والقهرة
بوجه شاحب ، رمقها بنظرة باردة ولؤم ثم
جلس أمامها فقال الضابط :-

- هسيبكم خمس دقائق

خرج الضابط وتركهما فنظرت له دون أن
تتفوه بكلمة واحدة وكان صامتًا فقالت
بجدية :-

- مبسوط كدة ولا لسه هتلوم يوسف على
اللى حصل فيك

- صباح هى السبب وأنا مش هسيبها

صرخت به بأغتيال شديد قائلة :-

- لسه بتلوم صباح وابنها ، زمان لومت
يوسف وجلال ودلوقت برضو نفس الكلام ،
لسه بتقاوح وتقول هم السبب ، هم اللى
قالولك تغسل اموال وتبقى حرامى

- نفس الكلام جيتى تقولى من عشرة سنين
قالها ببرود ولا مبالة مُتَحاشيًا النظر لها ،
تبسمت ساخرة من حديثه وقالت :-

- وياريته أثر فيك ولا غيرك ، بس هقول أيه
ديل الكلب عمره ما هيتعدل بس العيب
مش عليك العيب على بنتى اللى خلتنى
أرجع لراجل حقير زيك

- ميرا ، ميرا رجعت

دمعت عينيها بحزن شديد وقالت :-

- وأنت فاكراً أنها هترجع بعد ما خليتها تعمل

المصيبة اللي عملتها ، فاكراً أن يوسف

وصباح هيسيبوا تعيش دقيقة واحدة بعد ما

عملت كدة فيهما ، ربنا يسامحك على اللي

عملته فيها وفيها لكن أنا عمري ما هسامحك

على اللي عملته فينا

- لازم تدوري على ميرا

قالها بجدية لتُجيبه بحزم :-

- حرام عليك ، أكلتنا حرام وعيشتنا حرام

وخليتها حملت من واحد في الحرام ، حياتنا

كلها حرام في حرام و فاكراً أن الحرام دا كله

وهترجع .. اللي بيحصلنا دا حصاد للحرام

اللي زرعتوا

وقفت من مكانها حزينة ومُنكسرة ثم قالت

-:

- طلقنى يا عصام .. طلقنى بدل ما أخلعتك

تانى وحسبى الله ونعم الوكيل فيك

خرجت من المكتب غاضبة وحزينة ثم

أتجهت إلى الشركة وطلبت رؤية "صباح" ثم

ولجت إلى المكتب فرأت "صباح" جالسة

على الطاولة الطويلة زجاجية بالمقدمة

وعلى اليسار يجلس "فؤاد" ومدير قسم

الحسابات يتحدثون معًا فى العمل ، رمقتها

"صباح" بنظرة باردة ثم أنهت الاجتماع فورًا

قائلة :-

- طيب هنكمل بعدين

أنصرف "فؤاد" والمدير فجلست "ميادة"

على الكرسي بجوارها لتقول :-

- أنا مش هعطلك يا صباح هانم ، أنا ليا
طلب عندك وأتمنى تحققوهالى

- خير يا ميادة

قالتها "صباح" ببرود "لثجيبها "ميادة"
بترجى وأنكسار :-

- بنتى ميرا فين ؟ هى معاكى أنا عارفة ؟
رجعهالى أنتِ أم وعارفة الضنا غالى أزاى و
والله أنا مش عاوزه منكم حاجة ولا حتى
عاوزه يوسف يكتب الواد باسمه ولا
هتشوفنى أنا وبنتى تانى فى حياتكم كلها ،
بس رجعهالى

- أنا حذرتك أنتِ وبنتك بدل المرة مليون
ابعدوا عنى وعن ولادى ، نشفتوا دماغكم
جاية دلوقت تعيطى

قالتها "صباح" بحزم ، دمعت "ميادة" بحزن
وأنكسار :-

- أنا اسفة والله بس أبوس رجلك طمني
عليها ، رجعهالى حتى لو قتلتها اديهالى
أدونها بس أطمن عليها

صمتت "صباح" ببرودة قاتل ثم هتفت
بجدية قائلة :-

- أمشي يا ميادة أنا مش فاضية لك أنتِ
وبنتك

جلست "ميادة" على ركبتيها تقبل قدم
"صباح" بقلب أم يكاد يموت من القلق على
طفلتها وتُتمتم ببكاء :-

- أبوس رجلك طمنى قلبى بس عليها
وقفت "صباح" بقسوة وأشمئزاز منها وقالت
صارخة :-

- كان لازم تربيها كويس وتعلميها تبعد عن
يوسف بنجاستها وقذرتها ، أطلعى برا يا
ميادة وربنا وحده يعلم أنى لحد دلوقت
عاملة حساب لعضم التربة اللى يربطنا
ببعض لأن لولا جلال الله يرحمه كان زمانى
مولعة فيكى أنتِ وبنتك وجوزك

خرجت "ميادة" مُنكسرة وباكية وقلقها لم
يقل بل زاد أكثر على طفلتها المُختفية ،
وقفت "صباح" أمام النافذة تنظر للأسفل
بجحود قلب ، لم يحن قلبها حين ركعت
"ميادة" لها وقبلت قدميها من أجل طفلتها

....

_____ قصر الحناوى _____

- يا يوسف أصحى بقى

قالتها "نبض" بجدية وهى تشده من فانلته
السودة بينما هو نائمًا على صدره محتضن
الوسادة بذراعيه ، تتمم بعبوس :-

- روحى يا نبض ألعبى مع ابنك وسيبنى
أنام

- بقولك قوم يا يوسف بدل ما مولع فى
السريد

قالتها بلهجة غليظة قوية ، أستدار لها وهو
مُغمض عين وفاتح الأخرى بتذمر وقال :-

- عاوزه أيه يا نبض

أجابته وهى تضع الهاتف أمام عينيه بغضب
قائلة :-

- مين دى اللى عملت لاف على صورتك

نظر فى الهاتف بعيون شبه مُغلقة وقال :-

- تلاقىها واحدة من العملاء أو الموظفين

عندى

مسكته من فانلته بذراعيه بقوة شديدة وهى

تعرض على شفيتها بأغتيال وقالت :-

- نعم ياخويا موظفين عندك يعملوا لاف

أمال أنا أعملك أيه يا بيه شاى بلبن ولا

كيس جوافة

- أهدي يا نبضي مش لاف اللى يخليكى

كدة

جلست فوقه وأخرجت سكين من يدها وهى

تصرخ به قائلة :-

- أموتك يعنى ولا أعمل فيك أيه دى حتى

مش عاملة لايك عشان أديك موبد لا دى

عاملة لاف ... لاف يا يوسف

أُتسعت عينيه بذهول من شراسة زوجته
الرقيقة التي تحولت إلى شرسة بسبب
الغيرة ، مسك السكين بلطف وهو يقول :-

- أهدى يا نبض السلاح شاطر ، أنتِ
هتقتلنى ولا ايه

- أنا هطلع زمارة رقبتك وهزمر بيها يابتاع
اللافات أنتِ

قلب وضعيتهما بقوة جسده فى سرعة البرق
لتصبح هى أسفله كفريسته وجرحت
السكين يده بلطف ، نظر لها بقوة وانتصار
فأزدردت لعباها بأرتباك وهى تُغمغم :-

- يوسف أنا متعصبة دلوقت أبعد عنى
قرب رأسه أكثر منها وقال بنبرة دافئة :-

- أنتِ ايه ؟؟

شعرت بالقشعريرة تسير في جسدها وهى
تنظر بعيونه المغمورة بالحب وقالت بتلعثم

-:

- متعصبة !!

أقترب أكثر لتداعب أنفاسه الدافئة وجهها
ويده تلمس وجنتها بلطف وهو يعد سؤاله

مُجددًا :-

- أنتِ ايه؟؟

- أنا بحبك

قالتها بدون وعى وهى تنظر لعيونه وتشعر
بدفته ولمساته التى خدرتها ، تبسم بأنتصار
فهو يعلم بأن غيرتها ستخدم بالحب والدلال
، وضع قبلة على جبينها ثم على عينها
اليمنى بحُب لتغمض عينها بأستسلام
ورفعت يدها بيطء حتى أستقرت على

صدره ، تبسّمت وهو يقبل عينها الأخرى
لكن بسّمته لم تدوم كثيرًا حيث دفعته بقوة
على سهو بعيدًا عنها ليسقط على الفراش
فتفر هاربة منه ، مسك يدها قبل أن تركض
بعيدًا لتنظر له بخجل بعد إن أحمرت
وجنتيها بأستيحاء وزدات حرارة جسدها
فقال بنبرة مُثيرة :-

- نبضي !!

قشعر جسدها من نبرته ثم وضع قبلة في
قلب كفها لتقول بحُب :-

- يوسف قوم عشان تلبس وانا فرح مش
وقته

جذبها نحوه بقوته لتسقط بين ذراعيه
فطوقها بأحكام قبل أن تهرب منه وقال :-

- مش مهم الفرح أووى وبعدين حد قال
لصاحبتك تعمل فرحها بالنهار ما تعمله
لبيل زى خلق الله ، ولا هو قطع ازراق
وخلص

وضعت قبلة على لحيته برقة ويدها تداعب
وجنته الأخرى ثم قالت :-

- خلاص بقى يا حبيبي مش كل شوية
تقعد تتقمص

- عشان خاطرك بس يا نبضة قلبى بس ...

وضعت سبابتها على شفثيه وقالت بعفوية
:-

- يلا بقى يا يوسف أنا حضرتلك بدلتك
والحمام ، على ما تأخذ حمامك هكون
جهزت أنا

- ماشي يا قلب يوسف

قالها ثم قبل يدها ، تبسمت له بـُحب ثم
ذهبت إلى غرفة الملابس ، امطى جسده
بتكاسل ثم ولج إلى المرحاض اخذ حمامه
الدافيء وخرج فرأها تجلس أمام المرأة ولم
تغير ملابسها بعد فقال :-

- يعنى لسه ملبستيش

- كنت بأكل رحيم وبعدين خلصت الميك
أب أهو هلبس على طول

قالتها وهى تولج إلى غرفة الملابس ، نظر إلى
الفراش ليرى ملابسه هناك وحذاءه بجوار
الفراش ، بدل ملابسه سريعًا ووقف يربط
رابطة عنقه أمام المرأة ليقطعه صوت كعبها
العالى على الأرض ، نظر ليراها تخرج من
هناك مُرتدية فستان سماوى بكم طويل وله
ذيل أطول من الخلف وشعرها مسدول
على ظهرها والجانب الأيسر ، أقتربت نحوه

حتى وقفت أمام المرأة وقالت بدلاية وهى

تنظر لصورته فى المرأة :-

- بتبصلى كدة ليه ؟؟

- مش هتصدقى لو قولتلك أن طول ما أنتِ

موجودة مبقدرش اشيل عينى من عليكى

تبسمت بعفوية وقالت :-

- لا هصدق ، خلص لبسك على ما ألف

الطرحه عشان متأخرش

نظرت له بدهشة حين رآته يضع قلادة على

عنقها ، تبسمت بفرحة عارمة وهى تنظر له

فى المرأة ، أغلق القلادة ثم وضع قبلة على

عنقها دافئة وقال :-

- عجبتيك

- جميلة

وضع قبلة على رأسها من الخلف وقال :-

- أنتِ أجمل ما تراه عيني يا نبضى

أنهتوا من الأستعدادات وأخذها في سيارته
المرسيدس البيضاء طولها ٧ متر ، وصول إلى

الفندق فترجلت "نبض" مُتباطة ذراعه

ودلفوا معًا لتقول :-

- بابا اهو هروحله وأنت شوف زمايلك

ضغط على يدها بذراعه فنظرت له بجدية :-

- ايه يا يوسف ، الراجل بيشاورلك

- هوصلك لترابيزة باباكي وارجله مش أهم

منك يعنى وبعدين أنا محبش أسيب مراتي

تمشي لوحدها حد يعاكسها أو يضايقها

تبسمت وهى تسير معه إلى ترابيزة والدها ،

همس في أذنها بلطف :-

- بتضحكى ليه ؟

- عشان أنت رجل تجنن مفيش منك أتنين
وأنا بحسدنى عليك ، بسم الله ما شاء الله
يعنى عشان متتחסدش بجد ، بس بجد
أنت عوض ربنا عن كل حاجة فى حياتى وأنا
بعشقتك بجنان

تبسم وهو يستدير بها فقالت :- بتعمل ايه

- نروح البيت مش لازم الفرح اووى

قهقهت ضاحكة وهى تستدير به وتقول
بغرور مُصطنع :-

- الناس هيقولوا علينا مجانين ، أعقل بقى
الله وأتقل كدة مش معقول كل كلمة حلوة
تعمل فيك كدة الله بقى

- ههههه والله ما حد مجنون غيرك يا
دلوعتى أنتِ

تبسمت وهى تقرر ذراعه بيده وقالت

هامسة :-

- بس عشان وصلنا بقى وبابا بيبيص

- هيقدر يقول حاجة ، فى حاجة يا فؤاد

نظر "فؤاد" له بتعجب ثم قال :-

- لا مفيش حاجة

- يوسف !!

نظر لها بهدوء وقال :-

- اقعدى خمس وجايلك

سحب المقعد له فجلست ، تبسم لها ثم
رحل ليصافح مع رجال الأعمال آخرين ، فتح
باب القاعة وولجت "نادين" ، فتح الباب
الأخر وولج "كريم" ، نظر "كريم" لها وهى
تقف هناك بفستانها الأبيض وسط البنات

الصغيرة ، تقدم نحوها وهى فعلت مثله
حتى ألتقى فى المنتصف ، تبسمت له
بإشراق ليقول :-

- مجنونتى

- ايه رأيك فىا ؟ حلوة من غير كلام طبعًا
قالتها بعفوية فأجابها قائلاً :-

- لا أنتِ مش قمر أنتِ جنتى اللى مفيش
أحلى منها

وضع قبلة على جبينها ثم يديها وأخذ يدها
فى ذراعه ، تبسمت وهى تسير إلى الكوشة
وذهبت "نبض" لها بصحبة "يوسف" وبارك
لهما ...

منذ ثلاثة أشهر و"سارة" تجهز مكتبها
وتستعد لأفتتاحه ، وصلت إلى المكتب وكان
بأستقبال موظفيها القليلين بعدد ٧
موظفين ٤ فتيات و٣ شباب ، بدأت الزهور
تأتي إلى المكتب بالدعوات ، جاءت "نبض"
معها وجلست معها بالمكتب حتى جاءت
"صباح" و"يوسف" بعد قليل وجاء "مراد"
و"نانا" يشاركوها نجاحها ، أحتفلوا معًا
بتناول الكيك والمشروبات

- أنا في أنتظار أول سيزون ليكى يا سارة

- أكيد يا ماما متقلقيش

قالتها "سارة" بحماس ، تبسمت "صباح" لها

، قال "يوسف" :-

- حد يصدق أن سارة كبرت وبقيت مديرة

- لا طبعًا

قالها "مراد" بغرور ، نكزته في ذراعه بقوة
فقطعهما وصول شاب يحمل باقة زهور ،
أخذته منه وفتحت الكارت لتجد جملة غريبة
تعجبت منها وكان محتواه (أحسنَتِ صنَعًا
يا فتاتي) ، لم تفهم هذه الجملة فحياتها بلا
رجل ، لم يدخل حياتها رجل منذ أيام
الجامعة فكيف تكون فتاته ، وضعت الكارت
في جيبها قبل أن يلاحظ أحد شيء ، تبسمت
وعادت إلى المكتب ، رن هاتف "صباح"
باسم "تهانى" فأبتعدت قليلاً عن الجميع
وقالت :-

- أيوة يا تهانى .. بتقولى أيه ... طيب جاية
أغلق الخط وعادت إلى الجميع وحملت
حقيبتها استوقفها "يوسف" قائلاً :-

- على فين يا أمى ؟

- مشوار وهتأخر شوية

قالتها وخرجت مُسرعة وأجرت أتصل بـ
"ميادة" وحين فتح الخط قالت جملة قصيرة
فقط :-

- تعالى عشان تأخدي بنتك يا ميادة
انطلقت السيارة بها إلى الفيلا ...

وصلت "ميادة" إلى مستشفى الجلاء
ووجدت "صباح" جالسة أمام غرفة العمليات
لتسرع نحوها بقلب مفروط من الوجد
والانتظار ثم قالت :-

- بنتي فين ؟

- فى العمليات

- متعرفيش يا نبض أنا عملت أيه عشان
اوصل للنجاح دا

قالتها "سارة" وهى تنزع حذاءها ذات الكعب
العالى ، نظرت حولها لهدوء القصر تمامًا
وقالت :-

- هى ماما مرجعتش لسه ؟

- قالت هتتأخر ، هتتعشي يا حبيبي

قالتها "نبض" وهى تنظر له فتبسم لها وقال
:-

- أنا بشبع لما بشوفك وأشوف الضحكة دى

مسكت وجهه بين كفيها وقالت بدلاية :-

- يا روحى عليك يا قلبى ، ربنا ما يحرمنى
منك أبدًا

تأففت "سارة" بتذمر قائلة :-

- نحن هنا ها ، راعوا انى سنجل يا جماعة
- وأنا مين يراعينى وأنا مراتى حلالى واحشانى
قالها وهو يداعب وجنتها بلطف فقالت
بدلالية :-

- وأنا والله مُشتاقة لك كتير أووى يا حُبى
ونفسي أحضنك بس احتك واقفة زى
المحرم مش عارفة ليه

اخذها إلى حضنه بسعادة ودلالية ثم قال :-
- اختى ايه بس ، إحنا مراعينها كتير كفاية
كدة عليها

تذمرت "سارة" عليهما وقالت بأختناق
مُصطنع :-

- لا دا أنتوا هتجبولى نقطة
تجاهل حديث أخته فقال :-

- ايه يا نبضي مالك ، رجلك وجعاكى

- شوية يا حبيبي

حملها على ذراعيه بـحب وقال :-

- نطلع

أومأت له بـحب ، أستدار كى يصعد بها لكن
استوقفه بكاء طفل يأتى من تجاه الباب ،
أستدار ليرى "صباح" توجل للقصر حاملة
طفل راضع صغير جدًا على ذراعيها ، أنزل
"نبض" أرضًا ونظر بأستغراب لوالده وفعلت
"نبض" و"سارة" المثل ، سألت "سارة"
بتعجب :-

- أيه دا يا ماما ، مين دا ؟؟

نظرت "صباح" إلى "يوسف" و"نبض"
وقالت :-

- دى بنت يا سارة

- ايوة بنت مين وجايبها هنا ليه؟؟

تقدمت نحو "يوسف" بهدوء وقالت :-

- بنتك يا يوسف

أتسعت عينيه بصدمة قاتلة ألجمته وشعر
"نبض" تسحب يدها من قبضته بصدمة
هى الأخرى وقالت بتلعثم وعدم تصدق :-

- بنت مين؟؟

- بنت يوسف من ميرا ، وميرا ماتت يعنى

البنت مالهاش غير ابوها يا نبض

نظرت "نبض" له وقالت بسخرية :-

- بنتك يا يوسف بيه

نظر "يوسف" لها بصدمة ما زال لا يُصدق

ما سمعه لتو من والدته فنظرت "صباح"

لهما مُنتظرة حديثهما أو حتى قبوله بطفلته
أو رفضها لكنه لم يتحدث فقط ينظر إلى
"نبض" التي دمعت عينيها بحزن شديد ، لم
يستطيع الحديث أمام قسوة حديث عينيها
له ، وضعته والدته في أصعب اختبار قد يمر
به بين نبضه وبين طفلته الرضيع ذات عمر
السنوات يتيمة الأم ولم يتبقى لها سواه هو
فقط والدها ، إذا أختار هذه الطفلة سيخسر
نبضه ومحبوبته وهكذا سيخسر "رحيم"
طفلها ، وإذا أختار "نبضه" من سيرعى
طفلته التي ولدته للتو وتوفت والدتها ..
شعرت "نبض" بغصات في قلبها تؤلمها
بقوة وهى تحرق بعينيها بعتاب ولؤم فهو
من وضعها بتلك الاوجاع هو من خضع
لأمرأة اخرى وجلب منها طفلة تكسر قلب
محبوبته هو

علمت "صباح" أن ابنها يعشق هذه النبضة
ومهما كان الخيار سيكون أختياره فى النهاية
هو "نبض" حتى أن كانت حياته وليس طفلة
، دوّمًا ستكون "نبض" هى عالمه وخياره
الذى لا حدود له ولا مفر منه ... فقد عثر هذا
الملك على الحب حتى تمكن منه بعد أن
كان ملك فقيد الحب

... النهاية ...